

საქართველოს კულტურის სამინისტრო  
სონის მხარეთმცოდნეობის მუზეუმი

აკეთანდრილ ფაილოძე

# მატიანე სონისა

ნაწილი მეორე



გამომცემლობა „ალიონი“  
ბათუმი - 2003

ავტორი მაღლობას უხდის დემოკრატიული  
აღორძინების ქვეყნის თავმჯდომარეს, აჭარის  
ავტონომიური რესპუბლიკის მეთაურს ბატონ  
ანლან აბაშიძეს, მხარდაჭერისა და ნიშნის გამო-  
ცემის გარეშე დახმარებისათვის.

© გამომცემლობა „ალიონი“ - 2003

ISBN - 999 28 - 43 - 82 - 9

## რედაქტორთაგან

ავთანდილ ფაილოძე ჩვენთვის კარგად ცნობილი პიროვნებაა. ორ ათეულ წელზე მეტია ნაყოფიერად მუშაობს საქართველოსა და ხონის რაიონის ისტორიული წარსულის შესასწავლად. ამაზე ნათლად მეტყველებს მისი პუბლიკაციები, ცალკეული მეცნიერული სტატიები თუ სოლიდური მონოგრაფია ("მატიანე ხონისა" 1998 წ., "ხონის თეატრალური ქრონიკები", 2000 წ.)

განსაკუთრებით აღსანიშნავია ავთანდილ ფაილოძის დამსახურება ხონის განთქმული წმიდა გიორგის ეკლესიისა და მის სიძველეთა შესწავლის საქმეში. სწორედ ამ თემას ეძღვნება ნაშრომის ძირითადი ნაწილი ამ წიგნში.

ხონის ეკლესიის წარწერების შესახებ ყურადღება გამახვილებული აქვს ბევრ ქართველ და უცხოელ ისტორიკოსს. მათ აღრიცხეს წარწერების ნაწილი, მაგრამ გაშიფვრა სპეციალური კვლევის საგნად არ გაუხდიათ.

ბატონმა ავთანდილ ფაილოძემ, თავისი წინამორბედებისაგან განსხვავებით, შეისწავლა არა მარტო ის წარწერები, რაც ქვემოდან ჩანდა, არამედ სპეციალური ამნეს საშუალებით თუ მაღალი კიბეების დახმარებით, და რაც მთავარია, არა ერთჯერადი დათვალიერებით, არამედ ხანგრძლივი დაკვირვების შედეგად, დეტალურად შეისწავლა ნაგებობის ყოველი გოჯი, გადმოიღო ყველა წარწერა და სხვაგვარად ნაიკითხა ზოგი ცნობილი წარწერა და შემოგვთავაზა, ჩვენი აზრით, საკმაოდ არგუმენტირებული დასკვნა, რომ ტაძარი მერვე საუკუნეშია აგებული. ეს სერიოზული მეცნიერული სიახლეა და აუცილებელია მას სპეციალისტები და ფართო საზოგადოებრიობა გაეცნოს. ნაშრომში სხვა ბევრი ანგარიშგასაწიფი მოსაზრებაა გამოთქმული, რაზედაც სიტყვას აღარ გავაგრძელებთ.

ავტორის სურვილია, რაიონის და საერთოდ, ვაკე-იმერეთის ისტორია მკითხველს გააცნოს ლაკონური ფორმით, მოიმარჯვოს და გამოიყენოს საარქივო, პუბლიცისტური, ფოლკლორული და ეთნოგრაფიული მასალები, წარმოადგინოს ტაძრის ისტორია. ამ საქმეში იგი იყენებს ქართულ და უცხოურ სამეცნიერო ლიტერატურას და ზოგჯერ გვთავაზობს ჩვენი აზრით საფუძვლიან, გაბედულ მოსაზრებებს ამა თუ იმ საკითხზე. ვფიქრობთ მეცნიერთა მსჯელობის

საგანი უნდა გახდეს პონოგურის - უნაგირასა და მოხირის - მუხურისის ლოკალიზაციის ავტორისეული ვერსია. ამ პირველ საკითხს ავტორი განიხილავს წინამდებარე წიგნში. საკითხთა განხილვა ეფუძვნება ვრცელ სამეცნიერო ლიტერატურას.

ავტორი განიხილავს რა ხონში გავრცელებული გვარების წარმომავლობას, უმეტეს შემთხვევაში სწორი დასკვნები გამოაქვს. ამიტომ ავტორის თხრობა იმსახურებს ნდობას, დასკვნები საიმედოობას და ყურადღებას.

ავტორს საგანგებოდ შეუსწავლია ქვემო იმერეთის სოფლის მეურნეობა, საგადასახადო სისტემა, სამონასტრო, საკათალიკოსო და სამეფო გლეხთა რაოდენობა და ზომა-წონის ერთეულები საგადასახადო სისტემაში, რაც უმდიდრეს ფაქტებს შეიცავს მხარის სოციალურ-პოლიტიკური ისტორიის შესახებ.

წიგნი თხუთმეტი თავისაგან შედგება და თან ყოველ გვერდს ახლავს სათანადო სამეცნიერო ლიტერატურა.

უთუოდ მადლობის ღირსია ბატონი ავთანდილი, რომელიც აგერ უკვე 25 წელია სწავლობს იმერეთის ისტორიულ წარსულს, იკვლევს და იცავს საქართველოს ისტორიისა და კულტურის ძეგლებს, მონაწილეობს კულტურულ-საგანმანათლებლო დაწესებულებების დაარსებაში და კვლავაც დიდის ენერგიით ეწევა სამეცნიერო და საზოგადო მოღვაწეობას.

რაც შეეხება წერილმან ნაკლოვანებებსა და ხარვეზებს, ავტორს პირადად ვესაუბრეთ მათ შესახებ და წიგნის საგამომცემლო სრულყოფისას ის გასწორებული იქნება. ამასთან, უმნიშვნელო ხარვეზები სულაც არ ამცირებს ნაშრომის სამეცნიერო მნიშვნელობას.

ამრიგად, ავთანდილ ფაილოძის "მატიანე ხონისა", მეორე ნაწილი სერიოზული გამოკვლევაა და მისი გამოცემა სასარგებლო და საჭირო საქმეა.

გივი ელიავა - მარტვილის ეროვნული მუზეუმის დირექტორი, ისტორიულ მეცნიერებათა კანდიდატი, საქართველოს ეროვნული და სოციალურ ურთიერთობათა აკადემიის წევრი, აკადემიკოსი.

პეტრე ვაჭრიძე - ქუთაისის სახელმწიფო უნივერსიტეტის საქართველოს ისტორიის კათედრის დოცენტი.

2001 წლის თებერვალი.

## ავტორისაგან

ნიგნში ვრცელადაა საუბარი ხონის სოციალურ-პოლიტიკური ისტორიის ძირითად საკითხებზე.

იმერეთის ეპისკოპოსმა სოფრონოსმა, 1835 წელს ქუთაისში გადაატანინა ხონის საყდრის წერილობითი ძეგლები და მთავარეპისკოპოს ანტონ ჩიჯავაძის ბიბლიოთეკა.

ამ ხელნაწერთა უმეტესობა დღეისათვის შესწავლილი და გამოცემულია. მაგრამ ზოგიერთი მათგანი შეიცავს ძვირფას მინაწერებს სამონასტრო ცხოვრების შესახებ, რაც საშუალებას გვაძლევს დავაზუსტოთ ზოგიერთი მთავარეპისკოპოსის, კალიგრაფის და მონასტრის სწავლული ბერის მოღვაწეობის თარიღები. ეს საკითხიც მეცნიერული სიახლეა.

ნიგნი იმითაც არის აქტუალური, რომ ხონის საყდრის სამწიგნობრო ტრადიციები ამ კუთხით მთლიანად არ არის შესწავლილი.

დოცენტმა პეტრე ვაჭრიძემ ხონის ისტორიას მიუძღვნა სამი მონოგრაფია, პირველი 1977 წელს ("ქალაქ წულუკიძის ისტორიიდან"), მეორე 1998 წელს ("ხონის ისტორიიდან"), მესამე 2001 წელს ("ხონის სამასწავლებლო სემინარია").

მეორე ნაშრომში ფეოდალური ხონის ისტორიას მიუძღვნა სულ 50 გვერდი.

ავტორმა საარქივო და პუბლიცისტურ მასალებზე დაყრდნობით, დანერჩილებით წარმოადგინა მთელი მეცხრამეტე საუკუნე, მეოცე საუკუნის პირველი მეოთხედი და უფრო მოკლედ დანარჩენი დრო.

ამასთან, ავტორს თავს მოახვედს ზოგიერთი უხეირო დამატება "ხონური მოზაიკის" სახით.

პირადად მე, 1984 წელს ხონის შესახებ გამოვაქვეყნე მცირე მონოგრაფია - "წულუკიძის რაიონის ისტორიიდან", 1998 წელს ხონ-სამტრედიის ეპისკოპოსის, მეუფე საბას დახმარებით და ლოცვა-კურთხევით გამოვეცით ნაშრომი "მატიანე ხონისა", პირველი ნაწილი, რომელშიც ხონის ისტორიის ამსახველი ექვსი თავი შევიტანეთ.

2002 წელს, ხონის პატრიოტის, ბატონ ჯემალ უგულავას დახმარე-

ბით, გამოვეცით "ხონის თეატრალური ქრონიკები", რაც მკითხველმა გულწრფელად მიიღო.

გამოუქვეყნებელი დაგერჩა ქალაქ ხონის ისტორიის ძირითადი - ფეოდალური პერიოდი. ეს წიგნი მიზნად ისახავს ამ ხარვეზის შევსებას.

წინამდებარე ნაშრომი "ქართლის ცხოვრების", "ქართული საისტორიო საბუთების", "ქართული საეკლესიო საბუთების", აგრეთვე უცხოური სპეციალური ლიტერატურიდან ამოკრებილი ცნობების მოშველიება-მომარჯვებით არის შედგენილი. ვცდილობთ გავაშუქოთ "მცირე ქალაქის" - საეკლესიო და სავაჭრო ცენტრის - ხონის სოციალურ-პოლიტიკური ისტორიის, განათლებისა და კულტურის საკითხები. ის იწყება მეექვსე საუკუნიდან და მთავრდება 1820 წლის ამბებით. მეფის რუსეთისაგან იმერეთის სახალხო ამბოხების დათრგუნვით, რაც არ გახლავთ შემთხვევითი. ამ პერიოდიდან, დოცენტ პეტრე ვაჭრიძის ნაშრომი საუკეთესო მასალებს შეიცავს, მე-20 საუკუნის მეორე მეოთხედამდე. ამიტომ ჩვენ ყურადღება არ გავამახვილეთ ამ საკითხებზე.

რაც შეეხება იმერეთის ისტორიის მეოცე საუკუნის ხარვეზს, ჩვენ მის გასრულებას ვანდობთ ახალგაზრდა სპეციალისტებს.

ამრიგად, წინამდებარე წიგნში საუბარია ხონის ისტორიაზე - მეექვსე საუკუნიდან მეცხრამეტე საუკუნის მეორე ოცწლეულამდე.

გვწამს ის გულთბილად იქნება მიღებული.

ა. ფაილოძე

## ავთანდილ ფაილოძე

ავთანდილ ფაილოძე დაიბადა 1951 წლის 27 მაისს, მარტვილის რაიონის სოფელ ზედა ხუნწში, პედაგოგთა ოჯახში.

მამამისი, გიგო ფაილოძე წლების განმავლობაში მუშაობდა ხონის რაიონის სოფელ სუხჩის რევანლიანი სკოლის ისტორიის მასწავლებლად, ბოლოს კი დირექტორად.

დედა - თინათინი, მათხოველ ძიძიგურთა შთამომავალი ქართულ ენასა და ლიტერატურას ასწავლიდა სუხჩის სკოლაში.

ამჟამად ისინი პენსიონერებია.

წიგნისადმი სიყვარული და მიდრეკილება ოჯახში, მშობლებმა გაუღვიძეს. 1966 წელს ა. ფაილოძემ დაამთავრა ზედა ხუნწის რევანლიანი სკოლა, 1968 წელს კი მათხოჯის საშუალო სკოლა. გამოირჩეოდა ჰუმანიტარული საგნებისადმი მიდრეკილებით, რაც კიდევ უფრო გაუღვივეს პედაგოგებმა: ავერიონ ბობოხიძემ, მიტუშა ფირცხალავამ, შოთა მელაძემ.

1969-70 წლებში ა. ფაილოძე რიგით კოლმეურნედ მუშაობდა ხუნწის კოლმეურნეობაში, ხოლო 1970 წელს ჩაირიცხა ქუთაისის პედაგოგიური ინსტიტუტის ისტორია-ფილოლოგიის ფაკულტეტზე, დაუსწრებელ განყოფილებაზე, რის გამოც სამხედრო სავალდებულო სამსახურში გაინვიეს - არხანგელსკის ოლქის კონოშის რაიონში დისლოცირებულ შინაგანი სამსახურის ჯარებში. ის ჩვეული სიბეჯითით ეკიდებოდა სამხედრო საქმეს, რის გამოც მრავალი მადლობით და წარჩინებული სამსახურის სამკერდე ნიშნით იქნა დაჯილდოვებული.

1977 წელს ა. ფაილოძემ წარჩინებით დაამთავრა ინსტიტუტი (ახლა უნივერსიტეტი). მისი პედაგოგები იყვნენ: ლევან სანიკიძე, დავით ჯანელიძე, არკადი გოგუაძე, პეტრე ვაჭრიძე, გივი ელიავა და სხვები.

1973 წლებში ასწავლიდა ისტორიის სუხჩის რევანლიან სკოლაში, საიდანაც რაიონის ხელმძღვანელობამ გადმოიყვანა ქალაქ ხონის მხარეთმცოდნეობის მუზეუმის მეცნიერმუშაკად (დირექტორის მოადგილედ).

აქაც ჩვეული სიბეჯითე გამოიჩინა. მისი ხემძღვანელობით მუზეუ-

მის მუშაკები ხშირად ანყობდნენ სამეცნიერო და შემგროვებლობითი ხასიათის ექსპედიციებს ქვემო იმერეთში. გროვდებოდა ტოპონიმები, ჰიდრონიმები და ონომასტიკონი. ივსებოდა შესაბამისი სოფლების რუქები. ფოტოზე გადადიოდა ბუნების და მატერიალური კულტურის ძეგლები. გროვდებოდა ფოლკლორის, ოქრომჭედლობისა და ეთნოგრაფიის ბრწყინვალე ნიმუშები. 1979-80 წლებში იმავე მუზეუმის დირექტორის თანამდებობაზეა. ათასობით იზრდება ექსპონატთა და დოკუმენტთა რაოდენობა.

მუზეუმში საფუძველი ჩაეყარა სამეცნიერო-პრაქტიკული კონფერენციების, სესიების, მოძრავი გამოფენების, ვიქტორინა-კონკურსების ჩატარების პრაქტიკას.

აკუთარი ინიციატივით უტარებდა მოსწავლე-ახალგაზრდობას ღონისძიებებს.

ამ საქმიანობაში მის გვერდით იდგნენ: მანანა ჯოხიძე, ჯულიეტა ბახტაძე, თემურ ბახტაძე, მანანა ცაგარეიშვილი, ადელი მესხი. მათი დახმარებით საჯარო ბიბლიოთეკებში ნაპოვნი და ამონერილი იქნა ასობით სა. წიგნებსო მასალა იმერეთის ისტორიის შესახებ.

1981 წელს ა. ფაილოძე გადაყვანილ იქნა პარტიის ხონის რაიკომის პროპაგანდისა და აგიტაციის განყოფილების ინსტრუქტორად. სათავეში უდგა წიგნის მოყვარულთა ნებაყოფლობითი საზოგადოების რაიონულ გამგეობას, აქტიურად მონაწილეობდა საზოგადოება "ცოდნის" რაიონული გამგეობის მუშაობაში, მეთოდურად ეხმარებოდა რაიკომის ლექტორთა ჯგუფს, ისტორიისა და კულტურის ძეგლთა დაცვის რაიონულ ორგანიზაციას. დიდი ენერჯია შეაღია საეკლესიო ნივთების და ეკლესიების დაცვისა და რესტავრაციისათვის საბუთების მომზადებას.

1976 წელს გამოაქვეყნა პირველი პუბლიცისტური წერილი და ამის შემდეგ აქტიურ პუბლიცისტად ყალიბდება. აქვეყნებს სტატიებს რესპუბლიკურ ჟურნალ-გაზეთებში. 1981 წელს გამოსცა რაიონის მეგზური რუსულ-ქართულ ენებზე. 1984 წელს რაისაბჭოს აღმასკომის თავმჯდომარის, ბატონ ჯუმბერ კალანდაძის დახმარებით გამოსცა პირველი სერიოზული მონოგრაფია - "ქალაქ წულუკიძის ისტორიიდან". ეს ნაშრომი უსასყიდლოდ იქნა გავრცელებული რაიონის მოსახლეობაში.

1983-86 წლებში ბატონი ა. ფაილოძე მსახურობდა ხონის ჩაის



მეურნეობის პარტიული კომიტეტის განთავისუფლებულ მდივნად.

1986 წელს, რაიონის ხელმძღვანელობის თხოვნით, უსასყიდლოდ მონაწილეობდა სახელოვანი დრამატურგის პოლიკარპე კაკაბაძის სახლმუზეუმის ექსპოზიციის მოწყობაში.

1987 წელს კულტურის განყოფილების გამგის ანტონ კიკნაძისა და ქალბატონ ნორა მამფორიას დახმარებით, აგრეთვე, სრულიად უსასყიდლოდ, არაფრისაგან შექმნა ცნობილი სოციალ-დემოკრატი პუბლიცისტის, ალექსანდრე ნულუკიძის სახლმუზეუმი სოფელ ივანდიდში.

1987 წელს ავთანდილ ფაილოძემ საკუთარი ხარჯით გამოსცა ბროშურა "ივანე შარაშიძე", რასაც ზედ დაერთო ფულის ინფლაცია. ამიტომ ავტორმა გააერცვლა რა სამი ათასი ცალი, უარი განაცხადა კუთვნილი გასამრჯელოს მიღებაზე.

1987-90 წლებში, რაიონის ხელმძღვანელობამ მას მიანდო ხონის "დოსააფის" რაიკომის თავმჯდომარის თანამდებობა.

1991-94 წლებში მსახურობდა ხონის რაიონული გამგეობის კანცელარიის გამგედ, არჩეული იყო ქალაქის საკრებულოს დეპუტატად.

1995 და 1999 წლებში, ორჯერ, ბატონ ანტონ კიკნაძესთან ერთად სრულიად უფასოდ განაახლა დრამატურგ პოლიკარპე კაკაბაძის სახლმუზეუმი. შეავსო ის ახალი ფოტომასალით და მწერლის პირადი ნივთებით.

1998 წელს მიზერული ანაზღაურების მიღებით, რაიონის ხელმძღვანელობის თხოვნით გახსნა პოეტი-აკადემიკოსის ირაკლი აბაშიძის სახლმუზეუმი ხონში, რომლის დირექტორად მსახურობს ამჟამადაც.

1995-96 წლებიდან ბატონი ავთანდილი ქალაქის მეორე, შემდეგ პირველი საშუალო სკოლების ისტორიისა და სამხედრო საქმის მასწავლებელია. მიენიჭა უმაღლესი კატეგორია. ეხმარება მოსწავლე ახალგაზრდობას და სტუდენტებს. ყოველწლიურად გაჰყავს მოსწავლეები ზონალურ და რესპუბლიკურ სამეცნიერო-შემოქმედებით კონფერენციებზე, რის გამოც რამდენჯერმე დაჯილდოვდა. ხშირად მიმართავენ თხოვნით კონსულტაციისათვის, და ყველას შესაძლებლობის ფარგლებში ეხმარება.

1998 წელს ხონი-სამტრედიის ეპარქიის ეპისკოპოსის, მეუფე საბას

დახმარებითა და ლოცვა კურთხევით გამოსცა ნიგნი "მატიანე ხონისა"- პირველი ნაწილი.

2000 წელს ხონელი პატრიოტის - ბატონ ჯემალ უგულავას დახმარებით გამოსცა ახალი მონოგრაფია - "ხონის თეატრალური ქრონიკები".

ბატონი ავთანდილი ამჟამადაც მხნედ ეწევა სამეცნიერო, პუბლიცისტურ და პედაგოგიურ საქმიანობას. აქტიურად მონაწილეობს რაიონის საზოგადოებრივ ცხოვრებაში, საიუბილეო ღონისძიებებში, გამოჩენილ ადამიანებთან შეხვედრებში, ახალი ნიგნების პრეზენტაციაში.

საქართველოს მეცნიერებათა აკადემიის ისტორიისა და ეთნოგრაფიის ინსტიტუტში წარდგენილი აქვს სამეცნიერო მინიმუმი და სადიქსერტაციო ნაშრომი. ძველი ენთუზიაზმით იღრმავებს ცოდნას რუსულ და მეგრულ ენებში, რაც სამეცნიერო მუშაობისათვის აუცილებელ პირობად მიაჩნია.

გასული 25 წლის განმავლობაში მას ურთიერთობა ჰქონდა რაიონის მრავალ გამოჩენილ ადამიანთან, მონაწილეობდა მათ იუბილეებში.

ა. ფაილოძე არის კარგი მეოჯახე, მასპინძელი და თამადა, დაჯილდოებულია ღირსების ორდენით.

მისი მეუღლე - მანანა ჯოხაძე ხონის მხარეთმცოდნეობის მუზეუმის დირექტორია. მან დალუპვასა და დატაცებას გადაარჩინა ქართული ხელოვნების რამდენიმე საინტერესო ძეგლი...

ა. ფაილოძეს ჰყავს ორი ქალიშვილი, რომელთაგან უფროსი ამთავრებს უნივერსიტეტის და მამას ეხმარება ნიგნების კორექტურაში. ამჟამად ბატონ ავთანდილს დაბადებიდან 52 წელი უსრულდება.

ვუსურვოთ ჯანმრთელობა, ოჯახური ბედნიერება და წარმატებები საზოგადოებრივ და სამეცნიერო საქმიანობაში..

მეგობრები

# თავი პირველი

## ხონის მიდამოთა ისტორიულ- კულტურული მიმოხილვა

ხონის რაიონის ტერიტორია მდინარე ცხენისწყლის ხეობაში და მის აღმოსავლეთ მხარეზეა გაშლილი. ცხენისწყალი შუაზე ყოფს რაიონის მთიან ზონას. დასავლეთით რჩება კინჩხა, გორდი, ნოღა, ღვედი, დიდღვაბუნა, ხოლო აღმოსავლეთ მხარეზე სოფლები: ძეძილეთი, ორაგვეთი, გვაშტიბი, გელავერი და ღვედის ნაწილი. რაიონს დასავლეთიდან ესაზღვრება მარტვილის, სამხრეთ-დასავლეთით აბაშის, სამხრეთით სამტრედიის, აღმოსავლეთით წყალტუბოს, ხოლო ჩრდილო-აღმოსავლეთით ცაგერის რაიონები.

წულუკიძის რაიონის ტერიტორია 428,5 კვ. კმ-ია და გეოგრაფიულად მოქცეულია აღმოსავლეთ განედის 42° 22'-1 და 342° და 37'-სა და ჩრდილო განედის 42° 14' და 42° 35' შორის.

მკვეთრად გამოხატული ვერტიკალური ზონალობის გამო რაიონის ტერიტორია ხასიათდება მრავალფეროვანი ფიზიკურ-გეოგრაფიული და კლიმატურ-ნიადაგობრივი თავისებურებებით. გამოირჩევა ბარის, მთის წინა და მთის ზონები. მთის ზონა წარმოდგენილია რაიონის ჩრდილოეთ ნაწილში, მთის წინა - რაიონის ტერიტორიის ცენტრში: ჩუნეშში, ბესიაურში, სუხჩასა, ხიდსა, ახალბედისეულსა და მათხოჯში. ბარის ზონა კი - რაიონის სამხრეთში და წარმოადგენს კოლხეთის დაბლობის ჩრდილო-აღმოსავლეთ გაგრძელებას, რაიონის ტერიტორიის 58% მთაგორიანია. ყველაზე დაბალი ადგილი სოფელი ქუტირი ზღვის დონიდან 62 მ-ზე მდებარეობს, ხოლო ყველაზე მაღალი მწვერვალი ასხის პლატოზე კი - 2436, 7 მ-ია. მთიანეთიდან ყველაზე შორს ბარისაკენ წამოზრდილია ობოდირის ქედი (მათხოჯში), რაიონის ჩრდილო-დასავლეთის მთიანეთი დიდღვაბუნა, ნოღა, თურჩუს და სუხჩის მთები ეგრისის ქედის სამხრეთი კალთებია. მთის ზონა ფოთლოვანი ტყეებითა და ბუჩქნარებითაა დაფარული, სადაც იზრდება: რცხილა, თელა, ნაბლი, ველური მსხალი, კაკალი, ნიფელი,

ფიჭვი, მუხა, თხმელა, აკაცია და სხვა. ტყეების ფართობი 16000 ჰა-ს აღემატება, სახნავე-სათესი 5900 ჰა-ზე მეტია, მრავალწლიანი ნარგავები 2093, ხოლო საძოვრები დაახლოებით 1360 ჰა-ს უდრის. ასხის ალპურ საძოვრებზე ზაფხულში უძველესი დროიდან დგას ჯოგი.

გორდი, კინჩხა და ლვედი თავისი თვალწარმტაცი ბუნებით, ანკარა წყაროებით, ხასხასა მდელოებით და ჯანსაღი ჰაერით დასასვენებელი ადგილებია. ლამაზ ბუნებას ალტაცებაში მოუყვანია რუსეთის მეფის მოხელე ბოროზდინი, რომელიც მეცხრამეტე საუკუნეში კინჩხას ასე აგვიწერს: "ბუნება საუცხოოა, აქ ფიჭვი და ნაძვი იზრდება და უზარმაზარებიც, ერთი ვერსის მანძილზე სოფლამდე ძალაუნებურად ჩერდები და თვალი ვერ მოგიწყვეტია კალმით დახატული სანახაობი-სათვის. დაახლოებით ასი საუენი ღრედან, რომელიც გადმოსცქერის ფართო მინდორს ჩამოქუხს მთის მდინარე ოკაცე, ზევით ფართე ბაფთის მსგავსი წყალი ჩამოშვების დროს თანდათან ვინროვდება და ბოლოს აურაცხელ წინწკლებად იბნევა... შვეიცარიაში ასეთი კუთხე როდესაც გამოჩნდება სადმე, მაშინვე მთელი ქალაქი გაშენდება ტურისტების ფულებით, მაგრამ კავკასია ჯერ-ჯერობით მიუწვდომ-ლად მალავს თავის მშვენიერ ადგილებს". (აქ ბოროზდინს ნაბეჩოს წყალი ოკაცედ მიუღია).

შესანიშნავი ბუნებრივ-ისტორიული ძეგლია კიბულა. მასიური ბუნებრივი პიტალო კლდით შემოზღუდული დიდი, დამრეცი ველი, რომელსაც გვირგვინად ეკვრის დასავლეთიდან ნაბეჩოს ას საუენიანი ჩანჩქერი და სამი მხრიდან კი კლდეები. ეს უნდა იყოს ადრეფეოდალური ხანის ეგრისის მეფეთა საზაფხულო რეზიდენცია, რაზედაც მიუთითებს მისი გრანდიოზული მასშტაბი და ტოპონიმები: "ნადარბაზევი", "ციხისკარი". აქვე ნაპოვნია სპილენძის ზოდები, ბრინჯაოს ვერძი, გრიფონი, ძვ. წ. აღ.-ით მესამე საუკუნის ეგრისის მეფის აკეს მონეტა სტატერი. მის ქვევით ორას ნაბიჯზე ქრისტიანული ხანის ადრეული პერიოდის აკლდამებია ამოშენებული, ზედ კლდის ქიმზე ნაპოვნია თამარ მეფის და რუსუდანის სპილენძის მონეტები.

თვალწარმტაცი სანახავია მდინარეების ცხენისწყლისა და ოკაცეს ხეობები.

"ხოლის ქვეყანას" აღმოსავლეთიდან საზღვრავს მდინარე გუბის-

წყალი, ორი პატარა მდინარის - სემისა და ყუმის შეერთების ნაყოფი.

ბარის ზონის სოფლები გაშლილია 62-200 მ-ზე ზღვის დონიდან, მთის წინა ზონის - 200-დან 500 მ-მდე, ხოლო მთის ზონის - 500-დან 1000 მ-ზე. რაიონი ჩრდილოეთიდან სამხრეთისაკენ 42 კილომეტრზე გრძელდება, მისი მაქსიმალური განი სამხრეთშია და 17 კმ-ს უდრის, მინიმალური სივრცით რაიონის ჩრდილოეთია და 7 კმ. უდრის. სასარგებლო წიაღისეულიდან ღვედში უხვად მოიპოვება ბარიტი, სპილენძი და ცემენტი მოიპოვება კინჩხაში.

ჩრდილო მხარეს, ასხის მთაზე, მდინარე ტობის აუზში მდებარეობს "არსენ ოქროჯანაშვილის მღვიმე". იგი სოფელ ბალდიდან (მარტვილის რაიონი) 4-5 კმ-ზეა. ასხის კარსტული პლატოს სამხრეთ სექტორში მღვიმე 850 მ-ზე იკეტება სიფონური ტბით, აქვს განშტოებები. ჯგუფი სიგრძე 1150 მ-ია, დამშვენებულია ულამაზესი სტალაქტიდებით, ფირფიტისებრი, ნეკნისებრი და სხვა ფორმის სტალაგმიტებით და სვეტებით, გაედინება მინისქვეშა ნაკადი.

აღსანიშნავია, აგრეთვე, ჭირკარის მღვიმე მათხოჯში, სათევზიის - ძეძილეთში, ბოგას - გორდში, წმიდალიანის და ღვალბაჯანის - კინჩხაში, ქვაბიკარის ღვედში. წმიდალიანთან შეიმჩნევა უძველესი მეტალურგიის კერა. ეს გამოქვაბული ხალხში ცნობილია, როგორც ბოროტი სულების სამყოფელი. ხოჩოლსა და ეკლესიანის მიდამოებში (კინჩხა) ნაპოვნია ნეოლითის ხანის ადამიანის საცხოვრისი ინვენტარი. ბრინჯაოს ხანის ნამოსახლარები მიკვლეულია პატარა ჯიხაიშის, ქუტირის, გუბის და კუხის გორა-სამარხებთან, აგრეთვე კინჩხაში - ხოჩოლთან. კინჩხაში ტარეშის ეკვდერთან დღესაც ამაყად დგანან წარმართული ხანის ათასწლოვანი ურთხელები, ბომონები, რომლებსაც ხალხი ეხლაც რიდით და პატივისცემით ექცევა.

რაიონის ტერიტორია დიდი ისტორიული და ისტორიულ-რევოლუციური წარსულის მხარეა. დღესაც შემორჩენილი ბუმბუას ხიდის ძველი ბურჯი ცხენისწყალზე, ადასტურებს, რომ ძვ. წ. აღ.-ით 65 წელს აქ გაუვლია რომაელ სარდალს გნეიუს პომპეუსს და გაუღია ასანევი ხიდი, რომლის ბურჯები ახლაც ჩანს. ეს გზა აღმოსავლეთ ეგრისის დასავლეთთან აკავშირებდა.

ვახუშტი ბაგრატიონის მიხედვით ძველად გორდი და გოსტიბე (გვაშტიბი) ერთმანეთთან დაკავშირებული ყოფილა ბონდის ხიდით. ეს

ჩვენი რაიონის მთიანეთს ერთმანეთთან აერთებდა. გზა მდინარე ცხენისწყლის ხეობით ისტორიულ კოლხეთს რაჭა-ლეჩხუმთან და სვანეთთან აკავშირებდა.

პირველ ათასწლეულში ჩვენს ერამდე ოლქი კოლხეთის ეკონომიურად დანინაურებული მხარე ყოფილა, რასაც ადასტურებს კოლხური თეთრის აღმოჩენის მასიური ხასიათი (1270 ცალი), სხვა არქეოლოგიური მასალები და ისტორიული წყაროები.

ტოპონიმ "ხონის" შესახებ მეცნიერები სხვადასხვა შეხედულებების არიან, რაზედაც ქვევით შევჩერდებით...

შ. მესხია ხონს იმ ქალაქთა რიცხვს აკუთვნებდა, რომელიც სარელიგიო ცენტრებთან აღმოცენდა, ხოლო თეიმურაზ ბაგრატიონი მიიჩნევდა, რომ ხონი ძველ დროსაც ქალაქი ყოფილა და მოსე ხონელი კი აქაური. ამაზე "ვეფხისტყაოსანის" ეპილოგიც მიგვანიშნებს: "ამირან დარეჯანის ძე მოსეს უქია ხონელსა"-ო.

ქალაქი ზღვის დონიდან 115 მ-ზე მდებარეობს, მოსახლეობა 11 ათასია. მისი ისტორია დაკავშირებულია ისტორიულ ძეგლთან, "ნმიდა გიორგის" ეკლესიასთან, რომლის აგებას საისტორიო ტრადიცია გიორგი პირველს (XI საუკუნე) მიაწერს. ის ძალზე მდიდარია ეპიგრაფიკულად. ეკლესიის ეზო-გალავნის კომპლექსში შედის გალავანი და კოხტა სამრეკლო, რომელიც XIX საუკუნეში სამსართულიანი ყოფილა და რესტავრაციის შემდეგ, 1976 წელს აღუდგენიათ მხოლოდ ორი სართული.

აღტაცებას იწვევს ეკლესიის კედლის მხატვრობა. საკურთხევის კონქში გამოსახულია ქრისტე, მარცხნივ იოანე ნათლისცემელი და გაბრიელ მთავარანგელოზი. მარჯვენა მხარეს ფრესკები გადაშლილია. უფრო ქვემოთ წინასწარმეტყველთა მედალიონებისაგან შემდგარი სარტყელია. სულ ქვევით კი ზიარების სცენა... ძირითადი ნაწილი ფრესკებისა XVI - XVI I საუკუნისაა. მასზე აღმოჩენილია არაბული წარწერებიც.

ტაძარი განთქმული ყოფილა მთელ საქართველოში, მისთვის XIV საუკუნეში შეუწირავთ დიდი ვერცხლის ხატი წარწერით "მოიჭედა ხატი ესე წმინდისა გიორგისი ხონელთა აზნაურთა მიერ"-ო... 1529 წელს, იმერეთის მეფე ბაგრატ მესამემ ხონში საეპისკოპოსო კათედრა

დააარსა. "აქ ზის ეპისკოპოსი, მწყემსი ვაკისა"-ო - წერს ვახუშტი. პირველი ეპისკოპოსი იყო მანოველ მჩხეტისძე (ჩხეიძე).

1570 წელს იმერთა მეფე, გიორგი მეორემ რაჭველ თავად დავით წულუკიძეს, უბოძა ბატონიშვილ "ხოსროსეული სასახლე და გლეხები" ხონში.

XVII საუკუნის დასაწყისში შეუდგენიათ ხონის საეკლესიო გლეხების დავთარი, რომელიც ნათელ წარმოდგენას გვიქმნის იმდროინდელი სოციალური ურთიერთობისა და მეურნეობის შესახებ.

1634 წელს ლევან მეორე დადიანს ეკლესიისათვის "წმინდა გიორგის" მეორე ხატი შეუწირავს, რომლის ჩარჩო დაცულია ქუთაისის სახლმწიფო მუზეუმში. ხონის ეპისკოპოსს ზაქარიას, სხვებთან ერთად აქტიური მონაწილეობა მიუღია ტყვეთა სყიდვასა და სხვა უკულმართობის წინააღმდეგ გამართულ საეკლესიო კრებაში, რომელიც XVI საუკუნეში გაიმართა.

იმერეთის მეფეები ხშირად აჯილდოებდნენ ეკლესიას ყმებით, მამულით, თუ სხვა პრივილეგიებით.

1789 წელს სოფელ მათხოჯში სატიკი ომი მოხდა ტახტის პრეტენდენტებს - დავით გიორგის ძესა და დავით არჩილის ძეს შორის. 1794 წელს მეორე ომიც მოხდა. გაიმარჯვა დავით არჩილის ძემ. შინა ომებს ბოლო მოუღო რუსეთის მთავარსარდალმა კავკასიაში პ. ციციანოვმა და 1804 წელს ქუთაისსა და ხონში რაზმი ჩააყენა, ხოლო 1810 წელს რუსებმა საბოლოოდ გააძევეს იმერეთის მეფე ("აქა რუსთა დაიპყრეს იმერეთი").

1821 წელს საქართველოს ეგზარხოსმა ხონის სასულიერო ეპარქია გააუქმა.

შუა საუკუნეებში ხონის ეკლესია წარმოადგენდა სწავლა-განათლების მნიშვნელოვან კერას ქვემო იმერეთში. მოქმედებდა სამონასტრო სკოლა, მუშაობდა მანუსკრიფტ-კალიგრაფთა მთელი შტატი. ეკლესიის ეზოში განისვენებდნენ ცნობილი განმანათლებელი სიმონ კუტი (ფირცხალავა), იესე და მათე ბახტაძეები, ვასილ ქუთათელაძე, საშა წულუკიძის დედა ოლიმპიადა, პუბლიცისტი ილია ბახტაძე (ხონელი) და საზოგადო მოღვაწეები: სოფიო წულუკიძე, არისტო ქუთათელაძე, პოლიკარპე ჩხიკვიშვილი და სხვები.

მეჩვიდმეტე საუკუნის დასასრულს სამეგრელოს სამთავრო კარზე დანიშნულა წარმოშობით გორდელი აზნაური კაცია ჩიქოვანი. მისმა შვილმა გიორგი ლიპარტიანმა დადიანები ამონყვიტა, ზოგი გააძევა და თავისი შვილი კაცია 1704 წელს, ოდიშის მთავრად (დადიანად) გამოაცხადა. გორდი დადიანთა საზაფხულო რეზიდენციად იქცა. XIX საუკუნეში ალექსანდრე ჭავჭავაძის რჩევით დავით დადიანმა ააგო მშვენიერი სასახლე წყაროებითა და პარკით.

რაიონის ტერიტორია მდიდარია ისტორიული ძეგლებით. მათ შორის უნიკალურია უძლოურის ეკლესია (XIV საუკუნე), დადიანთა გორდის ეკლესია (XIX საუკუნე), მათხოჯის მონასტერი და ეკლესია (XIX საუკუნე), ქუტირის ეკლესია (XIX საუკუნე), ტარეშის ეკედერი (V-VI საუკუნეები), პატარა ჯიხაიშის ეკლესიები (XIX საუკუნე), გელავერის ეკლესია (VII საუკუნე). ციხეებიდან აღსანიშნავია: კიბულა (VI-VII საუკუნე), მათხოჯის ციხე (VI საუკუნე), გვაშტიბის ციხე (XVI საუკუნე), ღვედის ციხე-კოშკი (XVI საუკუნე), ნამაშევის ციხე (V-VI საუკუნე), ველის ციხე, ნოლის ციხე (V საუკუნე), დიდღვაბუნის ციხე და სხვა.

1856 წელს კინჩხაში იფეთქა გლეხთა აჯანყებამ, რომელიც მიმართული იყო დადიანის სამთავრო კარის წინააღმდეგ. აჯანყება სწრაფად იქნა ჩახშობილი. ასევე სამხედრო ძალით იქნა დათრგუნვილი სოფელ ქუტირის 1851 წლის აჯანყება.

მხარე ძალზე დანიშნულა XIX საუკუნეში. ხონი იმერეთის ერთ-ერთი ძლიერი ეკონომიკური და კულტურული ცენტრი გახდა და მეტოქეობას უწევდა ქუთაისს.

უძველესი სამონასტრო სკოლის გაუქმების შემდეგ, 1870 წელს ხონში გაიხსნა პირველი სახელმწიფო ორკლასიანი სკოლა, 1881 წელს კი სამასწავლებლო სემინარია. სასწავლებლის დაარსებაში დიდი ღვაწლი მიუძღვნის ცნობილ საზოგადო მოღვაწეს ივანე შარაშიძეს, მისი ინიციატივით 1898 წელს დაბაში გაიხსნა სახელოსნო სასწავლებელი (ეხლა № 8 საშ. პ/ტ სასწ.), გაიხსნა აგრეთვე სხვადასხვა სკოლები, პროგიმნაზიები და გიმნაზიები. 1900 წელს გაზეთ "კვალი" №14-ში წერდა: "დიდი ხანია, რაც ხონი მიხვდა სწვლა სინათლეს, უსწავლელობა კი სიბნელე" -ო. ხონის სემინარიაში მასწავლებლობდნენ ალექსი ჭიჭინაძე, არისტო ქუთათელაძე, პოლიკარპე ჩხიკვიშვილი, ტრიფონ



თაბუკაშვილი და სხვები. სასწავლებელმა აღზარდა ათობით გამოჩენილი ადამიანი.

ხონში პირველი თეატრალური წარმოდგენა გამართულა 1865 წელს, დაუდგამთ გიორგი ერისთავის კომედია "გაყრა", 1873 წელს კი "საქალეხო სკოლის სასარგებლოდ ყველიერის კვირაში ქართული წარმოდგენა ყოფილა", - წერდა გაზეთი "დროება" (1873 წლის № 13). 1901 წლის 9 აგვისტოს ხონის თეატრის შესახებ გაზეთ "ივერიაში" წერდა აკაკი წერეთელიც: 1900 წლიდან თეატრი სტაბილური გახდა, რაზედაც გამოცემულია ჩვენი მონოგრაფია "ხონის თეატრალური ქრონიკები". 1890 წელს შეიქმნა და დღემდე წარმატებით მონაწილეობს მუსიკალურ ფესტივალებში ხონის ცნობილი სასულე ორკესტრი, რომელსაც ვაჟა ჩიხლაძის სახელი მიენიჭა.

1884 წელს ხონში 18 ფაიტონი და ორი დილიჟანსი ყოფილა. 1911 წელს ხონმა იხილა სამგზავრო ავტომანქანა, 1913 წელს კი - თვითმფრინავი. 1893 წელს მათხოჯი-ხონის გავლით ნიკო ნიკოლაძემ და ივანე შარაშიძემ გახსნეს მთელ დასავლეთ საქართველოში პირველი სარწყავი არხი, რომელმაც გვალვიანი რაზები უხმოსავლიანი გახადა.

მოუწესრიგებელი იყო რაიონის გზები და ხიდები. 1901 წლის № 99 გაზეთი "კვალი" წერდა: "მდინარე ცხენისწყალზე ხიდის გადების საქმე მეტად მნიშვნელოვანია"-ო.

1890 წელს ცნობილმა ხალხოსანმა ნესტორ წერეთელმა სოფელ კუხში პირველი აბრეშუმის ძაფის ამოსაღები დაზგა დადგა. მალე მათი რიცხვი გაიზარდა. ხონის მკვიდრმა მ. სანიძემ კი ააგო ხონში პირველი საწარმო-ძაფსაღები ფაბრიკა. მალე გაიხსნა საფეიქრო სკოლაც. რაიონი აბრეშუმის პარკის და ძაფის დამზადების მნიშვნელოვანი ცენტრი გახდა და წარმატებით მონაწილეობდა ამიერკავკასიისა და მსოფლიო გამოფენებში.

1911 წელს ხონში დროებით ცხოვრობდა ცნობილი პოეტი ქალი ლესია უკრაინკა (ახლა ბახტაძის ქუჩა №5). აქ დაწერა მან დრამატული პოემა "ადვოკატი მარტიანი". იგი მოხიბლული იყო დაბა ხონის ბუნებით. აქვე კარგხანს ცხოვრობდა რუსი მხატვარი სტეფანე უვაროვი.

1893 წლის დეკემბერში პირველი გაფიცვა მოეწყო ხონის სამასწავლებლო სემინარიაში. მას მიბაძეს სხვა სასწავლებლებმაც.

პირველი რევოლუციის დროს გაფიცვები და დემონსტრაციები მასობრივ ხასიათს ატარებს, ხონის ბაღში იკრიბებიან მეზობელი სოფლებისა და მაზრების გლეხკაცობა რევოლუციური ლოზუნგებით, მათ წინაშე გამოდიან ორატორები. 1905 წლის ოქტომბერში მოხდა ხონის საყოველთაო გაფიცვა, ნოემბერში კი ხონელებმა შექმნეს წითელი რაზმი. აჯანყება მოხდა სოფლებში: ძეძილებში, კინჩხაში, გორდში, კუხში და გუბში. მათხოჯელმა და ახალბედისეულელმა სოციალდემოკრატებმა ბოყოურაში, სახალხო კრებაზე, დახვრიტეს ნიკოლოზ მეორეს სურათი. ამ დროს ხონში ჩამოყალიბებას იწყებს (საქართველოში პირველად) მასწავლებელთა კავშირი.

იმერეთ-სამეგრელოს კომიტეტი 1904-1905 წლებში რაიონის ტერიტორიაზე აწყობს მთელ რიგ დისკუსიებს სოციალდემოკრატებს შორის: კუხის ორკლასიან სკოლაში, დ. ქაცარავას, პ. კიკალიშვილის, ე. კაკაბაძის, მ. სანოძის, ალ. წულუკიძის სახლებში, სადაც სიტყვით გამოდიან: ი. სტალინი, ა. წულუკიძე, ფ. მახარაძე, მ. ცხაკაია, პ. ჯაფარიძე, მ. ნერეთელი, ა. ჩხენკელი, ბ. მდივანი, შ. ლეჟავა, კ. ქაცარავა, პ. კიკალიშვილი და სხვები.

გრანდიოზულ დემონსტრაციად გადაიქცა ალექსანდრე წულუკიძის გამოსვენება ქუთაისიდან ხონში 1905 წლის 12 ივნისს. ცხედარს 10 ათასამდე კაცი მიაცილებდა. სამგლოვიარო მიტინგზე სიტყვით გამოვიდნენ ი. ჯულაშვილი და შ. ნუცუბიძე.

რევოლუციის დამარცხების შემდეგ ალიხანოვ-ავარსკის დამსჯელმა რაზმმა რაიონის რამდენიმე სოფელი ააწიოკა.

ხონში თანაბრად ძლიერი ფრთა ჰგონდათ სოციალდემოკრატ მენშევიკებს და ბოლშევიკებს. ეს უკანასკნელი უფრო ექსტრემისტულად იყო განწყობილი და შემდგომში დიდი თავგამოდებით ებრძოდა თავისუფალი საქართველოს დემოკრატიულად არჩეულ მთავრობას. ამ საქმეში მათ ჩააბეს "სპარტაკელები" (კომკავშირელები). 1918 წლის გაზაფხულზე საბჭოთა რუსეთისაგან ინსპირირებული სამეგრელოსა და აფხაზეთის ბოლშევიკთა დასახმარებლად ხონის კომიტეტმა მიავლინა პარტიული მებრძოლები: ვალია ბახტაძე, ნიკოლოზ ბახტაძე და წითელი პარტიზანები.

1918 წელს რუსეთიდან დავალებით ჩამოსულმა საშა გეგეჭკორმა

სამეგრელო არია, რაზმი შეადგინა და შემდეგ გორდში გადავიდა. მოაჯანყების რაზმში ჩაენერა რენეგატებისაგან მოტყუებული ათობით გაუნათლებელი მოქალაქე. რაზმის ერთი მთავარი მეთაური კონსტანტინე ჭავჭავანიძე იყო. მაშინ დაიწყო "კლასობრივი მტრის" დადინათა ქონების დატაცება და გაბნევა. მთავრობის ჯართან შეტაკებები მოხდა: ლი, ძგორიასთან, ნაგრიმებთან და ბუმბუას ხიდთან. რაზმი კინჩხიდან ლეჩხუმისაკენ დაიძრა, სადაც მთავრობის ჯარმა დარტყმა მიაყენა (გორმაღალთან).

ძირს უთხრიდა რა სამშობლოს თავისუფლებას, ხონის ბოლშევიკური კომიტეტი მთავრობამ მალე დააპატიმრა, მაგრამ მან და მისმა ნევრებმა მაინც მიიღეს მონაწილეობა მთავრობის წინააღმდეგ 1919 წლის ოქტომბრის ამბოხებაში, თუმცა მალე დამარცხდნენ.

1921 წლის მარტში რუსი დამპყრობლები, რომლებსაც ამჯერად "კომუნისტ-ინტერნაციონალისტის" ნილაბი ეკეთათ და წინ მიუძღვოდნენ ქართველი რენეგატები, ხონშიც შემოვიდნენ და დაიწყეს ბოლშევიკური "წმენდა", რაც თავად მათსავე ნაწილს შემდეგში სავალალოდ გაუხდა...

შეიქმნა ნაძალადევი "რევკომი" დიქტატორული უფლებით. დაიწყო ბოლშევიზაცია.

1922 წელს ბოლშევიკებმა მეორე სარწყავი არხი გახსნეს, 1923 წელს ხონის რაიონს შეუერთეს ცხენისწყლის ხეობის სოფლები: სუხჩა, ხიდი, ყუშკი, დიდღვაბუნა, ნოლა, გორდი და კინჩხა. ამ სოფლებს ძველთაგანვე მჭიდრო ეკონომიკური და კულტურული კავშირი ჰქონდათ ხონთან.

1924 წელს ქალაქის უძველესი თეატრის დასი დაშალეს და ბოლშევიკთა წინააღმდეგ აჯანყების მონაწილე მსახიობები დახვრიტეს, მათ მიაყოლეს ინტელიგენციის და თავადაზნაურობის ზოგი წარმომადგენელი.

1928 წელს დაიწყო ნაძალადევი კოლექტივიზაცია, რასაც შედეგად მოჰყვა შეძლებულ გლეხთა (ბოლშევიკთა შეხედულებით "კულაკთა") ფიზიკური განადგურება.

1932 წელს კოლექტივებში 2403 კომლი გააერთიანეს, მეორე მსოფლიო ომის წინ კი მათში ირიცხებოდა რაიონის მოსახლეობის 97,3%.

1933 წელს მექანიზატორთა კადრების მოსამზადებლად, ხონის ინდუსტრიული ტექნიკუმი გადაკეთდა მექანიზაციის ტექნიკუმად. პირველ და მეორე ხუთწლედებში ძირითადად დამთავრდა ჩაის პლანტაციების გაშენება.

1924-26 წლებში ყოფილ მეპატრონეებს ჩამოერთვათ ძაფსალები ფაბრიკა, ავეჯის საამქრო, ხე-ტყის და აგურ-კრამიტის საწარმოები. 1928 წელს კი ამუშავდა ახალი ძაფსალები ფაბრიკა, რომლის დირექტორად დაინიშნა ცნობილი ინჟინერი სპირიდონ ჩომახიძე. მასვე გაამართვინეს სამტრედიისა და ოზურგეთის ფაბრიკები, მერე კი გაახსენდათ, თავისუფალი საქართველოს რესპუბლიკის დროს, ხონის კომისარი რომ იყო, ამიტომ ფიზიკურად გაანადგურეს. ეს ფაბრიკები ამჟამად გაუქმებულია.

1934 წელს აიგო ხონის, ხოლო 1952 წელს გუბის ჩაის ფაბრიკები, აგურ-კრამიტის ახალი საამქროც ამუშავდა, მყობრში ჩადგა კირის გამოსანვაი საამქრო. 1935 წელს სოფელ კინჩხაში პედაგოგ ავერიონ ქაროსანიძის ინიციატივით და ინჟინერ კოპაძის პროექტით ამუშავდა ჰიდროელექტრო სადგური "ოკაცქესი".

1943-44 წლებში ჟუშკის და დიდღვაბუნას მოსახლეობა ადიგენსა და ახალციხეში გადაასახლეს.

1962 წელს ხონში დაარსდა საკავშირო მნიშვნელობის ქიმიური ქარხანა, რომელიც უშვებდა სარქველიან და ბრტყელ ტომრებს, მინის ტარის ხუფებს, პოლიეთილენის მილებს, ნაქსოვ ბადეებს და სხვა. მარაგდებოდა ფინეთიდან და სუმგაიტიდან. უცხოეთზე უკუღმართად გადაჯაჭვული საწარმო ამჟამად გაუქმებულია.

ხონის ნედლეულის ბაზაზე ამჟამად მუშაობს სამი დიდი, სამი მცირე ჩაის ფაბრიკა და არასრული დატვირთვით ამზადებს იმის მეათედ პროდუქციას, რასაც უშვებდა ამ 15 წლის წინ.

საკმაო სიმძლავრით მუშაობს ხონის სააგურე ქარხანა.

1921 წელს დაბა ხონში 29 სხვადასხვა ტიპის სასწავლებელი იყო. სწავლობდა 3885 ბავშვი. მათ სწავლა-აღზრდას ემსახურებოდა 179 მასწავლებელი. ამავ ეწევი წელი სამასწავლებლო სემინარია პედაგოგურ სასწავლებლად გადაკეთდა, 1959 წელს კი სულ გააუქმეს.

1932 წელს ხონის ცხრანლედი გადაკეთდა ქალაქის პირველ საშუა-

ლო სკოლად.

1926-27 წლების სეზონზე აღსდგა ხონის თეატრი, 1936 წელს დაარსდა სამუსიკო ტექნიკუმი.

მეორე მსოფლიო ომამდე ძირითადად დამთავრდა წერა-კითხვის უცოდინარობის სალიკვიდაციო ღონისძიებანი. რაიონის 47 სკოლაში 8800 მოსწავლე სწავლობდა და მათ აღზრდას ემსახურებოდა 370 პედაგოგი.

XX საუკუნის სამოცდაათიან წლებში ქალაქის ტერიტორიაზე და სოფლებში: ნახახულევში, ქუტირში, ძეძილეთში, გორდში, კინჩხაში აიგო დიდი ზომის საშუალო სკოლების ახალი კორპუსები.

ამჟამად ქალაქში მოქმედებს 4 საშუალო სკოლა, ერთი მექანიზაციის და ელექტრიფიკაციის კოლეჯი, ხელოვნების კოლეჯი, სამი კერძო დაფინანსების გიმნაზია, ერთი პროფტექნიკური სასწავლებელი. სულ რაიონში 4000-ზე მეტი მოსწავლეა. მათ აღზრდა-სწავლებას ემსახურება 700-ზე მეტი პედაგოგი.

1932 წლიდან გამოსვლას იწყებს რაიონის გაზეთი "დამკერელი", რომელსაც ერთხანს "კომუნიზმის გზით", ახლა კი "ხონი" ჰქვია.

1953 წელს ხონში გაიხსნა მხარეთმცოდნეობის მუზეუმი, რომელიც დიდ და საინტერესო მუშაობას აწარმოებს იმერეთის ისტორიის, კულტურის და ეთნოგრაფიის შესასწავლად. მისი არქივის ბაზაზე უკვე რამდენიმე წიგნია გამოცემული. მუზეუმში თავმოყრილია 12000-მდე ექსპონანტი.

1986 წელს ხონის სიახლოვეს, სოფელ პატარა კუხში გაიხსნა სახელოვანი დრამატურგის პოლიკარპე კაკაბაძის სახლმუზეუმი. 1998 წელს კი თვით ხონში გავხსენით პოეტი - აკადემიკოსის - ირაკლი აბაშიძის სახლმუზეუმი. 1983 წლიდან რაიონში მოქმედებს მშვენიერი საბრძოლო და შრომითი დიდების მუზეუმი. 1961 წელს ხონი დაამშვენა ახალმა სარაიონო კულტურის სახლმა, რომელშიც 1967 წლიდან მოქმედებს სახალხო თეატრი.

რაიონის სამ ძირითად ბიბლიოთეკაში თავმოყრილია 200 ათასი წიგნი. 30 კულტურულ-საგანმანათლებლო დაწესებულებაში დასაქმებულია 140 სპეციალისტი.

1969 წელს ქალაქში გაშენდა ახალი დიდი საავადმყოფო-პოლიკლი-

ნიკით. 1978 წლის ზაფხულში ამოქმედდა ქუტირის რესპუბლიკური ფსიქიატრიული საავადმყოფო. რაიონს ამჟამად ემსახურება ასამდე ექიმი და 300-ზე მეტი მედიცინის და.

1929-30 წლებში გაიდო ხიდი მდინარე გუბის წყალზე.

1960 წლის 14 მაისს, ბორანი მდინარე ცხენისწყალზე დიდმა, ახალმა ხიდმა შეცვალა მათხოჯი - ხუნნის მონაკვეთზე.

1976 წელს ახალი (დანელიას) ხიდი გაიდო ცხენისწყალზე ხონი-ლესხანდრას მონაკვეთზე, რომლის სიგრძე 110 მეტრია. 1984-85 წლებში ხიდები გაიდო სუხჩასთან და ხიდზე.

ა. წულუკიძის დაბადებიდან 60 წლის თავზე სსრ კავშირის ცენტრალურმა აღმასრულებელმა კომიტეტმა 1936 წლის 25 აპრილს მიიღო დადგენილება ქალაქ ხონისა და ხონის რაიონისათვის მისი სახელის მიკუთვნების თაობაზე, მაგრამ 1989 წელს ხალხის მოთხოვნით მას დაუბრუნდა ისტორიული სახელი.

პირველ მსოფლიო ომში თავი ისახელა კაპიტანმა ტარასი ვაშაკიძემ "შაითან კაპიტანი".

5757 მეტრძოლი გაგზავნა ხონის რაიონმა მეორე მსოფლიო ომში, რამდენიმე ასეული კი იხდიდა სამსახურის ვადას. 3181 კაცი ომში დაიღუპა. გმირის მაღალი ნოდება მიენიჭა მეზღვაურ ნოე ადამიას, ოფიცრებს: აკაკი ტერულაძეს და გიორგი ბახტაძეს, გენერალ-ლეიტენანტ ვლადიმერ ჯანჯღავას. თავი ისახელა გენერალმა გიორგი ყუფარაძემ და პარტიზანმა გოგონამ - ზოია რუხაძემ.

ამჟამად მოსახლეობის დიდი ნაწილი კერძო სახლებში, ნაწილი კეთილმოწყობილ ბინებში ცხოვრობს. შეინიშნება მკაფიო მიგრაცია და მოსახლეობის კლების ტენდენცია, 600-ზე მეტ ოჯახს აწერია "იყიდება სახლი".

რაიონს ჰყავს 1500-ზე მეტი უმაღლესდამთავრებული და ასობით გამორჩენილი პიროვნება.

# თავი მეორე

## ხონის სახელწოდების შესახებ

სახელწოდება "ხონი", ერთი იმ გავრცელებულ ტოპონიმთაგანია, რომელიც იბერიულ-კავკასიურ ტომთა განსახლების არეალში, ამ ენათა ჯგუფის მატარებელი ეთნოსის მიერ არის დამკვიდრებული.

სახელი "ხონი"-ს მანარმოებელია "ონ" სუფიქსი, რაც ზედსართავი სახელების ჩვეულებრივ წარმომქმნელს წარმოადგენს.

ქვეყნად იყო და არის ბევრი "ხონი".

ქალაქი "ხიხონი" ესპანეთშია, კუნძული "ხონსიუ" იაპონიაში, "ბარხონი" სოფელია ინდოეთში.

თამარის ისტორიკოსი აღნიშნავს, რომ მეფეთა მეფეს სძლენიდნენ "ჰინდონი და ხონელნი" ("ისტორიანი და აზმანი შარავანდედთანი", ქართული პროზა, ტ. 3, 1982 წელი, გვ. 177).

მეცხრე საუკუნეში, მცირე აზიაში სამიტროპოლიტო ცენტრი იყო "ხონე" - ძველი კოლოსე (სიმონ ყაუხჩიშვილი - "გეორგიკა", ტ. 2, 1965 წელი, გვ. 223).

იუსტინიანე კეისარს ლაზეთში აუგია ციხესიმაგრე "ლოსოხიონი".

ამავე პერიოდის ბიზანტიური წყაროები იცნობენ ჭანეთის ციხესიმაგრეებს: "სკამალინიხონს", "ბარხონს", "ჰორონონს" (სიმონ ყაუხჩიშვილი - "გეორგიკა" ტ. 6. გვ. 124).

XIX საუკუნის მკვლევარი, ნ. გამრეკელი, ხონს მიიჩნევდა კოლხეთის მეფის აიეტის სატახტო ქალაქად. ასკენიდა, რომ ის დააარსა ეგვიპტის ფარაონმა რამზეს მეორემ კოლხეთში ლაშქრობისას. სახელი "ხონი" მან ეგვიპტის მთავრის ღვთაება "ხონსუ"-ს დაუკავშირა (პ. ვაჭრიძე - "ქალაქ წულუციძის ისტორიიდან", 1977 წ. გვ. 8).

ვფიქრობთ, ეს ვერსია მომდინარეობს ჰეროდოტეს ცნობილი შეხედულებიდან კოლხების და ეგვიპტელების იგივეობის შესახებ, თუმცა საინტერესოა აღინიშნოს, რომ ხონში წარმართულ ეპოქაში მთვარის დიდი სალოცავი უნდა არსებულიყო, რაზედაც ქრისტიანობის გავრცელების პირველ საუკუნეებშივე აღმოცენებულა წმიდა გიორგის - თეთრი გიორგის კულტი. თებეს დედაქალაქობისას, ახალი ეგვიპტის

ძლიერების ხანაში (XVI-XI I საუკუნეები ძვ. წ. აღ-ით) ქვეყნის მოსახლეობის ღვთაებათა უმადლეს ტრიადას შეადგენდნენ ამონი (მზის ღვთაება), მუთი (დედა ღვთაება) და ხონსუ (მთვარის ღვთაება). ეს პანთეონი რამზესის ეპოქას ემთხვევა, ხოლო მთვარის ღვთაება "ხონსუ"-ს სახელწოდებაში გამოიყოფა ფუძე "ხონ". ეგვიპტელთა რწმენით, ხონსუ ძლიერებით მესამე ღვთაება იყო და მას შიშველი ყრმის სახით გამოსახავდნენ, რომელსაც ახალი მთვარის ემბლემა უმკობდა თავს. ეს სახელი დაკავშირებული იყო დროის და წლების აღრიცხვასთან, ამიტომაც "დროის მბრძანებელს" უწოდებდნენ.

ეგვიპტეშიც იყო ღმერთი თოთი - მისი სახელის შედარება "თუთასთან" და ხონსუს-ხონთან, მეტი რომ არაფერი ვთქვათ, მეცნიერებისათვის საინტერესოა და ამ ფონზე გამრეკელის ჰიპოთეზა არც ისე ფანტასტიკური და უსაფუძვლო გვეჩვენება.

იოსებ ორბელმა ერთმანეთს დაუკავშირა "ხონი" და სევანთა ძველი სახელწოდება "ჰონი" - (ბერძრული "ჰენიოხი"). მისგან წარმოებულად მიიჩნია "ონი"-ს და "პატარა ონი"-ს სახელწოდებები, რადგან დანყებითი სპირანტის "ჰაე"-ს "ხან"-ად გარდაქმნას ხშირად აქვს ადგილი, თან "ჰაე" ხანდახან იკარგება ჩვენს ტოპონიმიში.

პროფესორი იოსებ ყიფშიძე "მეგრულ-ქართულ" ლექსიკონში აღნიშნავს, რომ "ხონუა", მეგრულად "ხვნას" ნიშნავს, "მახონალი" - "მხვნელს", "ნახონალი" - "დახნულს", "ოხონალი" - "სახნავს". ზმნა "ხონი" ბრძანებითი ფორმაა "ხონუა"-სი და ნიშნავს "დახანი" (პ. ვაჭრიძე).

ეს მოსაზრება გარეგნულ-შინაარსობრივად თითქოს მისაღები, გრამატიკულად ნაკლებ დამაჯერებელია. თუმცა ზედმინვენით გაიზიარა მკვლევარმა მიხეილ ალავიძემ (გაზეთი "კომუნიზმის გზით", 1979 წლის 20 დეკემბერი).

პროფესორ ამირან ცამციშვილს მიაჩნია, რომ ტერმინის საწყისი ფორმაა "ხონ"- "ხორ". ის ენათესავება-ეიგივება იმავე ფუძისაგან "ჰარ" - "ხარ" - "ყარ" "კან" საწყისიან სახელწოდებებს (ავტორის არქივში დაცულია ა. ცამციშვილის ხელნაწერიდან).

სხვათა შორის "ხორუა" მეგრულად სახლია, "ყონა" - ყანაა. "ყონას" "ხონად" ასიმილაციაც ადვილი შესაძლებელია.

ზოგმა მკვლევარმა სცადა ხონისა და მეექვსე საუკუნის ციხე-ქალაქ "ჰონოგურისის" იდენტურობის დამტკიცება, მაგრამ აქაც



სახელწოდების ფუძეთა მხოლოდ გარეგნულ მსგავსებასთან გვაქვს საქმე. "ჰონოგურისის" სახელწოდება, ბერძნებს მიღებული აქვთ ქართული მთის, "უნაგირას"-გან, როგორც ამას შემდგომ თავში დავინახავთ.

დღევანდელ საქართველოში რამდენიმე ხონია.

ხონი და ხონის ქალა იმერეთში.

სოფელი ხონი აჭარისწყლის ხეობაში. ექვთიმე თაყაიშვილის დაკვირვებით, ცეკვის სახელწოდება "ხორუმი" "ხონურიდან" უნდა მომდინარეობდეს (ექვთიმე თაყაიშვილი, "რჩეული ნაწერები", ტ. 1. 1968 წელი, გვ. 386).

ხონი - ხარაგაულის რაიონში წყალაფორეთის საკრებულოში.

ხონი, ხონის მთა, ხონის ქალა დუშეთის რაიონში, რასაც ადასტურებს თავის ჩანაწერებში სერგი მაკალათია.

ხონი რქმევია ძველ დროში ბორჯომის რაიონის სოფელ ტაბისყურს (ნითელსაყდარი).

ხონ-ჭიორი რაჭაში - ნამანვეის საკრებულო.

ხორხონისი - ლეჩხუმში - იქაც წმიდა გიორგის სალოცავია.

ხონა და მეორე ხონა მესხეთში.

არხონკი - ოსეთში - საქართველოს საზღვრებს გარეთ. მასზე პრეფიქს-სუფიქსის ჩამოცილებით რჩება ხონი.

პროფესორი დავით ჩუბინაშვილი, ქართულ განმარებით "ლექსიკონში "ხონი" - "ხონჩას" განმარტავს, როგორც დიდ ტაბაკს, ე. ი. სეფილას. "ხონდაკი" "სამზარეულოა" და მას სპარსულიდან შემოსულად მიიჩნევს.

სულხან-საბას განმარტებით, "ხონი" დიდი, ფართო ტაბაკია, ხოლო "ხონჩა" სხუათა ენაა, ქართულად კი სიფილა და ტაბაკია (სულხან-საბა ორბელიანი - "თხზულებანი ოთხ ტომად", ტ. 2, 1966 წ. გვ. 425).

ასევე განმარტავს "ხონჩა"-ს და "ტაბაკ"-ს ქართული ლექსიკის საუკეთესო მცოდნე კონსტანტინე გამსახურდია.

შესაძლებელია სახელწოდება "ხონი", ხეთურ-მცირეაზიულ ამინდის (ტაროსის) ღვთაება ტარხუს დავუკავშიროთ ამგვარი ფონეტიკური სახეცვლილებით და ბგერათა მეტათეზისით: ტარო - ტარსონ - ტარხონ. მით უმეტეს, რომ ხონის რაიონში კინჩხაში, დღემდე შემორჩენილია ამ ღვთაების წარმართული ნალკოტის ნაშთი.

ამგვარად, ხონის სახელწოდების შესახებ სახეზე გვაქვს რამდენიმე მოსაზრება.

მეგრული "ხონი" - "დახანიდან" მისი სახელწოდების მიღების შესახებ.

სვანთა სახელ "ჰონი"-დან მისი მომავლობის თაობაზე.

"ხონი" - "ხონჩი"-დან ამ სახელის წარმოშობის შესახებ.

ეგვიპტური "ხონსუ"-დან მისი მიღების შესახებ.

"ტარხონი"-დან მისი მიღების თაობაზე.

"ჰონოგურისთან" ხონის იგივეობის შესახებ.

ჩვენ, უფრო მისაღებად მიგვაჩნია "ხონი" - "ხონჩიდან" ხონის სახელწოდების დამკვიდრება. ამ შემთხვევაში, ის, ფართო, გადატანითი მნიშვნელობით, დიდ დასახლებას უნდა აღნიშნავდეს.

ტერმინი, მეექვსე საუკუნეზე ახალი არ უნდა იყოს. ალბათ ხონი მაშინაც ვრცელი დასახლება იყო.

ყოველ შემთხვევაში, ეს სახელი ერქვა ქალაქს საუკუნეთა მანძილზე, ვიდრე 1936 წლის 25 აპრილს, სსრკ ცენტრალური აღმასრულებელი კომიტეტის დადგენილებით, მას ალექსანდრე ნულუკიძის სახელის უკვდავსაყოფად ქალაქი ნულუკიძე და ნულუკიძის რაიონი არ დაერქვა.

მწერალმა თენგიზ ბუაჩიძემ, პროფესორებმა: ლევან სანიკიძემ, ვასილ კიკნაძემ და ზურაბ ჭუმბურიძემ ქართულ პრესაში ყურადღება გაამახვილეს ძირძველი ტოპონიმების ხელოვნურად შეცვლის მანკიერ პრაქტიკაზე.

ხონის საზოგადოებრიობის კრებამ 1989 წლის მაისში, თხოვნით მიმართა რესპუბლიკის მთავრობას, მისთვის ისტორიული სახელის დაბრუნების თაობაზე, რაც დადებითად გადაწყდა.

# თავი მესამე

## ხონისა და ჰონოგურისის სხვადასხვაობის შესახებ

ხონის აღმოსავლეთით, მოხირისის შუაგულში მდებარეობდა ამავე სახელწოდების "შესანიშნავი ქალაქი მოხირისი", ის ამაყად გადასცქეროდა გუბის წყლის მარჯვენა პლატოდან კოლხეთის ვრცელ ვაკეს და მეხუთე-მეექვსე საუკუნეებში მთავარი ადმინისტრაციული ცენტრი იყო რიონ-ცხენისწყლის ქვემო, შუა მდინარეთში მოქცეული ვრცელი დასახლებებისა.

მემატიანე, პროკოფი კესარიელი "მოხირისის მხარეს" ეგრისის ყველაზე მდიდარ.ოლქად მიიჩნევდა (ს. ყაუხჩიშვილი "გეორგია", 1965 წელი, ტ. 2, გვ. 195).

ახლა ხონის ჰონოგურისთან მიმართების შესახებ.

ზოგმა მკვლევარმა დაუშვა მოსაზრება, რომ ხონი ეგრისში ბატონობისათვის ბიზანტიასა და ირანს შორის წარმოებულ ხანგრძლივი ომების დროს (542-562 წ.) წარმოშობილი ციხექალაქი ჰონოგურისია.

აგათიას სქოლასტიკოსი აღნიშნავს, რომ ძველ დროში, ჰუნთა ტომი - ჰონოგურები შემოსევიან ეგრისს, ქართველებს მტერი დაუმარცხებია და გამარჯვების ადგილას დაუარსებიათ "ჰონოგურისი", გმირულად დაღუპულ წმინდა სტეფანეს სახელზე კი მისი სახელობის ეკლესია აუგიათ (სიმონ ყაუხჩიშვილი "გეორგია", ტ. 3, გვ. 52, 1936 წ.).

აღნიშნული ლეგენდა სარწმუნოდ მიიჩნის: ანდრეი მურავიოვმა (А. Муравѣв, "Грузия и Армения", 1848 г. Ст. 236), მიხეილ სიმონიამ, გიორგი გოზალიშვილმა, თუმცა პროფესორმა პარმენ ზაქარაიამ "ჰონოგურის"-ს ნოქალაქევის ჩრდილო აღმოსავლეთით 15 კილომეტზე მიაკვლია, ხოლო მკვლევარმა ზურაბ წიტიანიშვილმა, ის მათხოჯის ციხესთან გააიგივა.

უნდა აღინიშნოს, რომ დასახლებულ მეცნიერთა მოსაზრებები უფრო სურვილს ეფუძნება, ვიდრე საისტორიო ფაქტებს და ადგილის გეოგრაფიას.

აკადემიკოსმა ნიკო ბერძენიშვილმა სცადა ჰონოგურისის ლოკალიზაცია და აღნიშნა: "...უფრო სადღაც მარტვილის მახლობლად არის

საძიებელი... მაგრამ რას იზამ, "ვოლგით" უნაგირას ძებნა ძნელია. ბანძა ამ პუნქტად მისაღებად ეჩვენებოდა, სახელი "ონოლია" კი "ჰონოგურისს" დაუკავშირა.

ნიკო ბერძენიშვილმა, ტერმინი "ჰონოგურისი", "უნაგირადან" ნარმომობილად მიიჩნია.

აკადემიკოსი სიმონ ყაუხჩიშვილი იზიარებდა მოსაზრებას, რომ ბერძნული "ჰონოგურისი", ქართულ "უნაგირას" შესაბამება და აგათიას ცნობების შეჯერებით ვახუშტი ბაგრატიონის გეოგრაფიულ მონაცემებთან მიაჩნია, რომ ის მდებარეობდა მარტვილისა და ხონის რაიონების საზღვარზე აღმართულ უნაგირას მთაზე. მაგრამ მან ვერ შეძლო იქ ასვლა და ადგილის შესწავლა.

გავეცნოთ ისტორიულ ფაქტებს:

550 წელს, არქეოპოლისთან მარცხის შემდეგ, სპარსთა სარდალმა მერმერომ მდინარე იპისის (ცხენისწყლის) მარჯვენა ნაპირზე, ოდნავ მოშორებით ააგო თხრილსიმაგრე. აქედან მოხირისის მხარე გადაჭიმული იყო ცხენისწყლიდან რიონამდე (ს. ყაუხჩიშვილი, "გეორგია", ტ. 2, გვ. 111, 119).

პროკოფი კესარიელი წერს, რომ მანამდე, სპარსელები მოხირისსა და ქუთაისში იყვნენ გამაგრებული.

552 წელს სპარსელებს გაუმაგრებიათ ცხენისწყლის დასავლეთით მდებარე სიმაგრე (სადაც ძველდაც არსებულა ბასტიონი) და შიგრაზმიც ჩაუყენებიათ. ამ პუნქტს აგათია ჰონოგურისს უწოდებს ("გეორგია" ტ. 3, გვ. 60).

ეგრისელი დიდკაცის, თეოფობის ლალატის შედეგად, სპარსთა ხელში გადავიდა უქემერიონის ძლიერი ციხე, რომელიც კეტავდა ლეჩხუმ-სვანეთისაკენ მიმავალ სტრატეგიულ მაგისტრალს. ამრიგად, ქართველებს და ბიზანტიელებს ხელიდან გამოეცალათ ეს მხარე.

ე.ი. უქემერიონი ცხენისწყლის ხეობაშია, სადღაც იქვეა ჰონოგურისი. მდინარისაგან ოდნავ მოშორებით, აღმოსავლეთ და დასავლეთ ეგრისის საზღვარზე.

553 წელს ტელეფისთან ბიზანტიელების დამარცხების შემდეგ, მერმერომ ჰონოგურისი დაიჭირა და მონინაალმდეგის ტერიტორიაზე გამაგრდა, გაიჩინა პლაცდარმი და დაემუქრა არქეოპოლისს.

აგათიას გადმოცემით, ბიზანტიელებს რცხვენოდათ ჰონოგურისის

დაკარგვის გამო და 554 წელს სტრატეგ მარტინეს ნაქეზებით, მასზე გაილაშქრეს.

სპარსულ გარნიზონს საფრთხე დაემუქრა, მაშინ ქუთაისიდან და მოხირისიდან მათ დასახმარებლად გამოეშურა რჩეულ ცხენოსანთა რაზმი. გამხნეებულმა მეციხოვნეებმა იერიში მიიტანეს ბიზანტიელებზე და "მოიპოვეს არამარტო ბრწყინვალე და საამაყო, არამედ შემოსავლიანი გამარჯვებაც".

ბიზანტიის 50 ათასიანი არმია პანიკამ მოიცვა, რის გამოც "კათარის წყლის" გადალახვისას მტერმა მეტად დააზარალა.

მკლევართა აზრით, "კათარის წყალი", მდინარე აბაშაა.

სპარსთა გარნიზონები იგზავნება მოხირისიდან და ქუთაისიდან. ე.ი. ჰონოგურისი მოხირისის გარეთაა. უკან დახეულმა ბიზანტიელებმა გადალახეს მდინარე აბაშა.

ჰონოგურისი რომ ცხენისწყლის აღმოსავლეთით მდებარე პუნქტი იყოს, აგათიას არ გამოორჩებოდა, რომ ბიზანტიის ჯარმა, უკან დახევისას გადალახა ცხენისწყალი, რადგან ის სიდიდით აღემატება აბაშას.

აგათია ამ პუნქტს გულისხმობს ეგრისის არა იმ ნაწილში, რომელიც სპარსელებს უჭირავს (ე.ი. აღმ. ეგრისს), არამედ მის გარეთ, ცხენისწყლის დასავლეთ ნაწილში, მაგრამ არა დიდად დაშორებით.

აგათია მნიშვნელოვან პუნქტად მიიჩნევს ჰონოგურისს, ხოლო პროკოფი საერთოდ არ ახსენებს. ეს ფაქტი იმით აიხსნება, რომ პროკოფის დროს, ჰონოგურისთან ომი არ წარმოებდა, ხოლო უქიმერიონის ხშირი ხსენება განპირობებულია მისი სტრატეგიული მნიშვნელობით. ის და ჰონოგურისი ერთსა და იმავე ფუნქციას ასრულებდნენ.

პროფესორ იური სიხარულიძის აზრით, ქვედა გორდის ციტადელი უქიმერიონის ციხესიმაგრეა (ი. სიხარულიძე, უქიმერიონის ადგილმდებარეობა "ძეგლის მეგობარი", 1970 წელი, №21, გვ. 39-41).

ამ მოსაზრებას ჩვენც ვეთანხმებით.

ჰონოგურისი რომ ცხენისწყლის დასავლეთ სექტორში მდებარეობდა, ამას ადასტურებს ბიზანტიელი სარდლების: იოანეს და რუსტიკეს სიტყვები:

"სპარსელებს ეჭირათ ჰონოგურისის ციხე, ჩამოგლეჯილი არქეოპოლისის მიდამოებიდან".

აქედან ცხადი ხდება, რომ ის მოთავსებულია მოხირისის გარეთ, იმ ოლქში, რომლის ცენტრია არქეოპოლისი. მისი დათმობა ბიზანტიელებისათვის მოასწავებს მათ აწინდელ სამფლობელოში (ცხენისწყლის დას, ეგრისი) მტრის შემოშვებას, ხოლო სპარსელებისათვის მისი შენარჩუნება ნიშნავს მოწინააღმდეგის ტერიტორიაზე ფეხის მოკიდებას. ე.ი. ის საზღვრის სიახლოვესაა, დასავლეთ ეგრისში, ოღონდ ცხენისწყლის სანაპირო ზოლში (ს. ყაუხჩიშვილი, "გეორგია", ტ. 3, გვ. 60).

საინტერესოა გავიხსენოთ ვახუშტი ბაგრატიონის სიტყვები იმერეთის საზღვრების შესახებ: "სიგრძე იმერეთისა არს ლიხის მთის თხემიდან უნაგირას გორამდე ძველად და აწ ქართლის საზღვრიდან ცხენისწყალამდე". სხვაგან მეცნიერი წერს: "ამ მთას თელიდნენ ოდესმე იმერთა და ოდიშთა საზღვრად" (ვახუშტი ბაგრატიონი, ქართლის ცხოვრება, ტ. 4, გვ. 777).

უნაგირას ქედი მართლაც იმერეთის საზღვართან, მათხოჯის პირისპირ, ცხენისწყლის გაღმა სოფელ ზედა ხუნწის გორაკებით იწყება.

ე.ი. ჰონოგურის-უნაგირა, ისტორიული მოხირისის გარეთაა და მისი აგათიასეული აღწერილობა ზუსტად შეესაბამება სოფელ ქვედა-ხუნწის მონაკვეთზე, მდინარის მარჯვენა ნაპირზე მდგარ უნაგირას მთას. ის ნაპირიდან 600-700 ნაბიჯზეა, ზღვის დონიდან კი 246 მ სიმაღლეზე.

ჩვენს ამ მოსაზრებას მკვიდრ ნიადაგზე აყენებს არა მარტო ბიზანტიელ ავტორთა ცნობები, არამედ მიდამოს გეოგრაფია, ტოპონიმია, ნაცხივარის მასშტაბი და სხვა გარემოებანი.

ადგილობრივნი, ამ მთას, დღესაც "ნაჯიხუს" (ე.ი. ნაცხიხარს ა.ფ.) ეძახიან (გივი ელიავა, აბაშისა და გეგეჭკორის რაიონის ტოპონიმია, 1977 წ. გვ. 112).

წლების განმავლობაში სამეცნიერო ექსპედიციებში მონაწილეობამ, ჰონოგურისის შესახებ, მოღწეული ცნობების დეტალურმა ანალიზმა, ცხენისწყლის ხეობის შესწავლამ ღვედიდან მაიდნამდე დაგვარწმუნა, რომ ჰონოგურისი ხუნწში მდებარე უნაგირა გორაა.

სწორედ ასეთი პუნქტი იქნებოდა არქეოპოლისისა და ქუთაისის შორის შუა გზაზე, ამავე სახელწოდების მთაზე.

გორაკის ვიზუალური დათვალიერებითაც ცხადი ხდება, რომ ის

უძველესი ნაციხვარია. მთის დასავლეთის კეხზე ჯერაც ჩანს ციხე-ქალაქის ნანგრევთა კონტურები, გალავნის ნაშთები, შენობათა ნანგრევები და ბრტყელი კრამიტი.

ჰონოგურისი თავისი მდებარეობით, რამდენიმე ფუნქციას ასრულებდა. კეტავდა ყველაზე მარჯვე ფონს მდინარის მათხოჯი-ხუნნის მონაკვეთზე, დარაჯობდა სატრანზიტო გზას აღმოსავლეთ ეგრისიდან დასავლეთის მიმართულებით, კეტავდა ლეჩხუმ-სვანეთისაკენ ცხენისწყლის ხეობით მიმავალ მაგისტრალს და ამავე დროს, უცილობლად, ბატონობდა როგორც ქვემო იმერეთზე, ისე სამეგრელოს აღმოსავლეთ ნაწილზე. აქედან ხელისგულივით ჩანს ქუთაისი (35კმ-ზე), ხონი 10 კმ-ზე, წყალტუბოს მალღობები - 27 კმ-ზე, სამტრედია - 27 კმ-ზე. მასთან ერთი კილომეტრითაა დაშორებული მათხოჯის ანტიკური ხანის ციხე, 17 კილომეტრით მოხირისის (ნამაშევის) ციხე, ათით - გვაშტიბის, ოცით ბანძის, ცხრით უქიმერიონის ციხე-სიმაგრე.

უქიმერიონი და ჰონოგურისი, ერთ სექტორში მდებარეობენ, როგორც ვარაუდობდა განსვენებული სიმონ ყაუხჩიშვილი.

ჰონოგურისს მტერი ჩრდილო-აღმოსავლეთიდან ვერ მოუვლიდა ხშირი ტყეებისა და გორაკების გამო. აგრეთვე აღმა ცხენისწყალი უფრო წყალმარჩხია და ძნელად გადასალახი, ბუმბუას ხიდს კი დარაჯი ეყოლებოდა.

1996 წლის ზაფხულში, მეგობრებთან ერთად დეტალურად მოვჩხრიკეთ უნაგირას გორაკები და მის დასავლეთ კეხზე გავზომეთ და ავგეგმეთ დაახლოებით 1 ჰა სიდიდის ნაციხვარი. ალაგ-ალაგ კარგად შემონახული ქვითკირის კედლების ნაშთები. გალავნის ზოგიერთი მონაკვეთი მენყერს ღრმა ხევში ჩაუტანია.

უნაგირას კეხის უმაღლეს კონცხზე, რომელსაც შედარებით სწორი ფორმა აქვს, ჯერაც შეინიშნება ორი უზარმაზარი შენობის ნაშთები. დარბაზთა იატაკი, ნაპირის დამენყვრის გამო ჩანს და მოპირკეთებული ყოფილა თიხის, გამომწვარი სადა ზოლებიანი ფილებით. კედლები ნაგებია ადგილობრივი (ბაბუშერის) თეთრი ქვით. შენობები გადახურული ყოფილა ბრტყელი ფორმის, კიდებებზექილი ქართული კრამიტით, რომელთა ზომებია 25X35, ხოლო იატაკის ფილებისა 20X35 სანტიმეტრზე.

სამხრეთ-აღმოსავლეთ კედლებთან შეინიშნება კარიბჭის ნანგრევები.

ეს უზარმაზარი ნაშთები, სწორედ ჰონოგურისია და არავითარი კაეშირი არა აქვს ხონთან.

ხონი ცხენისწყლის აღმოსავლეთ ვაკეზეა და არა უნაგირისმაგვარ მთაზე. ის არც სტრატეგიული პუნქტია, და არც ლეჩხუმ-სვანეთისაკენ გზის ჩამკეტავად ივარგებდა, რადგან მტერს შეეძლო, მისთვის მოეარა ყველა მხრიდან, სივაკისა და დაბრკოლებების არარსებობის გამო.

ამიტომ, ზემოხსენებულ ავტორთა მოსაზრებები, ხონისა და ჰონოგურისის იგივეობის შესახებ, არადამაჯერებელია და მოკლებულია არგუმენტაციას.





# თავი მეოთხე

## ხონი ფეოდალურ ხანაში

ბიზანტიასა და ირანს შორის ომები, ეგრისის დასასაკუთრებლად, უშუალოდ ხონის შორიანხლო, ცხენისწყლის ხეობაში მიმდინარეობდა. ამიტომ ლოგიკური იქნება ვივარაუდოთ, რომ მოსახლეობა დიდად შემცირდებოდა.

ქვემო იმერეთი, დიდად დაზარალებულა დასავლეთ საქართველოში მურვან ყრუს გამანადგურებელი ლაშქრობისას (736-738 წწ.).

ერთი ზეპირი გადმოცემით, რომელიც ქუტირ-გვაზაურის საზღვარზე ჩავინერე (ინფორმატორი ე. რუხაძე) - "-აქ ისეთი მჭიდრო დასახლება ყოფილა, რომ თხა, ბანიდან ბანზე ხტებოდა და მოსახლეობა მურვან ყრუს გაუჟღეცია". მიუთითებენ ჭალიკუთხის ეკლესიის ნაშთზე, რომელიც არაბებს დაუნგრევია (ისევე, როგორც "ობუჯის" და "ტარეშის" ეკლესიები ხიდზე და კინჩხაში).

უკეთესი დღე არც ხონს დაადგებოდა.

ვახუშტის ცნობის თანახმად, არაბთა ლაშქრობისას დარქმევია ცხენისწყალს და აბაშას ეს სახელები, რადგან პირველს აბაშთა (ეთიოპელები) ტომი დაუხრჩია, მეორეს არაბთა ცხენ-კაცი (ვახუშტი ბაგრატიონი, დასახელებული ნაშრომი, გვ. 751).

მაგრამ როგორც დავინახეთ, ცხენისწყალს ეს სახელი რქმევია ანტიკურ ხანაში.

მირისა და არჩილ ერისმთავრის დალუპვის შემდეგ, ამ უკანასკნელის შვილების: ჯუანშერისა და იოანეს დროს უნდა იყოს აგებული ხონის წმიდა გიორგის საყდარი.

სარგებლობდა რა, აგათიასეული ლეგენდით, ისტორიკოსი პლატონ იოსელიანი აღნიშნავდა, რომ ჰონოგურისი - "Это безъ сомнения нынѣшнии Хони".

თუმცა მეცნიერი იქვე ვარდება წინააღმდეგობაში, როცა წერს: - "ხონი დაუარსებია აფხაზთა მეფეს თეოდოსის 812 წელს და დაუნგრევიათ თურქებს" (П. Иоселианы - "Города существовавшие и Сущест-

ვიუიშნე в Грузии”, Тиф, 1850 г, ст. 70-71, თარგმანი ფაილოძისა).

კლასიკურ შუა საუკუნეებში, ცნობილ "მოხირისს", ცვლის ტერმინი "სამოქალაქო".

თ. ბერაძის დაკვირვებით, "სამოქალაქო" ეგრისის მეფეთა ადგილას მჯდომთა საპატრონო ქვეყანაა. XII საუკუნის ბოლოს, ვარდან დადიანი იჯდა ერისთავ-ერისთავად და სამოქალაქოც მის დაქვემდებარებაში იყო (თ. ბერაძე - "ოდიშის პოლიტიკური გეოგრაფიიდან", "საქართველოს ისტორიული გეოგრაფიის კრებული", ნიგნი 3, 1967 წელი, გვ. 159).

ივანე ჯავახიშვილს მიაჩნდა, რომ ქუთაისის ქანახების აღსანიშნავად იხმარებოდა ტერმინი "სამოქალაქო" (მ. გაბაშვილი "საქართველოს ქალაქები XI - XII საუკუნეებში", 1981 წ. გვ. 48).

შუა საუკუნეებში, ადგილობრივი მოსახლეობის გადანაცვლება-მიგრაციისა და ქართულ-მესხური ეთნოკულტურის გაბატონების გამო, ტერმინი "მოხირისი" დავიწყებას მიეცა და მისი ადგილი, ახალმა სახელმა "სამოქალაქომ" დაიჭირა.

ბაგრატ მეოთხის დროინდელ წყაროებში მოიხსენიება - "ქუთაისის სამოქალაქოს ლაშქარი".

"მატიანე ქართლისაი" გვაუწყებს, რომ საქართველოს სხვა მხარეებთან ერთად თურქთა მარბიელ ლაშქარს სამოქალაქოც აუოხრებია:

"ხოლო დღესა ივანობასა... არგვეთი, სამოქალაქო და ჭყონდიდი აღივსო თურქთა, მოსრნეს და ტყუე იქმნა ამის ქვეყნის მკვიდრნი ყოველი" ("მატიანე ქართლისაი", "ქართლის ცხოვრება", ტ. 1, 1955 წ. გვ. 254).

დავით აღმაშენებლის დროს (1089-1125 წწ.), ხონი მოზრდილი და მნიშვნელოვანი დასახლება ყოფილა, რადგანაც ის საქართველოს კათალიკოსისათვის დაუქვემდებარებიათ ("ხონი მცხეთის მთავარეპისკოპოსის იყო" - ვახუშტი).

ნ. ბერძენიშვილს საეჭვოდ არ მიაჩნდა ეს ცნობა და განმარტავდა, რომ ბედიელ-ალავერდელის და სამოქალაქო ერისთავის ინსტიტუტი, სამთავნელ-მანყვერელ-ჭყონდიდელის სახელოთა გაერთიანება ხონის დამორჩილება ქართლის კათალიკოსისადმი იმის მოწმობა იყო, რომ ახალი, ბატონყმური, ცენტრალიზებულად გაერთიანებული სახელმწიფო, მყარ ნიადაგზე დამყარებას ლამობდა (ნ. ბერძენიშვილი, "საქართველოს ისტორიის ნარკვევები", ტ. 7, 1974 წ. გვ. 23-30, 90).

ხონის შესახებ ვახუშტის ცნობა, სარწმუნოდ მიაჩნია მეუფე ანანია ჯაფარიძეს და აღნიშნავს, რომ ხონის საეპისკოპოსო კათალიკოსს ექვემდებარებოდა და სომხურ წყაროთა თანახმად, მცხეთელი კათალიკოსი კირიონი "წინანდელ წესთა თანახმად" ეგრისის არქიების, კოპოსიც იყო (ანანია ჯაფარიძე - "უამთა აღმწერლობა ჭეშმარიტა ის მეტყველება არს", "სახალხო განათლება", 1990 წ. 17 მარტი, გვ. 13).

ხონის საყდრის აღმოსავლეთ ფასადზე შემორჩენილია წარწერა, რომელშიც თამარი და მისი შვილი გიორგია მოხსენებული, მათი ამ საყდრისადმი განეული ღვაწლის გამო. ამ წარწერამ მარი ბროსეს, ანდრეი მურავიოვს, დიმიტრი ბაქრაძეს, ექვთიმე თაყაიშვილს აფიქრებინა, რომ ტაძარი თამარის დროს არის აგებული. ახლახან ფასადზე აღმოჩნდა თამარის მემკვიდრის გიორგი IV წარწერა.

თუ "ამირანდარეჯანიანის" ავტორი ხონიდან იყო, მაშინ ის განათლებისა და კულტურის მნიშვნელოვანი ცენტრი ყოფილა, თუმცა მოსეს "ხონელობა" არა გვგონია მხოლოდ სადაურობას აღნიშნავდეს, ის შეიძლება "სახელოც" იყოს.

მოსეს "ხონელობას" კიდევ დაუბრუნდებით, მთავარია ჩვენთვის იოანე და თეიმურაზ ბაგრატიონების, ე. თაყაიშვილის და ზ. ჭიჭინაძის აზრი - "ხონი ძველ ჟამშიც ქალაქი ყოფილა"-ო.

აღსანიშნავია წარწერა ხონის წმიდა გიორგის დიდ ხატზე, რომლიდანაც ირკვევა, რომ ხონელი აზნაურები მძლავრი და ანგარიშგასანევი ძალა ყოფილა. ისინი დიდ შენიერულობებს უბოძებდნენ ხოლმე ეკლესიას.

ექვთიმე თაყაიშვილი აღნიშნავს, რომ ხონის ეკლესია გადაუკეთებიათ ვამიყ დადიანის დროს (1384-96 წწ.) მისი ხელმძღვანელობით და სახსრებით.

საამისო საბუთები არ შემონახულა და ეს ცნობა უფრო ფოლკლორს ეფუძნება. სხვა ადგილას კი სახელოვანი მეცნიერი წერს, რომ ხონის საყდარი XI საუკუნეში არის აგებულიო.

## ბაგრატ მესამე იმერთა მეფე და ხონი

ხონი დავალებულია იმერთა მეფის, ბაგრატ მესამის მიმართ კეთილი ხსოვნით. ბაგრატს (1510-48 წწ.) ხონში გარკვეული საამშენებლო სამუშაოები ჩაუტარებია. მის მიერ არის აგებული ხონის საყდრის ორსართულიანი, ოთხკუთხა ფორმის, მონუმენტური სამრეკლო, რომელიც აკადემიკოსს ვახტანგ ბერიძის დაკვირვებით სწორედ XVI საუკუნის ძეგლია.

1510 წელს თურქ-ოსმალთა ჯარებმა იმერეთი ააოხრა და გადასწვა ეკლესია-მონასტრები.

ბაგრატმა სამცხის გასათავისუფლებლად ხანგრძლივი ომები აწარმოა, ქართლის მეფე ლუარსაბ პირველთან (1527-56 წწ.) ერთად. მართალია ქარაღალთან და მურჯახეთთან ქართველებმა გაიმარჯვეს, მაგრამ სოხოისტასთან (1545 წ.) დამარცხდნენ.

დამარცხებულმა იმერთა მეფემ, წმიდა რელიქვიები სამცხიდან იმერეთში ჩამოასვენა. XVI საუკუნის ხონურ საბუთებში უკვე მოიხსენიება "ანჩის ხატი", რომელიც ანჩის საკათედრო ტაძრიდან ხონში ბაგრატის მიერ უნდა იყოს გადმოტანილი.

ბაგრატმა დაანინაურა ჩხეიძეთა გვარი. მის დროს ხონელი ეპისკოპოსი მანოველი, ქუთათელი გერმანე, ბედიელი გერასიმე, ჯუმათელი სვიმონი, სამეფო სახლთუხუცესი ხოფილანდრე და აფხაზეთის კათალიკოს ევდემონი ამ საგვარეულოს ეკუთვნოდნენ.

ბაგრატს, საგარეო პირობების გართულებასთან ერთად, არც ოჯახში ქონდა მშვიდობა. თავის 1510-24 წლების ერთ სიგელში ასახელებს თავის ძმებს: ვახტანგს და დავითს.

სწორედ მომდევნო ძმა ვახტანგ ბატონიშვილი განუდგა მეფეს. მათ შორის ომი მოხდა მოხისთან, მეფემ გაიმარჯვა და შეირიგა გამდგარი ძმა.

თეიმურაზ ბატონიშვილმა 1525-50 წლებში ბიჭვინთის საკათალიკოსო საყდარს შესწირა ხონელი და კუხელი 20 კომლი გლეხი.

უფლისწულის მიერ ათობით გლეხის გადაცემა საკათალიკოსო საყდრისადმი, გვაფიქრებინებს, რომ იმერეთის სამეფოში, საუფლისწულოებს უკვე ჩაყრილი ჰქონდათ საფუძველი.

თვით ბაგრატ მეფემ 1529 წლის საეკლესიო რეფორმით ხონის

სასულიერო ეპარქია დააარსა და მას გადასცა 50 კომლი სამეფო გლეხი. ბაგრატ მესამის დროს, იმერეთის სამეფოს საბოლოოდ გამოეყო ოდიშის სამთავრო. ამის მიზეზი გახლდა მეფის სურვილი, დაესაჯა ლევან დადიანი, რომელიც სოხიოსტას ომში ჯარით არ მიეშველა.

"ახალი ქართლის ცხოვრება" გვაუწყებს, რომ "ანვია (მეფემ ა.ფ.) დადიანი ლევან ჭალასა ხონისასა, უღალატა და შეიპყრა დადიანი ლევან ამის მიზეზისათვის, რომ მაშინ ურუმზედ დადიანმან არ უღაშქრა".

ვახუშტი ბაგრატიონი მართალია დადიანის შეპყრობის ადგილს არ ასახელებს, მაგრამ წერს: "მოუნოდა მეფემან ბაგრატ ლევან დადიანსა, რეცა დარბაზობად და შეიპყრა იგი ზაკვით".

ამ მოვლენას მემატეიანე 1546 წლით ათარილებს.

ტყვე-მთავარი, გელათის მონასტრის სამრეკველოდან გააპარა სამცხის ათაბაგისაგან მოსყიდულმა ხოფილანდრე ჩხეიძემ. ის გაიქცა და მშვიდობით დაუბრუნდა თავის სამთავროს.

ლევან დადიანმა სულთანს ძვირფასი ლალი მიართვა და მოურიგდა (1558 წ.).

იმერეთის მეფეც იძულებული გახდა თურქთა ბატონობა ეცნო, ყოველწლიური ხარკის გადახდის პირობით.

ვფიქრობთ ცდებიან ჩვენი ისტორიკოსები, როდესაც ბაგრატ მეფის გარდაცვალების თარიღად 1565 წელს ვარაუდობენ.

საგარეო და საშინაო პოლიტიკაში სასტიკ მარცხს, ვფიქრობთ, მისი ჯანმრთელობა უდროოდ უნდა გაეტეხა.

ამიტომაც სწორია ე. თაყაიშვილის მოსაზრება, რომ მეფე 1548 წელს გარდაცვლილა რასაც ასაბუთებს გიორგი მეორეს სიგელი ნულუკიძეებისადმი.

## ხონი გიორგი მეორის, იმერთა მეფის დროს (1548-1585 წლები)

ხონი, კონტუათი და მათხოჯის მეფის დომენში შედიოდა.

იმერეთის მეფის საკუთრებას წარმოადგენდა: ნამაშევის, გვაშტიბის და ხონის ციხესიმაგრეები.

"ხონის ციხესიმაგრე"- იგივე ეკლესიის მაღალი, ქონგურებიანი გალავანი იყო.

გიორგის მეფობისას კიდევ უფრო გართულდა საგარეო ურთიერთობა.

1555 წლის ამასიის ზავით, ირანმა და თურქეთმა ამიერკავკასია ორად გაიყვეს. იმერეთის სამეფო, გურია და ოდიში, იმიერ ტაოთი ოსმალეთს ერგო. მაგრამ ისინი თავიანთ წილს არ დასჯერდნენ და მთელი სამცხე დაიჭირეს, შემდეგ კაფა (თეოდოსია) აიღეს და დასავლეთ საქართველო პოლიტიკურ და ეკონომიკურ იზოლაციაში მოაქციეს. შეწყდა რკინისა და მარილის შემოტანა, დაკინდა ქალაქები, ფულად-სასაქონლო ურთიერთობა, გამეფდა ნატურალური მეურნეობა და გაძვირდა ფული. სახსრების მოსაპოვებლად ჩვეულებრივი საქმე გახდა ტყვის სყიდვა, რასაც ყოველმხრივ ხელს უწყობდა თურქეთის მთავრობა. ამ უკურნებელ სენს დაემატა ეკლესიათა ძარცვა, ციხეთა დაქცევა, ყაჩაღობა, შინა ომები, მოარული სენი და შიმშილიანი წლები.

დაეცა ზნეობა, გაბატონდა ათასგვარი უზნეობა.

სწორედ უასახელებული უკულმართობათა ამოსაძირკვად, გიორგი მეფემ მოიწვია დიდი საეკლესიო კრება, რომლის მუშაობაში სხვებთან ერთად, ზაქარია ხონელი - მთავარეპისკოპოსიც მონაწილეობდა, თუმცა ამ ღონისძიებამ ქვეყანა ვერც განკურნა და ვერც დაიხსნა.

სცდება ვახუშტი ბაგრატიონი, როცა ამ კრებას XVI საუკუნით ათარიღებს.

სარგის კაკაბაძემ გაარკვია, რომ ეს ღონისძიება XVI საუკუნის 50-იან წლებში ჩატარებულა.

მას დაეთანხმა პროფესორი დავით გვრიტიშვილიც.

მეფე გიორგიმ დაამკვიდრა ხონში რაჭველ თავადთა - ნულუკიძეთა ერთი შტო.

ეს ამბავი მოჰყვა ერთ შეთქმულებას.

მეფემ ცხუნკური და მისი შემოგარენი, 1565-68 წლებში, უბოძა აზნაურ ბეჟან ნემსაძეს, რომელმაც წყალობას ღალატით უპასუხა და შეთქმულებს: დადიანს, ლიპარტიანს და ვარაზა ჭილაძეს აცნობა, მეფე იანეთში იმყოფებაო. ფეოდალებს ტახტზე ხოსრო ბატონიშვილის დასმა სურვებიან, მაგრამ მეფეს ისინი დაუფანტავს და თვით მშვიდობით გარიდებია.

ვახუშტი ბაგრატიონი აღნიშნავს, რომ 1568 წელს გიორგის უღალა-

ტა: "ვახტანგის ძის ძემ ხოსრომ (ე.ი. ბიძაშვილის შვილმამო ა.ფ.) თავს დაესხნენ მეფეს იანეთში, მაგრამ ვერა ავნეს რა".

XVIII საუკუნის ერთი კინკლოსის ცნობით "... გაურისხდა ღმერთი ხოსროსა, ვახტანგის შვილსა, უღალატა მეფეს გიორგის, ძესა ბაგრატიასა".

ამავე წელს, ისეთი შავი ჭირი მოსდებია იმერეთს, რომ იმავე კინკლოსის ცნობით, ათასობით ქრისტიანის სული უმსხვერპლია.

ხოსრო ბატონიშვილი, იმ ვახტანგის შვილიშვილია, მუდამ რომ ძმას, ბაგრატს ეკირთებოდა. მოხისის ომის შემდეგ, მეფემ მას ალბათ მამული უბოძა ხონთან, ხოლო მამის სიკვდილის შემდეგ მეპატრონე ხოსრო გახდა.

წყაროებში ბევრჯერაა ნახსენები ხონთან არსებული "მეფის სასახლე" და "ნასახლარი". ეს ტოპონიმი 1570 და 1802 წლებს "წყალობის წიგნებითაც" დასტურდება.

თავის ერთ აღრეულ ნაშრომში, მკვლევარმა ოლია სოსელიამ "ხოსრო" ბატონიშვილად კი არა იმერელ თავად ღოღობერიძედ მიიჩნია, თუმცა 1990 წელს ეს მოსაზრება ძირეულად გადასინჯა.

მკვლევარს მიაჩნია, რომ იმერეთში იანათის ბრძოლისას საუფლისწულო მამულები არ იყო, 1587 წელს გამოყვეს და ისიც ზემო იმერეთში.

ასეთი დასკვნა, ვფიქრობ ეწინააღმდეგება "ბიჭვინთის იადგარის", ვახუშტი ბაგრატიონის, ზემოთ დამონმებული კინკლოსის და გიორგი მეფის 1570 წლის სიგელის შინაარსს, რომელსაც ეხლა გავეცნობით.

იანეთის ბრძოლის შემდეგ, ცხადია, ხოსრო ბატონიშვილი შერისხული იქნებოდა. ამიტომაც მისი სასახლე და გლეხები: სულათაძეები, ჯალალანიები, ყირყიზელაშვილები, ბალავაძეები, სვანიძეები, თედორაშვილები, ჩირგაძეები, ჭავჭავანიძეები, ყვინჩია, ჭანტურიშვილი და კიკალიშვილი მეფემ გადასცა დავით წულუკიძეს.

თავადს საძვალედ მიეცა ხონის საყდარი, გადაეცა ნისქვილები, "სახასო სანადიროები და სასახუნდროები", საყანეები მდინარე წყალტუბომდე, მალლაკის თავამდე და "ჩიჩიას ფონი კუხამდე" (შ. ბურჯანაძე - "ისტორიული დოკუმენტები იმერეთის სამეფოსა და გურია-ოდისის სამთავროებისა 1466-1770 წლები", 1958 წელი, გვ. 18-19).

პროფესორი შ. ბურჯანაძე, ამ სიგელს 1570 წლით ათარიღებს, რადგან მეფეს ის გაუცია თავისი მეფობის 22-ე ინდრიქტიონს, ანუ

1548 + 22 = 1570 წელს.

ამ საბუთით ცხადია, რომ გიორგი გამეფებულა 1548 წელს და არა 1565 წელს. ის რომ 1565 წელს გამეფებულყო, მისი მეფობის 22-ე წელი 1587 წელზე მოვიდოდა, მაშინ კი მეფე გიორგი გარდაცვლილი იყო.

ამიტომ, არ უნდა იყოს სწორი, აკადემიკოსი ნ. ბერძენიშვილი, რომელიც ამ საბუთს 1586 წლით ათარილებს (ნ. ბერძენიშვილი - "საქართველოს ისტორიის საკითხები", 1964 წ. 1, გვ. 197).

ამრიგად, ნულუკიძეები ხონში 1570 წელს დამკვიდრდნენ.

გიორგი მეფის მიერ მოჭრილი ქართულსიქიანი, უკანასკნელი მონეტები ხონთან ახლო, ჯიხაიშშია ნაპოვნი, რაზედაც ამ წიგნის პირველ ნაწილში ვისაუბრეთ.

ამავე პერიოდში, გიორგი დადიანმა (1572 წლის შემდგომ) ბიჭვინთის საკათალიკოსო საყდარს შესწირა - "მათხოჯის სასახლე და მონასტერი 40 კომლი გლეხით და 2 აზნაურიშვილი რატიანით, სანადიროთი, შემოსავალ-გასავლით" ("ქართული სამართლის ძეგლები", 1965 წ. ტ. 2).

ამავე სოფელში საქუთათლო ეპარქიას ეკუთვნოდა 50 კომლი გლეხი.

მთავრის მიერ, მათხოჯის ტერიტორიაზე სასახლის, მონასტრის, მამულის და გლეხების საკუთრებაში ყოლა, ჩვენის აზრით, იმ დროის მემკვიდრეობა უნდა იყოს, როცა დადიანები სამოქალაქოს ერისთავთ-ერისთავები იყვნენ და ამრიგად, იმერეთში დიდძალ მამულს ფლობდნენ.

გიორგი მეფის სიკვდილის შემდეგ (1583 წელს), იმერეთის ტახტი დაიჭირა მისმა მცირეწლოვანმა შვილმა ლევანმა. მას კი როსტომ კონსტანტინეს ძემ დაუწყო კირთება.

1588 წელს, ქართლის მეფემ, სვიმონ პირველმა იმერეთი დალაშქრა, გოფანთოსთან ლევანი დაამარცხა და "ცხენისწყლის აქეთნი თავადნი ზოგნი მოუვიდნენ, ზოგნი არა".

მანუჩარ დადიანმა ლევან მეფის მტრობა იწყო, შეიპყრო და შხეფის ციხეში გამოკეტა, საიდანაც იმერეთის ახალგაზრდა მონარქი ცოცხალი ველარ გამოვიდა..

მისი ჯიბრით, იმერეთში ანარქიის აღკვეთის მიზნით, სვიმონ მეფემ 1590 წელს მეორედ გაილაშქრა იმერეთზე, თუმცა დადიანმა და როსტომმა ოფშკვითის ომში სასტიკად დაამარცხეს და მარტოდმარტო ილტვოდა ქართლისაკენ.



## გიორგი მესამის დროინდელი იმერეთი

იმერეთის მეფე როსტომი 1604 წელს გარდაიცვალა.

ტახტი ერგო მის ძმას - გიორგის, რომლის მმართველობის წლები (1605-39 წწ.) ემთხვევა ოდიშში მძლავრი, ჭკვიანი, ენერგიული და მიზანსწრაფული, მაგრამ ვერაგი, დაუნდობელი ლევან მეორის (1611-57 წწ.) მმართველობას.

1614 წლის 13 დეკემბერს ოსმალეთის მთავრობამ, ბათუმში, გურიელთან მოლაპარაკება გამართა და ხარკზე დაითანხმა.

1615 წლის თებერვალში, ასეთსავე პირობებზე მოურიგდნენ დადიანსაც. გიორგის მეფობის წლებში კათალიკოსის, ცაიშელ-ჯუმათელ-ხონელი მთავარეპისკოპოსის სახელო, ერთდროულად ეჭირა მალაქია გურიელს, მაგრამ მისი ცდა მეფე - მთავართა შორის მშვიდობის დასამყარებლად ამაო იყო.

ლევან დადიანმა, დაიწყო ბრძოლა დასავლეთ საქართველოში პირველობისათვის. ამ მიზნით მუდამ იმერეთს და აფხაზეთს ლაშქრავდა.

1623 წლის 9 დეკემბერს, დადიანმა დიდძალი ჯარით ხონთან ცხენისწყალი გადალახა და იმერეთს შეესია, ქვემო იმერეთი ააოხრა და გოჭორაულთან სასტიკად დაამარცხა იმერეთის ჯარი. გამარჯვებულს დიდძალი ტყვე დარჩა და პაატა ნულუკიძის რჩევით, ყველას ფულადი გამოსასყიდით დაახსნევინა თავი.

შინა ომებში ეს პირველი შემთხვევა იყო.

დადიანმა სვიმონ გურიელი ტახტიდან ჩამოაგდო, გურიის მთავრად მალაქია კათალიკოსი დასვა და ძალაუნებურად მისი ხელისშემყურე გახადა.

როსტომ ქართლის მეფემ, შაჰის დასტურით, 1634 წელს, კავშირი შეკრა ლევან დადიანთან და მის და მარიამზე იქორწინა, რაც იმერეთის სამეფოს პოლიტიკურ იზოლაციას მოასწავებდა.

გიორგი მეფემ რევანში გადაწყვიტა და მაყრიონებს გზა ჩაუკეტა

ბაღდადთან, ხანის წყლის ხეობაში. მას თან ახლდა თეიმურაზ პირველი დიდი ამალით.

მოვლენები იმერთა საზიანოდ განვითარდა. მეფე მაშინ დაატყვევეს, როცა ჯორზე ამხედრებული მონინაალმდეგეთა ძალების დასაზვერვად გამოვიდა.

უმეფოდ დარჩენილი ჯარი ოდიშარებმა მალე გაფანტეს და ბევრი წარჩინებულიც დაატყვევეს. მათ შორის კახელი თავადი ბარძინ ვაჩნაძე, რომლის შთამომავლები ახლაც ცხოვრობენ გორდსა და ხონში.

მალაქია კათალიკოსის მაყრიონი, ექვსი თვე ისტუმრა როსტომ მეფემ ქართლში.

ამ ომის შესახებ მოგვითხრობს ხონის წმიდა გიორგის ხატის წარწერა, რაზედაც ჩვენ საუბარი უკვე გვექონდა. გამარჯვების სამადლობლად დადიანმა ხონის ეკლესიას შესწირა აგრეთვე ყმა-მამიკაცი სანოძე.

მეფის გამოსახსნელად, ალექსანდრე ბატონიშვილმა დადიანს დაუთმო იმერეთის სანაპირო ზოლი, ხონის ეპარქიის ნაწილი, სამიქელაო და საჭილაო, მისცა მრავალი ოქროსა და ვერცხლის ნივთი. ხარბი მთავარი ამას არ დასჯერდა და ჩხარში მოსახლე 50 კომლი სომეხი და ებრაელი ვაჭარი მოითხოვა. "რაც ჩხარში ვაჭრები ესახლნენ, სომეხნი, დადიანმან რუხის ქალაქი იამებთ ალაშენა" - წერს ფარსადან გორგიჯანიძე (ს. კაკაბაძე - "ფარსადან გორგიჯანიძის ისტორია", "საისტორიო მოამბე", 2, გვ. 241).

იმდროინდელი ისტორიკოსები და მისიონერები, იმერეთისა და სამეგრელოს მტრობის ნამქეზებლად ხონელ თავადს, პაატა წულუკიძეს მიიჩნევენ, რომელსაც გიორგი მეფემ მამულები ჩამოართვა და გააძევა. ის დადიანს ეახლა, მისი პირველი ვეზირი შეიქმნა და მუდამ იმერეთზე აქეზებდა.

დადიანს ნაქეზება რაში სჭირდებოდა, ძილში და ღვიძილში მუდამ იმერეთის ტახტ-გვირგვინი ეზმანებოდა.

ივ. ჯავახიშვილის, ს. კაკაბაძის და დ. გერიტიშვილის მიხედვით, ომი ბაღდადთან 1634 წელს მომხდარა. ამას ადასტურებს ილორის წმიდა გიორგის (1651 წ.) და ხონის 1636 წლის ხატის წარწერები.

1639 წელს გიორგი მეფე გარდაიცვალა და ტახტზე ავიდა ალექსანდრე მესამე (1639-60 წწ.). ამავე წელს გარდაიცვალა მალაქია კათალიკოსი, რომელიც ერთგვარად აცხრობდა დადიანის ვნებებს.

ოდიშის მთავარმა სულ აიშვა თავი. ჩამოასხა 30-მდე ზარბაზანი, დაესხა ქუთაისს, სამეფო სასახლეები მიანგრ-მოანგრია, ქვეყანა დაათარეშა და ათასობით ტყვე წაასხა, იმერთა მეფემ მხოლოდ დამალვა "მოახერხა".

ყოველ საუფლო დღესასწაულზე დადიანი აოხრებდა იმერთს, უხირო ხელმწიფე კი თავისი დიდებულებით ქუთაისის ციხეში შეიხიზნა და მიყურდა.

ერთ-ერთი ბრძოლისას, დადიანმა დაატყვევა მეფის ძმა მამუკა ბატონიშვილი, რომელიც ღვთის იმედით მამაცურად ებრძოდა ოდიშარ მათხართ. მეფემ ვერ შეძლო ძმის გამოხსნა, თუმცა ტახტის მემკვიდრე მძევლად გაუგზავნა ზვიად მთავარს.

"-უჯერო არს განტყვევა მტრისა, რამეთუ მოიცემს რა ძალსა, კულადმცა არს მტერი" (ვახუშტი, გვ. 831) - არწმუნებდა მთავარს ხონელი თავადი პაატა წუნკი.

გაბოროტებულმა დადიანმა ტყვეს თვალები დასთხარა. ნამებული ბატონიშვილი 1654 წელს გარდაიცვალა. თვით დადიანის დამ, მარიამმა, სიძემ - როსტომ მეფემ, მთელ ერთან ერთად მწუხარებით დაიტირეს, უბედური ბატონიშვილი, ნამდვილი ფარი უსასოო იმერეთისა.

1645 წლის იანვარ-თებერვალში დადიანმა სამჯერ დალაშქრა იმერეთი, დასწვა გელათი და აჯამეთის სასახლე, მოარბია არგვეთი, ვაკე, ხონი და ათასობით ტყვე წაასხა.

მაშინ იმერეთის მეფის თხოვნით, თურქეთის სულთანმა, ექვსი საფაშოს ჯარი შეუსია სამეგრელოს. ქვეყანა გადასწვეს და დიდძალი ტყვე წაასხეს. აქამდე შაჰის მოიმედე მთავარი, ისევ სულტნის მოხარკე გახდა (ს. კაკაბაძე - "საქართველოს მოკლე ისტორია", გვ. 60).

ცნობილია, რომ მეფეზე ჩამტერებული დადიანი, განსაკუთრებული სისასტიკით არბევდა მის კუთვნილ დაბებს და სოფლებს, ხონს და მიმდებარე ვაკეს.

მთავარი დიხაც სწყალობდა ეკლესია-მონასტრებს, მაგრამ სასტიკ შინაომებში ძნელი გასარჩევი იქნებოდა სამეფო, საეკლესიო თუ თავადის კუთვნილი გლეხები.

მისიონერები დადიანის მათხარ ლაშქრობებს პაატა წულუკიძის ინტრიგებით ხსნიან. მას ლამბერტი "პაპუნას", ხოლო ჯუდიჩე "პაპუა წულუკიას" ეძახისა.

ჩვენი მემატრიანეების: გორგიჯანიძის, ევანატაშვილის და ვახუშტი

ბაგრატიონის მიერ დასახელებული და ეს პიროვნებები ვფიქრობთ ერთი და იგივენი არიან, თუმცა მკვლევარი ოლია სოსელია ამას არ ეთანხმება (ო. სოსელია - დასახელებული წიგნი, გვ. 37).

ლევან დადიანის სიკვდილამდე, ეს თავადი დიდ პატივში იყო. მისი ვაჟიშვილია თავადი მერაბ წულუკიძე, რომელიც თავს მიიჩნევდა ლევან მეორის გაზრდილად და ოდიშის ვრცელ მამულებს ძმის, სვიმონის მეშვეობით მართავდა.

პაატა წუნკის ძმა უნდა ყოფილიყო თავადი ქაიხოსრო წულუკიძე, რომელსაც პალესტინის ქართული სავანეებისათვის დიდი სახსრები გაუღია. ორივე თავადის ფრესკული გამოსახულება ჯვრის მონასტერში უხილავს ტიმოთე გაბაშვილს.

მერაბ წულუკიძე, დიდი და გოროზი მებატონე იყო. მან ზაალ ფალავანდოშვილს "მოდინახე" ციხე წაართვა და წერეთელს მიჰყიდა. ჩამტერებულმა ზაალმა დააბეზლა და მეფეს სიკვდილით დაასჯევინა.

რაჭის ერთ ეკლესიის წარწერაში ქტიტორი მერაბი ბრძანებს:

"პირველ ოდიშსა დავიპყარ მამული მეტად ბევრია,

მერმე აქ (რაჭას ო.ს.) ჩემი სამკვიდრო, ყველგან მოვშალე მტერია, ინროთას აქათ ხონამდის და ხონიც შიგან ერია".

რატომაც არა: რაჭაში სამი ციხესიმაგრე ჰქონდა (ხოტერი, ნაგორევი და პატარა), საძვალედ ნიკორწმინდისა და ხონის ტაძრები, სამეგრელოსა და ხონის სიახლოვეს მჭიდროდ დასახლებული დაბები. წულუკიძეთა სამფლობელოს ზუგდიდთან ეხლაც "ნაწულუკუს" ეძახიან.

თავადმა მერაბმა საკათალიკოსო საყდარს შესწირა გვიშტიბის სასახლე და გლეხები: შვანგირაძეები, ჩამჩიძეები, ნამგალაძე, დონაძე.

როცა შვილის სიკვდილისგან გულდამეხილმა დადიანმა თვითმკვლევლობით დაასრულა სიცოცხლე, გამოძვრა სამალავიდან იმერეთის მეფე, გადალახა ცხენისწყალი ხონის ქალასთან, დიდის რიხით მიუხდა ზუგდიდს, ტახტიდან გადაადგო ლიპარიტი და მთავრად ლევანის ბიძაშვილი, ვამიყ გიორგის ძე ლიპარტიანი დასვა. შემდეგ დადიანის მდიდარი საუნჯეები გაძარცვა და ქუთაისს მიაშურა.

1658 წელს, მეფემ და ვამიყ დადიანმა ბანძასთან ომში სასტიკად დაამარცხეს ლიპარიტის მომხრეები. დადიანი დაიღუპა. ამ ომში კულაშოს ბატონმა ოტია მიქელაძემ საკუთარი სიძე - ლევან აბაშიძე განგმირა. შემდეგ მეფეს დანებდა ცოდვით დამძიმებული, მან კი

მოლაღატეს გახურებული ზუმპით გამოსთხარა თვალები.

მეფემ გურიის მთავრად სვიმონის ძმა - ნაბერალი დემეტრე დასვა.

ალექსანდრე მეფემ იოანე აგიაშვილს (ომათმადიდეს), 50 კომლი გლეხი უბოძა ვაკე-იმერეთში, რადგან თავადმა წარმოადგინა დავით აღმაშენებლისეული სიგელი, რომლის თანახმადაც, მისი წინაპრები დასავლეთ საქართველოს დიდი ფეოდალები ყოფილან (ს. კაკაბაძე - "იმერეთის ციხისთავთა შესახებ XVII საუკუნეში", "საისტორიო მოამბე", 1925 წ. 1, გვ. 86-96).

იმერეთის მეფე ალექსანდრე მესამე 1660 წლის ერთ სიგელში ამბობს: "ხვანთქრის ხარაჯას იმერეთში მოკრეფდნენ, მოკითხული ექენით და არ გარდახდათ ხონის წმიდა გიორგის ყმას და ხუთ კუამლს კაცს ილორის წმიდის გიორგის ყმას" ("საისტორიო მოამბე", 1925 წ. 1, გვ. 161).

ამ მამულს აგიაშვილებმა XVIII საუკუნის ბოლოს შეჰმატეს ხონელი მთავარეპისკოპოსისგან შესყიდული გლეხები და ხონში სასახლეც გაიჩინეს.

ლევან დადიანის მაოხარ ლაშქრობებს განსაკუთრებით ვაკე-იმერეთ-ხონის მიდამოებები გაუვერანებია. იმერეთის მეფემ, გაითვალისწინა ხონის საეპარქიო და ილორის წმიდა გიორგის ყმების გაჭირვებული მდგომარეობა და ისინი "ხვანთქრის ხარაჯისაგან" გაათავისუფლა (ს. კაკაბაძე - "საეკლესიო საბუთები" 11, 1921 წ. გვ. 173-174).

თავისი მძლავრობის წლებში, ლევან დადიანმა, ხონის საყდარს მრავალი შეწირულობა და ყმა-გლეხი უბოძა, რაზედაც გექონდა საუბარი.

## დიდი შინაომები დასავლეთ საქართველოში მეჩვიდმეტე საუკუნის ბოლოს

1660 წლის პირველ მარტს ალექსანდრე მეფე გარდაიცვალა.

გამეფდა მისი ძე ბაგრატ მეოთხე, რაც დიდად იწყინა მისმა დედინაცვალმა, თეიმურაზ პირველის ასულმა დარეჯანმა, ტახტიდან ჩამოაგდო და დააბრმავა გერი. ქმრად ვახტანგ ბაგრატიონი (ჭუჭუნაიშ-

ვილი) დაისვა და გამეფდნენ.

ვამიყ დადიანმა ჯარი შემოიკრიბა, ქუთაისი დაიჭირა, გაძარცვა იმერეთის მეფეთა მდიდარი საჭურჭლეები და მარტო განძი თორმეტი ურმით გაგზავნა ზუგდიდს.

საქმეში ვახტანგ მეხუთე (შაჰნავაზი) ჩაერია და ვამიყს შეუთანხმდა, რომ იმისი ქალი, არჩილ ბატონიშვილს შეერთო ცოლად, მაგრამ ოდიშის მთავარმა სიტყვა არ შეასრულა და ასული ჯიხაიშის ბატონს, ბეჟან ლოლობერიძეს მიათხოვა. განრისხებულმა ქართლის მეფემ, ლოლობერიძე მოაკვლევინა, ვამიყი იმერეთიდან განდევნა.

იმერეთში მეფედ დასვა არჩილ ბატონიშვილი, რომელმაც იმეფა მხოლოდ 1663 წლამდე.

ოდიშის მთავრად ლევან მეორის ძმისწული, შამადავლე იოსებისძე დაჯდა, ლევან მესამის სახელით (1661-1683 წწ.), მან ცოლად შეირთო ვახტანგ მეფის ძმისწული - თამარ ბაგრატიონი, რომელიც დასავლეთ საქართველოს მეფე-მთავართა ცილობის საგანი გახდა მთელი 22 წლის მანძილზე (თამარ ცბიერი).

შესანიშნავი პოეტი და სუსტი პოლიტიკოსი არჩილი, ხუთჯერ გამეფდა იმერეთში და ხუთჯერვე ხანმოკლე დროით.

მან შესწირა ხონის საყდარს ვაჭარაძეები და სვანიძეები.

1668 წელს, ბაგრატის მეფობისას, დარეჯან დედოფლის მიერ მოწვეულმა თურქთა ჯარმა სასტიკად ააოხრა იმერეთი - "მოსრნეს, მოსტყუენეს იმერეთი, შემუსრნეს მრავალნი ხატნი და ჯვარნი, მოსწუნეს ქუეყანანი და ეკლესიანი".

კვლავ გაამეფეს დარეჯანი და ვახტანგი, ოღონ ხანმოკლე დროით...

1666 წელს ბაგრატ მეფის ჯიბრით, სამეფოს სახლთუხუცესმა სეხნია ჩხეიძემ ქუთაისის ციხეში ოსმალეთის ჯარი ჩააყენა.

ქუთაისის მოურავმა, გვაშტიბ - ძეძილეთ უძლოურის ბატონმა, პატრიოტმა ბეჟან ლორთქიფანიძემ გაანთავისუფლა ციტადელი, მაგრამ 1669 წელს თურქები უკვე ხანგრძლივი დროით ჩასაგრდნენ ქუთაისის ციხეში.

1681 წელს ბაგრატ მეფე გარდაიცვალა.

გურიელი ქუთაისს დაეცა, ცოლი განუტევა, სიდედრზე დაქორწინდა და იმერეთის მეფედ დაბრძანდა. მას, თავის მხრივ, თავისი ნაცოლარი დადიანმა წაართვა.

1682 წელს თამარ დედოფალი მშობიარობას გადაჰყვა, თორემ კიდევ

მრავალი უბედურების მიზეზი გახდებოდა. ვახუშტი აღნიშნავს: რომ თამარი "მიდგომილ იყო და შობასა შინა შუა ცეცხლი და მოკვდა".

1683 წელს ლევანი დადიანიც გარდაიცვალა.

იმერეთის ტახტზე დაბრძანდა ბაგრატ მეოთხის უკანონო შვილი ალექსანდრე მეოთხე. ის თავისი დროის ღვიძლი შვილი გახლდათ, უშიშარი რაინდი და ნიჭიერი სარდალი, მაგრამ გარყვნილი, ფუქსავატი, ფიცისგამტეხი: "ცუნდრუკი" და "ვერცხლისმოყვარე".

რიკოთის ომში ალექსანდრემ მრავალი თავაშეგებული ფეოდალი დახოცა და დაატყვევა. შემდეგ ყველა ვერცხლზე დაჰყიდა.

პროფესორი დარეჯან მეგრელაძე ფიქრობს, რომ სწორედ მის მიერ არის შენიღული ხონის საყდრისადმი გლეხი დათვია ჩხენკელი.

ალექსანდრე მეოთხემ სამჯერ დაამარცხა და გააძევა იმერეთიდან არჩილი.

ერთი მარცხის მიზეზი შეიქნა გიორგი ჩიქოვან-ლიპარტიანის ლაღატი.

გათამამებული თურქები ციხესიმაგრიდან გამოიჭრნენ და ბაგრატის ტაძარი დაანგრიეს.

საკუთარმა თავადებმა შეიპყრეს უღირსი მეფე ალექსანდრე IV და ქართლში გიორგი მეთერთმეტეს (არჩილის ძმა) გადასცეს, მან დაახ-რჩობინა (1695 წ.) და რუისის საყდარში დაამარხვინა.

ქმარმოკლულმა თამარ აბაშიძემ გიორგი-გოჩიაზე იქორწინა და ტახტზე დასაკუპდნენ. შემდეგ გიორგი დადიანს მეორე ცოლი გააშეგებინა და სამეგრელოს დედოფალი გახდა.

1698 წელს არჩილი მეხუთედ გამეფდა იმერეთში, მაგრამ ისევე გააძევეს.

ტახტი დაიჭირა სვიმონ ალექსანდრესძემ, რომელიც 1701 წელს მამია გურიელმა მოაკვლევინა.

შემდეგ გიორგი აბაშიძე გამეფდა (1701-1703 წწ.), ის სვიმონის ძმამ, გიორგი მეექვსემ შეცვალა.

1707-1720 წლებში, გიორგი მეფე ტახტიდან რამდენჯერმე ჩამოაგდეს, გიორგი აბაშიძემ და გურიელმა. მეფემ დაამარცხა ბეჟან დადიანი და მდგომარეობის გამტკიცება იწყო. ამ ომში ის ოსმალთა მხარდაჭერით სარგებლობდა, რის გამოც თურქები იმერეთს აოხრებდნენ და ტყვეები მიჰყავდათ. 1720 წელს თავადებმა მეფე თხმელისციხეში ისტუმრეს და მოჰკლეს.

## მეფე ალექსანდრე მეხუთე (1720-1749 წწ.)

გიორგი მეექვსის შემდეგ ტახტზე ავიდა მისი უფროსი შვილი, ალექსანდრე მეხუთე. ის ცდილობდა მეფის ხელისუფლების განმტკიცებას, თავგასული ფეოდალების ალაგმვას, თუმცა ამ საქმეში ძირეულ გარდატეხას ვერ მიაღწია.

იმერეთის მოსახლეობა კატასტროფულად კლებულობდა.

მთავარი ბეჟან დადიანი (1715-1728 წწ.) როგორც იმერთა, ისე თურქთა ხელისუფლების მიმართ ურჩობას იჩენდა, ამიტომ ახალციხის ფაშის - ისაყის შვილმა იუსუფმა და მეფემ მოიწვიეს ვარციხის სასახლეში, ვითომც "მოსალაპარაკებლად", შემდეგ კი ვერაგულად მოჰკლეს.

1730 წელს თურქთა სერასკირმა ალექსანდრე მეფეს ოდიშ-აფხაზეთში მასთან ერთად ლაშქრობაში მონაწილეობა მოსთხოვა. ოტია დადიანი კი თავიდანვე უარზე იყო და მეფეს არწმუნებდა:

"არა კეთილ არს მათგან დაპყრობა ზღვის კიდისა ჩვენთვის" (ვახუშტი, გვ. 887-888).

მეფემ ყურად არ იღო ჭკვიანი დადიანის რჩევა და თურქთა ლაშქართან ერთად ოდიში დაარბია. დადიანმა პარტიზანული ომი გაუმართა მახარს. თურქებმა და იმერლებმა სამურზაყანოს მიაშურეს, გაძარცვეს სოფლები, დასწვეს ეკლესიები, თუმცა ხალხს ილორის საყდრის რელიქვიების გადამალვა უკვე მოესწრო.

შერვაშიძებმა ომი მიიღეს და თურქთა მორჩილება არც უფიქრიათ.

მიხვდა მეფე თავის შეცდომას, თურქებს გამოექცა და ადიდებულ ენგურს მოადგა. აქ თურქთა მღევარმა დიდი ზარალი მიაყენა. იმერლებმა ენგური გადმოლახეს და ოდიშის მთავარს მძევლები მისცეს. მან გზა გაუხსნა გზააბნეულ მოძმეებს და იმერთა ჯარი მშვიდობით ჩავიდა სამშობლოში (ს. კაკაბაძე - "ცნობები ილორის ყმათა შესახებ ხონს და კუხს", "საისტორიო მოამბე", 1925 წ. 1, გვ. 162, 177).

აფხაზეთს რომ თურქები გაუნადგურებიათ, ეს ილორის წმიდა გიორგის სასწაულად მიუჩნევიან და მეფეს ჩადენილი ცოდვის გამოსასყიდად მისი ტაძრისათვის შეუწირია პატარა კუხული "ხუთი კარგი გლეხი კაკაბაძე" - სარგის, დავით, არტემ, და პოლიკარპე კაკაბაძეთა წინაპრები.

ამას გარდა, ილორის წმინდა გიორგის ხონში, მეთექვსმეტე საუკუნის ბოლოს, უკვე ჰყავდა 5 კომლი ჭავჭავიძე, ისინი პირველად



1660 წლის სიგელში მოიხსენიება. 1793 წელს მათი რიცხვი ისევ 16 -ია, ხოლო კაკაბაძეები 6 კომლი.

ილორის საყდრის ყრმათა მფლობელობა ხონსა და კუხში თავიანთი სიგელები ო დამტკიცეს სოლომონ პირველმა (1760 წ.), დავით მეფემ (1785 წ.), ა სოლომონ მეორემ (1793 წ.).

ხონელმა მთავარეპისკოპოსმა, ანტონ ჩიჯავაძემ, ეს სიგელები ხონის საყდარში განაახლებინა მწიგნობარ ოსე გაბაშვილს.

ალექსანდრეს არ ღირსებია სვებედნიერი მეფობა. არც ოჯახში ჰქონდა სიმშვიდე. ძმები მუდამ ტახტს ეცილებოდნენ.

1734 წელს ჩიხორთან ომში მეფემ დაამარცხა შეთქმულები: ოტია დადიანი, გრიგოლ რაჭის ერისთავი და დავით აბაშიძე. მისი დროშის ქვეშ იბრძოდნენ ოდიშარი ბატონიშვილი კაცო, ბარის ერისთავი გედევანი, მამია გურიელი, ხონელი და რაჭველი ნულუკიძეები.

მეფემ შეიპყრო ოტია დადიანი, საჭილაო-სამიქელაო ჩამოართვა და თავის ძმას, მამუკას გადასცა საუფლისწულოდ. ბატონიშვილმა ეს არ იკმარა და საჩიჯავაძოც დაიჭირა, ხონის დასაკუთრებასაც ლამობდა.

1749 წელს ალექსანდრე მეფე გარდაიცვალა. ნიკო დადიანი გადმოგვცემს, რომ ფულის მოსაპოვებლად ხახულის ხატი გაუძარცვავს, "თვალეები წამოსცვენია და მომკვდარა".

## მეფე სოლომონ პირველი დიდი (1749-1784 წწ.)

ალექსანდრე მეფის გარდაცვალების შემდეგ, სოლომონი გამეფდა, მაგრამ ნებისყოფიანი, ამაყი და მტრებთან უკომპრომისო ახალგაზრდა მონარქის წინააღმდეგ გამოვიდნენ მისივე ოჯახის წევრები: დედა - თამარი, ბაბუა - ლევან აბაშიძე, ბიძები გიორგი და მამუკა, ბიძაშვილი თეიმურაზი.

მცირე ხნით განდევნის შემდეგ, მეფე ოტია დადიანს დაუმოყვრდა, ახალციხის საფაშოს ჯარი მოიშველია და მდგომარეობა გაიმტკიცა.

ახალგაზრდა მეფეს გულში ამოცანად ამოეჭრა თურქთა განდევნა, თავნებაჟფოდალთა ალაგმვა და ტყვის სყიდვის აკრძალვა. მან დიდი ღონისძიება გაატარა სასულიერო ეპარქიების მეურნეობათა და

მდგომარეობის განსამტკიცებლად. 1754 და 1768 წლებში, მეფემ ხონის მოსახლეობას ამოუკვეთა სახელმწიფო გადასახადები "საური" და "საუდიერო".

ის სიგელში ბრძანებს:

"მეფე სოლომონ გიბრძანებთ, სულ ერთობით ხონელებო, ღმერთი მომიცია თავდებათ, თუ დიდი ხონთქრის ძალი და გადასახადი არ მომდგეს, წრეულს იქით, ჩემთვის საური, თითო მარჩილის მეტი არ გადაგახდევინოთ".

1757 წელს, ხრესილის ომში, მეფის მხარდამხარ იბრძოდნენ ხონელი წულუკიძეები, ხონის ეპარქიის - ფიცის კაცი - ლორთქიფანიძეთა სარდლობით და ჯიხაიშელი ლოლობერიძეები.

ქვემო იმერელმა მიქელაძეებმა სასტიკად დაამარცხეს თურქთა მაშველი რაზმი ეკალ-მუხურთან.

1758 წელს ახალციხის ფაშამ - ჰაჯი აჰმადმა, სოლომონ მეფე ქუთაისიდან გააძევა, 1765 წელს სოლომონი მეორედ გააძევეს ქუთაისიდან. მან თავი სანერეთლოს შეაფარა. მეფის ბიძაშვილმა, მამუკამ, დრო იხელთა და მიითვისა ბევრი ხონელი გლეხი, რომლებიც დედოფლის, მონარქისა და თავადთა კუთვნილება იყო, რასაც კაცია წულუკიძე აღნიშნავს ერთ სიგელში.

ირკვევა, რომ თურქთა მძლავრობისას ხონი ხელიდან ხელში გადადიოდა: ხან მეფისა იყო, ხან ბესარიონ კათალიკოსისა, ბატონიშვილის და ასე შემდეგ.

თურქთა გარეკვის, ტყვის სყიდვის აღკვეთის, რაჭის დაქვემდებარებისათვის, საეკლესიო საქმეთა მოწესრიგების შემდეგ, მეფემ გურიელი ალაგმა, მაგრამ არ მოხერხდა ოდიშის მთავრის დაქვემდებარება.

დაიწყო ხანგრძლივი შინა ომები.

1769 წლის 17 და 28 აგვისტოს, ხონის ცაზე "კუდიანი ვარსკვლავი" დალანდეს - "სიგრძით სამი მხარი".

ცრუმორწმუნე მოსახლეობაში ავმა წინათგრძნობამ დაისადგურა.

მეფის ძმა - არჩილ ბატონიშვილი, იმერთა და ლეკთა ჯარით ხონში ჩამოვიდა, ცხენისწყალი გადალახა, ოდიშს შეესია ცეცხლით და მახვილით. მტერიც და მოყვარეც ისე დაჯაბნა ლეკის შიშმა, რომ ქვემო იმერეთის მოსახლეობა ტყეებს შეეხიზნა, ხონელები ოდიშართა

საპასუხო ლაშქრობის შიშით ქვიტირისკენ გაიქცნენ.

5 ოქტომბერს დადიანმა ცხენისწყალი გადმოლახა და ხონის ახლო სოფლები ერთიანად დაათარემა. სოლომონმა ჯარი შეკრიბა და დასავლეთის მიმართულებით დაიძრა. დადიანი დაფრთხა და ოდიშს მიაშურა ქეფე კი ნამაშევი (გუბთან) დაბანაკდა.

1769 წლის 16 ოქტომბერს, არჩილ ბატონიშვილი იმერეთის ჯარით შეება ხონის ახლო ივანდიდთან ოდიშარ მამხარს და დაამარცხა. იმერლებმა "მრავალი იშოვეს".

17 ოქტომბერს, სოლომონ მეფე მათხოჯთან წაენია გაქცეულ დადიანს, ისევე დაამარცხა და მრავალი დამხმარე აფხაზი დაუხოცა ("მესხურ-იმერული ქრონიკები", ა. იოსელიანის რედაქციით, 1984 წ. გვ. 253).

1770 წლის ივლისში, მეფის ჯარმა, გენერალ ტოტლებენის დახმარებით, ქუთაისის ციხიდან განდევნა ოსმალთა გარნიზონი. სექტემბერში რუს-ქართველთა ჯარი უკვე ხონში იდგა.

ცნობილია, რომ ხონში უძველესი დროიდან კომპაქტურად ცხოვრობდნენ ებრაელები. მეფემ ისინი აპყარა და ქუთაისში გადაასახლა ვაჭრობის აღორძინების მიზნით (ვ. გრიგალაშვილი - "ოსთა წინაპრები და შავრაზმელი ვოსტორგოვი", "ლიტერატურული საქართველო", 1984 წ. გვ. 7, ? დეკემბერი).

რუსებმა ცხენისწყალი გადალახეს და დადიანს დაეხმარნენ თურქთაგან რუხისა და ანაკლიის განთავისუფლებაში, მათი ერთი ბატალიონი, სურამიდან გადასული ხონში დაბანაკდა.

მეფე სოლომონმა ლეჩხუმიდან შეუტია სადადიანოს, არჩილ ბატონიშვილმა კი ქვემო სამეგრელო დაათარემა, მაგრამ მთავარი ზავს არ ითხოვდა.

1771 წელს სოლომონს გურია დაემორჩილა.

იმავე წელს, 6 ივლისს, მეფის ძმა იოსებ კათალიკოსი ხონში ჩამოვიდა და ამოდ ელოდა დადიანის შემორიგებას შემდეგ ქუთაისში გაბრუნდა. სოლომონ მეფე გენერალ სუხოტინთან შეთანხმებით 25 ივლისს ხონში ჩავიდა, მაგრამ დადიანი არც იქ გამოცხადდა.

1772 წლის 12 მარტს, მეფემ ჯარით გაიარა ხონი, მათხოჯი, ზედა ხუნთან ცხენისწყალი გადალახა და მდინარის მარჯვენა ნაპირის აყოლებით გორდზე გაილაშქრა, თუმცა 17 მარტს ისევ უკან გამობ-

რუნდა.

1773 წლის 14 აპრილს მეფემ ხონთან ცხენისწყალი მეორედ გადალაბა, ქვემო სამეგრელო გადასწავა, გააძარცვინა და 17 მარტს "დიდის ნაშოვრით" გამობრუნდა უკან.

1773 წელი ამოა მოლაპარაკებებში გაილია.

1774 წლის 20 თებერვალს, განრისხებულმა ხელმწიფემ, სამეფოს პირველ სადროშოს - ვაკე - იმერეთის ჯარი, ხონელ წულუკიძეთა სარდლობით ბანძას შეუსია და "მოთხარეს" დადიანის ერთგული გაბუნები, თვით სოლომონი ხონში ჩამობრძანდა ოდიშარებთან დასაზავებლად.

1775 წელიც მოლაპარაკებებში გაილია.

1776 წლის 27 იანვარს, მეფე ჯარით დადგა ხონს, მერე მათხოჯთან ცხენისწყლის ფონი გადალაბა და გორდისკენ გაილაშქრა, ჩრდილო მხრიდან ("მეფის ნაბარგიდან"), შემოადგა გორდის ციხეს და 3 თებერვალს "გაირიგა", შემდეგ ბანძისაკენ გაილაშქრა და ფალავების ციხე "თალგამეული" აიღო, ოდიში დაარბია, 24 თებერვალს ხუნწი-მათხოჯის ფონით იმერეთში დაბრუნდა და ნამაშევში, ნიჟარაძის მამულში დაბანაკდა.

აქ ეახლა ოდიშის ზვიადი მთავარი სოლომონს, მორიგდნენ და შერიგდნენ.

"ძალა ერთობაშია" - უთქვამს ჩვენს წინაპრებს.

1780 წელსვე გურიის, სამეგრელოს და იმერეთის ლაშქარმა, რუხის ბრძოლაში სასტიკად დაამარცხა აფხაზთა მხედრონი და შეაჩერა მისი წინსვლა აღმოსავლეთისკენ, სამეგრელოში.

მეფემ მარიამ დედოფლის სიკვდილის შემდეგ ბერის და გულქანი (ქაჯაიას ნაცოლარი) შიერთო.

სოლომონ დიდმა გაამხნევა ერი, ხმალი შეაბა, გადააგდო ტყვის სყიდვა და არც ხონთქარს მისცა ხარკის სახით იმერელი გოგო-ბიჭები.

მეფის ცოლის ძმამ, ხონელმა თავადმა, ბერი წულუკიძემ 1771 წელს ხიდის აგება დაიწყო მდინარე რიონზე. ის ხომ ქუთაისის სარდალ-მოურავი იყო.

წულუკიძე მაშინ უფრო განდიდა, როცა მეფემ, მემკვიდრე ალექსანდრე, ევგენი აბაშიძის ასულს გაჰყარა და ბერის ასული დარეჯანი შერთო. სამეფო სასახლეში აღზრდილმა ბერის ოჯახმა,

როსტომ ერისთავის დამხობის შემდეგ, რაჭის მამულებიც დაიბრუნა.

ბერი წულუკიძე, სამეფოს პირველი თავადი გახდა. 800 კომლი გლეხი და აზნაური ჰყავდა, სამი ციხესიმაგრე და ათობით სოფელი ჰქონდა. მის ხელში იყო (1761 წ.) ქარჩხაბი, მამული ქუტირში, გვიშტიბში, და სხვაგან.

ბერის მეტისმეტი განდიდების გამო, მეფესა და მაქსიმე კათალიკოსს (1776-1795 წწ.) შორის უთანხმოებამ იჩინა თავი, რის გამოც მღვდელთმთავარი, ერთხანს ქართლში გადაიხვეწა (ო. სოსელია, "ნარკვევები ფეოდალური ხანის", 1966 წ. 1, გვ. 187-188).

თავისი მეფობის ბოლო წლებში, სოლომონი ამბობდა: "მეფე მე კი არა, ბერი წულუკიძე არისო."

თანამედროვეთა გადმოცემით, ბერი წულუკიძე იყო კაცი ძლიერი, სასტიკი და მესისხლე, ისე ამპარტავანი, რომ მეფესაც არ უხრიდა ქედს. ქარჩხაბში მისი სახლის წინ, არავის აძლევდა უფლებას ამხედრებულს გაეელო. იქ ჭადრებიან, ცაცხვებიან და მაგნოლებიან ვეებერთელა კარმიდამოში დიდი, ხისგან ნაგები სასახლე ჰქონდა.

ერთხელ, ბერის მხლებლებს, სათანადო პატივით არ შეხვედრია აზნაური ცქიტიშვილი. ზვიად ფეოდალს ბოლმა ჩაუღია გულში და როცა, ერთ შეხვედრაზე, ის თაყვანისცემად მიახლოვებია, თოფი უკრია და მოუკლავს (ს. კაკაბაძე "პატარა წერილები და შენიშვნები" - "საისტორიო მოამბე", 1925 წ. 4. გვ. 251).

ცხადია, პასუხის მოთხოვნა ვერაფერ შეჰბედა მძლავრ მტარვალს.

ბერი წულუკიძე, ნაჭიშკრევის ომში მძიმედ დაიჭრა, მაგრამ მან კიდევ დიდხანს იცოცხლა. მისი შვილის, სვიმონის ძე იყო კონსტანტინე, იმის შვილი თავადი გიგო (გრიგოლი), ამისი ვაჟი კი რევოლუციონერი და პუბლიცისტი ალექსანდრე წულუკიძე.

ბერი წულუკიძეს, ხონის საყდრისათვის შეუწირავს რამდენიმე გირვანქის წონის ვერცხლის საცეცხლური - ღირებული 140 ვერცხლად, ყოველწლიურად ფქვილი სასეფისკვერედ და ერთი კომლი გლეხი.

სოლომონ პირველი გარდაიცვალა 1784 წლის 22 აპრილს ქუთაისში, როცა ცხენზე ამხედრებას აპირებდა ხონს, გიორგობაზე გასამგზავრებლად.

ტახტი დაიჭირა გარდაცვლილი მეფის ბიძაშვილმა, დავით გიორგის ძემ, რომელსაც ბერი ნულუკიძემ კადნიერად განუცხადა: "მეფე მე ვარო და შენ უფლისწულად დაგადგინეო" (ოლია სოსელია - "ნარკვევები დას. საქართველოზე..." 2, 1981 წ. გვ. 60).

დავით მეფემ დაიახლოვა სოლომონ მეფის სიძე - ქსნის ერისთავის ძე, რითაც იმერელი თავადები გაანაწყენა. მალე საჭილაო და სამიქელაო დადიანს დაუთმო, სიდედრი გურიელს მიათხოვა და მზითვად საჯავახო უფეშქაშა.

უკმაყოფილო თავადებმა ბერი ნულუკიძემ და პაპუნა წერეთელმა ტახტზე წამოსწიეს სოლომონ პირველის ძმისწულის დავით არჩილის ძის კანდიდატურა, რომელიც დედის მხრივ ერეკლეს შვილიშვილი იყო და თბილისის სასახლეში იზრდებოდა.

დავით მეფემ, შემწედ დადიანს მოუხბმო. ოდიშარნი მოულოდნელად შემოიჭრნენ ხონში, მოსახლეობა დაანოკეს და გაძარცვეს, ცეცხლს მისცეს ქარჩხაბი და ბერი ნულუკიძის კარმიდამო, მისი ყმები შეიპყრეს და წაასხეს.

ნულუკიძემ და წერეთელმა გაქცევით უშველეს თავს.

ახლა მეტის მონდომებით დაიწყეს მეფის დამხობის მცდელობა, მეფის დავალებით, კაცია დადიანი ლეჩხუმიდან ცდილობდა სანერეთლოს და სანულუკიძოს დაკავებას.

1786 წელს, ნულუკიძემ და წერეთელმა, ერეკლეს თანხმობით, ქართლიდან გადმოიყვანეს დავით ბატონიშვილი, რომელსაც თან ახლდა 1000 თურქი, 500 ლეკი და ბორჩალოელ თათართა რაზმი, თუმცა იმერეთის მეფემ და დადიანმა, ისინი ადვილად დაამარცხეს.

1788 წელს, კაცია დადიანი გარდაიცვალა. დავით მეფე სამეგრელოში შეიჭრა და მისი შემოერთება სცადა. განაწყენებული გრიგოლ კაციას ძე, დავით ბატონიშვილს მიემხრო, თავისი და ცოლად შერთო, თვით კი ერეკლეს შვილიშვილზე - ნინო გიორგის ასულზე დაქორწინდა.

ერეკლემ დავით ბატონიშვილი (გიორგის ძე) გამოგზავნა, შვილიშვილის დასახმარებლად. ოდიშის, ლეჩხუმის და ქართლ-კახეთის ჯარი, ხუნნის ვრცელ ჭალაში დაბანაკდა.

პრეტენდენტის ჯარი შეფიქრიანდა, რადგან იმერთა მეფეს მოზრდილი ლაშქარი შეეკრიბა.

მეფე ბაქიაობდა - "მრცხვენის მათ ყრმათა მიმართ ომიო".

დავით ბატონიშვილი, გამოცდილი მეომარი იყო. ხუნნში სამხედრო მანევრებს მიმართა, თითქო მდინარის გადალახვა სურდა, რითაც ჩრდილო-აღმოსავლეთით იმერთა ყურადღება მოადუნა.

სამეგრელოს სახლთუხუცესმა, გორდელმა თავადმა, გიორგი ჩიქოვანმა, ოდიშის ლაშქრის ძირითადი ფეხოსანი ნაწილი აიყოლია, ზედა ხუნნი-სუხჩა-ოჭირეთ-ბუმბუას ხიდით, ცხენისწყლის მარცხენა ნაპირზე გადავიდა და მოულოდნელად იმერეთის ჯარის სიახლოვეს, მათხოჯში დაბანაკდა.

გრიგოლ დადიანი და ორივე ბატონიშვილი, ცხენებით გადაეშენენ ადიდებულ ცხენისწყალში და კუნძულთა ფონებით, ბრძოლით გადალახეს მდინარე.

1789 წლის 11 იანვარს, მამაცური თავგამეტებით დაეძგერნენ ქართველები ერთმანეთს. გამარჯვება ტახტის პრეტენდენტს დარჩა.

თედო ჟორდანიას აღნიშნავს, რომ დავით მეფე დამარცხდა (თ. ჟორდანიას - "ქრონიკები", 1967 წ. ტომი 3, გვ. 404).

ეს ბრძოლა მათხოჯის ომის სახელწოდებით არის ცნობილი. თუმცა დავით და ბაგრატ ბატონიშვილები აღნიშნავენ, რომ ომი ხუნნში მოხდა (დავით და ბაგრატ ბატონიშვილები - "ახალი ისტორია", 1941 წ. გვ. 22).

ომის წინ, დადიანს და დავით არჩილის ძეს პირობა შეუკრავთ, რომ ჯარისათვის საძარცვავად არ დაეთმოს სოფლები, ხოლო მეომრები სასტიკად გაუფრთხილებია, რაზედაც მიუთითებს მთავრის სათანადო განჩინება ("ქართული სამართლის ძეგლები", 1965 წ. ტ 2, გვ. 228).

თეიმურაზ ბაგრატიონი, ბრძოლის ადგილად ხუნნს ასახელებს, მის მთავარ გმირად დავით ბატონიშვილს მიიჩნევს (თეიმურაზ ბაგრატიონი - "ახალი ისტორია", 1983 . გვ. 61).

ხონელი წულუკიძეები დავით არჩილის ძის მხარეზე იბრძოდნენ, ვის ემხრობოდნენ ხონელი აგიაშვილი და პაატა მიქელაძე, ამის დადგენა წყაროების სიმწირის გამო, ძნელდება. არც ის ვიცით, ვის მიაშველა თავისი რაზმი ხონელმა მთავარეპისკოპოსმა, ალბათ იმერეთის მეფეს.

1789 წლის 11 ივლისს, დავით ბატონიშვილი; მეფედ ეკურთხა სოლომონ მეორის სახელით, მაგრამ თურქთა ჯარით შემოიჭრა დავით მეფე და სოლომონი დაამარცხა, მან თავი შეაფარა სანერეთლოს.

პროგრესულად მოაზროვნე იმერელმა თავადებმა: სეხნია წულუკი-

ქემ, პაატა მიქელაძემ, ლორთქიფანიძემ და სხვებმა მეფე ერეკლეს სთხოვეს იმერეთის შეერთება, მაგრამ როგორც ცნობილია, ეს დიადი ჩანაფიქრი ჩაშალეს: დარეჯან დედოფალმა, იოანე მუხრან ბატონმა და მეფის უპრინციპობამ.

ერეკლემ, სამი ზარბაზნით და რაზმით სოლომონის დასახმარებლად გამოგზავნა იოანე ბატონიშვილი. ლომსიათხევეში დავით მეფე დაამარცხეს, მაგრამ განდევნა არ მოხერხდა.

ერეკლემ უკვე მესამედ, სოლომონ მეფის დასახმარებლად ალექსანდრე ბატონიშვილი გამოგზავნა ქართლ-კახეთის ჯარით. სოლომონი და მანუჩარ დადიანი მას შეუერთდნენ.

დავით მეფის დროშასთან დადგნენ გრიგოლ დადიანი და აფხაზთა მთავარი ქელაიშ ახმედ ბეგ შარვაშიძე.

1794 წლის ოქტომბრის დასაწყისში, ომი მოხდა სოფელ მათხოჯთან.

დადიანი და შარვაშიძე შეაძრწუნა მონინაალმდეგეთა ზარბაზნების გრიალმა და ნაადრევად გაეცალნენ ბრძოლის ველს. დავით ნამეფარი საბოლოოდ დამარცხდა:

1795 წლის იანვარში, დავით მეფე, ახალციხეში "ყვავილმა" იმსხვერპლა, ხოლო სოლომონ მეორე უმეტოქეოდ განაგებდა ქვეყანას.

მათხოჯის ბოლო ბრძოლის შესახებ დაცულია ცნობა "ქრონიკებში". მასში ვკითხულობთ, რომ 1794 წელს, ოქტომბერში მოხდა მათხოჯის ბრძოლა, როცა ერეკლემ სოლომონის საშველად გამოგზავნა ალექსანდრე ბატონიშვილი და დაამარცხეს დავით მეფის ოსმალთა და ლეკთა ჯარი, 16 საათი სროლა იყო. ლეკები სოლომონს მიემხრნენ ("მესხურ-იმერული ქრონიკები...", გვ. 186).

სხვათა შორის, ჩვენს მიერ დასახელებულ მათხოჯის ორ ბრძოლას, ზოგი მკლევარი ერთმანეთში ურევს.

სოლომონი ლეჩხუმის შემომტკიცებას შეუდგა.

დადიანთა აპოლოგეტი ისტორიკოსი ნიკო დადიანი წერს: რომ ამ მიზნით მეფემ გორდში მოაკლევინა ჩინებული თავადი, ლეჩხუმის თავი ქაიხოსრო გელოვანი.

სარგის კაკაბაძე უფრო სწორი უნდა იყოს, როცა აღნიშნავს, რომ მეფე ეცადა გელოვანის თავისკენ მიმხრობას, დადიანმა კი დაასწრო და მოაკლევინა.

მეფემ სცადა ოდიშის დამორჩილება, მაგრამ გრიგოლ დადიანი არ თმობდა სეპარატისტულ პოლიტიკას. მაშინ სოლომონი, ხონიდან



ოდიშში შეიჭრა და მთავრად დასვა ბატონიშვილი მანუჩარი, შემდეგ ლეჩხუმში შეიჭრა და უსახელოსთან დაამარცხა მეტოქე.

შვეინრობულმა დადიანმა, დახმარება შარვაშიძეს სთხოვა, თან მძევლად მისცა თავისი მცირეწლოვანი შვილი ლევანი.

1802 წელს, ოციათასიანი ჯარით შერვაშიძე აბედათთან დაბანაკდა. მას შეუერთდა მთავარი გრიგოლიც.

სოლომონ მეორე ხონში ჩამოვიდა მოზრდილი ჯარით და ივანდიდის ჭალაში დადგა.

შარვაშიძე დაფრთხა და უკან დაიხია.

მეფემ ცხენისწყალი გადალახა და ჯარი შეუსია ოდიშს.

გრიგოლ დადიანი გორდისა და მურის ციხეებში გამაგრდა (ს. კაკაბაძე - "საქართველოს მოკლე ისტორია", გვ. 168).

მეფემ აიღო თამაკონის ციხე და გორდის ციხეს მიადგა "მეფის-ნაბარგიდან", მაგრამ იერიშით მისი ალება ვერ შეძლო, ვინაიდან "მტკიცედ იდგნენ და მამაცურად იბრძოდნენ ოდიშის სახლთუხუცესის გიორგი ჩიქოვანის ძენი: დავით, მიქელა და ოტია" (ნ. დადიანი, დასახელებული წიგნი, გვ. 192).

მეფემ იმერეთს მიაშურა.

გათამამებულმა ჯოლორია დგებუაძემ თამაკონის ციხე ისევ გრიგოლს გადასცა.

დადიანი შერიგებას ევედრა მეფეს.

მან არ უსმინა.

მთავარმა "სხვა გამოსავალი" რომ ვერ ნახა, ბაგრატიონთა მბრძანებლობას უცხოურ უღელში თავის გაყოფა ამჯობინა. მან გორდი-კინჩხასხი-ლენტეხის გზით რუსეთის მოხელეს, პავლე ციციანოვს ელჩები გაუგზავნა და 1804 წლის 4 დეკემბერს ხელი მოაწერა ვასალურ ხელშეკრულებას რუსეთთან.

სოლომონი მეორე წელსვე იძულებული გახდა ეცნო რუსეთის სიუზერენობა და ხელი აეღო პრეტენზიაზე ოდიშის მიმართ.

სოლომონ მეორის დროს, ხონის მოურავი და პირველი სადროშოს სარდალი სანულუკიძოს ბატონი, სეხნია ნულუკიძეა. ის არის აგრეთვე სამეფოს ერთი მდივანბეგთაგანი.

# თავი მეხუთე

## იმერეთის სამეფოს გაუქმება და ხონი

1804 წლის 20 აპრილს, იმერეთის მეფეზე განრისხებულმა ციციანოვმა, ჯარები დასძრა სოლომონ მეორის წინააღმდეგ. მეფემ რუსეთთან მოსალაპარაკებლად ქაიხოსრო და ზურაბ წერეთლები, სენნია ნულუკიძე გაგზავნა, განჯის აღება მიულოცა, ხოლო 25 აპრილს, ხელი მოაწერა "საფიცარ დაპირებას", რითაც იმერეთის ხელისუფალი რუსეთის მსახურად და მისი პოლიტიკის აღმასრულებლად გამოდიოდა. საბუთს ხელი მოაწერეს იმერეთის დიდებულებმაც.

1804 წელს, რუსეთის ხელისუფლებამ თურქეთის მთავრობისგან ყრუ დასტური მიიღო სამეგრელოს სამთავროს თავის მფარველობაში მიღების შესახებ.

რუსეთის გემები გენერალ რიკჰოფის მეთაურობით ზღვიდან მიადგა სამეგრელოს. "ამ ფაქტმა, დასავლეთ საქართველოს მოსახლეობის აღშფოთება გამოიწვია. გრიგოლ დადიანს მიიჩნევდნენ მთავარ მიზეზად, რუსეთის დასავლეთ საქართველოში შემოსვლისა" (ს. კაკაბაძე - "საქართველოს მოკლე ისტორია", 1920 წ. გვ. 168).

რიკჰოფმა, გარდაცვლილი გრიგოლის ნაცვლად დადიანად, ლევან მეხუთე დაადგინა. ამის შემდეგ იმერეთში გადმოვიდა და რუსეთის მთავარ ნაწილებს შეუერთდა.

მეფე ვასალურ დამოკიდებულებას, ქუთაისიდან რუსთა ჯარის გაყვანას და სამოკავშირო ხელშეკრულების მუხლების შედგენაში მონაწილეობის მიღების უფლებას მოითხოვდა (ა. კიკვიძე. - "საქართველოს ისტორია", (XIX საუკუნე), 1954 წ. გვ. 55).

ლევან დადიანს, იმპერატორისგან მდიდრული საჩუქრები მოუვიდა: ვლანქერნის ღვთისმშობლის ხატი, გენერალ-მაიორის ჩინი, ხმალი, დროშა, წმიდა ანნას პირველი ხარისხის ორდენი და ძვირფასი ბეჭედი. მის სრულწლოვანებამდე სამთავრო დედამისს, დედოფალ ნინოს უნდა ემართა. დაჯილდოვდა ისიც და ნიკო დადიანიც. ხატის დასასვენებლად

ახალი ეკლესია უნდა აგებულყო, რომლის ხარჯს იმპერატორის ხაზინა გაიღებდა (ნ. დადიანი, "ქართველთა ცხოვრება", 1962 წ. გვ. 206).

სამწუხაროდ, ღალატი მუდამ ჯილდოვდებოდა მტრისგან.

გაძლიერებულმა დადიანმა, ლეჩხუმში დაიჭირა და მეფის მეციხოვნენი ამოხოცა, შემდეგ საჭილაოს 350 კომლიანი სათავადო დაისაკუთრა.

ხონი ამ დროს მეფეს ერთგულებს, თუმცა ზოგიერთი თავადი, მეფეს რუსებთან საერთო ენის გამონახვას ურჩევს. მეფის საბჭოში 5 წულუკიძე, 3 აგიაშვილი, 4 წერეთელი, 3 აბაშიძე, 2 ავალიშვილი, 2 მიქელაძე, 2 ლორთქიფანიძე და 1 აბულაძეა. იმერეთი ნოლქისგან შედგება. მათ შორის, მოსახლეობის რიცხვით ვაკე პირველობს. ხონის მოურავები, ჩვეულებრივ, აბულაძეთა გვარიდან ინიშნებოდნენ, თუმცა სოლომონ მეორის დროს ეს სახელო სეხნია წულუკიძეს ეჭირა, მათხოჯის მოურავად ბეჟან წულუკიძე იყო, კონტუათის მოურავი წყაროებში არ ჩანს. ვაკის ოლქის სარდალი იყო ქარჩხაბის ბატონი სვიმონ ბერის ძე წულუკიძე, მას თავისი დროშით გამოჰყავდა პირველი სადროშოს რაზმი.

მეფე თითქმის შინა პატიმრობაში ჰყავდათ რუსებს ქუთაისში. მისი სასახლე ყაზარმად იქცა.

სოლომონი ტყვეობიდან გაიქცა და თავი შეაფარა ტყაჩირს - აგიაშვილის მამულს. მაშინ ლევან დადიანი, თავისი ჯარით მტრის სამსახურში ჩადგა. სამეფოს სახლთუხუცესმა ზურაბ წერეთელმაც ღალატიანი გზა აირჩია. შენიღბულად მტრის სამსახურში ჩადგა ხონის მოურავი თავისი ძმებით.

ციციანოვი იმპერატორს სწერდა: "იმერეთში შესვლის წინ საჭიროდ ვსცანი წინასწარ გამეგზავნა ოქრო-ვერცხლის ავანგარდი" (მ. გონიკაშვილი - "იმერეთის სამეფო XVII-XIX საუკუნის მიჯნაზე", 1979 წ. გვ. 53):

მეფე რამდენჯერმე გზავნის მთავარმართებელთან თავის ელჩებს: იმერელ მიტროპოლიტებს, ზურაბ წერეთელს და სეხნია წულუკიძეს, ცდილობს მიაღწიოს ვასალიტეტის მისაღებ პირობებს.

სეხნია წულუკიძის "დასაჯილდოვებლად", ციციანოვს ოქროს პორტსიგარი გამოუთხოვია, მაგრამ არ გადაუცია, რადგან ეჭვი შეჰპარვია მის ერთგულებაში (ო. სოსელია - "ნარკვევები ფეოდალური

ხანის დას. საქართველოს სოც. პოლიტიკური ისტორიიდან" (სათავადობი), 1981 წ. გვ. 59, (ნიგნი 2), გვ. 62).

ლიტვინოვი აღნიშნავდა - "სანამ მეფე იმერეთშია, იქ არ შეიძლება იყოს სიმშვიდე". ციციანოვის დალუპვის შემდეგ, მთავარმართებელი გუდოვიჩი გახდა. მან გენერალ დიმიტრი ორბელიანს დაავალა მეფის გაძევება იმერეთიდან, რაც შეიძლება ნაკლები სისხლის ღვრით.

1809 წლის გაზაფხულზე მთავარმართებლის თანამდებობაზე ტორმასოვი დაინიშნა.

მეფემ ახლა მის სახელზე შეადგინა სათხოვარი პუნქტები, რასაც სხვა დიდებულებთან ერთად ხელი მოაწერა ანტონ ხონელმა მთავარეპისკოპოსმა, დავით, სვიმონ, ოტია, სეხნია ნულუკიძეებმა, მიქელაძეებმა, ლორთქიფანიძეებმა, ჩიჯავაძემ.

მეფე რუსეთისაგან მოითხოვს დაუბრუნონ ლეჩხუმი, რომელიც დადიანმა მიისაკუთრა, გაიყვანონ ჯარი ქუთაისიდან, დასაჯონ მისი სიძის, ნულუკიძის შეურაცხმყოფელი რუსები, უბოძონ სამეფო ნიშნები და მისი წარმომადგენელი მიავლინონ საიმპერატორო კარზე.

ზურაბ წერეთელი აწვდიდა რა საჭირო ინფორმაციებს რუსებს, აღნიშნავდა: "თქვენი ერთგულებისათვის არ ვიცი როდის მომკლავენო". მეორე წერილში აღნიშნავდა: "დადის როტა ჩვენს სოფლებში საფიცრად, რომელნიმე, ვგონებ, კიდევ შეიფიცეს. გებოძათ დურაქისათვის ჯოხნი დიალ კარგნი და ვგონებ არ დაიკრან სრულიად ჯოხნი და მხოლოდ ხილვითა მოჭკუვიანდნენ" (ს. კაკაბაძე, "იმერეთის სამეფოს გაუქმება", 1956 წ. გვ. 381-382, 417).

რუსთა ერთგულებაზე ვინც არ დაიფიცებს, გაჯოხავენ. ასეთია რეცეპტი და ამას მიესალმება სამეფოს პირველი მინისტრი.

ცინიზმისა და ლალატის ასეთი ნაზავი, გაკვირვებას იწვევს.

1810 წლის 21 იანვარს, ტორმასოვმა გამოაქვეყნა მეფის სანინაალმდეგო წერილი, რასაც რუსებისათვის მოულოდნელი შედეგი მოჰყვა. ხალხმა მეფეს არ შეაქცია ზურგი.

ზურაბ წერეთელი რუსებს ატყობინებდა:

"გამოცხადდა მანიფესტი თქვენი ქუთაისის ეკლესიაში და ხონს და მალლაკს მყოფი მხედრობა ერთად შეიყარნენ და დადგნენ მახლობელ მეფისა".

უნდა ვივარაუდოთ, რომ ეს რაზმები მეფის მონინაალმდეგე ფეო-

დალთა ჯარია.

მეფის დიპლომატები, რომელთა შორის სეხნია ნულუკიძეც არის, ტორმასოვთან ცხადდებიან.

ჯიხაიშიდან პოლკოვნიკი სიმონოვიჩი ვარციხისაკენ გაიქრა და მეფის ჯარს შეუტია. მეფემ ბაღდადისაკენ დაიხია, სიმონოვიჩმა 40 დღეში მთელი იმერეთი დაიჭირა, ხონსა და ჯიხაიშში ჯარი ჩადგა.

11 მარტს, მეფე ალყაში მოექცა და დაჰყარა იარაღი. მასთან გამოცხადდა სიმონოვიჩი და საჯაროდ შეჰფიცა, რომ არ დაატყვევებდნენ.

1810 წლის 28 მარტს, მეფე ვარიანში შეხვდა ტორმასოვს. იმან სიმონოვიჩის ფიცი არაფრად მიიჩნია, ღირბში მეფე დააპატიმრა და თბილისში ჩაიყვანა. იმერეთის განმგებლობა მიენდო სიმონოვიჩს და წერეთელს.

აპრილის თვეში, ხონელი თავადები რუსებმა ერთგულებაზე შეიფიცეს, მაგრამ საფიცარს ხელი არ მოაწერა ანტონ ხონელმა მთავარეპისკოპოსმა.

10-11 მაისს, ღამით მეფე ტყვეობიდან გაიპარა და ახალციხეში ჩავიდა. მას თან ახლდა ერთგულ თავადთა მცირე რაზმი. სოლომონ II იმერეთში გამოგზავნა პროკლამაცია, რომელშიც ამხილა "ერთმორწმუნე" და "მფარველის" ნიღბით შემოსილი რუსეთის იმპერიული ზრახვები. დოკუმენტი, მეფის გულმხურვალე პატრიოტიზმის ეს მიმართვა ხანძრის გასაღვივებლად ზედმისწრება იყო.

მეფე წერდა:

"... მერე, როდესაც გული დავაჯერე, რომ რუსეთს მისტუმრებდნენ, თქვენის მოშორებისა და იმერეთის საუკუნოდ დატოვების ცეცხლი ჩემს გულს მოეგზნა, ცას ქვეშეთს დიდებას თქვენთან ყოფნა, თქვენთან სახელი, თქვენთან სიცოცხლე და სიკვდილი ვარჩიე... ყოველი თქვენი მოკიდებული ოჯახი დააჯერეთ, რომ საქართველოსათვის (ქართლ-კახეთივით ა. ფ.) არ დაილუპებით. პირველად ისინიც ფიცით, ოქროთი და ტკბილის სიტყვებით მოატყუეს... და რომელნიც დღეს ოქროს იძლევიან, ხვალ თქვენის სახლის საცხოვრებელსაც წაგართმევენ... წმინდათ შენახულს ცოლშვილს ნამუსს და პატიოსნებას უპატიოდ გახდიან... მე თუ რამ სამსახური დამიკლია თქვენთვის, ეს კი ყველამ იცით, რომ თქვენის პატივისა და სიყვარულისაგან ჩემი გული არ

გამძლარა... იმერეთის გულისათვის ჩემი სიცოცხლე უნდა დავასრულო" (ი. ხოჯაშვილი - "მესხურ-იმერული ქრონიკები", 1980 წ. გვ. 359-360).

მთელი სამეფო ფეხზე დადგა. ყველა წოდება რუსთა წინააღმდეგ დაირაზმა.

მეფე ჩამოვიდა ახალციხიდან და სათავეში ჩაუდგა განმათავისუფლებელ ომს. იმერეთის აჯანყება იყო ფართო და მასობრივი მოძრაობა. ხალხის გაერთიანება გამოიწვია მდგომარეობის დამძიმებამ.

სიმონოვიჩი მოზრდილი ჯარით ჯიხაიშში იდგა და ვაკის სოფლებს "ამშვიდებდა".

ასანბეგ შერვაშიძე, თავისი ჯარით სამეგრელოს დაემუქრა, რათა დადიანი რუსებს არ მიშველებოდა, მაგრამ რუსთა დესანტმა სოხუმი აიღო და შერვაშიძემ უკან დაიხია. დადიანმა ცხენისწყალი გადალახა. მისი ჯარი ორად გაიყო. დადიანი 3000 კაცით სიმონოვიჩს შეუერთდა ჯიხაიშში, მეორე რაზმმა, ქობულეთის გზა ჩაჰკეტა, რომ მეფეს თურქების ჯარი არ მიშველებოდა. სიმონოვიჩს პოლკოვნიკმა ბელეესკიმ სამი ასეული შეჰმატა.

ლეჩხუმის ბატონმა, გელოვანმა მეფის ერთგული რაჭველი წულუკიძეები და ოკრიბელი აგიაშვილები დაიმორჩილა. მეფის ჯარები დამარცხდნენ ჩხერთან და სიმონეთთან, მაგრამ მალაკაში მეფეს შეუერთდნენ. სოლომონი დაეძგერა ჯიხაიშში მდგარ სიმონოვიჩს, მისი ჯარი გაჰფანტა, მაგრამ დამარცხებულმა დადიანმა ქუთაისს მიაშურა და ისევ რუსთა მთავარ ჯარს შეუერთდა.

სასტიკი ბრძოლები გაიმართა ზემო იმერეთში. ასობით გლეხი და თავადაზნაური შეენირა სიმონოვიჩის, დიმიტრი ორბელიანის, დადიანის და ზურაბ წერეთლის დამსჯელ რაზმებს. საქარასთან, რიონთან, ნაგორევთან, ცხრანყაროსთან რუსეთის რეგულარულმა, კარგად შეიარაღებულმა ჯარებმა დაამარცხეს დაქსაქსული პატრიოტები. მტერს ქართველები მოუძლოდნენ აჯანყებულებზე. მაგალითად, ბალდათთან ომში, მალალატეებმა: ვახუშტი ჩიჯავაძემ, ქაიხოსრო ჩხეიძემ, დავით ერისთავმა, იასე იაშვილმა 600 მებრძოლი მიაშველეს რუსებს.

29 ივლისს, რუსებმა დამხმარე რაზმიც მიიღეს. დამარცხებული მეფე ხანისწყლის ხეობაში დაბანაკდა, 25 სექტემბერს (ძველი სტილით) ახალციხეში გადავიდა.

"1810 წელი, აქა რუსთა დაიპყრეს იმერეთი" - მშრალად გვაუწყებს მემატიანე (ჯ. ოდიშელი - "მცირე ქრონიკები - კინკლოსების ისტორიული მინანერები", 1968 წ. გვ. 60).

პრორუსული ორიენტაციის ნიკო დადიანიც ვერ ფარავდა რუსთა ავ საქმეებს:

"შუედგნენ იმერეთის დამშვიდებას, მრავალი მოკლეს, მრავალი შიპყრეს და ძელთა ზედა დაჰკიდეს" - წერს ის (ნ. დადიანი - "ქართველთა ცხოვრება", გვ. 208).

ჯარი უფასოდ ართმევდა ხალხს ხორბალს, ფურაჟს, სურსათს.

ქვეყნის და მეფის მოლალატეებს დაუფასდათ სამსახური: სანულუკიძოს მფლობელმა სეხნიამ პოლკოვნიკის მუნდირი მოიპოვა, ჯიხაიშის ბატონმა ლოლობერიძემ მაიორის ჩინი.

დიდი გასავალი ჰქონდა ქვეყნის ლალატს რუსთა თვალში.

სამაგიეროდ, პატრიოტებს შავი დღე გაუთენდათ. ისინი სამაგალითოდ დაისაჯნენ.

დავით ბატონიშვილი წერს: "ოდიშართა მოსწყვიტეს სრულიად ვაკეი, და მოსტყუევენეს და სახლიც აგიაშვილისა, ყოველთა იმერთა შორის წარჩინებულისა დანვეს" (დავით ბატონიშვილი - "ახალი ისტორია", 1941 წ. გვ. 36-37).

აგიაშვილის მამული ხონში იყო, ქარჩხაბში. ხონში და მის სიახლოვეს თავადს 75 კომლი ყმა გლეხი და მამული გააჩნდა.

წულუკიძის მამულებს ასაკლებლად არავენ შეხებია. სამაგიეროდ მეფის საკუთრება და მისი სოფლები გაავერანეს.

პოლკოვნიკი მოგილევსკი ტორმასოვს წერდა, რომ მეფე თურქეთში გადაიხვენა, 5 თავადი და 40 აზნაური ნაჰყვა. ისინიც მალე მიატოვებნო.

1810 წლის ნოემბერში, ტორმასოვმა ახალციხეზე გაილაშქრა იმერეთის დამხმარე ჯარით, მაგრამ დამარცხდა, მისმა დამხმარე იმერლებმა კი სამარცხვინოდ დაჰკარგეს დავით აღმაშენებლისეული სეფედროშა (ბაგრატ ბატონიშვილი - "ახალი მოთხრობა", 1941 წელი, გვ. 114).

გაუქმდა იმერეთის სამეფო. 1811 წელს გამოიცა დებულება - "იმერეთის დროებითი მმართველობის შესახებ". იმპერატორის საბჭომ, 1814 წელს, ეს დებულება დაამტკიცა. იმერეთი ოთხ ოლქად დაიყო.

ვაკის ცენტრი ჯერ ხონი, შემდეგ მარანი იყო. იმერეთის პირველი მმართველი გახდა გენერალი სიმონოვიჩი.

სოლომონ მეორის 1804-10 წლების განმათავისუფლებელი ბრძოლები, იმ დროის ისტორიული სიტუაციისა, რუსული სამხედრო მანქანის ძლიერების და თვით მოღალატეთა გამო, განწირული იყო დასამარცხებლად, მაგრამ ის მაინც გმირული ფურცელია ჩვენი სამშობლოს ისტორიისა. ამიტომ ვერ დავეთანხმებით ამ ბრძოლების ისტორიული მნიშვნელობის შეფასებაში ბატონებს: ს. კაკაბაძეს, ა. კიკვიძეს, მ. რეხვიაშვილს და მ. გონიკაშვილს.





# თავი მეექვსე

## ხონის მონაწილეობა იმერეთის 1819-1820 წლების აჯანყებაში

საქართველოს ეკლესიის ავტოკეფალიის გაუქმების შემდეგ (1811 წ.), 1815 წელს შეიქმნა "საქართველო-იმერეთის სინოდალური კანტორა", რომელმაც ქართული ეკლესია რუსეთის "წმიდა სინოდს" დაუქვემდებარა.

საქართველოს ეგზარქოსმა, ვარლამ ერისთავმა, დაიწყო სარელიგიო რეფორმა, მაგრამ წინააღმდეგობას წააწყდა და რუსეთში გაიწვიეს.

საქართველოს ეგზარქოსად დაინიშნა რიაზანის ეპისკოპოსი, თეოფილაქტე რუსანოვი. 1818 წელს, მან ქუთაისში მოიწვია სამეფოს 4 ეპისკოპოსი, რომელთაგან სამი ძალზე მოხუცი იყო და შეჰპირდა, რომ მათ სიცოცხლეში ეპარქიებს არ გააუქმებდა.

მიუხედავად ამისა, ეგზარქოსმა, 1819 წელს დაიწყო რეფორმის გატარება და ეპარქიათა აღწერა.

დასავლეთ საქართველოში, რვის ნაცვლად, სამი ეპარქია რჩებოდა. გაუქმებულ სამწყსოთა გლეხები, სახაზინო უწყებაში გადადიოდნენ. ტრადიციული შესანიშნავ-გადასახადთა ნაცვლად, სასულიერო პირებს, ხელფასები ენიშნებოდა. ყმათა ყოლის ნება ერთმეოდა პატარა ეკლესიებს და საეკლესიო აზნაურებს. ისინიც სახაზინო უწყებაში ირიცხებოდნენ. ათობით ეკლესია უქმდებოდა და მღვდელ-დიაკონთა შტატი უსახსროდ რჩებოდა. გლეხთა პროდუქტული რენტა, სამმაგად გადიდებული ფულადი გადასახადით იცვლებოდა.

ტრადიციულ, ფეოდალურ სასამართლოს ცვლიდა რუსული "ზაკონები", როზგი და აბუჩად აგდება. რუსი მოხელეები ეწეოდნენ: გამოძალვას, ძალდატანებას, ლოთობას და აბუჩად იგდებდნენ ქართულ ენას. რუსულის უცოდინარ ქართველებს უჭირდათ სამართლის პოვნა.

რეფორმა საზიანო იყო თავადაზნაურებისათვის, რადგან ისინი კარგავდნენ თავიანთ უფლებებს მშრომელ ქვედაფენებზე.

ხონელის სამწყსო აერთიანებდა 42 ეკლესიას (თავადთა კარის ეკლესიების გარდა). ხონში სამი ეკლესია იყო თითო მღვდლითა და ოთხი დიაკონით. ეპარქიაში 49 მღვდელი და 10 დიაკონი იყო. რეფორმა ტოვებდა 25 მოქმედ ეკლესიას 23 მღვდელთმსახურით (Н. Махарадзе - "Восстание в Имеретий", 1819-1820 гг, "მასალები საქართველოს და კავკასიის ისტორიისათვის", 1942 წ. ტ. 3, გვ. 55). ესე იგი ეკლესიიდან იძულებით გამოჰყავდათ 36 ღვთის მსახური.

1819 წლის რეფორმამდე, ხონის საყდრის 64 კომლი (სარგის კაკაბაძის ცნობით 74), იხდიდა 180 მარჩილს, მას შემდეგ დაუნესდა 350 მანეთი.

შესაბამისად ივანდიდელ, კონტუათელ, ნახახულევერ 18 კომლ საეკლესიო გლეხს, 40 მანეთი პროდუქტული რენტის ნაცვლად, 85 მანეთი ფულადი გადასახადი დაეკისრა. მათხოჯელ 29 კომლ საეკლესიო გლეხს, 94 მანეთის ნაცვლად, 168 მანეთის რენტა.

მეფის დომენში (ხონი, მათხოჯი, კონტუათი) მცხოვრები ყველა საეკლესიო და სამეფო გლეხი, სახაზინო უწყებაში გადადიოდა. ეპისკოპოსი კარგავდა ტრადიციულ ბაჟის აკრეფის უფლებას. მისი კუთვნილი 12 კომლი აზნაური თავისი 13 კომლით, ასევე ხაზინის განკარგულებაში ირიცხებოდა.

მათხოჯში მცხოვრები 50 კომლი საკათალიკოსო საყდრის და 30 კომლი საქუთათლო საყდრის გლეხი, ამიერიდან სახაზინო საკუთრება იყო და სამმაგი გადასახადი უნდა ეხადათ, ისე როგორც ხონის შორიახლო მცხოვრებ 102 კომლ კათალიკოსის გლეხებს.

სოფელ უძლოურში მცხოვრებ 11 საგაენათლო გლეხს, რეფორმით განესაზღვრათ 27 მანეთი და 50 კაპიკი გადასახადი.

მათხოჯის საკათალიკოსო გლეხებს დაეკისრათ 204 მანეთის რენტა. 1825 წელს 50 მათხოჯელის გადასახადმა 280 მანეთი შეადგინა.

ხონის სიახლოვეს მცხოვრები საეკლესიო გლეხები, რეფორმის ხანაში იხდიდნენ 5719 ფუთ ღვინოს, ხონელი 107 კომლი, ფულად 519 მანეთს. ეპისკოპოსს 1820 წლისათვის დარჩენია 170 კომლი სამონასტრო გლეხი. ისინი იხდიდნენ 869 მანეთს. მთლიანად გადარიცხულ-გადაურიცხავი (207 კომლი), იხდის 953 მანეთს.

ილორის საყდრის ხონელი საყმო, ჭავჭავანიძეები, თუ რეფორმამდე ერთ რქიან პირუტყვს და ორ ცხვარს იხდიდნენ, ახლა მათ 70 მანეთი

ფულადი რენტა დაეკისრათ.

XIX საუკუნის დასაწყისში, ხონის მონასტერს ჰყავდა 218 კომლი გლეხი. ეპარქიაში 843 კომლი გლეხი მოხელეთა კუთვნილება იყო. მათ გარდა საეპარქიო 30 სოფელში 1224 კომლი ირიცხებოდა. აქვე ცხოვრობდა სამეფო ოჯახის ათობით გლეხი და აზნაური, ახლა უკვე სახაზინო წყების კუთვნილება. მოხელებს მათგან ეკრძალებოდა გადასახადთა აკრეფა. ესეც დარტყმა იყო მათზე, რადგან ხონის მოურავი და მდივანბეგი სეხნია ნულუკიძე, კომლიდან კრეფდა თავისთვის ბათმან ლომს, 4 ქათამს და ორ თუნგ ღვინოს.

და მაინც აჯანყების ერთი მთავარი მიზეზთაგანი იყო, რომ ბევრს გული შესტკიოდა საქართველოს დამოუკიდებლობის დაკარგვის გამო. ზოგ თავადს ვალის პრობლემა ანუხებდა.

მაგალითად მფლანგველ თავად გიორგი ნულუკიძეს 2922 მანეთი ვალი დასდებია, სეხნიას ძმის ხოსიასი, სეხნიას ვაჟის ვახტანგის და აზნაურ ქორქაშვილისა. მარტო ვალის პროცენტი წელიწადში 330 მანეთს და 47,5 კაპიკს შეადგენდა. ეკონომიკურ გასაჭირში მყოფი დიდებული ქვეყნის გადაბრუნებას ელოდა ვალის "ჩამოსანერად". თვით იმერეთის მმართველ მოკლეებს, ხალხის დამშვიდების ნაცვლად, აღელვება უფრო ეხერხებოდათ. ისინი ვერ მალავდნენ, რომ: "დაკისრებული ფულადი პასუხისმგებლობა აჭარბებდა მათი (იმერლების ა.ფ.) შესაძლებლობას, მაგრამ იმერლებს სურდათ ესარგებლათ შემთხვევით და აერჩიათ საკუთარი მეფე" (ნ. მახარაძე, დასახელებული ნაშრომი, გვ. 37, 62, 67).

აჯანყებაში მონაწილეობდა ქვეყნის მოსახლეობის ყველა ფენა. საბოლოო მიზანი კი იყო სამშობლოს დამოუკიდებლობის და სახელმწიფოებრიობის აღდგენა.

აჯანყების მომსწრე ნიკო დადიანი აღნიშნავდა: "რეფორმა დიდად იუცხოეს იმერთა, ვინაიდან არ იყვნენ ჩვეულნი ესე ვითარხა დაწყობილობათა და განკარგვათა, არა ინებეს და ქმნეს ბუნტი, აღრეულობა და განდგნენ რუსთაგან" (ა. ბენდიანიშვილი, "ეროვნული საკითხი საქართველოში 1801-1821 წწ.", 1980 წ. გვ. 123).

აჯანყება ხონიდან დაიწყო, თუმცა ყველაზე შეუპოვარი, საბრძოლო ხასიათი ზემო იმერეთში მიიღო. ხანძრის ასანთებად საკმაო იყო ერთი ასანთის ღერი და ისიც ხონელ მთავარეპისკოპოსს - ანტონ ჩაჯავაძეს

გაუღვივებია.

ხონის ეპარქიის არქიმანდრიტად და აღმწერად ნიკოლოზ ჩხეიძე მოუვლინებიათ. მას ჩამოჰყოლია მოხელეები და საქმეს შესდგომია.

ხონის ეპისკოპოსს პროტესტი განუცხადებია, არ დამორჩილებია ეგზარქოსის მოხელეებს და ხალხისათვის დახმარების თხოვნით მიუმართავს.

დაკითხვის ოქმში 1819 წლის 8 სექტემბერს რომ შეადგინა გენერალმა სისოევმა აღნიშნულია: "არქიეპისკოპოსი ანტონი იყო პირველი მიზეზი ხალხის შეკრებისა ვაკის ოლქში. მან უარი თქვა, ან უკეთ რომ ვთქვათ, ხონიდან გააგდო ეპარქიის მმართველი არქიმანდრიტი ნიკოლოზი, იმიტომ რომ მან შეასრულა ეგზარქოსის მინდობილობა, ხონის ეპარქიის აღწერის თაობაზე".

ანტონ არქიეპისკოპოსი აჯანყების პირველი მეთაური იყო.

მთავარეპისკოპოსის მონოდებისთანავე ხონში, ეკლესიასთან შეიჭრალებული რაზმებით გამოცხადებულან ივანე ოტიას ძე და ლევან სეხნიას ძე წულუკიძეები.

მუქარით განუცხადებიათ არქიმანდრიტისათვის შეეწყვიტა აღწერა, წინააღმდეგ შემთხვევაში, იქნებოდა ცუდი შედეგები.

მათ გვერდით ამოსდგომიან მთავარეპისკოპოსის მებაჟეები და მოურავნი: აზნაურები - მიქელ ქუთათელაძე და სვიმონ თუთბერიძე (ბერიძე). ხონში მოჭრილან კულაშელი თავადები დავით, ჯამბულ მიქელაძენი, დავით ლორთქიფანიძე და კოხტა იოსელიანი.

არქიმანდრიტი, მისი მოხელეებით, ხონიდან გაუძევებიათ.

გამოძიების დასკვნით ოქმში ნათქვამია, რომ თავიდან აჯანყებულთა შორის ყოფილან ხონელი თავადები: სეხნია და ლევან წულუკიძეები, დავით, ქაიხოსრო, ჯამბულ და ქუთუმ მიქელაძეები.

შეკრებილ თავადებს, შეუდგენიათ თხოვნა, მაზრის უფროს ოსტროუხოვის სახელზე - მისი მთავარი ლაიტმოტივია - შეწყდეს აღწერა. საბუთს ხელს აწერენ: ლევან წულუკიძე, დავით ლორთქიფანიძე, ქაიხოსრო და ზურაბ მიქელაძეები, კოხტა იოსელიანი (ნ. მახარაძე, დასახელებული ნაშრომი, გვ. 139-140, 145-146, 150).

აქედან შეიძლება გამოვიტანოთ დასკვნა, რომ აჯანყება, სწორედ ხონიდან დაიწყო, "თუმცა საქართველოს ისტორიის ნარკვევებში" ეს არაა ხაზგასმით ნათქვამი.

Յարգելի Վարդապետ Մանուկ-Վանահայրացու

Հարգելի

Մանուկ

Մեծատեղի Արամ-Վանահայրացու  
Գործը 6

Յախնալու սիրտով շատ անգամ ընդհանուր քննարկումների մասին մտածելուց հետո, որոշեցի որ հարմարագույն կերպով ընդհանուր քննարկումներ կանցնեմ ձեր հասկացմանը հարմարեցնելով ձեր կարողությանը: Եթե հարմար է, մտնե՛ք մեր արհեստանոցը, որտեղ կան ձեր հարմարեցված դասընթացային խմբեր: Եթե չկարողանաք այդպիսի կերպով մտնել, ապա կարող եմ ձեզ համար առաջարկել արհեստանոցի մեջ տեղադրված համակարգը: Այդ համակարգը ձեր հարմարեցված խմբերի մեջ կմտնե՛ք: Եթե նաև դուրս գալուց հետո, կարող եմ ձեզ համար առաջարկել արհեստանոցի մեջ տեղադրված համակարգը: Այդ համակարգը ձեր հարմարեցված խմբերի մեջ կմտնե՛ք: Եթե նաև դուրս գալուց հետո, կարող եմ ձեզ համար առաջարկել արհեստանոցի մեջ տեղադրված համակարգը: Այդ համակարգը ձեր հարմարեցված խմբերի մեջ կմտնե՛ք:

Ձեր հարգելի աշակերտ, Վահագն



მთავრობა უკმაყოფილო იყო არქიმანდრიტისა, რომელმაც დროზე ვერ მოახერხა აღწერის ჩატარება და არ შეადგინა "ბუნტოვჩიკთა" სიები.

გამოძიებამ დაადასტურა, რომ ქაიხოსრო დავითაძე და ზურაბ ბუჭუს ძე მიქელაძენი, აგრეთვე კობტა იოსელიანი იყვნენ "... მთავარი ამრევები ვაკის ოლქისა, რომლებმაც აიყოლიეს ხალხის ბრბოები და დაადებინეს ერთგანზრახვის არაკეთილგონივრული ფიცი".

იმერეთის მმართველი კურნატოვსკი, აღშფოთებული ყოფილა, რადგან აჯანყებულებს წამოუყენებიათ ლოზუნგი - "სამშობლოს განთავისუფლება".

საბუთებში აღნიშნულია, რომ ბევრი ცდილობდა რუსებისადვის თავი ერთგულად მოეჩვენებინა, მაგრამ ეს ასე არ იყო. ყველა წოდება ეროვნულ-კოლონიალური ჩაგვრის მოსპობას მოითხოვდა.

მთავრობა სასწრაფოდ გადავიდა შეტევაზე. გენერალ ველიამინოვის ჯარმა სასწრაფოდ დაიჭირა ხონი, კულაში, ჯიხაში, საჩინო და სოფლებს ეგზეკუცია ჩაუყენეს. გენერალმა გორჩაკოვმა ზემო იმერეთის გამაგრებული სოფლები დაიკავა. მთიანი პირობებისა და მოაჯანყეთა შეუპოვრობის გამო, იქ სასტიკი ბრძოლები გაიმართა. რუსებს მხარს უჭერდა ლევან დადიანი, მაგრამ ხალხის ერთსულოვნების გამო, თვით რუსები მას სრულ ნდობას არ უცხადებდნენ.

გაგულისებული რუსის მხედრობა ჩვეულებრივ, მისთვის დამახასიათებლად მოქმედებდა: ულეტდნენ, ოჯახებს ანიოკებდნენ, ნაგებნაშენებს ანგრევდნენ და წვაებდნენ.

ვაკის ოლქში, აჯანყების მონაწილე ყველა თავადაზნაურის ოჯახი ჯერ გაძარცვეს, შემდეგ ცეცხლი შეუგზნეს. თუმცა დავით მიქელაძის გათხოვილი ქალიშვილების ოჯახებს არ შეხებია.

პროფესორი მამია დუმბაძე აღნიშნავს, რომ რუსები "ქვას ქვაზე არ სტოვებდნენ, ანგრევდნენ ნაგებობებს, ჩებდნენ ბალ-ვენახებს" (მ. დუმბაძე - "დასავლეთ საქართველო XIX საუკუნის პირველ ნახევარში", 1957 წ. გვ. 235).

როგორი დასჯა იცოდნენ რუსის გენერლებმა, ამის წარმოდგენა შესაძლებელია შატილის, ხაშმის, ხალდეს ტრაგედიების გახსენებით.

რუსთა რეგულარულმა ნაწილებმა დაამარცხეს მოაჯანყე მოხალისეთა რაზმები.

1821 წელს იმერეთი "დანყნარებული იყო".

დამარცხებულებმა, გამარჯვებულებს დახოცილ-დაკარგულთა სიები მოსთხოვეს. ამ თხოვნამ რამდენიმე მაღალი ჩინის მოხელის ხელში გაიარა და ბოლოს უპასუხეს - "ასეთები არ არიან".

პირდაპირ დაცინვა იყო დამარცხებული ხალხისადმი.

ბევრი იმერელი თავადი მოხვდა რეპრესიებში. მაგალითად, თავადი სეხნია ნულუკიძე სიმბირსკში გადაასახლეს. მასთან ერთად გაუგზავნიათ დავით მიქელაძე, იმერელი მიტროპოლიტები: დოსითეოსი და ექვთიმე, აგრეთვე დარეჯან ბატონიშვილი. მათგან ნაცემი დოსითეოს ქუთათელი გზაში გარდაიცვალა. ხონელი მთავარეპისკოპოსი ანტონ ჩიჯავაძე საჩინოში გააძევეს, სადაც 1822 წელს გარდაიცვალა.

თედო ჟორდანია სეხნიას განთავისუფლების თარიღად 1823 წელს, მიქელაძის ჩამოსვლის თარიღად 1830 წელს დებს.

იმერეთის ეპარქიები 1921 წლის 19 ნოემბერს გააუქმეს.

ახლაც დაუფასდათ ამაგი სამშობლოს და მოყვასის მოღალატეებს.

თედო ჟორდანია აღნიშნავს: "თავადთა და აზნაურთა მიიღეს ჯილდო თვივისა სახურებისათვის ამა შემთხვევასა შინა ხელმწიფე იმპერატორისაგან, რომელთამე ჩინი, რომელთამე ორდენი, რომელთამე პენციანი" (თ. ჟორდანია - "ქრონიკები", გვ. 643).

ამას ადასტურებს კავალერი გამბაც. როცა ჯიხაიშს ეწვია წერს: "სოფელი რუსეთის ერთგული სამი იმერელი თავადის ვრცელ მამულს წარმოადგენს. ჯარში ნამსახურე ამ თავადებს სამხედრო წოდებები აქვთ. ერთი მათგანი მაიორია და მისი იმპერატორობითი უდიდებულესობისაგან ჯილდოდ მიღებული აქვს ოქროს ვადიანი ხმალი, 1820 წლის აჯანყების დროს გამოჩენილი მამაცობისა და ერთგულებისათვის" ("გამბას მოგზაურობა ამიერკავკასიაში", 1987 წ. გვ. 149).

ამ დროს ხონის მაზრის უფროსის მოვალეობას ასრულებდა თავადი ჩიჯავაძე, ასევე წარჩინებული რუსთა სამსახურში.



## თავი მეშვიდე

### არქიეპისკოპოსი ანტონ ჩიჯავაძე სამონასტრო და კულტურული ცხოვრების ხელმძღვანელი

სწავლა-აღზრდისა და მნიგნობრობის ცენტრებს, შუა საუკუნეებში ეკლესია-მონასტრები წარმოადგენდნენ და მათთან არსებულ სკოლებში, ჩვეულებრივ, დიდებულთა ოჯახებიდან გამოსული ბავშვები და სასულიერო პირები იზრდებოდნენ.

ქვემო იმერეთში ასეთი მძლავრი კერა ხონის მონასტერი იყო, რომელშიც გვიან შუა საუკუნეებში მძლავრი სამეურნეო და კულტურული ცხოვრება ჩქეფდა. პირველი ცნობა ხონელ მნიგნობართა შესახებ დაცულია "ვეფხისტყაოსანში".

"ამირან დარეჯანის ძე მოსეს უქია ხონელსა".

ქართულ საისტორიო ტრადიციას, ამ ძეგლის ავტორი ქვემო იმერეთის, ხონის მკვიდრად მიაჩნია.

თუ სახელოვანი მწერალი, თავისი ეპოქის გამოჩენილი მნიგნობარი ხონიდან იყო, ცხადია იქ სათანადო ბაზაც არსებულა.

თეიმურაზ ბაგრატიონი, 1843 წელს ერთ პირად წერილში მარი ბროსეს განუმარტავდა, რომ მოსე ხონელი, სწორედ ქვემო იმერეთის ხონიდან იყო (ნ. ბერძენიშვილი - "საქართველოს ისტორიის საკითხები", ტ. 7, 1974 წ. გვ. 30, 38).

აკადემიკოსი ე. თაყაიშვილი კომენტარს უკეთებდა რა ამ ტექსტს, მოჰყავდა თ. ბაგრატიონისეული არგუმენტი: "მოსე ხონელი მდივან-მნიგნობარი ყოფილა თამარ მეფისა (ხონი ქვემო ივერიაში ე.ი. ქვემო საქართველოში, იმერეთში არის) უწინარეს ჟამთა, ხონი ქალაქი ყოფილა. ახლა მუნ ეკლესია არის და სოფელი დაბა. მოსე ხონელს დაუწერია ამირანდარეჯანიანის წიგნი, დიალ მშვენიერნი ზღაპარნი სავაჟაკო, გმირთა და ძლიერთა, მამაცთა ბრძოლებში, რომელიც განიყოფების ათორმეტ თავად" (ე. თაყაიშვილი - "რჩეული ნაწერები", ტ. 1, 1968 წ. გვ. 29, მისივე ძველი საქართველო, 1909 წ., ამონაწერი "კალმა-

სობიდან").

ამ მოსაზრებას ავტორიტეტული დამცველები გამოუჩნდნენ: იოანე ბაგრატიონი, მოსე ჯანაშვილი, ზაქარია ჭიჭინაძე, ნიკო მარი, კორნელი კეკელიძე, ნიკო ბერძენიშვილი, ალექსანდრე ბარამიძე, სარგის კაკაბაძე.

"ამირანდარეჯანიანი" პოპულარული ნაწარმოები ყოფილა შუა საუკუნეებში.

ამას ადასტურებს სვანეთის სოფელ ლაშთხევის ეკლესიის გარემო-ხატულობა, ამირანის მტრებთან ბრძოლის სიუჟეტებით. მახვილით გამოსახული ამირანის სიახლოვეს დგანან: ბადრი, სეფედავლე და უსუპი. პერსონაჟებს ქართული წარწერები აქვს. ფოლკლორით სეფედავლე ცნობილი არაა. ის მხოლოდ "ამირანდარეჯანიანშია". ამიტომ ეს ნახატი "ამირანდარეჯანიანის" ჩვენამდე მოღწეული პირველი ილუსტრაციაა (შ. ამირანაშვილი - "ქართული ხელოვნების ისტორია", 1971 წ. გვ. 389).

XVII საუკუნის ბოლოს გიორგი XI ბრძანებით ძმებს: სულხან და ბეგთაბეგ თანიაშვილებს გაუღესავთ "ამირანდარეჯანიანი".

ხონელ მნიგნობართა შესახებ კონკრეტული საბუთები გაგვაჩნია XVI საუკუნიდან, როცა შეადგინეს "ხონის საყდრის დავთარი".

ხონშივე უნდა იყოს შედგენილი XII-XIII საუკუნეების ზოგიერთი ძეგლი. ამ პერიოდში, ხონის სამწყსო მცხეთის კათალიკოსის სახელოში შედიოდა, რასაც წერს ვახუშტი ბაგრატიონი. ("ქართლის ცხოვრება", ტომი 4, გვ. 750-751).

ნიკო ბერძენიშვილს ეს ცნობა სარწმუნოდ მიაჩნდა (ნ. ბერძენიშვილი - "საქართველოს ისტორიის საკითხები", ტ. 7, გვ. 23, 30, 90).

ხონის მონასტერში დამზადებული XVII-XVIII საუკუნეების ძეგლები იმდროინდელი საუკეთესო ნიმუშების დონეზეა შესრულებული. ნაწილი ტყავზე, ნაწილი კი ქალაღზეა ნაწერი. ერთი ნაწილი დაცულია აკადემიკოს კორნელი კეკელიძის სახელობის ხელნაწერთა ინსტიტუტში, დანარჩენი კი ქუთაისის სახელმწიფო მუზეუმში.

თედო ჟორდანიას თავის "ქრონიკებში" განიხილავს თბილისში დაცულ 14 ნუსხას.

ამ ძეგლების პირველი აღწერილობა შეუდგენია დეკანოზს ვასილ ქუთათელაძეს (1822 წ.), მეორე კი - მის შვილს არისტო ქუთათელაძეს



|    |                         |       |
|----|-------------------------|-------|
| 1  | ... Երևանի քաղաքում ... |       |
| 2  | ... Երևանի քաղաքում ... | Բր 35 |
| 3  | ... Երևանի քաղաքում ... | Դև 35 |
| 4  | ... Երևանի քաղաքում ... | Բր 35 |
| 5  | ... Երևանի քաղաքում ... |       |
| 6  | ... Երևանի քաղաքում ... |       |
| 7  | ... Երևանի քաղաքում ... | Բր 35 |
| 8  | ... Երևանի քաղաքում ... | Դև 35 |
| 9  | ... Երևանի քաղաքում ... | Բր 35 |
| 10 | ... Երևանի քաղաքում ... | Դև 35 |
| 11 | ... Երևանի քաղաքում ... | Բր 35 |
| 12 | ... Երևանի քաղաքում ... | Դև 35 |
| 13 | ... Երևանի քաղաքում ... | Բր 35 |
| 14 | ... Երևանի քաղաքում ... | Դև 35 |
| 15 | ... Երևանի քաղաքում ... | Բր 35 |
| 16 | ... Երևանի քաղաքում ... | Դև 35 |
| 17 | ... Երևանի քաղաքում ... | Բր 35 |
| 18 | ... Երևանի քաղաքում ... | Դև 35 |
| 19 | ... Երևանի քաղաքում ... | Բր 35 |
| 20 | ... Երևանի քաղաքում ... | Դև 35 |

(1893 წ.), რომლითაც უსარგებლია ე. თაყაიშვილს 1911-12 წლებში, რის გამოც წერდა: "ჩვენ 21 ხელნაწერი აღწერეთ, მერე ენახეთ არისტო ქუთათელაძის მიერ აღწერილი ჩვენზე ადრე საკმაოდ სრული და ვსარგებლობთ მისგან. აღწერილობა შედგენილი ყოფილა 1893 წლის ივნისში".

გავეცნოთ ძირითად ხელნაწერებს და მათ ისტორიულ მინაწერებს:

1. "სახარების" თარგმანი 278 ფურცლად, უძველესი ნაწილი შესრულებულია ტყავზე, განეკუთვნება XII-XIII საუკუნეებს, ბოლო 16 გვერდი XVIII საუკუნეს.

2. "დავითნის" და "სახარების" თარგმანი 605 ფურცლად, შესრულებული ქალაქდზე XVII საუკუნეებში. ახლავს ხონელი მთავარეპისკოპოს ანტონ ჩიჯავაძის (1771-1821 წწ.) თანამედროვის, ხონის ტაძრის დიაკონის, მიტროფანე გრიგოლაშვილის ვრცელი მინაწერი, რომელშიც აღნიშნულია მთავარეპისკოპოს ჩიჯავაძის ღვაწლი. მწერალი დასძენს: "ღმერთო აცხოვნე ამ წიგნის დამწერი მიტროფანე მწერალი, ვინც ამ წიგნის იკითხვიდეთ ღ-თის გულისათვის შენდობას გვიბრძანებდეთ". წიგნის 46-ე გვერდზე დასმულია დას. საქართველოს კათალიკოსის, იოსების ასომთავრული მინაწერი: "ქ-ე შ-ე მ-ნა შ-ნი იოსებ".

აქვეა სხვა მინაწერი: "ქ. მე ფრიად ცოდვილმა და ყოველთა უნარჩევესმა ელენე, ღირს ვიქმენ წმიდის ამისა სულთა განათლებულისა წიგნისა ამის ხილვად და ვიქმენ მხიარულ ორკერძოვე სულითა და ხორცითა მხიარულებითა დიდითა და იქმნა პირსა ჩემსა ვითარცა თაფლი".

3. მამათ-ცხოვრება, შესრულებული ქალაქდზე ნუსხა-ხუცურით. შეიცავს 313 ფურცელს. ახლავს მხატვრობა და გიორგი ერისთავის შვილის, ხონელი მთავარეპისკოპოსის რომანოზის მინაწერი, განეკუთვნება XVIII საუკუნეს. სხვა წყაროებით ეს პირი უცნობია და ამ მინაწერით ვიგებთ მის ვინაობას.

4. გულანი ანუ თთვენი, შესრულებული 1805 წელს ნუსხა-ხუცურით, მინაწერში მიტროფანე გრიგოლაშვილი აღნიშნავს მთავარეპისკოპოსს ანტონ ჩიჯავაძის ღვაწლს: "ადიდოს უ-ნ მრჩობლისავე ცხოვრებითა მთავარეპისკოპოსი ანტონი, რომლისა ბრძანებითა და საფასითა დაიწერა ოთხნი ესე თთუენი ს-დ შემკობილნი ტვიბიკონით, რომელთ მე ყ-დ უღირსმან მიტროფანე გრიგოლაშვილმან დასაბამითგან წელთა

(რიცხვი არ აწერია, იანვრის თვის ბოლოში დედანის ხელით აწერია) აღიწერა ხელითა მიტროფანე გრიგოლაშვილისათა" (ე. თაყაიშვილი, დამონმებული წიგნი, გვ. 285). თითქმის ყველა თავის ბოლოში მისი ხელრთვაა, სხვა თავზე გადამწერ ივანიკას და არქიდიაკონ მათე ბახტაძის ხელმწიერები. მას ასეთი მინაწერიც აქვს: "საჭიროა რიცხვი რომ ეწეროს ამ წიგნზედ თუ რომელ წელშიდ არის გადაწერილი ეს თთვენი, მაგრამ არსად არ სწერია და როგორც მე ნამდვილად ვფიქრობ და ვიცი, ეს უნდა იყოს დაწერილი 1776 წელშიდ, რადგან მიტროფანე გრიგოლაშვილი აქ, ხონშიდ, მაშინ ყოფილა მთავარეპისკოპოს ანტონისა თანა. ეს დაინახება იოანე კიბის აღმწერელის წიგნში, რომელიც დაცულია ხონის სობოროს წიგნთსაცავში და რადგანაც ისიც, მას, გრიგოლაშვილს გადაუწერია და რიცხვიც არის შუა გულში ამ წიგნის. მ. ბახტაძე 1900 წ." (პ. ვაჭრიძე, დამონმებული წიგნი, გვ. 176).

5. კრებული ხის შავ ტყავგადაკრულ ყდაში. იწყება იოანე დამასკელის წანამძღვრით, შექმნილია XVIII საუკუნეში, მთავარ დიაკონ მიტროფანე გრიგოლაშვილის ხელით. მასზედაც არის მინაწერი:

"ესე არს სწავლა შვიდისა საიდუმლოსი შემოკრებილად თქმული. გლოცავ მე გლახაკი მიტროფანე დიაკონი, ყრმანო ახლად მოსწავლენო, რათა იკითხვიდეთ და ზეპირად დაისწავლიდეთ. ამისთვის დაწერე საეროსა და სოფლური სიტყვითა, რომ სიადვილისათვის მსწრაფლ ზედმოიწინებეთ და მტკიცედ დაიდევით გონებასა და ჩემ ცოდვილისათვის შენდობას იტყოდეთ" (ე. თაყაიშვილი, გვ. 288).

აქ უკვე მიტროფანე გრიგოლაშვილი პედაგოგიურ და მეთოდურ ცოდნასაც ამჟღავნებს.

6. "მეტაფრასი" სქელ ქალაღზე, ხის ტყავგადაკრულ ყდაში, 142 ფურცლად, რომლის მინაწერში ვკითხულობთ:

"სანადელითა ძლევითა ძლეულმან... ტრფიალმან წერილისამან და მსგავსად ფუტკრისა შემკრებელმან ყვავილთა მასთამან, სქესით ვ-მე ჩიჯავაძემან, ხოლო პატივით მთავარეპისკოპოსმან, ყ-დ სამღვდლომან, მეუფემან ანტონიოს მიბრძანა წიგნისა ამის ვერ სრულებისა წერით გასრულებათ კმაითაი სასყიდელითა, რომელიცა იყოს დიდისა ხუთშაბათამდე დაწერილ, კეთილხელოვნისა ვისგანმე, დავინყე მეოცდამეორე რვეულით... უცალოებათა ჩემთა მიზეზად მექმნა უმრავალჯერეს ღამით წერაი, გარნაცა არცა ეს არს საზიზღ. იოანე

ოსეს ძე იკონომოს-დეკანოზი. დაინერა ტფილისსა შ-ნა სიონისა, თვესს იულისსა ნელსა ჩ ლ ე" (1795) (ე. თაყაიშვილი, დასახელებული ნიგნი, გვ. 289, ჟორდანი, "ქრონიკები", გვ. 433).

იმერეთის სამეფოში გადმოხვენილი მღვდლის, ზაქარია გაბაშვილის ოჯახი ანტონ მთავარეპისკოპოსთან დაახლოებული ყოფილა. ოსე გაბაშვილი და მისი შვილი იოანე დიდხანს მოღვაწეოდნენ ხონის მონასტერში. მათ ანტონ ხონელის დავალებით გადაუწერიათ ათობით სამართლის ძეგლი, ხელნაწერი და საგადასახადო დავთარი.

ამ ხელნაწერის აღწერილობაში თედო ჟორდანი აღნიშნავს ანტონ მთავარეპისკოპოსის ღვანლს და მისი გარდაცვალების თარიღს 1822 წელს. შეუტყვია, რომ ამ მოღვაწის ვრცელი ბიოგრაფია დაცული ყოფილა ხონში, ერთ ოჯახში, მაგრამ მას ის ვერ უპოვია.

7. კონდაკი სამღვდელთმთავრო, 171 ფურცლად, განეკუთვნება XVI II საუკუნეს. თავში აქვს მერმინდელი მინაწერი ანტონ მთავარეპისკოპოსისა თავად კაცია წულუკიძისადმი, ჯოხტაბერიძეთა მამულის შესყიდვის თაობაზე.

"ჩვენ, ყოვლად სამღვდელთმთავარეპისკოპოსმა ანტონიმ განგიცხადე თქვენ, წულუკიძეს კაციას ჯოხტაბერიძის ადგილის ყიდვის დასტური და თქვენ ნება დაგრთეთ და მათ მოგყიდეს სამოსახლო და ვენახნი... ან ეპისკოპოსნო შ-დ ჩემსა გიბარებთ და დეკანოზთა გიბრძანებთ, რათა არა უგულვებელსყოთ განსწესება ესე ჩემი ა-დ მარადის მოხსენებასა ყოფდეთ ესრეთ ვითარცა აღგვიწერია კონდაკსა ამას შინა. მოიხსენე უფალო წულუკიძე კაცია მეუღლით და ძეებითურთ სასუფეველსა შენს..." (ე. თაყაიშვილი. გვ. 290).

კაცია წულუკიძეს ქარჩხაბის ზვიადი მებატონე გახლდათ, თავად ბერი წულუკიძის მამა.

XIX საუკუნის დასაწყისში, მნიგნობარ ოსე გაბაშვილს მთავარეპისკოპოს ა. ჩიჯავაძის დავალებით გადაუწერია საგადასახადო ნუსხები, 1814 წელს გადაუწერია სამღვდელთმთავრო კონდაკი და მისთვის შემდეგი მინაწერი გაუკეთებია:

"მათმან ყოვლად სამღვდელთმთავრის, მთავარეპისკოპოსმან ანტონ, ტომით ჩიჯავაძემან აღმანერინა ნიგნი ესე სამღვდელთმთავრო... მე მდაბალსა და ყოვლად უღირსსა ხუცესს, გაბაონსა ოსეს, ძესა ზაქარია მოძღვრისა". გადამწერი ანტონ ხონელის შესახებ ამბობს: რომელსაც

"სურდა შეკრება საღმრთოთა წერილთა ვითარცა სურთ ფუტკართ შეკრებად გლოლისა" (პ. ვაჭრიძე, დასახელებული წიგნი, გვ. 177).

ასე აფასებდნენ თანამედროვენი მთავარეპისკოპოსის ღვაწლს.

8. "მეტაფრასი", რომელიც იწყება 8 სექტემბრით და მთავრდება 15 აგვისტოთი. 117-ე გვერდზე კი აწერია:

"ალიწერა წ-ა ესე მეტაფრასი ბრძანებითა და წარსაგებელითა ჩიჯავაძის მთავარეპისკოპოსის ანტონისათა ქალაქსა ხონს. პალატსა წ-ის მთავარმონაშის გიორგისათა თ-ა ს-კდემბერსა ით ხ-ლითა ცოდვილისა ქართველის ლაზარესითა ქ-ს აქეთ მოა" (1771 წელს).

9. "ცხოვრება და მოქალაქეობა ნეტარისა ანდრიაის", 23 რვეულად და ექვს ფურცლად. ნაწერია ნუსხა-ხუცური, სქელ ქალაღზე XVII საუკუნეში.

10. "კლემაქსი" ანუ "კიბე იოანე სინელისა", ნაწერი ნუსხა ხუცურით, თეთრ სქელ ქალაღზე 50 რვეულად, რაც 400 ფურცელს შეიცავს. 37-ე რვეულს აქვს მიტროფანე დიაკონის მინაწერი, რომლის თარიღია 1776 წელი. ეს ის დროა, როცა მღვდელთმთავრის მიწვევით ეს მწერალი ხონში მოღვაწეობს. ამრიგად, ძეგლი შექმნილია ეპისკოპოსის შეკვეთით. გადამწერი ლოცავს წიგნის მეორე შემკვეთს და დასავლეთ საქართველოს კათალიკოსს, მეფის ძეს იოსებს. თარიღად დასმულია 1771 წელი.

11. "ამონიოს ერმისის წიგნი", 32 რვეულად და 256 ფურცლად. ნაწერია ნუსხა-ხუცურით. შეიცავს 11 რვეულს და 48 ფურცელს გადანერილია მიტროფანე გრიგოლაშვილის მიერ.

12. "ანტონ დიდის ცხოვრება", ნუსხა-ხუცური ხელნაწერი 11 რვეულად და 4 ფურცლად, გადანერილი მიტროფანე გრიგოლაშვილის მიერ.

13. "კურთხევა ეკლესიისა", რომელიც ვახტანგ მეექვსის ძის, ბაქარის გამეფებისას (1716 წელი) დომენტი კათალიკოსის დაკვეთით, სამთავნელ ეპისკოპოსს კიპრიანეს გადაუწერია და დაუბეჭდია ქართველ ბერს გაბრიელ გარსევანყოფილს. სტამბური ნაბეჭდი წიგნი ხონელი მთავარეპისკოპოსისათვის 1772 წელს გადაუწერია თბილისის სიონის ტაძრის დეკანოზს ნიკოლოზს.

14. იგივე წიგნი გადანერილი ნათლისმცემლის უდაბნოში.

15. "დოღმატიკა" ანტონ მთავარეპისკოპოსის შესახებ მინაწერით: "ადიდოს ღმერთმან ორთავე სუფევასა შინა მღვდელთ-მთავართ მთავარეპისკოპოსი ანტონი, რომლისა ბრძანებითა დაიწერა წ-ი ესე



უზაკველი და ყ-თუთ უნაკლული საფილასოფოსო ნიგნი. დღეგრძე-  
დობით, ყ-ნივე ცოდვანი მისნი შეუნდოს ღმერთმან ა-ნ. და მე მონამან,  
მიტროფანე დიაკონმან დავენერე. ან გვედრებით ყ-თავე რაიცა მიემთხ-  
ვივნეთ ნიგნსა ამას რ-ა მერე მომიხსენოთ შენდობით" (ე. თაყაიშვილი  
- დამონმებული ნიგნი, გვ. 290).

16. "ეფრემ ასურის ნიგნი" ლავსაიკონითურთ, ნანერია ქალაღდზე  
ნუსხა-ხუცურით, თბილისის სიონის ტაძრის დეკანოზის ნიკოლოზის  
მიერ, მანგლელი ეპისკოპოსის არქიმანდრიტის გერმანეს შეკვეთით,  
1757 წელს.

17. იგივე ნიგნი, გადანერილი ნათლისმცემლის უდაბნოში.

18. "ეფრემ ასურის" ეპისტოლე იოანე მონაზვნის მიმართ, ჩასმულია  
ტყავგადაკრულ ხის ყდაში, ნანერია ნუსხა-ხუცურით. განეკუთვნება  
XVII საუკუნეს.

19. მიტროფანე გრიგოლაშვილის შესრულებული ერთი ხელნაწერი.

20. "სამღვდელმთავრო კონდაკი" შესრულებული ნუსხა-ხუცურით,  
ზის ტყავგადაკრულ ხის ყდაში. ნიგნის ბოლოს წარწერაა:

"მთმან ყოვლად უსამღვდელოესობამ, მთავარეპისკოპოსმან ანტონ-  
ნი, ტომით ჩიჯავაძემან აღმანერინა ნიგნი ესე საამღვდელმთავრო  
მე მდაბალსა, ყოვლად უღირსსა ხუცესს, გაბაონსა ოსეს, ძესა ზაქარია  
მოძღვრისას..." ეს ნიგნი მწერალს გაუსრულებია 1814 წელს.

21. "უნყბა მასალისა წმიდა ტრაპეზის ზედ დასასხმელისა",  
დანერილი XVIII საუკუნეში ნუსხა-ხუცურით.

22. "მსოფლიო საეკლესიო კრების სჯულის კანონი", გადანერილია  
მიტროფანე გრიგოლაშვილის მიერ XIX საუკუნის დასაწყისში (ე.  
თაყაიშვილი - დასახელებული ნიგნი, გვ. 294).

23. "სადღესასწაულო შობისა და ნათლისღებისა", გადანერილი  
მიტროფანე გრიგოლაშვილის მიერ XIX საუკუნის დასაწყისში.

როგორც ვხედავთ, დასახელებული ნიგნების უმეტესობა ანტონ  
ჩიჯავაძის შეკვეთით არის გადანერილი და განახლებული, ისე როგორც  
წყალობის, შეწირულების, საგადასახადო ნუსხები და სხვა სამართლის  
ძეგლები, მაგრამ ამით როდი ამოიწურება ანტონ მთავარეპისკოპოსის  
ღვანლი.

ქალაქ ხონისა და მისი ეპარქიის ისტორიაში მეტად მონუმენტური  
და ნათელი ფიგურაა გამოჩენილი მღვდელმთავარი და საზოგადო

მოღვაწე ანტონ ლომკაცის ძე ჩიჯავაძე, რომელსაც თითქმის 50 წელი ეჭირა საეპისკოპოსო კათედრა (1771-1821 წწ.) და დიდი ამაგი დასდო ქვემო იმერეთის მოსახლეობას.

ის გარდაცვლილა ღრმად მოხუცი 1822 წელს.

მთავარეპისკოპოსი ანტონი მოესწრო სოლომონ პირველს, დავით გიორგის ძის და სოლომონ მეორის მმართველობას იმერეთის სამეფოში. იყო მონაწილე და თანამედროვე იმერეთის დროებითი სტაბილიზაციისა და მასში გამეფებულ შინაომებისა, რაც მოჰყვა სოლომონ პირველის გარდაცვალებას და იმერეთის ორი მეფის განუწყვეტელ შინაომებს, ბოლოს კი რუსი დამპყრობლების წინააღმდეგ 1810 და 1819-20 წლების აჯანყებებს. მოესწრო ქართული სამოციქულო ეკლესიის ავტოკეფალიის გაუქმებას (1811 წ.) და სიცოცხლის მომსერელ უამიანობას (1811-12 წწ.), რომელმაც დიდძალი ხალხი შეინირა.

მთავარეპისკოპოსი ანტონი იყო იმერეთის 1819-20 წლების სახალხო ამბოხების ერთი პირველი წამქეზებელი და მოძრაობის დამწყები, რაც მიზნად ისახავდა ქართული, ტრადიციული საეკლესიო ცხოვრების ხელმოკვდა ალაგმვას.

ამრიგად, მოხუცი არქიეპისკოპოსი გამოდის, როგორც აქტიური მებრძოლი ეროვნული თავისუფლებისათვის, ეკლესიაში რუსული წირვა-ლოცვისა და საგადასახადო სისტემის შეცვლის მონაწილედ.

მთავარეპისკოპოსი ანტონი ჩიჯავაძეთა ბრწყინვალე საგვარეულოს ეკუთვნოდა. საჩინო-ვანი-შუამთის მიდამოებში ამ სათავადოს 16 სოფელი, 3 ციხესიმაგრე (სებეკა და ციხე სულორი საპაიჭაო), 600 კომლი გლეხი და აზნაურთა 12 გვარი ეკუთვნოდა (ო. სოსელია - დასახელებული წიგნი, გვ. 12-15).

მომავალ მღვდელთმთავარს თავადიშვილის შესაფერისი აღზრდა-განათლება მიუღია. საფუძვლიანად შეუსწავლია ქართული მწერლობა, ფეოდალური სამართალი, საქართველოს ისტორია, გრამატიკა და საღვთოს სჯული...

სიჭაბუკის წლებიდან ბერად აღკვეცილ ანტონს, თავის უმთავრეს მიზნად დაუსახავს ზრუნვა ხალხის კეთილდღეობისათვის.

ხონელ მთავარეპისკოპოსად ის მეფის ძმამ, იოსებ კათალიკოსმა აკურთხა. მოყოლებული 1771 წლიდან, ის დღენიადაგ ზრუნავდა

სამონასტრო ქონების დაცვა-გამრავლებისათვის, სახალხო განათლებისა და ჯანმრთელობის დაცვისათვის, ქართულ ხელნაწერ ნიგნთა გადანერა-განახლებისათვის.

დიდი ენერგია შეაღია მღვდელთმთავარმა მტაცებელი ფეოდალების ხელისგან სამონასტრო გლეხების და მამულების გამოწირვის საქმეს, საგადასახადო სისტემის მოწესრიგებას, იმერეთში ზნეობის ნორმათა დაცვას, ტყვეთა სყიდვის აღმოფხვრას, უმინაწყო გლეხებისათვის ახალი სამოსახლოების გამოყოფას. ის ყოფილა გასაოცრად მხნე, პრინციპული და მიზანსწრაფული საეკლესიო ქონების მიმთვისებელთა მიმართ, ამავე დროს გამოირჩეოდა უაღრესი კრისტალურობით და უანგარობით. თითქმის მთელი თავისი პირადი ქონება სამონასტრო ცხოვრებას შეაღია.

ამ თვისებათა გამო ანტონ ხონელს, განსაკუთრებულ პატივს სცემდნენ: იმერეთის მეფეები, საქართველოს ორივე ნაწილის კათალიკოსები, სამეგრელოსა და გურიის მთავრები, სამეფოთა ბატონიშვილები.

მისი ღვაწლის განსაკუთრებით მაღლიერი უნდა ყოფილიყო ქვემო იმერეთის გლეხკაცობა. მათი ნაწილი, რომლებიც მცირემინიანთა კატეგორიაში ირიცხებოდნენ, მთავარეპისკოპოსმა რიონის აღმოსავლეთ მხარის სოფლებში ჩაასახლა და შეუნარჩუნა მონასტერს.

მთავარეპისკოპოსად მეუფე ანტონის კურთხევამდე, ხონის მონასტრის მეურნეობაში სრული ანარქია იყო, რაც საბოლოოდ ვერ გამოასწორა თვით მეფე სოლომონ პირველის ენერგიულმა ჩარევამ, მათ შორის შეუფერებელი დეკანოზის ადგილზე აზნაურ მიქელ ქუთათელაძის დანიშვნამ.

მეფე წყალობის ნიგნში ბრძანებს:

"...გობოძე... შენ წმიდის გიორგის ყმას ქუთათელაძეს მიქელს, მღვდელს, მთავარეპისკოპოსის იოსების შუამდგომლობით, ასე რომე შენს სახლისკაცს ჰქონდა დეკანოზობა, მაგრამ წმიდას გიორგის და მის ეკლესიას რომ ეკადრებოდა, ისე განკრძალვით ეკლესიის სამსახურს და რიგს არ ათავებდა, სხვას რაგინდარას საქმეში იყო"... (შ. ბურჯანაძე - "ისტორიული საბუთები იმერეთის სამეფოსა..." I, გვ. 110).

საბუთი განეკუთვნება 1758 წელს.

ახლა თვალი მივადევნოთ 1761 წლის ერთ საბუთს:

"შემოვკრებით მადლის მიცემად ღვთისა... და დავაყენეთ (ხონელ ა.ფ.) მთავარეპისკოპოსად ერისთავის ძე მროველყოფილი იოსებ. მოვიკითხეთ და ეკლესიის გუჯარი ვერ ვნახეთ, ჟამთა ვითარებისაგან დაკარგულიყო, არც სამრევლოსი შემოსავლის, არც ნიშნის. არც სახუცო, არც ერთი წიგნი აღარ იყო"-ო - ბრძანებს მეფე.

მთავარეპისკოპოსმა დიდი მუშაობა გასწია ეპარქიის საშემოსავლო ნუსხების მოსაწესრიგელად. გადაანერინა და აღადგინა ჟამთა ვითარებისაგან შერყვნილი და ფურცელნაკლული საბუთები, განაახლა წყალობის, შეწირულებისა და სხვა სიგელ-გუჯრები. თავადებს და აზნაურებს ჩამოართვა მიტაცებული ყმა-მამული და ისევ მონასტერს დაუმკვიდრდა.

XVII საუკუნის ბოლო მეოთხედში მღვდელთმთავარმა საყდრის დეკანოზ ვასილ ქუთათელაძესთან ერთად ააგო იმდროისათვის უზარმაზარი, ასადგილიანი საავადმყოფო, რომელსაც ხონელები "სასაპყრეს" ეძახდნენ. ჩვეულებრივ, მასში ათავსებდნენ ფიზიკური ნაკლის მქონე ბავშვებს და მათ სამონასტრო სკოლაშიც ასწავლიდნენ... სკოლა საავადმყოფო ეპარქიის შემოსავლებიდან ფინანსდებოდა.

გაეცნო რა, ამ დაწესებულებას, იოანე ბაგრატიონი, სამაგალითოდ მიიჩნია. ამის გამო ანტონ ხონელის შესახებ წერდა:

"მთავარეპისკოპოსი ჩიჯავაძე, კაცი ღმერთ-შემოსილი და სინმდითა სრული, რომელიც ყოველთვის ჰზრდის გლახაკთა ხონის ქალაქსა შინა სხვადასხვა სენითაგან შეპყრობილთა, ვიდრე ასისა სულისა უმეტეს" (ი. ბაგრატიონი, "კალმასობა", "ქართული პროზა", 1984 წელი, ტ. 6. გვ. 17).

ამ სკოლა-სავადმყოფოს შესახებ წერდა პროფესორი ვუკოლ ბერიძე და აღნიშნავდა, რომ ეს დაწესებულება ერთადერთი იყო მთელს იმერეთში.

სკოლისა და საავადმყოფოს მოვლა-პატრონობის საქმეში მთავარეპისკოპოსს გვერდით ედგა დეკანოზი ვასილ ქუთათელაძე, დიაკონი იასე ბახტაძე და სხვა პედაგოგები. ისინი წვრთნიდნენ ინვალიდ ბავშვებს და ბევრი მათგანი შესანიშნავი კალიგრაფი და პედაგოგი გახდა.

ამ დროს ხონის მონასტერში რამდენიმე მღვდელი, დიაკონი, გადამწერი და პედაგოგი, მეფსალმუნე, კანდელაკი, ბერმონაზონი და

მანუსკრიფტ-კალიგრაფთა მთელი შტატი მოქმედებდა. ამის გამო 1882 წლის 2 დოკუმენტში ეს დაწესებულება მონასტრის სახელით არის მოხსენებული.

მეფე ს. ლომონ II აფასებდა რა მთავარეპისკოპოსის ღვანლს ასე მიმართავდა მას:

"კაცი, თისა პატიოსანი, ანგელოზთა ცხოვრებისა მობაძავი, მოსახელისა თვისისა კუალსა შედგომილი" (ს. კეკეაბაძე - "დას. საქართველოს საეკლესიო საბუთები", წიგნი 1, 1921 წ. გვ. 144).

სამნიგნობრო მუშაობაში მთავარეპისკოპოსის მარჯვენა ხელი იყო გადამწერი მიტროფანე გრიგოლაშვილი, რომელიც 1776-78 წლებში არქიელის მიწვევით ხონში მოღვანეობდა და როგორც ზევით დავრწმუნდით მისი მრავალი შეკვეთა განასრულა. სამცხეში, წმიდა საბას ლავრაში დამკვიდრების შემდეგ მთავარეპისკოპოსს მასთან კავშირი არ გაუწყვეტია და იქაც რამდენიმე შეკვეთა შეასრულა. მისი ნამუშევრები ფაქიზი შესრულებით გამოირჩევა და იმდროინდელი საუკეთესო ნიმუშების დონეზეა. ამავე დროს მ. გრიგოლაშვილს დასავლეთ საქართველოს კათალიკოსის რამდენიმე შეკვეთა შეუსრულებია.

ანტონ ხონელის მოღვანეობა დიდ ხარჯებთან იყო დაკავშირებული. ასადგილიანი საავადმყოფოს შენახვა, მოზდილი სამრევლო სკოლის დაფინანსება, ეპარქიაში შემავალი ათობით სოფლის მოძღვართა მიმართ დახმარების განევა, რამდენიმე სათავადოსადმი ყურისგდება, ბრძოლა უზნეობათა არცთუ იშვიათი გამოვლინებებისა და მტაცებელი ფეოდალების წინააღმდეგ. გაქცეულ გლეხთა ახალ სამკვიდროზე დაფუძვნება ახალ ფინანსებს მოითხოვდა, მაგრამ ქვეყანა გაჩანაგებული იყო და არც მეფე - მთავართა დახმარება იყო წინანდებურად ეფექტური.

ამიტომ მთავარეპისკოპოსმა ოსე გაბაშვილის ხელით რამდენიმე ნუსხა ხელახლა გადწერა და ათობით გლეხს ფულადი გადასახადი სანთლის გამოსაღებით შეუცვალა. ეკონომიურ გასაჭირში ჩავარდნილი მთავარეპისკოპოსი ხშირ შემთხვევაში იძულებული იყო სესხად აეღო ფული ერთ შემთხვევაში ცუცხვათელი თათრისაგან 917 მარჩილი, მეორედ 131 მარჩილი კათოლიკე მღვდელისაგან ("საქართველოს ისტორიის ქრონიკები", 1980 წ. გვ. 264).

თათრის ვალი მთავარეპისკოპოსს დროულად ვერ გაუსტუმრებია და მისი ბატონის, აგიაშვილისათვის ხონში სამონასტრო მიწები და გლეხები დაუთმია.

"გაურჯულებას მამულის გაყიდვა ვარჩიეთ"-ო - წერს მღვდელთ-მთავარი ქუთაისის სახელმწიფო მუზეუმში დაცულ ერთ საბუთში (პ. ვაჭრიძე - "ქალაქ წულუკიძის ისტორიიდან", 1977 წელი, გვ. 17).

მესამე შემთხვევაში მონასტრის კუთვნილი ფული უსესხებია და გიროდ რამდენიმე ძვირფასი ნივთი: ხატი, ლოცვანი და სახარება დაუდევს (ს. კაკაბაძე, "დას. საქართველოს საეკლესიო საბუთები", ნაწილი 1, გვ. 79).

თუ არისტოკრატიის უმაღლესს საფეხურზე მდგომი მთავარეპისკოპოსი ამ დღეში იყო, ადვილი წარმოსადგენია სოციალურად დაუცველი გლეხობის მდგომარეობა.

სხვადასხვა დროს არქიელს ხონის საკათედრო საყდრისათვის შეუწირავს ასობით მარჩილი ფულად, პატარა ხატი, საეპისკოპოსო ბისონი, "დაბადება", "ზადიკი", "სწავლანი" და სხვა.

მღვდელთმთავარი ა. ჩიჯავაძე იმერეთში რუსული მმართველობის დამკვიდრების შემდეგაც იბრძოდა სამონასტრო მიწების და გლეხობის შესანარჩუნებლად. "იმერეთის დროებითი მმართველობის" "დივანში" 1816 წლის აპრილ-მაისში განუხილავთ საკითხი, რომელიც არქიეპისკოპოსს წარუდგენია - "დაუბრუნდეს წმიდა გიორგის მონასტერს მისი ყოფილი მიწები, რომელიც სხვებს აქვს მიტაცებული".

დივანს დაევალა ამ თხოვნასთან დაკავშირებული გარემოების გარკვევა და იმერეთის მმართველობისათვის შეტყობინება (გ. ვაჭრიძე - "იმერეთის დროებითი მმართველობა 1810-1840 წლებში", 1999 წ. გვ. 146).

ნაძალადევად ჩატარებული საეკლესიო რეფორმის შემდეგ (1821 წ.) იმერეთში დარჩა მხოლოდ ერთი ეპარქია, რომლის ეპისკოპოსად სოფრონიოს წულუკიძე აკურთხეს. მისი წერილობითი ბრძანების შესაბამისად, ხონის საყდრის დეკანოზმა ვასილ ქუთათელაძემ ზემოთ-დასახელებული ნიგნები და ხელნაწერები აღწერა, 1835 წელს კი ქუთაისში გადაგზავნა.

მთავარეპისკოპოსის ქონების 1819 წლის აღწერაში ეგზარქოსის მოხელეებმა რომ ჩაატარეს, პირად საკუთრებაში დასახელებულია 34

ნიგნი. მათ შორის სვინაქსარი, ბიბლია, ორი ცალი სამღვდლო ნიგნი, ევანგელიე, სამოციქულო, სამარხვო, თთენი, ოთხი ლოცვანი ვასილი დიდის, იოანე ოქროპირის და გრიგოლ ღვთისმეტყველის ნიგნთა ხელნაწერები, საეკლესიო კანონთა კრებული, მეექვსე მსოფლიო საეკლესიო კრების კანონები, მთავარანგელოზ მიქაელის და სხვა კეთილ ძალთა სახელები, ქრისტეს შობის სასამსახურო და ბასილი დიდის გამოცხადება, სახალისო ევანგელიე, მარკოზის და ლუკას სახარებათა ხელნაწერები, ვახტაგ მეექვსის კანონთა ამონაწერები და ორი სკივრი ნიგნების შესანახად (Д. Гордеев, "Матеряли к обследованию Хонских древностей", ჟურნალი "საისტორიო მოამბე", 1924 წ. ნიგნი 1, გვ. 206-207).

მკვლევარ პეტრე ვაჭრიძეს, თავის ახალ ნიგნში მოაქვს მთავარეპისკოპოს ანტონის ბიბლიოთეკის საკმაოდ ვრცელი აღწერილობა და ჩამოთვლის მის ნიგნებს: დავითნი, თთუენის ყამნი, სახარება, სამოციქულო, პარაკლიტონი, მარხუანი, ზადიკი, წლის თთუენი (მხედრული ნაწერი მიხეილ თბილელისა), სვინაქსარი, სადღესასწაულო მეტაფრასი, დიდი მარხვის და ზადიკის მეტაფრასი, ახალი ლოცვანი, წირვის ტიბიკონი (მხედრული ნაწერი), საყდარში საკითხავი, მოძღვარ-მონაფის ნიგნი, აღსარების ნიგნი, ბოვშების სასწავლებელი ანბანი, წლის ტიბიკონი, იოანეს სახარების თარგმანი, მაქსიმე აღმსარებლის ნიგნი, დიონისე არეოპაგელის ნიგნი (რუსული), მწმიდა ბასილის ითიკა, ეფრემ ასურის ნიგნი და ლავსაიკონი სიონის, საყდრის დეკანოზის ნიკოლოზის მიერ გადანაწერი, იოანე კლემაქსის ნიგნი, მამათ ცხოვრება, ამონიოსის ნიგნი, ბესარიონ კათალიკოსის მიერ თქმული გურდემიტის ნიგნი (რუსული), მამა ანტონის და სვიმონ მესუეტის ცხოვრება, კითხვა მიგების ნიგნი (რუსული), სადღესასწაულო (სტამბური რუსული), ხრონოლოგია, ახალი გრამატიკა, რიტორიკა, ლოლიკა, ფისიკა, ღვთისმეტყველების ნიგნი ანტონ კათალიკოსისა და სხვა (პ. ვაჭრიძე, დასახელებული ნიგნი, გვ. 177).

როგორც ვხედავთ მეუფე ანტონის პირად ბიბლიოთეკაში ყოფილა: ეთიკა, ლოგიკა, ფისიკა, რიტორიკა, "მოძღვარ-მონაფის ნიგნი", "ბოვშების სასწავლებელი ანბანი", "ახალი გრამატიკა", "ღვთისმეტყველება" და სხვა, რაც ასე საჭირო იყო სამონასტრო სკოლისათვის.

ცალკე აღნიშვნის ღირსია მონასტრის სამრევლოს სკოლის პედა-

გოგთა ღვანლი ვაკე იმერეთის მოსახლეობის განათლების საქმეში.

პროფესორმა ვუკოლ ბერიძემ გაარკვია, რომ ხონის მონასტრის სკოლა ერთი უძველესთაგანი იყო იმერეთში და ძირითადად სასულიერო პირებს ამზადებდა.

მასში ასწავლიდნენ: საღეთო სჯულს, კატეხიზმოს, გალობას, ნუსხა-ხუცურ და მხედრულ წერა-კათხვას ძველ ისტორიას, ვახტანგ VI-ის სამართალს, არაბულ ციფრებს, ქართულ ენას, არითმეტიკას, გრამატიკას, ეთიკას, ფილოსოფიას, ასტრონომიას, ფიზიკას, კალიგრაფიულ წერას, წიგნის ყდის დამზადებას, მის აკინძვას და შეკვრას.

სკოლიდან საუკეთესო მწიგნობრები გამოდიოდნენ. სკოლის ზედამხედველი და სწავლებაში გეზის მიმცემი თვით მთავარეპისკოპოსი ანტონი იყო. მის გვერდით მდგარა გაბაშვილთა მწიგნობრული ოჯახი, ქუთათელაძეები და ბახტაძეები, თბილისის სიონის საყდრისა და სამცხის საბას ლავრის განთქმული მწიგნობრები. აგრეთვე ხონის მონასტრის ბერმონაზვნები: "ლაზარე გადამწერი" და "ივანიკა მწერალი", სვიმონ ფირცხალავა.

საერთოდ ზაქარია გაბაშვილის ოჯახი ხონელ არქიეპისკოპოსთან დაახლოებული ყოფილა.

ხონის მონასტრის მწიგნობრები არამარტო გადასწერდნენ, არამედ თარგმნიდნენ კიდევ, ამკობდნენ წიგნებს შესანიშნავი მონიატურებით, უკეთებდნენ შენიშვნებს, მინაწერებს, ქრონიკულ და ასტრონომიულ დაკვირვებებს (პ. ვაჭრიძე - დასახელებული წიგნი, გვ. 50).

ხონში დამზადებულ ერთ-ერთ წიგნზე ს. ფირცხალავას მეტად საინტერესო ასტრონომიული მინაწერია გაკეთებული, რაც ნათელ წარმოდგენას გვიქმნის ამ სწავლული ბერის ერუდიციის მასშტაბზე. მან მთელი თავისი ხანგრძლივი სიცოცხლე ხონის სამონასტრო ცხოვრებას და სამრევლო სკოლას მოიახმარა.

სვიმონ ფირცხალავა მათხოველი იყო. ის სამრევლოს სკოლას სათავეში ჩაუდგა მეცხრამეტე საუკუნის 20-იან წლებში, ე.ი. ანტონი ხონელისა და ვასილ დეკანოზის მოღვაწეობის ბოლო წლებში.

მოძღვარი სვიმონი დაბადებიდან კუტი, საპყარი იყო, ორივე ქვედა კიდური განუვითარებელი ჰქონდა. არც ხელები ჰქონდა საღი. მარჯვენაზე სამი თითი აკლდა, მარცხენაზე ორი. მოკლედ საპყარი იყო. აღიზარდა რა ხონის სასაპყრეში იმ დროის განათლებული კაცი



იყო. ნერაც შესანიშნავი იცოდა. შემუშავებული ჰქონდა სწავლების საკუთარი მეთოდები და საკმაო ეფექტურ პედაგოგიურ საქმიანობას ეწეოდა. იყო მკაცრი, მომთხოვნი და სამართლიანი. ამის გამო ყველა რიდით და პატივისცემით ექცეოდა. გარდაიცვალა ღრმად მოხუცი 1870 წელს. ამის გამო დაიხურა სამონასტრო სკოლა.

ხონის მონასტერში დამზადებულ ერთ ნიგნზე ქრონიკათა მსგავსი ცნობებია მიწერილი, ის მოძღვარს სვიმონს ან მღვდელ მათე ბახტაძეს უნდა ეკუთვნოდეს.

ხონის ეკლესიასთან შექმნილი ხელნაწერები და სიგელ-გუჯრები ძვირფას მასალებს შეიცავენ ჩვენი სამშობლოს სოციალურ-პოლიტიკური ისტორიის, ფეოდალური სამართლის, სოფლის მეურნეობის, ზომა-წონის საწყაობის, ფეოდალური მცირე ქალაქის ხონისა და ყმათა მფლობელობის შესახებ. ამ ძეგლების უმეტესობა დღეისათვის გამოცემულია.

ხონში რომ სამონასტრო ცხოვრება იყო გაჩაღებული, ამის შესახებ თავიანთ ნაწერებში აღნიშნავენ: იმერეთის ეპისკოპოსი სოფრონიოსი, ნიკოდიმე კონდაკოვი, ანდრეი მურავიოვი, ფრანგი კონსული კავალერი გამბა.

სამწუხაროდ ხონის სამონასტრო სკოლას თავიანთ ნაწერებში არც ახსენებენ ჩვენი ისტორიის მკვლევარნი: ლევან მენაბდე (ლ. მენაბდე - "ძველი ქართული მწერლობის ძეგლები", 1962 წ. 1, გვ. 43), მ. ქიქოძე და ქ. ჩხატარაშვილი ("საქართველოს ისტორიის ნარკვევები", 1973 წ. ტ. 4. გვ. 778, 784).

მონასტერს გააჩნდა რამდენიმე სენაკი, ეპისკოპოსის სასახლე, სამრევლო სკოლა, საჯინბო და ვეებერთელა საბძელი. 1981 წელს სტადიონის მშენებლობისას აღმოჩნდა დიდი მარანის ნაშთი, რაც დაახლოებით 10-12 ტონა ღვინის შესანახად იყო განკუთვნილი. XIX საუკუნის 20-იან წლებში ეპისკოპოსი სოფრონიოსი ხონის საყდრის დეკანოზს ჩვეულებრივ, "ხონის საეპარქიო მონასტრის გამგეს" უწოდებდა.

ცოტა ისევ ანტონ ხონელის შესახებ. ის მთავარეპისკოპოსად, როგორც აღვნიშნეთ, იოსებ კათალიკოსმა აკურთხა. მას ზოგი უცნაური ჩვევა და ახირება ჰქონია. არც ადვილად უხრიდა თავს იმერეთის მეფეს, რომელიც უცერემონიოდ ერეოდა საეკლესიო

საქმეებში.

ერთხელ მას სოლომონ I შეეკითხა - "განმარტოს თავისი განსაკვირვებელი ცხოვრება", არქიეპისკოპოსმა მას პირდაპირ უპასუხა: "მეფეო, თქვენ არ გეხელმწიფების შეხვიდეთ მსჯელობასა შინა ჩემი ცხოვრებისა".

ე.ი. მეფეს არა აქვს უფლება ჩაერიოს ეპისკოპოსის საქმეშიო. არა და ეს ბაგრატ კურაპალატის კანონებით (X ს.) მართლაც ასე იყო...

განრისხებულმა სოლომონ პირველმა მას სამწყსო ჩამოართვა.

გადაყენებული მღვდელთმთავარი თბილისში ჩავიდა (1782 წ.), სადაც პატივით მიიღო მეფე ერეკლემ. ანტონ ჩიჯავაძე თბილისში დარჩა სოლომონ პირველის გარდაცვალებამდე, სოლომონ II კი ერეკლეს შუამდგომლობით ისევ დაუბრუნა კათედრა. ანტონი ხონელი, თბილისში გასცნობია სიონის საყდრის სწავლულ მოღვაწეებს და შემდგომში მათთვის რამდენიმე შეკვეთაც მიუცია.

ანტონ ხონელს დაუნერია ცნობილი ანდერძი, გამოცემული ფურცელაძისაგან. ამ ანდერძს ისევ მიაკვლია პეტრე ვაჭრიძემ კ. კეკელიძის სახელობის ეართულ ხელნაერთა ინსტიტუტში (პ. ვაჭრიძე, დასახელებული წიგნი, გვ. 50).

საინტერესოა ანტონ ხონელის ცხოვრების ბოლო წლები.

1817 წელს ქუთაისში ჩამოვიდა საქართველოს ეგზარქოსი თეოფილაქტე რუსანოვი, დაიბარა იმერეთის მსცოვანი მღვდელთმთავრები: დოსითეოზ ქუთათელი, ეფთვინი გენათელი და ანტონი ხონელი, გააცნო მათ საეკლესიო რეფორმის არსი და თან შეჰპირდა, რომ მათ სიცოცხლეში კათედრებს არ გააუქმებდა.

სამწუხაროდ აღწერა მაინც დაიწყო.

ანტონ ხონელმა აქტიური მონაწილეობა მიიღო იმერეთის ამბოხებაში.

დაკითხვის ოქმში აღნიშნულია:

"არქიეპისკოპოსი ანტონი - ის იყო პირველი მიზეზი ხალხის შეკრებისა ვაკის ოლქში. მან უარი თქვა, უკეთ რომ ვთქვათ, ხონიდან გააგდო ეპარქიის მმართველი, არქიმანდრიტი ნიკოლოზი, იმიტომ, რომ მან შეასრულა ეგზარქოსის მინდობილობა ხონის ეპარქიის აღწერის თაობაზე" (Н. Махарадзе, назв. труд., стр. 175).

ანტონ ხონელ მთავარეპისკოპოსს სამწყსო ჩამოართვეს, ხოლო 1821

წლის ნოემბერში ხონის ეპარქია მთლად გააუქმეს, სამონასტრო 218 კომლი გლეხი სახაზინო უწყებაში გადაწერეს, ხონის მონასტერი გაჩხრიკეს და არასაიმედო კონტროლს დაუქვემდებარეს. ხონის საყდრის დეკანოზმა მათე (იესეს ძე) ბახტაძემ მხოლოდ 1845 წელს აღადგინა 1819 წელს რუსთაგან დარბეული სკოლა. ამ სკოლამ იარსება სვიმონ კუტის გარდაცვალებამდე (1870 წ.).

ვასილი დეკანოზის გარდაცვალების შემდეგ ეს თანამდებობა იესე ბახტაძეს ეჭირა. ის ჯრუჭის მონასტერში იყო აღზრდილი დავით მიტროპოლიტის მიერ, შემდეგ დეკანოზობდა მისი შვილი მათე ბახტაძე, რომელიც ვასილი (მეორე) ქუთათელაძემ შეცვალა.

იმერეთის ბოლო მეფეები პატივს სცემდნენ მათე ბახტაძეს (დ. ნაცვალაძე, "ილია ხონელის მოღვაწეობა და ლიტ. მემკვიდრეობა", ხონის მუზეუმის ფონდი, დისერტაციის პირი, 1959 წ. გვ. 4-5).

მათი ბახტაძე 1857 წელს გარდაცვლილა და მისი ადგილი დაუკავებია ვასილ ქუთათელაძეს, რომლის სახელთან დაკავშირებულია ეკლესიის ბოლო რეკონსტრუქცია.

მათე შვილი იყო ლუკა მღვდელი, რომლის შვილმა, ცნობილმა პუბლიცისტმა ილია ბახტაძემ (ხონელმა) ამხილა რა გელათის საყდრის რელიქვიათა გაძარცვა ფოტოგრაფ საბინაშუსისაგან გენერალ-გუბერნატორ ლევაშოვის ხელშეწყობით, თუმცა ირიბად, მაგრამ მაინც შეურაცყოფა მიაყენა იმერეთის ეპისკოპოს გაბრიელს. ლუკა მღვდელი მღვდელ ჩხენკელის დაბეზლების გამო გადაყენებული იქნა.

ლუკას შვილები იყვნენ ქუთაისის ცნობილი სახალხო მასწავლებელი, აკაკის მეგობარი სერგო ბახტაძე და ხონის ქალთა კერძო პროგიმნაზიის დამაარსებელი ელენე ბახტაძე. ეს სკოლა ეკლესიის წინ მდებარეობდა და მეოცე საუკუნის ოციან წლებამდე იარსება.

ასეთია მოკლედ ხონის სამრევლო სკოლისა და მისი მოამაგეების ისტორია.

# თავი მეორე

## ხონის ბაზარი, ვაჭრობა და ხელოსნობა

მოხერხებული ადგილმდებარეობა, სატრანზიტო გზების სიახლოვე, მინის სინოყივრე და მოსავლის სიუხვე, ირგვლივ განლაგებული მჭიდროდ დასახლებული სოფლები ხელს უწყობდა ხონში ბაზრობის, ვაჭრობის და ხელოსნობის განვითარებას.

ხონს ქალაქის შესაფერისი თითქმის ყველა პირობა ჰქონდა. მოსახლეობის რიცხვი და სიმჭიდროვე, ციხე-გალავანი და მთავარი სამლოცველო, სავაჭრო მოედანი და ათობით დუქანი, სარენი და სამჭედლო, რასაც აკონტროლებდა ხონელი მთავარეპისკოპოსის მებაჟე და ოჯახის მოურავი.

ჩვეულებრივ: იმერელი, მეგრელი და ლეჩხუმელი გლეხი, თავის ნამეტ პროდუქციას ხონში ჰყიდდა.

საისტორიო ტრადიცია ხონს განიხილავს, როგორც ალებ-მიცემობის უძველესს პუნქტს, რომელსაც გვიან შუა საუკუნეებში შენარჩუნებული ჰქონდა იმერეთისა და სრულიად საქართველოს უმთავრესი სავაჭრო პუნქტის ფუნქცია.

ბაზრობა ჩვეულებრივ, პარასკეობით ეწყობოდა და ამ სახელით იყო ცნობილი, რადგან ქრისტიანი კაცისათვის, მაცხოვრის ვნების დღეს, მინის შეძვრა ცოდვად იყო მიჩნეული. დიდი იარმარკა-ვაჭრობა ეწყობოდა გაზაფხულის გიორგობამდე (22 აპრილამდე) და შემოდგომის გიორგობამდე (22 ოქტომბრიდან 22 ნოემბრამდე). მასში ყოველდღიურად 10 ათასამდე კაცი მონაწილეობდა.

მკვლევარი ნანა ალექსიძე, ხონის ეკლესიის მხატვრობაში შემორჩენილი არაბული ტექსტების განხილვისას მივიდა დასკვნამდე, რომ ხონს შუა საუკუნეებში სავაჭრო ურთიერთობა ჰქონდა ვენეციასან (ნ. ალექსიძე, "დასახლებული სტატია").

XVII საუკუნის დასაწყისში დასავლეთ საქართველო ოსმალეთმა სავაჭრო იზოლაციაში მოაქცია: შეუნყვიტა მარილის, რკინის, ევროპუ-

ლი საქონლის მიწოდება, ხარკი აკისრებინა და მის ანგარიშში ტყვეები და სახალათე ტილო მოითხოვა, რადგან დასავლეთ საქართველოში მაშინ, ბამბის წარმოება მაღალ დონეზე ყოფილა.

საისტორიო ცნობებზე დაყრდნობით, პროფესორ ილია ანთელავას გამოაქვს დასკვნა, რომ ხონს საქართველოს საერთო ბაზრის მნიშვნელობა ჰქონდა, რადგან მყიდველი და გამყიდველი ჩვენი ქვეყნის სხვადასხვა მხარეებიდან იყრიდა თავს, ბაზარი დიდი იყო და მდიდარი ასორტიმენტით (ი. ანთელავა - "XVIII საუკუნის საქართველოს სოციალ-ეკონომიკური ვითარების საკითხისათვის", 1977 წ. გვ. 57-58).

XVI I საუკუნის შუა წლებში, როცა სრულებით არ სუფევდა კეთილდღეობა, რუსმა დიპლომატმა ტოლოჩანოვმა, იმერეთის სამეფო კარზე იხილა მრავალი ფუფუნების საგანი: იმპორტული ტანსაცმელი და ფეხსაცმელი, სიასამურის ბენვი, სტაერის, აბრეშუმის, ხავერდის ქსოვილები, რაც უდავო ცნობაა ევროპასთან ვაჭრობისა (ტოლოჩანოვის იმერეთში ელჩობის მუხლობრივი აღწერილობა, 1650-52 წლები, იასე ცინცაძის რედაქციის, 1970 წ. გვ. 70, 95, 152).

ამას ადასტურებს მარიამ დედოფლის "მზითვის წიგნი", გამოქვეყნებული სარგის კაკაბაძისაგან.

იმერეთის ელჩი - მაქსიმე ქუთათელი, უმაღლეს კარს მოახსენებდა, რომ იმერეთში ბევრია ბენვეული, ბამბა, აბრეშუმი. ყოველივე იაფია და საზღვარგარეთ კი ძვირად იყიდებაო ("საქართველოს ისტორიის ნარკვევები", ტ. 4, 1973 წ. გვ. 583).

XVI I -XVI II საუკუნეთა საქართველოს მნიშვნელოვან სავაჭრო ქალაქთა შორის ხონიც მოიხსენიება, როგორც გვიანი ეპოქის იმერეთის მნიშვნელოვანი პუნქტი.

ისიც უნდა აღინიშნოს, რომ დასავლეთ საქართველოს სხვა პუნქტები ხონს სავაჭრო მასშტაბით დიდად ჩამორჩებოდნენ.

პროფესორი შოთა მესხია აღნიშნავს, რომ ხონი, იმ მცირე ქალაქთა რიცხვს ეკუთვნის, რომლებიც საეპისკოპოსო რეზიდენციებთან აღმოცენდნენ.

ამ აზრს დაეთანხმა პროფესორი ვალერიან გაბაშვილიც.

ხონში უძველესი დროიდან კომპაქტურად ცხოვრობდნენ ებრაელები.

ჩვეულებრივ, ისინი მენვრილმანეობას და საშუამავლო-სადაღალეო საქმიანობას ეწეოდნენ და ამ ხელობით მნიშვნელოვან ქონებას აგრო-

ვებდნენ, თუმცა შინაომების გამო ზარალდებოდნენ, ხოლო ადგილობრივ ფეოდალთა და ყაჩაღთა მხრივ, მუდმივ ზენოლას განიცდიდნენ.

როგორც ავლინებთ, 1771 წელს, ქუთაისის ციხესიმაგრის თურქთაგან განთავისუფლების შემდეგ, სოლომონ პირველმა ხონელი ებრაელები ქუთაისში გადაასახლა, იქ საქალაქო ცხოვრების აღორძინების მიზნით.

ამ დროს, ხონელი ვაჭრები ისე ყოფილან განაფულნი, რომ არც დასტყობიათ ებრაელთა გადასახლება.

ხონის ბაზრიდან მიღებული შემოსავალი ცილობის საგანი იყო ძლიერთა ამა ქვეყნისათა შორის. 1568 წელს, ხოსრო ბატონიშვილის აჯანყებისას, ალბათ ის ითვისებდა შემოსავლებს, 1760 წელს, ხონი მამუკა ბატონიშვილმა დაიჭირა, 1766-69 წლებში ბესარიონ კათალიკოსმა, რომელსაც მარილის, ხორცის, თევზის და მატყლის ბაჟი დაედვა ხონის ბაზარზე.

ამ უკანონო გადასახადისგან ხონელები გაათავისუფლა მეფედედოფალმა.

ხონის ბაზარში საბაჟო სისტემა არასოდეს ყოფილა საბოლოოდ მონესრიგებული.

სამეფოში ვინც პოლიტიკურ პოზიციას განიმტკიცებდა: მეფე, კათალიკოსი, ტახტის მადიებელი ბატონიშვილი თუ ხონელი მთავარეპისკოპოსი, ბაჟსაც ის კრეფდა.

ეს ღვინდება ცნობილი მღვდელთმთავრის, ანტონ ჩიჯავაძის თხოვნით მეფისადმი - მოაცილოს ხონს მოურავი და მებაჟე.

მეფემ და დედოფალმა ეს თხოვნა შეინყნარეს.

ხონის მოურავები ძველ დროს აბულაძეები ყოფილან.

სოლომონ მეორის მმართველობისას, ეს სახელო თავად სეხნია ნულუკიძეს უჭირავს.

აღნუსხულია ისეთი შემთხვევა, როცა საბაჟო შემოსავალი ხონის საყდარს რჩებოდა. მაგალითად, იოსებ ხონელს (XVIII საუკუნის შუა წლები) თავისი კუთვნილი ბაჟის ერთი ნაწილი ეკლესიისათვის გადაუცია.

მეტად საინტერესოა აკადემიკოს გიულდენშტედტის მიერ 1772 წლის ხონის ბაზრის აღწერილობა, რომლის თანახმადაც ის დიდი და მდიდარი სავაჭრო პუნქტია.

მას ხონის ბაზარშიც უნახავს რუხი და შავი მაუდის ჩოხები,

შემოტანილი ბასიანიდან და დიგორიდან ონის გზით. ბამბის წითელი და ცისფერი უხეში ქსოვილები, აბრეშუმის და ბამბის ქსოვილთა ნაჭრები პერანგისათვის, ქალის ზედატანის დასამზადებლად. ვინროგანინი ქსოვილები ბამბის და ერთი წყრთა რვა კაპიკად.

აღისარჩულით შელებილი თავთა სამი მეოთხედი წყრთის სიგრძისა 25 კაპიკად.

10 ლიტრიანი სპილენძის ქვაბი 3 მანეთად.

სპილენძის საყვირები (ბუკი ა.ფ.) თითო 4 მანეთად.

ყირიმული მარილი ფუთი 2 კაპიკად.

დამარილებული ზურგიელი ფოროჯისა (სალიანიდან და თბილისიდან) ცალი 40 კაპიკად.

უდუმო და უკუდო ცხვრები 1 ცალი 2 მანეთად.

გასაყიდად გამოტანილი კანაფის ნანარში და ხის ჯამები.

მან ხონის ბაზარში მრავალი მეგრელი მოვაჭრე ნახა, ხოლო ბაზრის მდიდარი ასორტიმენტით და დოვლათის სიუხვით მოხიბლული დარჩა ("გიულდენშტენდის მოგზაურობა საქართველოში", 1962 წ. გვ. 141-151).

1808 წელს, ხონს ეწვია რუსეთის იმპერიის მოხელე რომმელი.

ის მოიხიბლა ასნლოვანი ჭადრებისა და ცაცხეების ჩრდილში შეყუყული ათასობით მოვაჭრის ცქერით და იმერეთის მთავარ სავაჭრო პუნქტებად მიიჩნია ხონი და ონი, თუმცა აღნიშნა, რომ ებრაელთა ქუთაისში გადასახლებამ ერთგვარად დააკნინა ვაჭრობა ხონში.

რომმელმა ხონის ბაზარში იხილა შალისა და აბრეშუმის ნანარში, შინაური ფრინველი და ცხოველი, სპილენძის, რკინის და ხის იარაღები, ხელსაწყოები და ჭურჭლები, ევროპული ტილო, ყირიმის თევზი და სხვა.

მიუხედავად იმისა, რომ გლეხი იხდიდა სამეფო, საბატონო და საეკლესიო გადასახადებს, მას მაინც რჩებოდა ნამეტი პროდუქცია ბაზარში გასაყიდად და საჭირო საქონლის შესაძენად. ამრიგად, ნატურალური მეურნეობიდან ქვეყანა ფულად-სასაქონლო ურთიერთობაზე გადადიოდა.

დგინდება ისიც, რომ ხონის ბაზარში ვაჭრობდნენ: შირვანელი, ნუხელი, აზერბაიჯანელი, ყარაბახელი თათრები და სომხები, იმერელი, რაჭველი, მეგრელი და ლეჩხუმელი გლეხები.

ხონის ბაზარში იყიდებოდა: მეგრული, აფხაზური, ყარაბაღული, თუშური ცხენები, აზერბაიჯანული მატყლი, იმერული და სამეგრელოს

პარკი, ლეჩხუმის ღვინო და ხილი, ევროპული საქონელი - მათუდი, სტაფრა, ბროლი, ვერცხლის დანა-ჩანგალი.

ევროპის და რუსეთის ქალაქებში დიდი მოწონებით სარგებლობდა იმერული შინნაქსოვი შალი და აბრეშუმის ქსოვილები. ამ სამოცდაათი წლის წინათ თითქმის ყველა ოჯახში იდგა განთქმული დგიმ-სავარცხალი, რომლის რამდენიმე ნიმუში დაცულია ხონის მუზეუმში.

ხონის სახელოსნოების ნაწარმი რომ მოწონებით სარგებლობდა, ამას ადასტურებს XIX საუკუნის დასაწყისის ერთი წერილი, მინერილი სამეგრელოს მთავრის ლევან V დადიანის მიერ ხონის ეკლესიის აზნაურის, სვიმონ ბერიძისადმი. მთავარი, თავის ყოფილ აზნაურს თხოვს ხონში დაამზადებინოს რამდენიმე დიდი ზომის სპილენძის ქვაბი სამთავრო სამზარეულოსათვის.

ლეჩხუმელი, გურული და მეგრელი გლეხების ლტოლვა ხონის ბაზრისაკენ, რასაკვირველია, მათივე სენიორების განრისხებას იწვევდა, რადგან ბაჟიც ეკარგებოდათ და ძვირფასი მუშახელიც ცდებოდა. ლევან V და ჭყონდიდელმა მიტროპოლიტმა სცადაეს ამ მხრივ გლეხთა შეზღუდვა, თუმცა უშედეგოდ.

XIX საუკუნის ათიან წლებში, ხონში საქმიანობდნენ მჭედლები, მკერავები, მეჩექმეები, ხარაზი, ხაბაზი, სირაჯი, ყასაბი, მღებავი, ღურგალი, მეავეჯე და სხვა.

კ. ბოროზდინი, რ. ერისთავი და ჟ. მურიე სამეგრელოსა და ხონის ბაზრებს შორის უპირატესობას ხონს აძლევენ და მის მასშტაბსაც აღნიშნავენ.

ამას ადასტურებს 1870 წლის გაზეთი "დროებაც".

XIX საუკუნის დასაწყისში, ხონის მკვიდრი გლეხობისაგან გამოიყო ორი ახალი ფენა: ა. ყრმა-ვაჭრები, ბ. ყრმა-ხელოსნები.

მოგვყავს 1807 წლის მონაცემები:

თავად კაცია წულუკიძეს, ხონში 13 კომლი ვაჭარი და ამდენივე ხელოსანი ჰყავდა.

თავადმა ბეჟან წულუკიძემ, ხონის საყდარს შესწირა 3 კომლი ვაჭარი.

ხონის ეპარქიას ყავდა 15 კომლი ვაჭარი.

იმერეთის მეფეს 13 კომლი ვაჭარი.

თავად იოანე აგიაშვილს 25 კომლი ვაჭარი და 10 კომლი ხელოსანი.

ე.ი. მაშინ ხონში 92 კომლი ყმა-ვაჭარი და ხელოსანი ყოფილა.



1822 წელს ხონს ეწვია ფრანგთა სავაჭრო კონსული - კავალერი გამბა. მან აღნიშნა, რომ ხონი, სამაზრო ცენტრია, ზის ბოქაული, მაზრის უფროსი ჩაფრებით, მომრიგებელი მოსამართლე, არსებობს საფოსტო სადგური.

მოიხიბლა რა ხონის "პარასკეობა - ბაზრობით", განსაკუთრებით მოეწონა "ბრწყინვალე აბრეშუმის ქსოვილები", რომლებიც ადგილობრივ ოსტატებს შესანიშნავი საღებავებით დაეფერათ. შეამჩნია რა თვინიერება ხალხის გამოხედვასა და ქცევაში, ეს გულუბრყვილოდ ახსნა რუსეთის იმპერიის "კეთილისმყოფელი გავლენით", მონის კეთილდღეობა კი არ გაგონილა არასოდეს.

1814 წელს ახალციხის ბაზრიდან იმერეთში შემოჰქონდათ: ჩითი, აბრეშუმი, შალი, ფარჩა, ბამბაზია, წითელი ტორსიკონი, თურქული საპონი, თამბაქო, ქვამარილი, დამარილებული ხორცი.

ხონის ბაზარში "ჩეტვერტაკი" სიმიანი 7-8 ფრანკი ღირდა, ხორბალი 12-15 ფრანკი, გირვანქა ხორცი 8-10 კაპიკი, 100-120 გირვანქიანი ღორი 10-12 ფრანკი, ერთი ბოთლი ღვინო ერთი სუც არ ღირდა.

1830 წელს ხონში მცხოვრები 1800 სულიდან 53 კომლი ვაჭრობას ეწეოდა.

1845 წელს ხონში 85 ხელოსანი საქმიანობდა.

ხონში უძველესი დროიდან დღემდე შემოჰქონდათ ორიგინალური ჩუნეშური თოხი, მარჯვე იარაღი მთავორიანი ნიადაგის დასამუშავებლად.

ადგილობრივ ხელოსნებთან ერთად ხონში სახლდებოდნენ ჩამოსული სპეციალისტები. XIX საუკუნის 30 -იან წლებში ხონში დედისერთა თამარ მეტუკის ოჯახში, ზედსიძედ შევიდა გურული (ბუკისციხელი) ახალგაზრდა მჭედელი სვიმონ შარაშიძე (ცნობილი საზოგადო მოღვაწის ივანე შარაშიძის მამა). ოციოდე წელიწადში ბეჯით მჭედელს სახელოსნო და რამდენიმე სავაჭრო დუქანი გააჩნდა ხონისამტრედიის გზის გასწვრივ.

1856 წელს ხონში თამბაქოს ყოველწლიური იარმარკა დაარსებულა.

ვაკე-იმერეთში დიდი რაოდენობით ბამბას ამზადებდნენ, რის გამოც დაარსდა ბამბის საპენტი სახელოსნოები. 1000 ფუთი ბამბა ყოველწლიურად იყიდებოდა ხონის ბაზარზე, 4000 ფუთს (42 ტონა) ადგილზე მოიხმარდნენ შინნაქსოვი ტილოსა და ფლანელის დასამზადებლად. ერთი კილოგრამი ყურძენი ერთი კაპიკი ღირდა. 10

კილოგრამი კაკალი 50 კაპიკი. ერთი კილოგრამი ატამი 5 კაპიკი.

ხონის "პარასკეობა", აპრილსა და ოქტომბერ-ნოემბერში, 50 ათას მანეთს აბრუნებდა, 1856 წელს 100 ათასს, თუმცა შემდეგ წლებში დაეცა.

1851 წელს, ხონის ბაზარზე გამოტანილი საქონლის საერთო ღირებულება, მკვლევარ პეტრე ვაჭრიძის ცნობით, სამასი ათას მანეთს აღემატებოდა.

1846 წელს, კულაშელმა ებრაელებმა წერილი მისწერეს სტამბოლელ დიდვაჭარ ნეგოციანტ მოშე მონტეფიორეს და სთხოვეს დაცვა როგორც ხელისუფლებისაგან, ისე ადგილობრივი თავადაზნაურებისაგან.

ამ პერიოდში ხონში 10 კომლი ებრაელი ვაჭარი ცხოვრობდა და ცხადია, ისინიც ისეთსავე პირობებში იქნებოდნენ, როგორც კულაშელები.

მარი ბროსეს ცნობით, ამდროინდელი ხონი, მთელს საქართველოში განთქმული დასახლებაა, ამავე დროს მოსახლეობის დიდი თავშეყრის ადგილია, ხოლო ხონის ბაზარი ეს არის დიდი და ლამაზი მოედანი, რომელიც საფოსტო სადგურის წინ მდებარეობს, ყოველი ოთხშაბათი აქ ვაჭრობის დღეა.

ხონს მოაშურა: მეგრელმა, ლეჩხუმელმა, გორდელმა და კინჩხელმა გლეხკაცებმა. ბევრი მათგანი საბოლოოდ დამკვიდრდა დაბაში, ზოგიც სამუშაოს თვეობით ეძებდა და რადგან ღამის გასათევი არ ჰქონდა, ღია ცის ქვეშ, პირდაპირ მოედანზე, ხის ძირში ათენებდა, რასაც გულისტკივილით აღნიშნავდა იმდროინდელი პრესა. ზოგიერთი დიდი თანამდებობის პირის აზრით, ხონის, საჩხერის, ონისა და ჩხარის ზრდა დამლუპველად მოქმედებდა ქუთაისზე.

ცუდ პირობებში მუშაობდნენ ხონელი ნოქრები. მათთვის კვირაუქმე და სამუშაო დღე გასწორებული იყო, რასაც აღნიშნავდა გაზეთი "კვალი".

ხონის სამკერვალო სახელოსნოებში ჯოჯოხეთურ პირობებში საქმიანობდა 50 შეგირდი.

XIX საუკუნის 70-იან წლებში, დიმიტრი ბაქრაძე ხონს ახასიათებს, როგორც მჭიდროდ დასახლებული სოფლებით გარშემორტყმულ, ვრცელ დაბას, რომელიც სავაჭრო დღეებში თავს უყრიდა იმერეთის მოსახლეობის მნიშვნელოვან ნაწილს, ათასობით გლეხს.

ამ ცნობის სისწორეს ადასტურებს იმდროინდელი პრესაც.

საგლეხო რეფორმის შემდეგ (1865 წელი), საქართველოში, ყველაზე მცირემინიანი გლეხობა სწორედ ქვემო იმერეთში იყო. აქ კომლზე მოდიოდა 1,9 დესეტიანა სახნავი და 3,36 დესეტიანა საერთო მინა, რაც მოსახლეობას აიძულებდა დამატებით ეძებნა შემოსავლის წყარო.

საშოვარზე ნასული გლეხების ერთი ნაწილი გამდიდრდა და თვით ჩაება კაპიტალისტურ წარმოებაში. ტყიბულისა და ჭიათურის მაღაროების აქციების მფლობელები გადნენ ხონელები: ნესტორ, ლევან, იაკობ, ესტატიე კაკაბაძეები, ბესარიონ აბაშიძე (ირაკლის მამა), ნიკოლოზ ქუთათელაძე, მიხეილ მებუკე, ნიკოლოზ მოსეშვილი, ბერიძე, რატიანი, ჯიმშელიშვილი და სხვები.

6. მოსეშვილმა შესანიშნავად მოაწყო კარმიდამო გუბში, ხოლო ხონში დიდძალი მამული შეიძინა.

კაპიტალისტურმა ელემენტებმა დამკვიდრება იწყეს თვით ხონში.

1870 წელს ერთმა ფრანგმა ვაჭარმა, მოზრდილი ძაფსალები მანუფაქტურა გამართა ხონში, ხოლო მეორემ საკმაოდ მძლავრი ორთქლისძრავიანი ფაბრიკა ააგო ხონის ცენტრში.

90-იან წლებში, სოფელ კუხში, პირველი, დიდი ძაფსალები ფაბრიკა ააგო სოფლის ორკლასიანი სკოლის მასწავლებელმა, ცნობილმა ხალხოსანმა "დასავლეთ საქართველოს მეაბრეშუმეობის პირველი ამხანაგობის" დამაარსებელმა ნესტორ წერეთელმა.

1895 წელს, ხონში საკუთარ კარმიდამოში ფაბრიკა გახსნა ცნობილმა მრეწველმა მიხეილ პეტრეს ძე სანოძემ, რომელშიც 17 ცხენისძალიანი ორთქლის ძრავა ამუშავებდა დანადგარებს. ისინი დიუპონის სისტემისა იყო და ხონელები ამ ფაბრიკას ბოლო დრომდე "დუპიონს" ეძახდნენ. თავდაპირველად მასში 40 მუშა ქალი იყო დასაქმებული და წელიწადში 1500 ფუთ ნედლ პარკს ამუშავებდა (24 ტ.). 1903 წელს ფაბრიკაში მუშათა რიცხვმა 120-ს მიაღწია.

1906 წელს, "გმირმა" სოციალ-დემოკრატებმა მიხეილ სამოძე სიკვდილით დასაჯეს, მისმა დებმა ფაბრიკა იჯარით გადასცეს მრეწველ ტერ-გეურქოვს.

ამ საუკუნის დასაწყისში, ხონში 12 პარკის საშრობი ფარდული იყო, თვითეულში 10-20 ქალი იყო დასაქმებული.

დასახელებულმა "მეაბრეშუმეთა ამხანაგობამ" ძაფის ამოსალები რამდენიმე მექანიკური დაზგა დაურიგა კუხის, გუბის, ჯიხაიშის და ხონის ხელოსნებს. ამ დროს კუხის ფაბრიკა საუკეთესო ძაფს ართავდა.

1900 წელს პარიზის მსოფლიო გამოფენაზე კუხის ნანარმმა ბრინჯაოს მედალი, ხოლო 1901 წელს კავკასიის "საიუბილეო" გამოფენაზე, "მცირე ოქროს მედალი" დაიმსახურა (პეტრე ვაჭრიძე - "დაბა ხონი XIX საუკუნის მეორე ნახევარში", 1966 წ. ხონის მუზეუმის ფონდი, გვ. 46- 49).

პარალელურად ვითარდებოდა კუსტალური ხელოსნობაც. ერთმა ფრანგულმა ფირმამ, რომელსაც ფილიალი თბილისში ჰქონდა, შეკვეთა მისცა კერძო ფეიქარს - დაემზადებინა აბრეშუმის ნამოსასხამი. როცა შეკვეთა შესრულდა, ფირმას მოენონა შესანიშნავი ნახელავი და შემსრულებელს ძვირიც გადაუხადა.

გავარკვეით, რომ ეს იყო ლიზა ჩხეიძე - აკადემიკოს ვახტანგ ბერიძის დედა.

მოწონებით სარგებლობდა ხონური შინნაქსოვი შალი და მაუდი. დიდი მოთხოვნა იყო ხონურ ჩოხებზე და საჩოხე შალზე. ბიჭია ებრაელი (ქუთაისიდან), განსაკუთრებით დიდ პარტიებს შეიძენდა, ოღონდ აარჩევდა ფაქიზი ხელით დამზადებულ, ნაზ ქსოვილებს, - გადმოგვცა 1980 წელს 96 წლის მინადორა გელენიძემ.

პეტრე ვაჭრიძემ გაარკვია, რომ ხონში ყოველწლიურად 16 ტონა მატყლი იყიდებოდა.

გასული საუკუნის 80-იან წლებში, ხონში მუშაობდა პატარა ძაფსაღები ფაბრიკა და 55 სახელოსნო. მათ შორის 18 სამჭედლო იყო, 20 აზიური ფეხსაცმელების სამკერვალო, 3 სახარაზო, 2 სამღებრო, 4 უნაგირის სახელოსნო, 4 საიუველირო, 2 საპარიკმახერო. მათგან 40 სახელოსნოში სამ-სამი დაქირავებული მუშა საქმიანობდა, სულ კი 188 ხელოსანი და მუშა იყო დასაქმებული.

1887 წელს, 128 სავაჭრო და 66 სახელოსნოდან ჩამოსულ ვაჭრებს ეკუთვნოდათ: 7 კონტუათელს, 9 ივანდიდელს, 2 ქუთვისელს, 2 სენაკელს, 2 აბაშელს, ე.ი. პრაქტიკულად 78 სახელოსნო ხონელებისა იყო.

იმ პერიოდში ხონში მსახურობდნენ შესანიშნავი მღებავები: სვიმონ ბახტაძე, ანდრია სანოძე, სამსონ მელაძე, მელიტონ ბუაძე და სხვები.

ხონის მუზეუმმა შემოინახა ადგილობრივი იუველირების: ასლანის, "შეიხის", ავერიონ ჯანგველაძის, გიორგი ბადირეიშვილის, დომენტი ჯურუხაძის, ვანიჩკა მანაგაძის და დავით მიქაძის მიერ 1872-1915 წლებში დამზადებული ქამარ-ხანჯლები, ხმლები, საფულეები,

გულსაკიდები და სხვა სამკაულები. ზოგიერთი ნივთის ავტორი კი უცნობია, სპეციალური ხონური დამლით.

მათი ნახელავი ადასტურებს, რომ ჩამოთვლილი ოსტატები ზედმიწევნით ფეოდალურ მოვერცხლის, მომცვარვის, ზარნიშისა და სევადის ურთულესი ხელობის საიდუმლოებებს, რადგან მათი ნახელავი ქართული ოქროს კდლობის საუკეთესო ქმნილებებია.

ამ იუველირთა ეპიგონი იყო იაკობ ჩოგოვაძე, რომელიც ხონში მოღვაწეობდა ამ საუკუნის 30-60-იან წლებში.

გაზეთი "ფონი" წერდა (1909 წ.), რომ 1882 წელს ხონში 109 სავაჭრო დუქანი ყოფილა. 679 კომლიდან 56 ვაჭრობას ეწეოდა, 209 კომლი ხელოსნობას. ხონში მუდმივად ცხოვრობდა 88 ვაჭარი, მათგან 16 დაქირავებული ნოქრები ჰყავდა.

10 სავაჭრო ებრაელებს ეკუთვნოდათ, მეორე გილდიის ვაჭართა რიცხვმა 21-ს მიაღწია.

გაზეთი "შრომა" წერდა, რომ 90-იან წლებში, ხონში 177 სავაჭრო იყო, ამ საუკუნის დასაწყისში მათმა რიცხვმა 232 შეადგინა.

ხონი სიმინდის მარცვლის, ქათმის ხორცის და კვერცხის დიდი ექსპორტიორი გახდა, რასაც ერთხმად აღიარებს იმდროინდელი პრესა.

ხონში სიიაფე იყო. ამიტომაც ქუთაისსა და ხონს შორის სამასწავლებლო სემინარიის დასასაკუთრებლად გამართულ დავაში, აკაკიმ, ნიკო ნიკოლაძემ და კონსტანტინე მამაცაშვილმა ხონელებს დაუჭირეს მხარი.

გასული საუკუნის ბოლოს, ი. ბახტაძის და გ. მაჭარაძის ბაკალგია უნივერსიტეტის ტიპის სავაჭრო იყო, მასში რკინა-კავეული, იარაღ-მონყობილობა და პროდუქტები იყიდებოდა. ნლიური კაპიტალბრუნვა სამასი ათას მანეთს აღწევდა, - აღნიშნავს პეტრე ვაჭრიძე.

გასული საუკუნის 80-იან წლებში, ძმებმა ვიქტორ და ბიკენტი ქუთათელაძეებმა ააგეს (მდინარე კუხას პირას) შესანიშნავი აგურ-კრამიტის ქარხანა, რომლის ძრავა მდინარის წყლის ენერჯით მოქმედებდა. მოიწვიეს სპეციალისტები იტალიიდან: ანტონ ბალმუჩი და ლუი რივერტი. ქარხანაში 40-50 მუშა დასაქმდა.

XIX საუკუნის ბოლოს, დაიწყო ცხენისწყლის საშუალებით ხე-ტყის დაცურება სვანეთ-ლერჯუმიდან. ხე-ტყე ევროპის ქვეყნებსაც გაჰქოდა. განსაკუთრებით ავეჯისათვის საჭირო ძვირფასი კაკალი, ცაცხვი, ნაბლი, მუხა და სხვა.

დასავლეთ საქართველოში ხე-ტყის 6 ქარხანა იყო - 2 ხონში, 2 მათხოჯში.

პირველი ეკუთვნოდა ცნობილ ხონელ მემამულეს, პოლკოვნიკს, ქველმოქმედ აზნაურ დიმიტრი ჩხიკვიშვილს, წყლის ძრავაზე მუშაობდა და ძირითადად ლეჩხუმის და გორდი-კინჩხის ძვირფას საავეჯე მასალას ამზადებდა.

დიმიტრი ჩხიკვიშვილს ქუთაისში საკუთარი სასტუმრო ჰქონდა, ხონში კეთილმოწყობილი კარ-მიდამო (დღევანდელ ავტოსადგურთან), მან პირველმა დაიწყო ხონში ქარხნული წესით ღვინის დამზადება, თუმცა იმ დროის პრესა ამ სასიკეთო ცვლილებას უარყოფითად შეხვდა.

1923 წელს, როგორც ბურჟუას, დიმიტრის სახლ-კარი და სარენები ჩამოართვეს, 1924 წელს კი გაუფრთხილებლობით დაწვეს კიდეც.

მათხოჯში მეორე ხე-ტყის დასამუშავებელი წყლის ძრავიანი ქარხანა ააგო გორდელმა თავადმა დიმიტრი ჩიქოვანმა. ის ძირითადად სვანეთის ხე-ტყის ბაზაზე მუშაობდა.

ხონში ხე-ტყის სარენები გააჩნდა: სერებრიაკოვს, ნადარეიშვილს, ჩხენკელს, ვ. და კ. ჩიხლაძეებს, მ. და ბ. ჩიქოვანებს, ივ. ბარქაიას, ძმებს კახაძეებს.

ხონში საკუთარი სტამბა გამართა პუბლიცისტი ალექსანდრე მაჭარაძემ.

აქაური ხელოსნები და ვაჭრები მთელს ამიერკავკასიაში იყვნენ ცნობილი. რუსეთში მოწონებით სარგებლობდა იმერეთიდან გატანილი აბრეშუმის ნაწარმი.

ვაჭარმა სერგო ფანცულაიამ შეიძინა სამი გემი: "ხონი", "სონკა", "ქსენია", რომლებიც ევპატორიიდან ბათუმსა და ფოთში მარილს, თევზს და პურისფქვილს ეზიდებოდა (პ. ვაჭრიძე - "ქალაქ წულუკიძის ისტორიიდან", გვ. 61, 64-66).

გემები შეიძინა ივანდიდელმა მაჭარაძემ, რომლის მიერ 1888 წელს დადგმული სახლი და კეთილმოწყობილი კარ-მიდამო ახლაც ხიბლავს გამვლელსა და სტუმარს.

კუხელმა მალხაზ კაკაბაძემ (მწერალ პოლიკარპე კაკაბაძის მამა), ბათუმში ხე-ტყის სარენები და მრავალი დუქანი შეიძინა.

გაზეთ "კვალის" კორესპოდენტი ალტაცებული იყო ხონელ ვაჭართა სიყოჩაღით და წერდა: "ფული და ხონელი საარაკო მეგობრებია, ასე გასინჯეთ, უერთმანეთოდ ცხოვრება ვერ წარმოუდგენიათ, ხონელი

ფულისაკენ მიილტვის და ფულიც ხონელისაკენ... მეკვერცხეები, მებილეები, მებატეები, მექათმეები, დღეს რომ უბრალო მუშად ხედავთ კურტანმოკიდებულს, ხვალ ფულიან კაცად ინათლება”.

ფასები ანევის მიზნით, ხონელი ვაჭრები საბოტაჟსაც არ ერიდებოდნენ. ე. ითი გვიანდელი ცნობით მათ ნავთი გადამალეს, რომ ხელოვნურად შეეწინათ დეფიციტი.

გაზეთ "ახალი ივერიის" ცნობით სიძუნწითა და თავხედობით ყველაზე უფრო ხონელი ყასბები გამოირჩეოდნენ.

გასული საუკუნის ბოლოს, იმერეთში უკვე დაიწყო სიმინდის მწკრივში თესვა.

პირველად სამგუთნა კავით მიმართავდნენ რიგთაშორს ნიადაგის დამუშავებას (რომლის ერთი ნიმუში დაცულია ხონის მუზეუმში), შემდეგ დაიწყეს რკინის კულტივატორების დამზადება.

"საქართველოს ისტორიის ნარკვევებში" აღნიშნულია, რომ პირველი რკინის კულტივატორი, საქართველოში ხონელ ხელოსნებს, ვლადიმერ ბახტაძეს და სიკო ჭელიძეს დაუმზადებიათ.

1900 წლებში ასეთი იარაღი კუხში, ხონში და ჯიხაიში 5-6 ცალი იყო.

აღტაცებას იწვევდა ხონში დამზადებული ავეჯი, რკინის სამეურნეო და საბრძოლო იარაღები, რაც ერთთავად განაპირობა ივანე შარაშიძის მიერ, ხონში, 1898 წლის 1 იანვარს სახელოსნო სასწავლებლის დაარსებამ. მასში მჭედლობას ასწავლიდა მატჩინი, დურგლობას - ე. ბახტაძე და კოვალენკო, ზეინკლობას - ბუგარევი, ტექნიკას - სოგლობოვი, საერთო საგნებს - ანდრო ბახტაძე.

1910 წელს სახელოსნო სასწავლებლის ნაწარმა, კავკასიის გამოფენის ვერცხლის მედალი დაიმსახურა, ხოლო სასოფლო-სამეურნეო მანქანების წარმოებისათვის ბრინჯაოს მედლით დაჯილდოვდა.

ხონი ამიერკავკასიაში მეაბრეშუმეობის და აბრეშუმის ნაწარმით ვაჭრობის ცენტრი გახდა, და ეს ფუნქცია განუხრელად ეჭირა ამ საუკუნის სამოციან წლებამდე, ვიდრე დაავადება - ნერილფოთოლა სიხუჭუჭემ არ მოსპო ბუოლის პლანტაციების უმრავლესობა.

XIX საუკუნის 50-იან წლებში, ფუთი პარკი მანეთი ღირდა, ამის შემდეგ კი მასზე მოთხოვნილება გაიზარდა და ფასმა აიწია. ამიტომ მეაბრეშუმეობას ხელი მოჰკიდა თითქმის ყველა წოდებამ. არ იყო ოჯახი ხონში, აბრეშუმი რომ არ აეყვანოს მოსავლელად ყველა

სეზონზე. ამ საქმიანობაში ორივე სქესი მონაწილეობდა, განურჩევლად ასაკისა.

ასევე თითქმის ყველა ვაჭრობდა... ზოგიერთი ქალი ისე გაიწაფა, რომ თვითონ არჩენდა ოჯახს. ისინი პირზე ჩადრმოხვეული გამოდიოდნენ, რათა სხვებს არ ეცნოთ და მუქთად არ დაეთმოთ ქორვაჭრებისათვის თავისი ნაოფლარი.

ხონის მეაბრეშუმეობის შესახებ მოვიყვანთ ერთ დოკუმენტს: "კვალი" 1898 წელს წერდა: მეაბრეშუმეობის სეზონი უკვე დაიწყო, ამჟამად ხონის ბაზარზე დიდძალი პარკი შემოაქვთ ლეჩხუმიდან, სამტრედიიდან, ხშირად ქუთაისიდან. არც ერთ პუნქტში იმდენი პარკი არ გროვდება, რამდენიც ხონში. ხონი დას. საქართველოს მეაბრეშუმეობის ცენტრია, ბაზარში ურემს გვერდს ვერ შეუვლი, ბაზარი პარკით გაივსო... სამტრედიელს, ბანძელს, მალლაკელს, ნოღალეველს, მარტვილელს, კულაშელს, ჭაგანელს - ყველას ხონის ბაზარზე გამოაქვს პარკი.

იმ დროისათვის, "კუხის მეაბრეშუმეთა ამხანაგობა" 2600 კომლ მეპაიეს აერთიანებდა და საუკუნის ბოლოს 30-40 ტონა პარკს უკეთებდა რეალიზაციას. მაშინ ფუთი პარკის ფასი 6-დან 11 მანეთამდე გაიზარდა.

პუბლიცისტი ილია ბახტაძე იგონებს: მეაბრეშუმეობის სეზონზე ხონში ჩამოდიოდნენ აზერბაიჯანელი კომერსანტები: ალა-ნური მამედოვი, ახმედოვი, კარიმოვი, მურადოვი და ტონობით პარკს იძენდნენ.

ბაზარში გამართული იყო "ყაფანი", რომელზედაც მთელი დღე პარკს წონიდნენ. ხონის ბაზარში ინტელიგენციამ "ყაფანზე" მორიგეობა დაანესა, რათა გაქნილ ვაჭრებს წონასა და ფასში გაუნათლებელი გლეხკაცობა არ მოეტყუებინა.

პარკის ექსპორტი დაიწყო ადგილობრივმა, მეგრელმა და ებრაელმა ვაჭრებმა. შეიძენდნენ რა პარკის დიდ პარტიებს, ის დაუბრკოლებლად გაჰქონდათ იტალიისა და საფრანგეთის სამხრეთ ქალაქებში. წერაკითხვის უცოდინარ ვაჭრებს წონის აღსანიშნავად, ტომრებზე ხშირად ჯვარი ჰქონდათ დასმული. ევროპაში მათ ქომაგობდა "მეაბრეშუმეთა ამხანაგობის" წარმომადგენელი, ცნობილი სპეციალისტი იოსებ ქუთათელაძე.

1900-იან წლებში "ამხანაგობა" სეზონზე 50-100 ტონა პარკს



აგზავნიდა საზღვარგარეთ და ამ პროდუქციას უსაღებდა არამარტო თავის მეპაიეებს, არამედ საკომისიო წესით შეიძენდა.

ვაჭრობამ და ხელოსნობამ ააღორძინა ხონი. ამ საუკუნის ათიან წლებში მასში 20-ზე მეტი სხვადასხვა ტიპის სასწავლებელი იყო და ბევრი მათგანი მხოლოდ შენირულობებით არსებობდა. მათ შორის 3 პროგიმნაზია, 2 გიმნაზია, სამასწავლებლო სემინარია, საქალაქო სასწავლებელი, ქალთა სასწავლებლები და საკვირაო სკოლა.

ხონში 1901 წელს დაარსდა "ქ. შ. წ. კ. გ. ს. ხონის განყოფილება", რომელსაც განყოფილებები ჰქონდა მარტვილსა და ბანძაში. შეიქმნა ქალთა წრე, ხონი დაისერა სარწყავი არხებით, აიგო უზარმაზარი შენობები, 1901 წელს შეიქმნა თეატრის მუდმივმოქმედი დასი, სასულე ორკესტრი, საკრედიტო-საურთიერთო ბანკი, შემნახველ-გამსესხებელი ამხანაგობა, გაშენდა ბულვარი, გაიხსნა ბიბლიოთეკა.

ხის ნაწარმისგან ხონის ბაზარში იყიდებოდა ავეჯი: კიდობანი, კარადა, სკივრი, სკამი, მაგიდა, ხონი (ხონჩა-ტაბაკი), აკვანი, ტახტი, სანოლი, ბუჯერი, განჯინა და სხვა.

ხის ჭურჭელი და ხელსაწყოები: გობი, კოთხო, ჯამი, ბათმანი, ნიგა, კოდი, რძის სანური, საცერი, გოდორი, კალათი, კალანჩხა, გიდელი, კასრი, საწნახელი, ხარხინი და სხვა.

ხელსაწყო იარაღები: კავი, კეერი, ფარცხი, კულტივატორი, კავის ქუსლი.

ხონის სახელოსნოებში მზადდებოდა ეტლის თვლები, ეტლები, ფაიტონი, დილიჟანსი.

ქვის ნაკეთობებისგან ჩუნეშელ და ბესიაურელ ხელოსნებს ხონის ბაზარზე გამოჰქონდათ: საცეხველი, კიბის ქვები, სვეტის ძირები და სვეტები, წისქვილის ქვები და ჭის გვიმები, საყვავილეები და წყაროს თავები, ხარხინის მერატაფები და კვირისთავები, საფლავის ქვები, ქვაჯვარები და ძეგლები, ჭიშკრის ბოძები და ჩუნეშური კეცები.

სპილენძის ნაწარმიდან მზადდებოდა: ბუკი, სხვადასხვა ზომის ქვაბი, ემბაზი, ჩაფი, თუნგი, თასი, ჯამი, არყის სახდელი მონყობილობა.

უძველეს დროს თვით ხონში, მეოთხე უბანში - საქოთნიაზე, თიხის ჭურჭლის დიდი სახელოსნო ყოფილა. მაგრამ ის XVIII საუკუნეში არ მოქმედებდა. ამიტომ სენაკელ და ზესტაფონელ მეთუნეებს ხონის ბაზარზე გამოქონდათ: თონე, ჭური, დოქი, თასი, კოკა, ხალამი, ფილა, ჭის გვიმი და სხვა.

განთქმული იყო ხონელი მჭედლების ნაკეთები: ნალდი, ნაჯახი, ნაჭა, მარნუხი, ჩაქური, ნამგალი, ცელი, ხერხი, აქანდაზი, ლურსმანი, შადაშინის პირი, დანა, საბრძოლო ხმალ-ხანჯალი, ნალები, ლაგამ-უზანგი.

ხონში აკეთებდნენ ტყავის და ბენვის ნაწარმს: ჩექმებს, ქალისა და მამაკაცის დაბალყელიან ფეხსაცმელს, ქილებს, ქამრებს, ლაგამ-მოსართავს, უნაგირებს და იარაღის ქარქაშებს.

ხონის ბაზარში დიდი რაოდენობით სალდებოდა ევროპული და ადგილობრივი მაუდი, შინნაქსოვი შალი, აბრეშუმის ქსოვილები, ატლასი, სტაერა, ხავერდი.

დიდი რაოდენობით მზადდებოდა: ტილო, საპერანგეები, სახალათეები და სხვა.

ხონში განთქმული მჭედლები მუშაობდნენ. მათივე ნახელავის მადლმა და ხალხის ხსოვნამ შემოგვინახა ზოგიერთი შესანიშნავი ხელოსნის სახელი. მათ შორის ძმების: ბესარიონ და აკაკი ნონონაეების, ანტონ მაისურაძის, გიორგი ქაჯიას, ნიკოლოზ და პორიკარპე წვერაეების, მიხეილ ფანცულაიას, დავით მაჭარაძის, ილიკო კეთილაძის, იოსებ ჩიმაკაძის ოა სხვათა სახელები.

ამჟამად მათ საქმეს აგრძელებენ: ალექსანდრე (გარდაიცვალა 2000 წლის დეკემბერში), მურმან და ბექა ბახტაძეები დეკორაციულ-გამოყენებით ჭედვით დარგში, მათი ნახელავი ჭიშკრები მთელ იმერეთშია განთქმული და ბევრ შეკვეთასაც იღებენ.

ომის შემდგომ წლებში ალექსანდრე ბახტაძე და რომანოზ ფირცხალავა ბევრ რაიონს ამარაგებდნენ კულტივატორებით.

XX საუკუნის დასაწყისში სპილენძის ნაკეთობათა შესანიშნავი ოსტატები ყოფილან მამა-შვილი: პავლე და სერგო კუპრეიშვილები, მტრტილიდან გადმოსული ხელაია და სხვა.

XX საუკუნის 20-იან წლებში ღვედიდან ხონში ჩამოსახლდნენ შესანიშნავი მჭედლები: ვარდენ და სოლომონ სულაბერიძეები.

საქართველოში 70-იან წლებამდე მათხოჯში მუშაობდნენ: სლვისარბი - პავლე ფირცხალავა, მჭედლები - იოსებ ჩიმაკაძე, ივანე ბარაბაძე, კლემონტი ფირცხალავა, ნალბანდი სევერიონ კირთაძე. მათ ტრადიციულად ამჟამად აგრძელებენ გიგლა ჩიმაკაძე და კოსტა ფირცხალავა.

საქართველოს შუა წლებამდე, ქუტირში, მჭედლებად მუშაობდნენ ტორონჯაძეები - გერმანე და ხარიტონი, შემდეგ ხონელი კლიმენტი

ქაროსანიძე, ამჟამად ბუაძე.

პატარა ჯიხაიშში წინაპართა ტრადიციებს აგრძელებენ ბენო და შალვა კუჭავები.

ხსოვნას შემორჩა მეჩუქმეების: სერგო ჯალალანიას, შველიძის, ჩიხლაძის სახელები.

გორდის მჭედელი ამჟამად დავით ჩხეიძეა, კინჩხისა - გალაქტიონ ჯიშკარიანი და კოლია ქაროსანიძე. ამ უკანასკნელის ნახელავი მთელს რაიონშია სანიმუშო.

ხსოვნას შემორჩა მეკასრე (ბონდერი) პოლიკარპე ბარაბაძის სახელი.

ალტაცებას იწვევს ხონელ ხელოსანთა ხის კვეთილობა, დაცული ხონის მუზეუმში.

დურგალმა ექვთიმე ნვერავამ XIX საუკუნის სამოცდაათიან წლებში ააგო ქარჩხაბის ეკლესია და თავად მიქელაძის ვეებერთელა სასახლე, რომელიც XX საუკუნის 80-იან წლებშიც იდგა.

XX საუკუნის დასაწყისში, ხონში მოღვაწეობდნენ მებავეჯე-ხელოსნები: მათე ბახტაძე, ევგენი მელაძე, დავით, ივანე, შალვა ჭელიძეები, უფრო გვიან გიორგაძე. 20-იან წლებში ჭელიძეებს ავეჯის საამქრო ჰქონდათ და ნახევრად რბილ სკამებს ამზადებდნენ. ასეთივე მცირე მოცულობის ფაბრიკა ჰქონდათ კახაძეებსაც.

დღევანდელი პირველი საშუალო სკოლის აღმოსავლეთ გაგრძელებაზე მუშაობდნენ შესანიშნავი "კარეტნიკები", მათ რამდენიმე სახელოსნო ჰქონდათ, რუხაძეებს: გრიგოლს, ილიას, ლავრენტის, პაველს, ვლადიმერს, პარმენს, მელიტონს. მათი ნაკეთები სატრანსპორტო საშუალებები საუკეთესოდ ითვლებოდა.

მართალია ხონის ბაზარი დიდად დაკნინდა საბჭოთა ხელისუფლების წლებში, მაგრამ ის მაინც ერთი საუკეთესო და შედარებით იაფია მთელ საქართველოში. ამიტომ მეზობელი ქალაქების მცხოვრებნი, განსაკუთრებით კი გადამყიდველები, ჩვეულებრივ, ხონში ამჯობინებენ პროდუქტების შეძენას. სამრეწველო საქონლით ხონი ქუთაისიდან, თბილისიდან და ბათუმიდან მარაგდება. დასახელებულ ქალაქებში ხონიდან დიდი რაოდენობით იგზავნები ფქვილი, ქათმის ხორცი, კვერცხი, ყველი, სულგუნი, ღორის და ძროხის ხორცი.

# თავი მეცხრე

## მოსახლეობა და გვარები

ხონის მოსახლეობის ზრდის განმაპირობებელი ფაქტორები იყო: ბუნებრივი ნამატის, მეფე-მთავართა შემონირობული გლეხების ხონში ჩამოსახლება, თვით ქალაქის მოხერხებული ადგილმდებარეობა, რაც სავაჭრო ცენტრის მნიშვნელობას ანიჭებდა ხონს და ამის გამო, მთიანი, თუ ვაკე-იმერეთის სოფლებიდან ათობით ადამიანი ესახლებოდა იქ.

მოსახლეობის შესახებ გარკვეული მასალები გაგვაჩნია მხოლოდ XVI საუკუნის პირველი ნახევრიდან.

საისტორიო საბუთების გაცნობის შედეგად დგინდება, რომ მოსახლეობის ზრდის შემაფერხებელი გარემოებები ყოფილა: შიმშილიან-გვალვიანი წლები (სიყმილი), მოარული სენი, ძირითადად "შავი ქირი", ტყვის სყიდვა, თურქთა პერმამენტული თარეში და შინაომები, რასაც ალაგ-ალაგ ბატონისაგან აკლებაც ემატებოდა.

ამ გარეაოებათა გამო, მოსახლეობა წელი ტემპით იზრდებოდა, ზოგჯერ კი კლების ტენდენციაც შეინიშნება.

უკვე აღვნიშნეთ, რომ 1525-50 წლებში, უფლისწულმა თეიმურაზ ბაგრატის ძემ ბიჭვინთის საკათალიკოსო საყდარს შეწირა 20 კომლი ხონელი და კუხელი გლეხი.

თვით ხონელ ეპისკოპოსს, ბაგრატ მესამემ გადასცა 50 კომლი გლეხი, თუმცა იმავე საუკუნის ბოლოს, ეპარქიას უკვე 60 კომლი გლეხი ჰყავდა. მათგან 50 კომლი ხონში ცხოვრობდა, 2 კომლი ზედა ხუნწში, 6 ვაკის - უბანში, 1 ლანიში, 1 ჭაგანში (ს. კაკაბაძე - "ხონი და ხონელის ყმები XVI-XIX სს-ში", "საისტორიო კრებული", 1928 წ. ნიგნი 1, გვ. 22).

XV საუკუნეში, დას. საქართველოში 1,1 მილიონი ადამიანი ცხოვრობდა, 1640-50 წლებში 60 ათასი კომლი. სოლომონ პირველმა რომ თურქთა აგრესია ალაგმა, 1760-იან წლებში, იმერეთის მოსახლეობამ 12500 კომლი შეადგინა, სამეგრელოში 10000, გურიაში 6000, აფხაზეთში კი 8000, რაც მთლიანად შეადგენდა 36500 კომლს, ანუ 270000 სულს (ს. კაკაბაძე - "საქართველოს მოკლე ისტორია - ახალი საუკუნეების ეპოქა", 1921 წ. გვ. 41).

1570 წლის ერთი სიგელით, რომელიც გიორგი მეორეს იმერეთის

მეფემ უბოძა თავად დავით ნულუკიძეს, დღევანდელი სანულუკიძოს მცხოვრებლებად დასახელებულია: სულათაძე, ჯალალანია, ყირყიზე-ლაშვილი, ბალავაძე, სვიანიძე, თედორაშვილი, ჭავჭავანიძე, ჭანტურიშვილი, ჩირგაძე, ფირცხალავა, ყვინჩია, კიკალიშვილი.

1578 წლის ერთი საბუთით, ხონელი გლეხი გოტია ყრონტაძე ქუთათლის საკუთრებაა.

ამრიგად, XVI საუკუნის შუა წლებში, მეფეს საკუთარ მამულში - ხონში, უნდა ჰყოლოდა არანაკლებ 20 კომლი, ამდენიმე ბატონიშვილებსა და თავად-აზნაურებს. ამავე დროს სავარაუდოა, რომ თვით აზნაურის ოჯახი 10 კომლზე ნაკლები არ იქნებოდა და 10 ყმა მიანც უნდა ჰყოლოდათ... 16 კომლი ხონელი გლეხი, ამ დროს ილორის წმიდა გიორგის საყდრის საკუთრებაა, 10 კომლი საკათალიკოსო საყდრისა, ხონის ეპარქიას კი 50 კომლი ჰყავს.

ამრიგად, გლეხთა კომლების ასეთი დანვრილებითი ჩამონათვალი და ვარაუდი, უფლებას გვაძლევს დავასკვნათ, რომ იმ დროს ხონში ცხოვრობდა 170-მდე კომლი და თუ თვითეულ კომლზე 10 სულს ვინაგარიშებთ (რაც იმ დროისათვის ჩვეულებრივი მოვლენა იყო), მივიღებთ, რომ დაბაში XVI საუკუნის შუა წლებში ცხოვრობდა 1700 სულამდე.

ახლა გავარკვიოთ მოსახლეობის რიცხვი XVII საუკუნის პირველი ნახევრისათვის.

ამ პერიოდისათვის საკათალიკოსო საყდარს ხონში ეკუთვნოდა 8 კომლი სრულფუძიანი და 6 გაპარტახებული კომლი. ცხადია, ესენი თეიმურაზ ბატონიშვილისგან შეწირული გლეხებია, რომლებიც შინაომებს დაუზარალებია.

ამავე პერიოდისათვის, ილორის საყდარს ხონში ჰყავს 5 კომლი ჭავჭავანიძე, 1660 წლის საბუთითაც მათი რიცხვი ისევ ხუთია.

შემდგომი ხანის შეწირულებები ნათელს ჰფენენ გარემოებას, რომ ხონში მამულს და გლეხებს ფლობდნენ: სამეფო ოჯახი, მეფის მოხელეები, ადგილობრივი თავად-აზნაურობა, საეპისკოპოსოები, შეწირულობას გზავნის ოდიშის მთავარიც.

ლევან მეორე დადიანმა 1628-39 წლებში, ხონის საყდრის მძარცველები და მკრეხელები რომ დასაჯა, 6 კომლი გლეხი უბოძა ხონელის ეპარქიას, მათგან პაპაევი და ფანცულაიები ხონში დაასახლა.

მანვე, 1636 წელს ხონის მონასტერს შესწირა მამიკაცი სანაძე.

მთავარეპისკოპოსმა სვიმონ ჩიჯავაძემ, ხონის მონასტერს შესწირა ივანდიდელი გლეხი ბიჭუკა ტაბიძე.

თუ ადრე არა, იმავე საუკუნის დასაწყისშია, ხონის ეპარქიისადმი მთავარ ლიპარტიანისაგან 2 კომლი ზედა ხუნწელები: მამფორია და ჯაველი (ალბათ ჯანელიძე ა.ფ.).

მთავარეპისკოპოსმა, სვიმონ ჩხეიძემ დიდი დავის შემდეგ თავად ნიჟარაძეს ჩამოართვა და ტაძარს დაუურვა გლეხები - შავლაყაძეები.

იმერეთის მეფემ, ალექსანდრე მესამემ (პროფესორ დარეჯან მეგრულაძის აზრით, ალექსანდრე მეოთხემ ა.ფ.), ხონის ტაძარს მიუძღვნა გლეხი - დათვია ჩხენკელი.

იმერეთის მეფე-პოეტმა არჩილმა, გაითვალისწინა, რომ შინაომებში ხონელის ეპარქია დიდად დაზარალდა და თავისი ეპიზოდებით დამძიმებულ მეფობაში, ხონის საყდარს შესწირა "კიკანაის სვანიძის შვილები: გიორგი და ხუჭუკაი".

რადგან ხონის სიახლოვეს იმერეთის მეფეს საკუთარი სასახლე ჰქონდა, უნდა ვივარაუდოთ, რომ სამეფო ოჯახს მსახური, ფარეში და მოჯალაბე 20 კომლი მაინც უნდა ჰყოლოდა.

ამას ისევ ემატება მოხელეთა კუთვნილი 20 კომლი გლეხი, ხონელი აზნაურები: ქუთათელაძეები, ჩხეიძეები, მდივნები, მესხები, რატიანები, ქორქაშვილები, ლალანიძეები - მათი დაახლოებით 10 კომლი გლეხით. მათი საერთო რიცხვი 30 კომლზე ნაკლები არ უნდა ყოფილიყო.

ხონში უძველესი დროიდან ცხოვრობდნენ ებრაელი ვაჭრები და ხელოსნები. მათი რიცხვი 10 კომლზე ნაკლები არ უნდა ყოფილიყო.

ხონის საყდრის გლეხებიდან 51 კომლი თვით ხონში ცხოვრობდა. კათალიკოსის საყდარს კი 9 კომლი და 6 პარტახტი ჰყავდა. ამ ვარაუდით და ზემოთჩამოთვლილი ციფრების შეკრებით მივიღებთ ყველაზე ნაკლებ 150 კომლს: ამრიგად, კომლთა რაოდენობა შემცირებულია, შემადგენლობა კი გაზრდილა.

პროფესორი სარგის კაკაბაძის დაკვირვებით 1640 წლისათვის კომლზე იანგარიშება 6,4 მამაკაცი და 5,5 ქალი, სულ 11,9 სული. ასეთი ანგარიშით, XVII საუკუნის პირველ ნახევარში მოსახლეობის რაოდენობა ყოფილა (150 X 11,9) № 1785 სული.

ამით, ვფიქრობ, გარკვეულია მოსახლეობის რიცხვი XVII - საუკუნის

პირველი ნახევრისათვის.

მთლიანად იმერეთის სამეფოს მოსახლეობა ამ დროს 60 ათას კომლს შეადგენს, რაც შესაბამისად 700 ათასი სულია, მაგრამ ს. კაკაბაძე 1,1 მილიონს ვარაუდობს.

XVI საუკუნის ბოლოსათვის ხონის მოსახლეობის შესახებ კიდევ უფრო მწირი ცნობები გაგვაჩნია. უნდა ვივარაუდოთ, რომ ლევან დადიანის მაოხარი ლაშქრობები და ტყვის სყიდვა, მოსახლეობის რიცხოვნებას შეამცირებდა, მითუმეტეს, მეფეზე ჩამტერებული სასტიკი მთავარი, მის დომენს განსაკუთრებით აოხრებდა.

1673-96 წლებში ხონში, 11 კომლი სრულფუძიანი და 2 პარტახტი კათალიკოსს ჰყავდა.

საბუთების შესწავლით დგინდება, რომ ხონელის ეპარქია მინიმუმ 12 კომლით გაზრდილა, მათგან 7 კომლი ხონში დასახლებულა. ამრიგად, 60 კომლს დაემატა 12, მათგან ხონში ცხოვრობს 52, ასე რომ ამ პერიოდისათვის ხონში 157 მოსახლეა.

მოსახლეობის რიცხვი კი 1600-ზე ნაკლები არ უნდა ყოფილიყო.

ახლა განვიხილოთ მოსახლეობის რიცხვი XVII საუკუნის პირველ ნახევარში.

ჩამოვთვალოთ ნასყიდი და შეწირული გლეხების რიცხვი.

თავადმა ნიკოლოზ იაშვილმა ხონელ აზნაურს, ნიკოლოზ ქუთათელაძეს მიჰყიდა გლეხი შაქარა კუბლაშვილი.

აზნაურმა ჭუბაბრიამ საყდარს დაუბრუნა გამოწირული გლეხი კაცია ჭანტურიშვილი.

1755 წელს, სოლომონ პირველის ბიძამ, მამუკა ბატონიშვილმა, ხონის საყდარს დაუბრუნა დავითელა ჭანტურიშვილი და გიორგი ხუცესი მისი ცოლშვილით (ს. კაკაბაძე - "მასალები იმერეთის სახელმწიფოებრივი მდგომარეობის შესახებ XVI საუკუნეში", "საისტორიო მოამბე", 1925 წელი, ნაწილი 1, გვ. 199).

ქუთათელს ხონში ორი კომლი ჰყავდა.

1730-40 წლებში, ხონელის სამწყსოში 134 კომლი გლეხია. მათი უმეტესობა მეტატონეთაგან სააღაპედ შეწირული გლეხებია.

1746-50 წლებში ხონის მონასტერს ჰყავს 147 კომლი, რომელთაგან ხონში ცხოვრობს 109 კომლი, კუხში - 22, ივანდიდში - 9, ვაკისუბანში - 8.

ამრიგად, ხონელის ეპარქიის 109 კომლს თუ დავუმატებთ ილორის

საყდრის კუთვნილ 13 კომლს, 2 საქუთათლოს, 2 საკათალიკოსოს, 10 კომლ სამეფო ოჯახის საკუთრებას, 10 კომლ ებრაელს და 30 კომლ თავადაზნაურს მათივე ყმებით, მოსახლეობის რიცხვი გამოვა 190 კომლი, ხოლო ოჯახზე 8 ადამიანის ვარაუდით, მოსახლეობის რიცხვი ყოფილა 1580 სული, ე. ი. კომლთა რაოდენობა თითქო გაზრდილია, მოსახლეობის რიცხვი კი კლებულობს.

დამატებით უნდა აღინიშნოს, რომ სარგის კაკაბაძე 1730-40-იან წლებში ხონში 166 კომლს ვარაუდობდა, ხოლო 1750-იან წლებში - 182 კომლს (ს. კაკაბაძე, "ხონი და ხონელის ყმები", გვ. 160-164).

მისგან განსხვავებით მკვლევარი პეტრე ვაჭრიძე ამ პერიოდის მოსახლეობას 160 კომლით განსაზღვრავს.

მოსახლეობის რიცხვის შემცირება გამოწვეული იყო შავი ჭირით, შინაომებით და ტყვის სყიდვით.

ამიტომ, ვფიქრობთ, გამოთვლის ჩვენეული მექანიზმი მისაღებია, რადგან იმერეთში "ნაჟამეცაც", კომლზე 7 სული იანგარიშებოდა.

ისევე XVIII საუკუნის ბოლოს მივადევნოთ ყურადღება.

1760 წელს კაცია წულუკიძემ მონასტერს გლეხი - ქანტურიშვილი დაუურვა.

1763 წელს თავადმა მ. ჩხეიძემ მონასტრეს შესწირა 2 კომლი ბალანჩივაძე.

1764 წელს მეფემ ჩხეიძეს ჩამოართვა და ტაძარს უძღვნა გლეხი კვიცარიძე.

1769 წელს კობეშავიძეებმა თავი აღიარეს საყდრის ყმებად.

1771 წელს თავადმა ლოლობერიძემ მონასტერს დაუბრუნა გაბრიელა ქუთათელაძე. ამავე წელს სოლომონ პირველმა ებრაელები ხონიდან ქუთაისში გადაასახლა.

გიულდენშტედტის ცნობით, ხონის მოსახლეობა მისი მოგზაურობისას (1772 წ.) 200 კომლი ყოფილა, ხოლო გენერალ ტოტლებენის ოფიცრის იაზიკოვის დაკვირვებით 1771 წელს, დაახლოებით 200 კომლი ცხოვრობდა. თუ კომლზე ვიანგარიშებთ 9 სულს, მოსახლეობას 1800 შეუდგენია.

1782 წელს, სოლომონ მეფემ და გულქან დედოფალმა, ხონის მონასტერს უბოძეს ვაკის სოფლების 25 კომლი გლეხი, ხოლო ჯიხაიშის მებატონეებმა საყდარს 2 კომლი ბალანჩივაძე უბოძეს.



1782 წლის აღწერით, იმერეთის სამეფოში 133070 სული ცხოვრობდა. ამავე პერიოდში ილორის საყდარს ხონში 13 კომლი ჭავჭანიძე და 6 კომლი კაკაბაძე ჰყავდა. 1793 წელს ჭავჭანიძეები 16 კომლია. ამრიგად, XVI II საუკუნის ბოლოს ხონის მოსახლეობა 220-230 კომლი უნდა ყოფილიყო. თუ კომლზე ისევე 8 სულს ვივარაუდებთ, მაშინ მოსახლეობის რიცხვი 1800-1840 მაინც იქნებოდა.

მთავარეპისკოპოსმა სწორედ XVIII საუკუნის ბოლოს გაიჩინა ახალი აზნაურები: ბერიძეები და რატიანები.

წარმოშობით ხონელი, აკადემიკოსი (ხელოვნებათმცოდნე) ვახტანგ ვუკოლის ძე ბერიძე აღნიშნავს, რომ სამეგრელოს მთავარს, კაცია დადიანს, XVI II საუკუნის 80-იან წლებში ხონის ეკლესიისათვის შეუწირავს ლეჩხუმელი აზნაური კაცია ბერიძე, მის ნამრავლს კი გვარი ხონში თუთბერიძედ შეცვლიათ.

1824 წელს მთავარმა, ლევან V დადიანმა, განუახლა სიგელი ბერიძეებს (ვ. ბერიძე, "მოგონებები", 1987 წელი, გვ. 136), რადგან იმერეთის აჯანყების აქტიური მონაწილის, სვიმონ თუთბერიძის ოჯახი ხონში რუსებს დაუწიოკებიათ და საბუთიც მაშინ დაკარგულა.

ასევე XVI II საუკუნის ბოლოს, ქარჩაბელ ბერიძეებს დასიძებია კაცხელი აზნაური - ვახუშტი აბაშიძე, ამაყი, ხაფი ხმის, მრისხანე მებატონე. ცოლოურებს ძალზე შინებიანთ მისი, ცხენისწყალზე საბანაოდ გაუტყუებიანთ და ჩაუხჩიანთ.

მისი შთამომავალი გახლდათ პოეტი - აკადემიკოსი ირაკლი აბაშიძე.

სამეფო აზნაურები ჩხეიძეები, ობზიდან ჩამოსახლებულან ხონში, თუმცა შუა საუკუნეებში მათ დიდი მამულები გააჩნდათ ხონსა, კონტუათსა და ჯიხაიშში.

1790-1803 წელს გადანერილ-განახლებულ ხონის მებეგრე გლეხთა ნუსხაში დასახლებულია შემდეგი გვარები: ბახტაძე, ჭანტურიშვილი, მებუკე, სანოძე, სალარაძე, ჭავჭანიძე, ჩხენკელი, ყუფარაძე, ფანცულაია, სვანიძე, ქუთათელაძე, სვიმონიძე, გოფოძე, ლაითაძე, ტაბიძე, მაჭარაძე, ჯიმშელეიშვილი, კაკაბაძე, ბუბუთეიშვილი, რუხაძე, კიკალიშვილი, ფინთურია, ნიქვაძე, მათილეიშვილი, კვიციარიძე, ხუხულიშვილი, მალლაკელიძე, მამფორია, კობეშავიძე, ფარცხალაძე, ძიძიგური, თარგამაძე, მაცაცია, მანაველიძე, კვიკაბიშვილი, ირემაძე, კოსტავა, ბალანჩივაძე, ქაცარავა, კეთილაძე, ხარაზი.

XIX საუკუნის ოციანი წლებისათვის ბატონი პეტრე ვაჭრიძე ხონში 250 კომლს და 1500 ადამიანს ვარაუდობს, რაც შავი ჭირის გამო ალბათ ასეც იყო.

აზნაურებიდან ხონში ცხოვრობდნენ: 1 იოსელიანი, 2 ჩხეიძე, 1 ჯაფარიძე, 1 ბერიძე, 1 ლალანიძე, 1 აბაშიძე, 2 მიქაბერიძე, 1 ჩიქოვანი, 1 ლოლობერიძე, აზნაურ ქუთათელაძეთა რიცხვი 12 კომლზე ნაკლები არ უნდა ყოფილიყო.

XIX საუკუნის დასაწყისში ხონში უკვე დამკვიდრებული იყვნენ სამეფო აზნაურები ქორქაშვილები. ცნობილი დეკანოზის, სახალხო მასწავლებლის ლუკა ბახტაძის მეუღლე და ამრიგად, ილია ხონელის დედა, ქორქაშვილის ქალი იყო.

აგრეთვე აზნაურების ძველი გვარია რატიანი. მათი ბოლო საფლავი ხონის საყდარში 1807 წლით თარიღდება.

XIX საუკუნის დასაწყისში, ხონში გურიიდან ჩამოსახლდა აზნაური შარაშიძე - გამოჩენილი მოღვაწის, ივანე შარაშიძის მამა. ასევე გაგუა და ლორთქიფანიძე (ახალბედისეულ-უძლოურიდან). ამავე პერიოდში სამეგრელოდან ხონში ჩამოსახლდნენ აზნაურები: შავდია, კარტოზია, ხაინდრავა, ლანირიდან XVI | | საუკუნის ბოლოს ბერი ნულუკიძეს ქარჩხაბში უნდა დაესახლებინა აზნაური ქაჯაია.

იმერეთის სოფლებიდან ჩამოსახლდნენ იოსელიანი, შალიკაშვილი, ყორყოლიანი, ქავთარაძე, გეგელაშვილი, მარჯანიშვილი, ავალიანი.

სოლომონ მეორის დროს, ხონელის საყდარი უჭირავს დიდად განათლებულ მღვდელმთავარს ანტონ ჩიჯავაძეს. მის დროს, მეფის მხარდაჭერით, საეპარქიო გლეხები ისევ მონასტერს დაუბრუნდა, ხოლო გადასახლებულ, უმინანყო კომლებს ნადელი და საიჯარო სახნავ-სათესივ მიეცა, მაგრამ მთავარეპისკოპოსი იძულებული გახდა ვალის ანგარიშში ოკრიბელი თავადის - აგიაშვილისთვის დაეთმო რამდენიმე კომლი გლეხი. ბანძის ომის შემდეგ, მათ ვაკეში 50 კომლი გლეხი ჰყავდა და ამის შემდეგ ისინი ხონელი სენიორებიც გახდნენ.

1797 წლიდან ხონის მამულებს განაგებს სოლომონ პირველის ერთგული კარისკაცი, იოანე აგიაშვილი. განსაკუთრებული ერთგულებისათვის მეფის მიმართ, რუსის ჯარმა და ნიკო დადიანმა საგანგებოდ ააოხრა მისი მამული, მაგრამ აგიაშვილმა არც მეფე მიატოვა და არც სამშობლოს უღალატა.

იოანე აგიაშვილის, შვილიშვილზე ზედსიძედ იყო შესული

კულაშელი თავადი, პოლკოვნიკი ბარნაბა მიქელაძე. მის ვეებერთელა მამულეებში ერთხანს ზედამხედველად მსახურობდა მისივე დისწული, შემდეგში სახელოვანი რეჟისორი და მსახიობი - ვალერიან შალიკაშვილი.

ბარნაბას მეუღლეს ოჯახში ჰქონია 24 ვერცხლის თასი წარწერით "ციხისთავი აგიაშვილი", ერთი ამჟამად თბილისში მისი შთამომავლების - კუჭუხიძეების ოჯარში ინახება.

იმ ადგილას, სადაც აგიაშვილები და მიქელაძეები ცხოვრობდნენ, ამჟამად თამაზ ჯიშკარიანის ოჯახია.

რაც შეეხება გლეხთა გვარებს, XVI საუკუნიდან ხონში ცხოვრობდნენ: ბახტაძე, სანოძე, გოფოძე, ლაითაძე, ჭავჭავიძე, წიწივაძე, ყუფარაძე, კოტიშაძე, ღვინცაძე, ქაცარავა, ხოხობაძე, აბრალეიშვილი, კობეშავიძე, ხურციძე, გოგავა, ფენჩაიშვილი, გალდავაძე, თარგამაძე, მემშვილდიშვილი. ესენი ახლო სოფლების მკვიდრებია: გალდავაძე - ივანდიდიდან, მემშვილდისშვილი - ლანირიდან, კობეშავიძე - ნახახულევიდან, გოგავა - ჯიხაიშიდან, მამფორია - ზედა ხუნნიდან.

ჩიტიხგულაიშვილი იგივე ლაიშვილია.

XVI საუკუნეში, ხონის მონასტრის ყმები ხდებიან: ქუთათელაძე, ჭავჭავიძე, ბალავაძე, თედორაშვილი, სულათაძე და ჯალალანი (სანულუკიძოდან).

XIX საუკუნის დასაწყისში ხონის მონასტერს ჰყავს 218 კომლი გლეხი და აზნაური, მათგან ხონში ცხოვრობს 157 კომლი.

ამ პერიოდში, მთავარეპისკოპოსი და იმერეთის მეფე ისევ იბრძვიან გაქცეული გლეხების ხონში დასაბრუნებლად. არქიელი იღებს სათავედებო წიგნებს შესაბამისი სოფლის მოურავთაგან, რათა იქ დამკვიდრებული გლეხი ისევ ეკლესიას დარჩეს. ხშირად მეფე თავის მამულებზე ასახლებს გლეხებს და ეკლესიის მიმართაც ავალდებულებს.

ამ დროს ხონში ცხოვრობს 15 კომლი ილორის ყმა (ჭავჭავიძე), მეფეს ჰყავს 13 კომლი ვაჭარი, ალბათ ამდენივე მსახური და აზნაური, იოანე აგიაშვილს 25 კომლი ვაჭარი და 10 კომლი ხელოსანი, თავად კაცია ნულუკიძეს - 26 კომლი ვაჭარი და ხელოსანი, ბეჟან ნულუკიძეს - 3 კომლი ვაჭარი (გ. იობაშვილი - "დასავლეთ საქართველოს ქალაქები", 1983 წ. გვ. 115 - 133).

ამ დროს ხონის მცხოვრები 232 კომლია, მაგრამ ამაში არ შედის

ჩამოთვლილის გარდა სხვა მოხელეთა ყმები. აგრეთვე საკათალიკოსო 10 კომლი. ასე რომ მოსახლეობას 250 კომლისათვის მიუღწევია. ეს ციფრი არ არის აბსოლუტურად სწორი, რადგან ყველა მესაკუთრეს შესახებ მონაცემები არ გაგვაჩნია.

თუ კომლზე 8 სულს ვიანგარიშებთ, მაშინ მოსახლეობა 2200-2300 სული გამოვა.

აღრიცხული იყო მონასტრის კუთვნილი 11 კომლი აზნაური, მათში არ შედიოდნენ ბერიძეები და რატიანები. ამ 11 კომლს 13 კომლი ყმა ჰყავდა. ის შედგებოდა 42 სულისაგან, 9 კომლი აზნაური 33 სულს მოითვლიდა, 2 აზნაური მთავარეპისკოპოსს ქარჩხაბშიც ჰყავდა.

მკვლევარი მ. გინიკაშვილი აღნიშნავს, რომ 1808 წელს იმერეთში 25 ათასი კომლი ცხოვრობდა 175 ათასი სულით. 1811-12 წლების შავ ჭირს მოსახლეობა 12730 კომლამდე შეუმცირებია, დაღუპულა 11 ათასი, ვაკის ოლქიდან აყრილა და გაქცეულა 7450 სული (მ. გონიკაშვილი, "იმერეთი XVIII - XIX საუკუნეთა მიჯნაზე", 18, გვ, 15-16).

ამრიგად, თუ ხონში ნაჟამევს-220 კომლი მაინც დარჩა, მოსახლეობა 1600-1700 მაინც იქნებოდა. ამ ჩამოთვლით შავ ჭირს მხოლოდ ხონში 400-500 ქრისტიანის სიცოცხლე მაინც უმსხვერპლია.

1819 წელს ხონელის კუთვნილი მხოლოდ 75 კომლია ნაჩვენები თვით ხონში, რადგან 63 კომლი სახაზინო უწყებაში გადაუნერიათ. ამ დროს ხონში ეპარქიას ჰყოლია 129 კომლი გლეხი და აზნაური, მთლიანად კი ეპარქიას 158 კომლი ჰყოლია.

XIX საუკუნის 20-იან წლებში, ს. კაკაბაძის ანგარიშით, ხონში ცხოვრობდა 210 კომლი.

1822 წელს ვაკის ოლქი აღწერა ფრანგმა კავალერმა გამბამ. ის აღნიშნავს, რომ ვაკის ოლქში 55 სოფელია, 3743 კომლით და 23319 სულით, ხოლო ხონში 250 ოჯახია.

ეს რვა სულის ანგარიშით, კომლზე შეადგენს 2000 სულს. ამრიგად, ნაჟამევს, ისევ შეიმჩნევა დემოგრაფიული აღმასვლა.

ხონში იყო ფოსტა, იჯდა მაზრის უფროსი, ბოქაული და მოსამართლე.

გ. იობაშვილის გამოანგარიშებით ხონში 1828 წელს 1800 სული, 1853 წელს 2253, ხოლო 1860 წელს 3000 კაცი ცხოვრობდა (გ. იობაშვილი, დასახელებული წიგნი, გვ. 199).

ვფიქრობთ, პირველი ციფრი უნდა გასწორდეს.

1825 წლის აღწერით, ხონში ცხოვრობდა 119 კომლი საეკლესიო გლეხი და აზნაური, ხოლო მოსახლეობის რიცხვით მან გაუსწრო: ზუგ-დიდს, სამცხე იედიას, ოზურგეთს.

XIX საუკუნის 80-იან წლებში ხონში ცხოვრობდა თავადის და აზნაურის 4 სასულიერო წოდების 11 და გლეხის 744 ოჯახი, მათგან 88 კომლი ვაჭრობას ეწეოდა, 66 კომლი მესაკუთრე იყო, 565 სახაზინო უწყებაში ირიცხებოდა (პ. ვაჭრიძე - "ხონის ისტორიიდან", 1998 წ. გვ. 75).

ამრიგად, სულ ცხოვრობდა 891 კომლი.

1900 წელს ხონში 4963 მცხოვრები იყო.

1913 წელს - 8759.

1991 წელს ქალაქ ხონში 11 ათასი ადამიანი იყო აღრიცხული.

მოსახლეობის მატება ბოლო საუკუნეებში განაპირობა ჩამოსახლებულებმა.

ყურნალ "კვალში", ილია ბახტაძე წერდა: "მცხოვრებთა რიცხვი ამ უკანასკნელი 5 წლის მიმდინარეობაში დაბა ხონში შესამჩნევად გაიზარდა. სოფლებს: ივანდიდს, კუხს, მათხოჯს, დღითიდლე სტოვებდნენ მკვიდრნი და სამუდამოდ დაბა ხონში ესახლებიან. ხონში მოსახლეობის მსურველთა რიცხვის გადიდება შესამჩნევად მოუმატა მინებს ფასი"-ო (ყურნალი "კვალი", 1902 წლის №46).

ვაკე იმერეთის სოფლებიდან ხონში ჩამოსახლდნენ: აბზინიძე, ბარაბაძე, ბოლქვაძე, გალდავაძე, გოგავა, გორდაძე, დოლაბერიძე, ვაშაკიძე, ვაჭარაძე, კაკაბაძე, კაკაურიძე, კარტოზია, კენჭერაძე, კობეშავიძე, კოხრეიძე, ლომიძე, ლომინაძე, ლორთქიფანიძე, მაისურაძე, მარჯანიშვილი, მატარაძე, მალაკელიძე, მელაძე, ოკუჯავა, რუხაძე, სალარაძე, სალარეიშვილი, სვანიძე, სებუა, სოსელია, ტაბიძე, ტერელაძე, ტყაბლაძე, ქვათელაძე, შველიძე, ჩერქეზია, ჩირგაძე, ძიძიგური, ხობუა, ხითარიშვილი, ხუროძე, ჯაფარიძე, ჯალალანია, ჯიქია და სხვები.

ცხენისწყლის ხეობის მთიანი სოფლებიდან ჩამოსახლდნენ: ბენიძე, ბობოხიძე, გელენიძე, გედენიძე, გორდულაძე, ზერაგია, კირთაძე, კიკაბიძე, კიკალიშვილი, კვაბზირიძე, კინწურაშვილი, კუხალაშვილი, ფარულავა, ქაროსანიძე, ქობალია, ქომეთიანი, ჩიქოვანი, ჭოლოკავა,

ჯანელიძე.

სამეგრელოს აღმოსავლეთი ოლქებიდან ჩამოსახლდა: აფხაზავა, ბართია, ბართია, ბოკურჩავა, გაგუა, გეგია, გვახარია, გოროზია, ესე-ბუა, ელიავა, იზორია, კარტოზია, კვარაცხელია, ლოჩოშვილი (ლოჩია), ლავილავა, ინჯია, ლორია, მონერელია, ნადარეშვილი (ნადარია), ოდიშარია, რეგია, სულავა, სურმავა, შავდია, ფეტველავა, ჩაგუნავა, ჩალიგავა, ცანავა, ძაძამია, ძიძავა, ნონონავა, ნულაია, ჭაია, ჭანტურაია, ჭიჭალუა, ხელაია, ხუჭუა, ჯოჯუა, ჯღამაძე, ჯღარკავა და სხვა.

XX საუკუნის მანძილზე, ხონში ლეჩხუმიდან ჩამოსახლდა: ასათიანი, არჯევანიძე, ასლანიკაშვილი, ახვლედიანი, ბენიძე, ბენდელიანი, გიორბელიძე, გიორგბერიძე, გოდერიძე, გოლეთიანი, თუთისანი, ირემაძე, დავითულიანი, ჭაბუკიანი, სიმსივე, კოპალიანი, ლეთოდიანი, ლიპარიძე, ლიპარტელიანი, მამარდაშვილი, მანაგაძე, მანდარია, მეშველიანი, მუშკუდიანი, ომანაძე, საღინაძე, ცინარიძე, ყურაშვილი, ჩაკვეტაძე, ხეცურიანი.

XX საუკუნის მეორე ნახევარში, სვანეთიდან ჩამოსახლდნენ: დაშნიანი, გორდუზიანი, მეშველიანი, მუსელიანი, ლიპარტელიანი, ჩანქსელიანი, ქურასპედიანი, შკუბულიანი, ხაბულიანი, გურჩიანი.

XX საუკუნის შუა წლებში შეიქმნა სამხედრო დასახლება. მის გამო ბევრი რუსი მანდილოსანი და მანანწალა ხონის ძირითად მცხოვრებად იქცა. ესენი მარტოხელებია.

ასევე დამკვიდრდნენ მეზობელი ქვეყნების წარმომადგენლები: არუთინოვი, ავეტისიანი, ელტაროვი, მურადოვი, კარმანოვი, კოსოვი, გოლუევი, კულუმბეკოვი, გრიგორიანი, ცხოვრებოვი და ისინი თითქმის გაქართველდნენ.

ხონში ბევრია სადაურობის აღმნიშვნელი გვარები: ამამუკელი, გორდაძე, გორდელაძე, დარსაველიძე, კალმახელიძე, მალლაკელიძე, მინდელი, მინდელაია, ლეთოდიანი, ცაგარეიშვილი, ჩხენკელი, ქუთათელაძე, წერეთელი, ხონელიძე, ხუნწელია.

ბევრი გვარი ნანარმოებია ცხოველთა, მცენარეთა სახელებისგან და მოსაქმეობისგან: ბოლქვაძე, ბუაძე, მებუკე, მელაძე, მენაბდე, მენაბდიშვილი, მღებრიშვილი, კაკაბაძე, კალატოზი, კალმახელიძე, კანჯარაძე, შველიძე, ქაცარავა, ჩხიკვაძე, ჩხიკვიშვილი, ხუროძე, ღვინცაძე, ხუციშვილი, ჯინჭველაძე.

საერთოდ, ხონის უძველესი გვარების ფუძეები მეგრულ-ზანურია და მერე ქართიზებული.

1969 წელს, ცაგერის მუზეუმის დირექტორმა, ბატონმა ჯუმბერ სადინაძემ ჰეისნავლა ხონური გვარები. რაიონის 11 საბჭოში და 39 სოფელში აღრიცხა 32 ათასი კაცი, 578 გვარის წარმომადგენელი.

ჩვენ დაუსუსტეთ მხოლოდ ქალაქ ხონში გავრცელებული გვარები, რიცხვების მიხედვით. სამწუხაროდ საგვარელოთა შიგა რიცხვების შესახებ რაოდენობის განსაზღვრა არ ხერხდება, რადგან 600-მდე ოჯახი გამოკეტილია და აწერია "იყიდება სახლი".

ხონის უძველესი გვარებია:

1. ბახტაძე - ნაწარმოებია ბახიას - ძე-დან. მისი ფუძე კოლხურ-ქართულია (ქართიზებულია). ამაზე მიანიშნებს ის, რომ სენაკელი ბახიები თავიანთ სალოცავად ხონის წმიდა გიორგის მიიჩნევენ და შესანიშნავად სძღვნიან (522 სული), (მოგვყავს მცხოვრებთა დღევანდელი რაოდენობა). ეს უძველესი გვარი გადმოსული უნდა იყოს ხაშურის სოფელ ნაბახტევიდან.

2. სანოძე - სანაია, სანია - ჭანია, სანის ანუ ჭანის ტომობრიობას აღნიშნავს და ამრიგად, ჭანურ-მეგრულია, სანოძეები და სანაძეები ცხოვრობენ პირველნი ხონში, მეორენი გალსა და ოჩამჩირეში. მათი უმრავლესობა ხონისა და ილორის საყდრების საყმრო იყო, სულ ქალაქ ხონში ცხოვრობს 460 კაცი.

3. ჭავჭავიძე - წყაროებში XVI საუკუნეებიდან იხსენიებიან "ჭამჭავიძის" ფორმით. ისინი ილორის და ხონის მონასტრის გლეხები იყვნენ (480 კაცი).

4. ლაითაძე - ხონის ძველი მკვიდრია. გვარის ფუძე მეგრულ-ქართულია. "ლუტუ" "ლაიტი" მეგრულად ჭყინტს, უმნიფარს აღნიშნავს. ჭყინტ სიმინდს იმერეთში "ლუტუს", ზუგდიდში "ლაიტს" ეძახიან (85 კაცი).

5. გენძეხაძე - მეგრულ-ჭანური ფუძითაა ნაწარმოები (გინძე ჭანურად გრძელია) და იგივეა, რაც "გრძელიძე" (58 კაცი).

6. გოფოძე - იმერულია სახელ "გოფო"-სგან ნაწარმოები (82 კაცი).

7. კეთილაძე - ხონის ერთი ძველი, იმერული გვარია (115 კაცი).

8. მამფორია - კოლხური გვარია, ჩამოსახლდა ხონში XVII საუკუნის ბოლოს, ხონის მონასტრისადმი შეწირული გლეხები იყვნენ (28 კაცი).

9. მებუკე - ერთი გადმოცემით სამცხელი თავადის - ლალანიძის

დაკნინებული განაყარია. მეფის მსახურნი "მებუკეები" იყვნენ, შემდეგ ხონის მონასტრისათვის შენიღულნი გლეხებია (98 კაცი).

10. კოტიშაძე - მეგრული ფუძით გამოირჩევა, ნიშნავს "კოდისა"-ს, ხონის ერთი ძველი გვართაგანია (კოდი მარცვლეულის სანყაო იყო ძველად) (65 კაცი).

11. მაჭარაძე - ივანდიდსა და ხონში სახლობენ (98 კაცი).

12. პაპავა - წმიდა მეგრული გვარია, ჩამოასახლა ხონში ლევან II დადიანმა 1626-28 წლებში (58 კაცი).

13. ფანცულაიაც - ლევან დადიანმა იმავე წლებში ჩამოასახლა (60 კაცი).

14. ტაბიძე - ცხოვრობენ ივანდიდსა და ხონში, ხონის წმიდა გიორგის და თავად ლოლობერიძეების საყმო იყო (100 კაცი).

15. დარსაველიძე - იგივეა, რაც მეგრული დარსაველია (60 კაცი).

16. ფარცხალაძე - ფირცხალავა ერთი ფუძისაგან შედგება, კოლხურ-მეგრული გვარია. ცხოვრობენ ხონსა და მათხოჯში. იყვნენ იმერეთის მეფეთა მსახურნი, ზოგს საკუთარი ყმა-გლეხიც გააჩნდა (284 კაცი).

17. შველიძე - ცხოვრობს ქარჩხაბას უბანში, ნულუკიძეთა და აგიაშვილთა გლეხები იყვნენ (85 სული).

18. ქაცარავა - წმიდა კოლხური გვარია, ქართულად იგივეა რაც "თიკანაძე". ჩამოასახლა ხონელმა მთავარეპისკოპოსმა XVII საუკუნის ბოლოს ნაოლაღვიდან ხონში არის 30 კაცამდე.

19. ქვათელაძე - ცხოვრობს ქარჩხაბის უბანში, ჰგავს გვარ ქუთათელაძეს. ძველი გვარია, ხონში მისი წარმომადგენელი 105-ია.

20. ქუთათელაძე - სადაურობის აღმნიშვნელი გვარია, მისი მსგავსია მეგრული ქუთელია, ხონში ცხოვრობს 370 კაცამდე.

21. ღვინცაძე - ერთი ძველი გვარია, ფუძეში "ღვინ"-ო იკითხება (83 კაცი).

22. ყუფარაძე - იგივეა, რაც სამეგრელოში გავრცელებული გვარია ყუფარია (182 კაცი).

23. ჩხენკელი - სადაურობის აღმნიშვნელი გვარია. ჩვენი აზრით ის უნდა ნიშნავდეს "ჩხენიშულს" - ე. ი. ჩხენიშიდან მოსულს (240 კაცი). დაესახლა ხონში XVII ს. ბოლოს.

24. წვერავა - XVII საუკუნეში რაჭიდან ჩამოასახლა ნულუკიძემ (425 კაცი), ასევე ჩამოსახლდნენ ჭელიძეები (48), ჯიხაძე (5).

25. ნივნივაძე - წმიდა იმერული გვარია, ნივილას-ნივნივის



აღმნიშვნელი საკუთარი სახელიდან ნაწარმოები, ხონში ცხოვრობს 282 კაცი. ქართლში არის სოფელი ნივნივა.

პუბლიცისტმა ვარლამ შავდიაშვილმა 1899 წლის "აკაკის კრებულის" მესამე განყოფილებაში გამოაქვეყნა ხონში მცხოვრები გვარების ჩამონათვალი: აბაშიძე, აბზიანიძე, არძიანი, ბაკურაძე, ბარქაია, გეგელაშვილი, გეგეჭკორი, გელენიძე, გორდაძე, გვახარია, თავართქილაძე, კარტოზია, კენჭერაძე, კაკაურიძე, კლდიაშვილი, კირთაძე, ლომინაძე, ლორთქიფანიძე, ლეჟავა, ლოჩოშვილი, საღარეიშვილი, სურმავა, სულავა, ფარაძე, ფალავა, ფურცელაძე, ქავთარაძე, ქავზინაძე, შავდია, ჩერქეზია, ჩიქოვანი, ჩხიკვაძე, ცაგარეიშვილი, ძაძამია, ნონონავა, ჭიჭალა, ჭანიშვილი, ხიტკირია, ხმელიძე, ჯღარკავა.

ვ. შავდიას გამორჩენია ზოგი ხალხმრავალი გვარი, რომლებიც ზემოთ ჩამოვთვალეთ, მაგრამ შეუყვანია დროებით მცხოვრებნი: ბარქაია, ბაკურაძე, ფალავა, კლდიაშვილი, გეგეჭკორი, ფარაძე, ფურცელაძე.

ამჟამად ხონში არ ცხოვრობენ XVII საუკუნის დაეთარში ჩამოთვლილნი: აბრალეიშვილი, ყლარტიაშვილი, ბრელიძე, სადრაძე, მშაშვიაშვილი, ხურციძე კი ხურცია - ხურცილავად ქცეულა, მემშვილდიშვილი - მშვილდაძედ, ჩიტისგულაიშვილი - ლაიშვილად, ზოგიც გადასახლებულა, ბევრიც ალბათ 1811-12 წლების უამიანობამ იმსხვერპლა.

მარტო კასპის რაიონის სოფელ ხოვლეში ამ უამიანობის დროს ათობით ბახტაძე გადასახლებულა.

## ამჟამად ხონში ცხოვრობს:

ა

- |                   |                        |
|-------------------|------------------------|
| 1. აბაშიძე - 7    | 10. ამაშუკელი - 2      |
| 2. აბაზაძე - 20   | 11. ანდრიაძე - 13      |
| 3. აბზიანიძე - 20 | 12. არაბიძე - 2        |
| 4. აბესაძე - 1    | 13. არაზაშვილი - 3     |
| 5. ადამია - 30    | 14. არუთინოვი - 5      |
| 6. ავალიშვილი - 3 | 15. არჯევანიძე - 41    |
| 7. ავალიანი - 3   | 16. ასათიანი - 3       |
| 8. ავეტისიანი - 3 | 17. ასლანიკაშვილი - 16 |
| 9. აკობიძე - 30   | 18. ახვლედიანი - 10    |

## ბ

19. ბაბუნაშვილი - 16.
20. ბასილაია - 3
21. ბახტაძე - 522
22. ბალავაძე - 33
23. ბართაია - 20
24. ბარათელია - 2
25. ბაკურია - 4
26. ბარაბაძე - 42
27. ბარამიძე - 9
28. ბალანჩივაძე - 4
29. ბარდაველიძე - 3
30. ბაქრაძე - 4
31. ბაშალეიშვილი - 3
32. ბაჩილავა - 1
33. ბენდელიანი - 46
34. ბენიძე - 40
35. ბერიძე - 8
36. ბერიშვილი - 9
37. ბერძენაძე - 3
38. ბერძენიშვილი - 4
39. ბზიკაძე - 18
40. ბიჭიაშვილი - 6
41. ბობოხიძე - 22
42. ბოლქვაძე - 8
43. ბოკუჩავა - 8
44. ბოჭორიშვილი - 4
45. ბრეგვაძე - 6
46. ბუაძე - 20
47. ბულიეშვილი - 11
48. ბურჭულაძე - 3
49. ბურჯალიანი - 1
50. ბულაშვილი - 2
51. ბუხაიძე - 1
52. ბუხრაშვილი - 3

## ბ

53. გაბრიჭიძე - 2
54. გაგიშვილი - 1
55. გაბისონია - 7
56. გაგუა - 6
57. გაგილაძე - 2
58. გაიაშვილი - 1
59. გალდავაძე - 42
60. გასიტაშვილი - 3
61. გებუაძე - 3
62. გედენიძე - 171
63. გელენიძე - 16
64. გეგუჩაძე - 4
65. გეგენავა - 2
66. გენძეხაძე - 58
67. გვალია - 8
68. გვათუა - 4
69. გვახარია - 5
70. გვენცაძე - 5
71. გველესიანი - 3
72. გვილავა - 14
73. გიგაშვილი - 8
74. გიორგაძე - 22
75. გოგავა - 20
76. გოგიავა - 21
77. გოლუევი - 4
78. გიორბელიძე - 4
79. გიორგბერიძე - 32
80. გიორხელიძე - 40
81. გვიდიანი 5
82. გოგოლაური - 3
83. გოლეთიანი - 3
84. გორდულაძე - 70
85. გორდაძე - 51
86. გოდერიძე - 58

- 87. გორგოზია - 8
- 88. გოფოძე - 82
- 89. გუგავა - 20
- 90. გრიგორიანი - 4
- 91. გუგუტიშვილი - 2
- 92. გუგუშაშვილი - 1
- 93. გურჩიანი - 6
- 94. გურგენიძე - 24
- 95. გურაბანიძე - 2
- 96. გურჯიძე - 4

დ

- 97. დადუნაშვილი - 6
- 98. დავითაშვილი - 10
- 99. დავითულიანი - 4
- 100. დანელია - 50
- 101. დანგაძე - 20
- 102. დარსაველიძე - 60
- 103. დეისაძე - 40
- 104. დიდიძე - 10
- 105. დოლაბერიძე - 8
- 106. დოლაკიძე - 4
- 107. დოლიძე - 2

ე

- 108. ელიავა - 20
- 109. ეგრისელაშვილი - 4
- 110. ეზიაშვილი - 14
- 111. ესებუა - 8
- 112. ესაძე - 3
- 113. ეფრემიძე - 30
- 114. ეძგვერაძე - 8

ვ

- 115. ვადაჭკორია - 6
- 116. ვაშაქიძე - 51
- 117. ვაჩიბერიძე - 2
- 118. ვაჩნაძე - 10
- 119. ვაჭარაძე - 16

ზ

- 120. ზარქუა - 4
- 121. ზაუტაშვილი - 6
- 122. ზედგინიძე - 8
- 123. ზერაგია - 54
- 124. ზვიადაძე - 10
- 125. ზურაბიანი - 3

თ.

- 126. თეგთუმანაშვილი - 2
- 127. თედორაძე - 4
- 128. თანდილაშვილი - 3
- 129. თედორაშვილი - 8
- 130. თევზაძე - 2
- 131. თვალთვაძე - 8
- 132. თვალოძე - 14
- 133. თაფლაძე - 4
- 134. თოდუა - 5
- 135. თუთისანი - 16

ი.

- 136. იზორია - 4
- 137. იმედაძე - 21
- 138. ინჯია - 2
- 139. ინანეიშვილი - 4

140. იობიძე - 60

141. ირემაძე - 2

კ.

142. კაკაბაძე - 322

143. კაკაურიძე - 160

144. კალატოზი - 4

145. კალანდაძე - 4

146. კალმახელიძე - 8

147. კალანდარიშვილი - 2

148. კაპანაძე - 3

149. კარტოზია - 8

150. კარმანოვი - 18

151. კაშია - 4

152. კაჭარავა - 3

153. კახიძე - 2

154. კახნიაშვილი - 4

155. კანჯარაძე - 7

156. კარსანიძე - 3

157. კაჭარავა - 3

158. კეთილაძე - 115

159. კელენჯერიძე - 4

160. კენჭაძე - 4

161. კეველიშვილი - 3

162. კენჭოშვილი - 9

163. კვაბზირიძე - 6

164. კვატაშიძე - 2

165. კვერნაძე - 8

166. კილაძე - 22

167. კილტავა - 6

168. კვიციანიძე - 8

169. კვაჭანტირაძე - 3

170. კვირიკაშვილი - 3

171. კვანტალიანი - 16

172. კვარაცხელია - 8

173. კიკალიშვილი - 5

174. კინწურაშვილი - 50

175. კირთაძე - 241

176. კიტოვანი - 5

177. კობიაშვილი - 3

178. კოპალიანი - 100

179. კოპალეიშვილი - 30

180. კობეშვიძე - 15

181. კორძაძე - 2

182. კოსტავა - 6

183. კოტოშაძე - 65

184. კოხრეიძე - 20

185. კუპრეიშვილი - 6

186. კუჭავა - 30

187. კუხალაშვილი - 62

ლ.

188. ლაგვილავა - 31

189. ლაითაძე - 85

190. ლეჟავა - 26

191. ლეთოდინი - 65

192. ლილუაშვილი - 5

193. ლაიშვილი - 1

194. ლიპარიძე - 50

195. ლიპარტელიანი - 60

196. ლეჟავა - 26

197. ლობიაძე - 4

198. ლორია - 10

199. ლორთქიფანიძე - 11

200. ლომიძე - 30

201. ლოჩოშვილი - 6

მ.

- 202. მაისაია - 21
- 203. მაისურაძე - 4
- 204. მამარდაშვილი - 88
- 205. მამისაშვილი - 4
- 206. მამფორია - 28
- 207. მანაგაძე - 201
- 208. მანდარია - 58
- 209. მანჯგალაძე - 1
- 210. მარგიანი - 3
- 211. მარჯანიშვილი - 6
- 212. მატარაძე - 9
- 213. მალლაკელიძე - 11
- 214. მალლაფერიძე - 5
- 215. მაჭარაძე - 98
- 216. მაჭარაშვილი - 2
- 217. მაჩიტაძე - 3
- 218. მებუკე - 98
- 219. მელაძე - 59
- 220. მელქაძე - 52
- 221. მენაბდე - 10
- 222. მენაბდიშვილი - 2
- 223. მესხი - 95
- 224. მეფარიშვილი - 10
- 225. მეძველია - 21
- 226. მონიავა - 25
- 227. მუმლაძე - 2
- 228. მუსელიანი - 5
- 229. მუშკუდიანი - 99
- 230. მისკარიანი - 4
- 231. მინდელი - 8
- 232. მინდელაია - 1
- 233. მინაძე - 4
- 234. მიქაძე - 25
- 235. მიქაბერიძე - 30

- 236. მიქიაშვილი - 10
- 237. მოგელაძე - 4
- 238. მოსეშვილი - 11
- 239. მოსიძე - 8
- 240. მოწერელია - 4
- 241. მუკუტაძე - 5
- 242. მურადოვი - 2
- 243. მღებრიშვილი - 3

ნ

- 244. ნადარეიშვილი - 5
- 245. ნამიჩიშვილი - 2
- 246. ნემსაძე - 3
- 247. ნიჟარაძე - 5

ო

- 248. ოდიშარია - 4
- 249. ოკუჯავა - 31
- 250. ომანაძე - 31

პ

- 251. პაპავა - 58
- 252. პაპასკირი - 5

ჟ

- 253. ჟამუტაშვილი - 3
- 254. ჟორჯოლიანი - 4
- 255. ჟღენტტი - 6

## რ

256. რატიანი - 68  
 257. რევია - 9  
 258. როგავა - 4  
 259. რუხაძე - 793

## ს

260. სანოძე - 469  
 261. სართანია - 8  
 262. სალარაძე - 36  
 263. სალარეიშვილი - 8  
 264. სალინაძე - 31  
 265. საღირაშვილი - 2  
 266. სახელაშვილი - 2  
 267. სებუა - 117  
 268. სიბაშვილი - 2  
 269. სიხარულიძე - 5  
 270. სვანიძე - 57  
 271. სიმსივე - 3  
 272. სოსელია - 21  
 273. სურმავა - 6  
 274. სტურუა - 7  
 275. სულაბერიძე - 204  
 276. სულუხია - 10

## ტ

277. ტაბიძე - 212  
 278. ტერელაძე - 17  
 279. ტერტერაშვილი - 1  
 280. ტყაბლაძე - 14  
 281. ტყეშელაშვილი - 1

## უ

282. უბირია - 3  
 283. უგულავა - 240  
 284. უგრეხელიძე - 26

## ფ

285. ფაილოძე - 24  
 286. ფანცულაია - 60  
 287. ფალავანდიშვილი - 12  
 288. ფარულავა - 21  
 289. ფარცხალაძე - 264  
 290. ფარცვანია - 4  
 291. ფარქოსაძე - 2  
 292. ფაჩუაშვილი - 21  
 293. ფესტენიძე - 5  
 294. ფეტველავა - 6  
 295. ფილია - 2  
 296. ფიოლია - 3  
 297. ფირცხალავა - 9  
 298. ფირცხალაიშვილი - 2  
 299. ფიჩხაია - 18  
 300. ფულარია - 4  
 301. ფრანგიშვილი - 14  
 302. ფოცხვერაია - 5  
 303. ფოჩხუა - 3  
 304. ფუტყარაძე - 4  
 305. ფხაკაძე - 4

## ძ

306. ქავზინაძე - 36  
 307. ქავთარაძე - 4  
 308. ქაროსანიძე - 24  
 309. ქათამაძე - 6

310. ქაცარავა - 50  
 311. ქაშიბაძე - 43  
 312. ქაჯაია - 20  
 313. ქეზულაძე - 2  
 314. ქელბაქიანი - 12  
 315. ქემოკლიძე - 8  
 316. ქიშმარაია - 3  
 317. ქლიბაძე - 3  
 318. ქვაჭრელიშვილი - 4  
 319. ქობალია - 20  
 320. ქობულაძე - 8  
 321. ქორქოსაძე - 12  
 322. ქოიავა - 6  
 323. ქომეთიანი - 15  
 324. ქვათელაძე - 105  
 325. ქურდაძე - 1  
 326. ქუთათელაძე - 300

ლ

327. ლალანიძე - 7  
 328. ლაჭავა - 40  
 329. ლვაბერიძე - 4  
 330. ლვინცაძე - 83  
 331. ლვინიანიძე - 4  
 332. ლოლობერიძე - 1

ყ

333. ყუფარაძე - 188  
 334. ყურაშვილი - 182

შ

335. შავდია - 12

336. შავლაძე - 8  
 337. შავლაშვილი - 4  
 338. შამათავა - 1  
 339. შავიძე - 5  
 340. შალამბერიძე - 12  
 341. შათირიშვილი - 4  
 342. შამხალაშვილი - 2  
 343. შერმაღინი - 4  
 344. შენგელია - 6  
 345. შეროზია - 3  
 346. შვანგირაძე - 30  
 347. შველიძე - 86  
 348. შკუბლიანი - 10  
 349. შოთაძე - 3  
 350. შუბითიძე - 3  
 351. შუბლაძე - 14

ჩ

352. ჩაგუნავა - 2  
 353. ჩალიგავა - 6  
 354. ჩანკსელიანი - 15  
 355. ჩარგეიშვილი - 102  
 356. ჩარკვიანი - 12  
 357. ჩაკვეტაძე - 132  
 358. ჩერქეზია - 30  
 359. ჩიმაკაძე - 37  
 360. ჩინჩალაძე - 20  
 361. ჩირგაძე - 6  
 362. ჩიქოვანი - 68  
 363. ჩიხლაძე - 308  
 364. ჩოგოვაძე - 4  
 365. ჩომახიძე - 4  
 366. ჩხეიძე - 38  
 367. ჩხენკელი - 240

368. ჩხეტიანი - 4  
369. ჩხიკვიშვილი - 4

ც

370. ცაავა - 4  
371. ცანავა - 10  
372. ცაცუა - 4  
373. ცაგურია - 4  
374. ცაგარეიშვილი - 70  
375. ცერცვაძე - 12  
376. ციბაძე - 4  
377. ცინარიძე - 31  
378. ციცხვია - 12  
379. ცხადაძე - 10  
380. ცხელიშვილი - 1  
381. ცხოვრებოვი - 8

ძ

382. ძარია - 6  
383. ძაძამია - 10  
384. ძიძავა - 8  
385. ძიძიგური - 144

წ

386. წერეთელი - 5  
387. წვერავა - 325  
388. წიენივაძე - 281  
388. წიქვაძე - 6  
390. წონონავა - 62  
391. წულაია - 80

ჭ

392. ჭაბუკიანი - 5  
393. ჭაია - 1  
394. ჭანტურია - 2  
395. ჭანტურაია - 4  
396. ჭანტურიშვილი - 6  
397. ჭაფჭანიძე - 294  
398. ჭანჭალეიშვილი - 8  
399. ჭაფოძე - 5  
400. ჭელიძე - 45  
401. ჭუბაბრია - 8  
402. ჭვაბრია - 6  
403. ჭიჭალუა - 1  
404. ჭოლაძე - 5  
405. ჭურაძე - 1  
406. ჭრელაშვილი - 2

ხ

407. ხაბეიშვილი - 10  
408. ხარაბაძე - 2  
409. ხაბულიანი - 30  
410. ხალიჩავა - 3  
411. ხაზარაძე - 20  
412. ხარებაშვილი - 10  
413. ხაჭაპურიძე - 64  
414. ხესელია - 3  
415. ხელაშვილი - 1  
416. ხელიძე - 11  
417. ხელაია - 28  
418. ხეცურიანი - 30  
419. ხვიჩია - 15  
420. ხითარიშვილი - 5  
421. ხიმშიაშვილი - 3  
422. ხობუა - 75



- 423. ხმელიძე - 4
- 424. ხონელიძე - 4
- 425. ხომერიკი - 8
- 426. ხოჯავა - 8
- 427. ხუბლაშვილი - 8
- 428. ხუროძე - 2
- 429. ხურცილავა - 56
- 430. ხურცია - 20
- 431. ხუციშვილი - 8
- 432. ხუჭუა - 16

ჯ

- 433. ჯაიანი - 3
- 434. ჯანგავეაძე - 10
- 435. ჯანხოთელი - 2
- 436. ჯალალანია - 140
- 437. ჯანელიძე - 80

- 438. ჯანჯღავა - 40
- 439. ჯაფარიძე - 5
- 440. ჯაჯაია - 10
- 441. ჯეჯელავა - 14
- 442. ჯინჯიხაძე - 3
- 443. ჯიხაძე - 4
- 444. ჯიბლაძე - 1
- 445. ჯიმშელიშვილი - 30
- 446. ჯიჯელავა - 4
- 447. ჯიბუხაია - 8
- 448. ჯიქია - 30
- 449. ჯიქიძე - 4
- 450. ჯიმკარიანი - 244
- 451. ჯოხიძე - 6
- 452. ჯოჯუა - 2
- 453. ჯურუხაძე - 50
- 454. ჯურხაძე - 11
- 455. ჯლამაძე - 1

ამრიგად, ხონში დღეისათვის სულ არის 455 გვარი. ზოგი ალბათ, თითო მოქალაქით წარმოდგენილი გამოგვრჩა კიდევ, მაგრამ 1969 წლის აღწერიდან დღეისათვის ხონში არ არიან გვარები: ალუჩავა, ელისაშვილი, ბედელაძე, ლანდიშვილი, გუგუტიშვილი, მორჩილაშვილი, ვარდუკაძე, მომესნრაშვილი, მარაძე, სათაშვილი, საჩალაძე, სიბაშვილი, ბეთხოშვილი, ზვერიშვილი, ქებაძე, ქველიძე, ხელისუფალი.

სამაგიეროდ, გაჩნდა ახალი გვარები: ბოჭორიშვილი, გურჯიძე, გაგიშვილი, ასლანიკაშვილი, არაბიძე, თაფლაძე, ინანიშვილი, კვირიკაშვილი, ლილუაშვილი, მატარაძე, ფხალაძე, არაზაშვილი, ღვაბერიძე, ზედგინიძე, კაპანაძე, ხომერიკი, ჟამუტაშვილი და სხვა.

გასაგები მიზეზების გამო, გვართა რიცხოვნება ყოველწლიურად იცვლება.

ახლა თვალი გადავავლოთ ხონში ყველაზე  
უფრო გავრცელებულ 50 გვარს:

- |                        |                        |
|------------------------|------------------------|
| 1. რუხაძე - 793        | 26. ფანცულაია - 272    |
| 2. ჩიხლაძე - 750       | 27. ბენდელიანი - 257   |
| 3. კუხალაშვილი - 703   | 28. ჩაკვეტაძე - 256    |
| 4. უგულავა - 596       | 29. ცაგარეიშვილი - 255 |
| 5. კაკაბაძე - 575      | 30. ჯანელიძე - 254     |
| 6. ბარაბაძე - 542      | 31. ხურცილავა - 247    |
| 7. ჯიშკარიანი - 535    | 32. გორდაძე - 246      |
| 8. გედენიძე - 535      | 33. ფირცხალავა - 245   |
| 9. კირთაძე - 532       | 34. ნივნივაძე - 243    |
| 10. ბახტაძე - 501      | 35. აბზიანიძე - 238    |
| 11. კინწურაშვილი - 426 | 36. მუშკუდიანი - 234   |
| 12. კოპალიანი - 424    | 37. ხაჭაპურიძე - 233   |
| 13. ლიპარტელიანი - 424 | 38. ჩანქსელიანი - 228  |
| 14. სანოძე - 409       | 39. გიორხელიძე - 221   |
| 15. სულაბერიძე - 381   | 40. ტაბიძე - 212       |
| 16. ჩხეიძე - 376       | 41. უგრეხელიძე - 203   |
| 17. ბენიძე - 374       | 42. მელქაძე - 201      |
| 18. ბობოხიძე - 337     | 43. ლაჭავა - 189       |
| 19. ყურაშვილი - 317    | 44. მამრლაშვილი - 186  |
| 20. კაკაურიძე - 316    | 45. გოდერიძე - 177     |
| 21. ქუთათელაძე - 313   | 46. წულაია - 173       |
| 22. ჩარგეიშვილი - 310  | 47. ჩიქოვანი - 171     |
| 23. გულენიძე - 303     | 48. ჯალალანია - 171    |
| 24. მაჭარაძე - 294     | 49. მანაგაძე - 169     |
| 25. ჭავჭავანიძე - 294  | 50. ჩომახიძე - 166     |

ჩამოთვლილი გვარებიდან ქართლიდან უნდა იყოს გადმოსული ბახტაძე, ბარაბაძე, კირთაძე, მაჭარაძე, ნივნივაძე, მელქაძე, გოდერიძე, მანაგაძე, სხვა ყველა წარმოშობით მეგრულ-ჭანებია.

## თავი მეათე

### ტყვეთა სყიდვა ქვემო იმერეთში

ტყვეთა სყიდვის შინაგანი ფაქტორები იყო ქვეყნის ეკონომიკის დაცემა, ფულად-სასაქონლო ურთიერთობის შესუსტება, ნატურალური მეურნეობის გაბატონება, ეკონომიკის ტრადიციული დარგების მოშლა და ამ ნიადაგზე ხალხის კულტურის, ზნეობის დონის სრული დაქვეითება-დეგრადაცია და ეროვნული თვითშეგნების დაცემა.

საგარეო ფაქტორები იყო აღმოსავლეთის მბრძანებელთა არმიების უმამაცესი, კავკასიელი მეომრებით და ამ დიდკაცთა სასახლეების პარამხანების მზეთუნახავებით შევსების სატანური სურვილი, საქართველოს პოლიტიკური და გეოგრაფიული იზოლაცია აგრესორი ისლამური სახელმწიფოების მიერ.

ტყვეებით ვაჭრობა აზიასა და ევროპაში უძველესი დროიდან სწარმოებდა, ოლონდ, შედარებით მცირე მასშტაბებით. ეს სენი გვიანი ხანის ევროპასაც ღრღნიდა. გავიხსენოთ ვიქტორ ჰიუგოს კომპარაჩიკოსები ("კაცი, რომელიც იცინის"), ალექსანდრე დიუმას ჰაიდე ("გრაფი მონტი კრისტო"), ან და სერჟ გოლონების კუასი-ბა ("ანჟელიკა"). ამ ლიტერატურულ პერსონაჟებს, ცხადია ისტორიული პროტოტიპები ჰყავდა.

და მაინც, ტყვის სყიდვას, არსად ისეთი მასშტაბებისათვის და ისეთი ამაზრუნენი ფორმებისათვის არ მიუღწევია, როგორც კავკასიაში, კერძოდ საქართველოში.

ამ მხრივ თანაბრადაა მასალები გაბნეული, როგორც ქართული სამართლის ძეგლებში, ისე უცხოელთა ნაშრომებში. საინტერესო ფაქტებს გვანვდიან: ტურნეფორი, ქრისტეფორ დე კასტელი, არქანჯელო ლამბერტი, პიეტრო ავიტაბილე, ჯუზეპე ჯუდიჩი, ჟან შარდენი, ჰამერი და სხვები. მათ მიერ აღწერილი ტყვეთა სყიდვის საშინელებები, სრული ჭეშმარიტებაა, და როგორც მიხეილ თამარაშვილი აღნიშნავდა, არავითარი საფუძველი არ გვაქვს მათ ცნობებში დასაუჭვებლად.

მისიონერთა ცნობებში, ბევრი კონკრეტული გვარი და სახელია

გაცხადებული იმ ქართველებისა, ვინც ყოველდღიური სახმარი ჭურჭლისა თუ ტანსაცმლის შესაძენად, თათარზე გასაყიდად იმეტებდა თანამომძმეს, მეტიც საკუთარი ოჯახის წევრს.

ქართულ სამართლის ძეგლებში ხშირია გამოთქმა, ამდენ ტყვედ ღირებული კარავი, ქამარ-ხანჯალი, ოქროსა და ვერცხლის ჭურჭელი. აღმოსავლეთის დიდებულთა სერალებში და არმიებში ილუპებოდნენ ვაჟკაცები და მანდილოსნები, ვისაც ღეთისგან და ერისგან სამშობლოს დაცვა და მეომართა გამრავლება ევალებოდა, უნებლიეთ კი, საკუთარ სამშობლოს მტრებს უმრავლებდნენ.

ყოველგვარი უნესობა, XVI საუკუნეში ისე თვალსაჩინო გამხდარა, რომ იმერეთის მეფეს, გიორგი II -ს (1548-83 წწ.) მთელი დასავლეთ საქართველოს სასულიერო და საერო ფეოდალთა მონაწილეობით, დიდი საეკლესიო კრება მოუწვევია. მასზე დაუგმიათ ტყვეთა სყიდვა, ეკლსიის კრებუა (ძარცვა-ნაბილწვა), ცოლის ნაგვრა, გზებზე ხდომა, ქალის დაგდება და სხვა.

ვახუშტი ბაგრატიონი, ამ კრებას XVII საუკუნით ათარიღებს.

სარგის კაკაბაძემ გაარკვია, რომ სცდება სახელოვანი მემკვიდრე. ის XVI საუკუნეში მოიწვევს. მონაწილე ისტორიული პირები იმ საუკუნის მოღვაწენი იყვნენ. კრება მოწვეული ყოფილა 1544-სა და 1563 წლებს შორის. კრებაზე შემუშავებული ძეგლი "სამართალი კათალიკოზისა" XVI საუკუნის შუა წლებით დაათარიღა.

კრების მუშაობაში აქტიური მონაწილეობა მიუღია ზაქარია ხონელ მთავარეპისკოპოსს. ეს ის მღვდელთმთავარია, რომლის შეკვეთითაც მამნე ოქრომჭედლის მიერ დამზადდა ხონის საყდრის საწინამძღვრო ჯვარი. მისი მოღვაწეობა ემთხვევა გიორგი მეორის მეფობის ხანას და ხონელის საყდარი ეჭირა მანოველ ჩხეიძის შემდეგ.

"სამართალში" აღნიშნულია:

"რამან კაცმან კაცი გაყიდოს, ანუ დიდმან, ანუ მცირემან, ანუ თავადმან, ანუ აზნაურმან, ანუ გლეხმან: წმიდათა კრებულთაგან შერეულებულ იყოს და განხდით. თუ ის კაცი დაიხსნას და მოიყვანოს მისსა საყდარსა და ეპისკოპოსს დაუურვოს, რა ერთიც ძალედვას, დამკლებს უფალსაც დაუურვოს და თუ ვერ მოიყვანოს, ვინ გინდა ვინ იყოს, თავადიშვილი, ანდა აზნაურიშვილი, ანდა გლეხი, მამინ ვერამ საქმემ ვერ იხსნას. უკანონოდცა არს ძელსა მიეცეს: და ვინც ქრთამი

აილოს და არ ჩამოარჩოს, შერეულებულ იყოს, წმიდათ კრებათაგან და კანონსამცა ქუეშე არს წმიდათა მოციქულთასა”.

ე.ი. ტყვის მსყიდველებს სიკვდილი გადაეწყვიტათ.

განჩინე<sup>1</sup> დან ირკვევა, რომ ტყვეს თითქმის ყველა ნოდება ჰყიდდა რასაც შედეგად მოჰყვა მოსახლეობის ყველაზე ჯანსაღი ნაწილის საზღვარგა<sup>2</sup> , თ გადაქაჩვა და ხალხის რიცხოპოროვი შემცირება.

ამჯერად შევჩერდებით მხოლოდ იმ ფაქტორებზე, რაც ხონელი მთავარეპისკოპოსის სამწყსოს და "ხონის ქვეყანას" შეეხება. რამდენადაც XVII საუკუნის დასაწყისში გურიის მთავარს, მალაქიას, კათალიკოსის საყდარი და ცაიშელ-ჯუმათელ-ხონელი მთავარეპისკოპოსის სახელოები ერთდროულად ეჭირა (1616-39 წწ.), ორიოდე აბზაცით მიმოვიხილავთ საერთო მდგომარეობას.

პიეტრო ავიტაბილე, XVII საუკუნის დასაწყისში, თავის "რელაციუმებში" აღნიშნავდა, რომ ქართველები ყოველწლიურად 4 ათას ტყვეს ყიდიან და აგზავნიან ხარკის ანგარიშში, რის გამოც ერთი ადამიანის ფასი 5 პიასტრამდე დავიდაო.

არქანჯელო ლამბერტი დამატებით ადასტურებს, რომ დასავლეთ საქართველოდან გაჰყავდათ 4 ათასი ტყვე. მას საკუთარი თვალით უნახავს, რომ ქმარი ცოლს თათრებზე ჰყიდდა, ხოლო შიმშილით განამებული დედა თავის შვილს ცოცხლად მარხავდა.

ერთმა მებატონემ, ორი წლის ვაჟი აჩუქა ჯუზეპე ჯუდიჩეს. ერთი მანდილოსანი მიუძღვნა პატრებს მალაქია კათალიკოსმა (და ხონის მთავარეპისკოპოსმა).

თეიმურაზ პირველის ელჩი რუსეთის კარზე, ცნობილი მოღვაწე, ნიკიფორე ჩოლოყაშვილი, რუსეთის მინისტრებს მოახსენებდა: რომ ლევან დადიანი ყოველწლიურად 10-15 ათას ტყვეს ჰყიდდა, ხოლო მალაქია გურიელი (კათალიკოსი და ხონელი მთავარეპისკოპოსი) 10-12 ათასს. ის აღნიშნავდა, რომ ყველა ყველას ჰყიდდა: ძმა - ძმას, მამა - შვილს, ქმარი - ცოლს, რძალი - მამულს და ა.შ. (ს. კაკაბაძე, "მასალები იმერეთის სახ. მდგ. შესახებ XVI საუკუნეში", "საისტორიო მოამბე", 1925 წელი, 1, გვ. 186-187).

ფაქტები სინამდვილეს შეესაბამება, თუმცა ციფრები ძალზე გაზვიადებულია.

პროფესორ სარგის კაკაბაძის ნაშრომში აღნიშნულია, რომ მალაქია კათალიკოსი და ხონელი მთავარეპისკოპოსი ენერგიული მოღვაწე იყო,

ებრძოდა საეკლესიო კანონთა დამრღვევებს, მაგრამ "როგორც მისი პირადი ენერგია, ისე გავლენა უძლური იყო იმ უდიდესი ბოროტების, ტყვეთა სყიდვის წინაშე" (ს. კაკაბაძე, "საქართველოს მოკლე ისტორია - ახალი საუკუნეების ეპოქა", 1920 წ. გვ. 59).

თუმცა წყაროებში, მალაქია კათალიკოსს "ანგელოზის მსგავსს" უწოდებენ, ეს მთლად ასე არ ყოფილა.

გაეარკვიეთ, რომ სწორია ნიკიფორე ჩოლოყაშვილის მოხსენება, რომლითაც ის ტყვეთა მსყიდველად არის წარმოდგენილი. მისიონერები გადმოგვცემენ, რომ მისი სამთავროდან და სამწყსოებიდან ყოველ წელიწადს ათასობით ტყვე გაჰყავდათ.

კასტელი აღნიშნავდა, რომ მალაქია კათალიკოსმა პატრებს აჩუქა არაჩვეულებრივი სილამაზის ტყვე, მიქელა აზნაურიშვილი, მაგრამ როცა გურიის მთავარი ვახტანგი გახდა (1939 წ ა.ფ.), მან ეს მონა პატრებს ჩამოართვა და ხონთქარს გაუგზავნა.

მეტიც: კათალიკოს მალაქიას, რალაც დანაშაულისათვის დაუსჯია აზნაური ბერია, მისი ლამაზი ქრივი ელუკა მრუშობისათვის შეურისხავს და თურქებზე გასასყიდად გაუშვადებია, მაგრამ პატრებს დაუსხნიათ, შემდეგ კი გაუთხოვებიათ კიდევ (კასტელი - "ცნობები და აღბომი საქართველოს შესახებ", 1977 წ. გვ. 135, 115).

თუ მალაქია კათალიკოსი (გურიელი) და სამი კათედრის მღვდელთმთავარი, გურული და მეგრელი ტყვეების თურქებზე გაყიდვას არ ერიდებოდა, ცხადია თავის სანმყსოებში ხონში და მათხოჯში "ანგელოზი" ვერ იქნებოდა. აქედან დასკვნა: ის ტყვეებს ქვემო იმერეთიდან, ხონიდანაც გაჰყიდდა.

ტყვეთა სყიდვის ძირითადი წყარო, ფეოდალური შინაომები იყო. 1623 წელს გოჭორაულთან, 1634 წელს ბაღდადთან (კაკას ხიდი), 1645 და 47 წლებში იმერეთზე გამუდმებული თავდასხმებისას, ლევან მეორე დადიანს ხელში ჩაუვარდა ათასობით იმერელი ტყვე. ზოგს თავი ვერცხლით დაახსნევინა, ზოგსაც "ყიდდნენ ნაშოვართა ტყვეთა და წარჩინებულთა კაცთა" - წერს მემატიანე (ს. კაკაბაძე - "საქართველოს მოკლე ისტორია", გვ. 60).

სისასტიკითა და ეროვნული თვითშეგნების დაცემით მეგრელებს არც იმერლები ჩამორჩებოდნენ. ნიკო დადიანი აღნიშნავს:

"მას ჟამსა იყვნენ იმერნი გარყვნილნი, ფიცის გამტეხნი, ტყვის მსყიდველნი, მხდომნი და უკეთურნი, არათუ წარჩინებულნი, არამედ

მდაბიონიცა" (ნიკო დადიანი - "ქართველთა ცხოვრება", გვ. 168).

იმერეთის მეფე, ალექსანდრე მესამე რუსეთის მეფეს სწერდა, რომ დადიანი იმერეთში ლაშქრობისას, ხან სამას, ხან ოთხას ქრისტიან ბავშვს თურქეთის სულთანს უგზავნიდა.

ხონის მიდამოები ყველაზე უფრო დაზარალდა, როგორც საზღვრის-პირა ოლქი.

ერეკლემანეთს დანასისხლად ჩამტერებული მეფე-მთავრები აოხრებდნენ ერთმანეთის მამულებს, ანგრევდნენ ციხე-კოშკებს, დატყვევებულ ხალხს კი თურქებზე ჰყიდდნენ.

1640 და 1680 წლებში, კვლავ გამოიწვია ბრძანებები ტყვეთა სყიდვის აკრძალვის თაობაზე, მაგრამ ამას შედეგი არ მოჰყოლია.

შარდენის ცნობით ტყვეთა ფასი ისე დაეცა, რომ თურქი ვაჭრები თავში 300-400 ცეხინს იხდიდნენ, 25 40 წლის მამაკაცი 15 ეკიუდ ფასობდა, ხანდაზმული - 8-10 ეკიუ, 13-18 წლის ლამაზი გოგონები - 20, ქალები - 12, ბავშვები - 3-4 ეკიუ ღირდა.

დასავლეთ საქართველოს კათალიკოსმა, გრიგოლ ლორთქიფანიძემ, დიდი და ენერგიული მუშაობა ჩაატარა ტყვის სყიდვის წინააღმდეგ. პირობა დაადებინა მთავრებს და თავადებს, რომ ტყვეს არ გაჰყიდდნენ და იმერეთის ასაოხრებლად შემოჭრილ თურქებს არ მიემხრობოდნენ.

მიუხედავად ამისა, ტყვეთა სყიდვა გრძელდებოდა, იყო გამაჰმადიანების შემთხვევები. განსაკუთრებით დაზარალდა ქუთაისის, ხინოსა (ქვემო გურია) და ხონის ეპარქიები.

ჰამერის ცნობით, იმერეთის სამეფო, თურქეთის სულთანს ხარკის ანგარიშში ტყვეებს უგზავნიდა.

ზოგიერთი წყაროთი, ეს გამოსაღები წელიწადში 60-70 ახალგაზრდას შეადგენდა.

თვით ოსმალეთის პორტა, დაინტერესებული ჯანსაღი მოსახლეობის იმპერიიში გადატყუმბვით, ხელს უწყობდა ამ სენის დამკვიდრებას შემდეგი ხერხებით: აწყობდა დამსჯელ ლაშქრობებს, არ შემოჰქონდა რკინა, მარილი, ევროპული მაუდი, აბრეშუმი და სხვა.

რუსი დიპლომატი, 1639 წელს სამეგრელოს შესახებ წერდა, რომ აქ ტყვეებს "ჰყიდის ყველა, და რაც მთავარია, ამაში თავიანთ შეცოდებას ვერ ხედავენ"-ო.

ლევან დადიანი თურქებს, ხარკის ანგარიშში 30-40 ტყვეს და 800 არშინ სახალათე ტილოს უგზავნიდა, თუმცა ხარბი სულთანი 100 ტყვეს

ითხოვდა.

დადიანი, თავს ჰანიბალსა და ფაბიუსს უტოლებდა. ტყვეს ან ტყვეში სცვლიდა, ან ვერცხლით გამოსასყიდს სჯერდებოდა. თუ ეს საქმეც არ გვარდებოდა, მაშინვე ანაკლიის ან ყულევის ბაზარში გაასყიდვინებდა. დადიანის შესახებ იმიტომ აღვნიშნავთ შედარებით ვრცლად, რომ იმერეთისა და ოდიშის ომების მთავარი ასპარეზი სწორედ ხონი და ქვემო იმერეთი იყო. გარდა ამისა, ხონელ მთავარების კოპოსს, მამული და საყმო გააჩნდა ცხენისწყლის დასავლეთითაც. თურქთა თარეშისას, დადიანის მახარი ლაშქრობისას, ხონი და ვაკის სოფლები სავსებით დაუცველი იყო. სიახლოვეს არცერთი ციხესიმაგრე, ტყე ან სამალავი არ იყო. ეს აადვილებდა ხონიდან ტყვის გატაცებას. (ინფორმატორი ა. ჯიშკარიანი, ხონის მუზეუმის ფონდი, 1978 წ. ფ. 1).

ერთი ზეპირი გადმოცემა მოგვითხრობს, თუ როგორ შერისხა დიდმა მოურავმა ხონში ყოფნისას, თავადი ნულუკიძე ტყვის სყიდვისათვის. მან კი უტიფრად უპასუხა: "რა ვქნა მოურავო, ვერცხლი მჭირდება". გამოჩენილმა სარდალმა სავსე ქისა გადაუგდო და ტყვენი დაიხსნა.

ალექსანდრე მესამის გარდაცვალების შემდეგ (1660 წ), ქვეყანა საში-ნელმა ანარქიამ მოიცვა, რასაც დაემატა მეფე-მთავართა განამანია თამარ მშვენიერის (ცბიერის) დასაუფლებლად. ყველა მეომარი მხარე, არბიტრად ჩილდირის ფაშებს იწვევდა, რასაც შედეგად ტყვეთა გატაცება მოსდევდა. 1668 წელს, ახალციხის ფაშამ იმერეთი მოაოხრა და ტყვეები თურქეთში გადარეკა. ანაკლიისა და ყულევის ბაზრებში მონა-ტყვე, რუსულ ფულზე, 13 მანეთზე ცოტა მეტი ღირებულა. თუ ოფიციალურად იმერეთი 70-80, გურია 46 და სამეგრელო 50 ტყვის გზავნიდა, ორი ამდენი არაოფიციალური გზით იგზავნებოდა.

ე. ი. ოფიციალურად გადიოდა 180... ორი ამდენი კი - 360-ს შეადგენდა.

ერთი ზეპირი გადმოცემა მოგვითხრობს, თუ როგორ გამოექცა თურქებს და სამშობლოში დაბრუნდა გორდელი თავადის, ჩიქოვანის მიერ გაყიდული გლეხი - უგულავა (ინფორმატორი გია უგულავა, ხონის მუზეუმის ფონდი, ჩანაწერი 1980 წლის მასალა, ფ. 2).

1685 წელს იმერეთის მეფემ, ალექსანდრე მეოთხემ, როკითის ომში რომ გაიმარჯვა, დატყვევებული იმერელი, მეგრელი და გურული მეომრები ყველანი თურქებს მიჰყიდა.

ასეთ მაგალითს იძლეოდნენ ქვეყნის თავკაცები.

გახშირებული დავალიანებულის მევალისაგან გაყიდვის შემთხვევე-



ბი. ასე ყოფილან გაყიდულნი ხონის საყდრის ყმები, რომელთა შესახებ 1762 წლის "წყალობის წიგნში" მეფე ბრძანებს:

"ხონელები ქანტურიშვილი ნატრია და დავითელა გაყიდულეი ყოფილიყვენენ, დედულია პაპავა კი ხუტუნია გაბუნიაჲს ჰყავდა, ამოვიყვანეთ და ხონის საყდარს შევწირეთ"-ო (ს. კაკაბაძე - "საეკლესიო საბუთები", 1921 წ. 2. გვ. 17-18).

გაბუნია დადიანის ერთგული აზნაური იყო და ტყვეც მას გაუტაცია.

1759 წლის 5 დეკემბერს, სოლომონ პირველმა მოიწვია დიდი საეკლესიო კრება, რომელზედაც დამსწრე საერო და სასულიერო ფეოდალებმა ტყვის სყიდვის აკრძალვისა და მეფის ერთგულების ფიცი დასდეს. ძეგლში აღნიშნულია:

"ახალციხის ფაშამ ასეთი საშინელი და საზარელი სიტყვა შემოგვითვალა, ტყვეს თუ არ გაჰყიდით არ იქნებაო. ახლა ამაზეც ასე ერთპირობით დაგვიმტკიცებია ღვთის შუამდგომლობით, რომ სანამდის სული გვიდგას, ეს საქმე ჩვენგან არ იქნეს, არც მაშინ ერთმანეთს ვუსუსტოთ, კიდევ ერთმანეთს მოვუდგეთ, კიდევ მეფე სოლომონის მორჩილი და ბრძანების აღმსრულებელი ვიქნეთ. ამ საქმეზედ, ჩვენი თავი არ დავიშუროთ" (საქართველოს ისტორიის ნარკვევები", ტ. 4, გვ. 641).

როცა პორტამ იმერეთში სამხედრო ექსპედიცია გაგზავნა, ერეკლეს ელჩმა ხონთქრის კარს მოახსენა, რომ სოლომონი მზადაა, ხარკის ანგარიშში, სულთანს გაუგზავნოს 60 ქალი წლიურად (ს. კაკაბაძე - "საქართველოს მოკლე ისტორია", გვ. 112. მიხეილ რეხვიაშვილი, "იმერეთის სამეფო XVIII საუკუნეში,, გვ. 76).

იმერეთის მეფეს "ალექსანდრის" შესრულება არც უფიქრია. ადამიანით მოვაჭრენი სასტიკად დასაჯა (ქაჯაიები, კიკნაძეები), რამაც ოსმალეთი ისევ სამტროდ აამხედრა. პორტამ მეფეს 300 ქისა ვერცხლი და ტყვის სყიდვის დაკანონება მოსთხოვა. პირველ მოთხოვნას სოლომონი დაეთანხმა, მეორე გადაჭრით უარყო. ამის გამო ოსმალეთის ჯარებმა იმერეთი საშინლად ააოხრეს.

სტამბოლს გამგზავრებული მარიამ დედოფალი, სულთნის მინისტრებს არწმუნებდა: "ვიდრე ჩემი ქმარი ცოცხალია, თავისი საბრძანებლიდან ის სულთანს ტყვე ქალებს აღარ მისყიდს" (მ. რეხვიაშვილი, დასახელებული წიგნი, გვ. 69, მისივე", იმერეთის სამეფო, 1962-1810 წლებში", გვ. 256. 1989 წ).

იმერეთის მეფისა და დედოფლის მძაფრ პროტესტს, თურქეთის

მიმართ, აღტაცებაში მოუყვანია ფრანგი ვოლტერი, რის გამოც რუსეთის იმპერატრიცას სწერდა:

"მუსტაფა იძულებული იქნება ხელი აიღოს ქართველ მზეთუნახავთა მფლობელობაზეო".

სამწუხაროდ, სოლომონ პირველის ღონისძიებებმა, სავსებით ვერ მოსპო ტყვეთა სყიდვა, რასაც ადასტურებს შემდეგი საბუთები:

1777 წელს, ხონის ეპარქიის ერთმა თავადმა, მერაბ ლორთქიფანიძემ, "პირობის წიგნი" მისცა მაქსიმე კათალიკოსს, რომელშიც ვკითხულობთ: "ტყვის გაყიდვისათვის გამიწყურით და კიდევ შემაჩვენეთ, მერე ის ტყვე თქვენი კაციშვილი იყო თეკლანელი, ამოვიყვანე და თქვენ მოგართვით და თქვენ კიდევ ტყვის გაუყიდაობის პირობა გვთხოვეთ... ჩემს სიცოცხლეში ქრისტიანი კაცისშვილი არ მივყიდო თათარს, არც სხვა ურჯულო კაცს" (ს. კაკაბაძე - "საეკლესიო საბუთები", წიგნი 2, გვ. 66-67).

ცხადია, ხარბ თავადს, კათალიკოსის საყდრის საკუთრება გაუყიდა და როგორ მოექცეოდა თავის, ან სახლიკაცის ყმებს გასაგებია.

ისევ ლორთქიფანიძეები, სვიმონი და ბუჭუა წაიკიდნენ. ბუჭუას სვიმონის 3 კომლი გლეხი ქაშიბაძე (ახალბედისეულიდან) გაეყიდა და უსირცხვილოდ ფიცულობდა არ გამიყიდიაო.

იგივე სვიმონი, ბუჭუას უჩიოდა: შენმა კაცმაო (ალბათ აზნაურმა ა.ფ.) გერბენელიძემ ორი ტყვე გამიყიდაო (გერბენელიძეები ძეძილეთ-გვაშტიბში სახლობდნენ ა.ფ.) ბუჭუა უსირცხვილოდ იფიცებდა, წილში მხვდა სახლიკაცისგან და ის გავეციო (ქართული სამართლის ძეგლები - ის. დოლიძის რედაქციით, ტ.4, გვ. 415-416 (1972 წ.)).

თავად იაშვილს, ახალბედისეულელი აზნაური მესხი უჩიოდა, ტყვეები გამიყიდეო, ფიცისკაცნი: ავალიანები კი ერთმანეთს აბრალებდნენ ტყვის გაყიდვას.

ფიცის კაცთა ნაწილი თვით ხონში ცხოვრობდა, ნაწილი კი მის ახლო-მახლო სოფლებში - სალორთქიფანიძოში (გვიშტიბი, ძეძილეთი, ცხენკური, წყალტუბო).

ქართული სამართლით, ტყვის გაყიდვა თათრებზე იყო აკრძალული, თორემ ქრისტიან თავადზე ტყვის მიყიდვა არ ისჯებოდა. ვახტანგ VI "სამართალი" იმერეთში შეძენილ ტყვეებზე მეფის სასარგებლო გადასახადს აწესებდა, ე. ი. ხაზინის შემოსავლის წყარო იყო.

და ამიტომაც, ტყვეთა სყიდვა არც მოშლილა XIX საუკუნის შუა

ნლებამდე.

სულხან-საბა ორბელიანს, ევროპაში მოგზაურობისას, უნახავს იმერეთიდან წამოყვანილი ტყვეები, რომლებიც ხოფას გავლით კონსტანტინეპოლის ბაზარში მიჰყავდათ გასაყიდად, მალტაზე კი იხილა თურქთაგან დახსნილი იმერელი, მეგრელი და აფხაზი ტყვეები.

1771 წლის ერთი საბუთით დგინდება, რომ ხონელი გაბრიელა ქუთათელაძე, თავის ბატონს, ჩიქოვანს გამოქცევია, რადგან მისთვის გაყიდვა დაუპირებიათ. ხონელი მთავარეპისკოპოსის მოთხოვნით, გამოქცეულ გლესს, თავდებად დაუდგა თავადი ბეჟან ლოლობერიძე და გაბრიელა ძველ ბატონს დაუბრუნეს პირობით: "რომ არც გაყიდვით, არც გაღარიბებით რამე ზარალი არ მოსვლოდა".

საპროტესტო აქციით, გაბრიელა ქუთათელაძემ, თავის ოჯახს ხელშეხლებლობა მოუპოვა.

ამ პერიოდს ეკუთვნის ზეპირი გადმოცემა, ჩანერილი ნიკოლოზ აბზიანიძის მიერ პატარა ჯიხაიში. თურქებს რამდენიმე ტყვე გაუტაცნია სოფლიდან, როცა მდევარი წაწევიდა, ერთი ბავშვი დაუგდიათ. ეს იყო იოანე ჩომახიძე, მთელს იმერეთში განთქმული მღვდლის, განმანათლებლის, ჯიხაიშის სასოფლო ბანკის და უფასო სკოლის (1848 წ.) დამაარსებლის ლუკა ჩომახიძის მამა.

ამავე სოფლის მკვიდრნი: ახალაძეები სოლომონ მეორემ და დედოფალმა მარიამმა დაიხსნეს თათრის ხელიდან და ხონის საყდარს გადასცეს.

1789-95 წლებში, როცა იმერეთის ტახტის ორი პრეტენდენტი ერთმანეთს ებრძოდა, დავით ნამეფარის მომხრე თურქებმა იმერეთიდან 17 ათასი ტყვე გაიტაცეს.

იოანე ბაგრატიონი აღნიშნავს, რომ იმერეთსა და სამეგრელოში ტყვეებს ჰყიდდნენ პირველი მოთხოვნილების საგნების შესაძენად.

1811-12 წლის ჟამიანობისას ბევრი ოჯახი გაპარტახდა. შიმშილისაგან დაუძღურებული მშობლები თავიანთ ერთ შვილს გასაყიდად იმეტებდნენ, რათა ანალები ფულით სხვები დაეხსნათ სიკვდილისაგან. იმერეთში ამ ორ წელიწადში, ტყვედ გაყიდულა 2000 სული.

ტყვეთა სყიდვა საბოლოოდ გადაეარდა, როცა რუსეთის ჯარებმა სოხუმი, ყულევი, ანაკლია და ფოთი გაანთავისუფლა თურქებისაგან. ამ მხრივ რუსეთის ღვაწლი მართლაც უდავოა.

## თავი მეთერთმეტე

### იმერეთის მეფეთა და ხონელ მთავარეპისკოპოსთა ბრძოლა სამონასტრო გლეხების და ქონების შესანარჩუნებლად

როგორც აღნიშნული გვაქვს, ხონი უძველეს დროს მცხეთელი მთავარეპისკოპოსის სახელოში, შემდგომში იმერეთის მეფეთა დომენში შედიოდა. 1529 წელს იმერეთის მეფემ და ბიჭვინთის კათალიკოსმა ხონელ მთავარეპისკოპოსად მანოელ ჩხეიძე აკურთხეს.

1570 წელს ხონის ჩრდილო-აღმოსავლეთი ნაწილი დავით ნულუკიძეს ებოძა.

1619-39 წლებში დასავლეთ საქართველოს კათალიკოსის, ცაიშელი, ჯუმათელი და ხონელი მთავარეპისკოპოსის სახელოები ერთდროულად ეჭირა მალაქია გურიელს.

XVI საუკუნის შუა წლებში, იმერეთის მეფის შეჭირვებული მდგომარეობით უსარგებლია თავად მერაბ ნულუკიძეს და თავისი ისედაც ვრცელი მამულებისათვის ხონიც მიუმატებია...

ხონელი მთავარეპისკოპოსები, იმერეთის მეფეთა დახმარებით პრინციპულ და ხანგრძლივ ბრძოლებს ეწევიან საერო ფეოდალებთან სამონასტრო გლეხების და ქონების შესანარჩუნებლად. ეს დაეა მთავარეპისკოპოსთა გარკვეული წარმატებით მიმდინარეობს რუსეთის მიერ იმერეთის დაპყრობამდე.

XVII საუკუნის შუა წლებში, მთავარეპისკოპოსმა სვიმონ ჩიჯავაძემ სანავარდოელი თავადაზნაურობა და გლეხობა დაავალდებულა ეხადათ "სამწყსო" გადასახადი.

მის შემდგომ მთავარეპისკოპოსს, სვიმონ ჩხეიძეს გამწვავებია ურთიერთობა ნამაშევ-მალაკ-ფარცხანაყანევის ბატონ ნიუარაძესთან, ამ უკანასკნელს ეპისკოპოსის მოხელე უცემია, სამონასტრო გლეხები შავლაყაძეები კი მიუთვისებია. საკითხი ფეოდალურ "სალმრთო სამართალს", ანუ ორთაბრძოლას

გადაუნყვეტია. ეპისკოპოსის ფალავანი ხახუტა გოგავა შებმია თავადის წარმომადგენელს და დაუმარცხებია.

შავლაცაძეები: ხატისა და ხონა თავიანთი ოჯახებით მონასტერს დარჩენია (ს. კაკაბაძე, "ხონის საყდრის დავთარი", 1913 წ. გვ. 17-20).

იმერეთის მეფის ალექსანდრე მესამის (1639-1660 წწ.) ერთი "წყალობის წიგნიდან" ირკვევა, რომ ამ პერიოდში პატარა ხონის მოსახლეობის უმრავლესობა საეკლესიო გლეხობა ყოფილა. უთხოვიათ მეფისათვის "სახონთქრო ხარაჯისაგან" გათავისუფლება, და მბრძანებელს მათი თხოვნა დაუკმაყოფილებია.

XVI საუკუნის შუა წლებში ხონში დიდი აურზაური გამოიწვია დავამ, სამონასტრო გლეხების ჭანტურიშვილების გამო.

როგორც ირკვევა, ისინი თავდაპირველად სამონასტრო საკუთრება ყოფილან. მათგან ნულუკიძეების ყმა - აზნაურებს ჭუბაბრიებს მისვლოდნენ (ე.ი. შეხიზნოდნენ). მაქსიმე მთავარეპისკოპოსს წინ ველარ აღუდგნენ ჭუბაბრიები და დაუბრუნეს საყდარს ყმები, მაგრამ ყმა-გლეხებზე ახლა პრეტენზია თავადებმა: ხოსია და მერაბ ნულუკიძეებმა განაცხადეს. როცა დავამ უფრო მწვავე ხასიათი მიიღო, მასში ჩაერია ბესარიონ კათალიკოსი და მამუკა ბატონიშვილი.

1755 წლის "შენირულების წიგნში" მამუკა ბატონიშვილი აღნიშნავს:

დავით ჭანტურიშვილი და ხუცესი გიორგი ძველადაც ხონის საყდრის მედროშე ყოფილა. უდროობაში სხვას ეჭირა და ახლა ისევ მონასტერს დაუბრუნეო.

1760 წელს უკვე ხოსია ნულუკიძის ნათესავმა, ქარჩაბის ბატონმა კაცია ნულუკიძემ და მისმა ვაჟებმა "საფიცარი წიგნი" მიართვეს მაქსიმე ხონელ მთავარეპისკოპოსს, რომ ჭანტურიშვილი მათ სახლიკაცს და მის ყმას ჭუბაბრიას ჰყოლოდა, საიდანაც წამოსულა და ისევ მონასტერს მინდობია. მაშინ ხონი მამუკა ბატონიშვილს სჭერია, რადგან მეფე სოლომონი თურქთაგან გაძევებული ყოფილა. თავადს ბატონიშვილისათვის 140 მარჩილი მიუცია, გლეხი კი მონასტრისათვის დაუბრუნებია მთელი მისი მრავალრიცხოვანი ოჯახით (ს. კაკაბაძე, "დას. საქართველოს საეკლესიო საბუთები", 2, 1921 წ. გვ. 173, 157-168, 38, 12-13).

ხანგრძლივი განამანია ჭანტურიშვილთა დასასაკუთრებლად დამთავრდა. ეს გლეხები შემდგომშიც მედროშედ ემსახურებოდნენ საეპარქიო ტაძარს, რაზედაც მიუთითებს ქუთაისის სახელმწიფო

მუზეუმში დაცული ამ საყდრის ბაირალი წარწერიანი ლენტით - "შემონირული ქანტურიშვილი".

ხონელ მეფის მსახურს, დათუნა ბახტაძეს, კმად ჰყოლია კვიცარიძე. 1764 წელს სოლომონ მეფეს და მარიამ დედოფალს ეს გლეხი მონასტრისთვის დაუბრუნებიათ. XVIII საუკუნის შუა წლებში, ხონის "ანჩისხატის სარგო" ხარბ ბესარიონ კათალიკოსს მიუთვისებია, მაგრამ იოსებ გაენათელის და მაქსიმე ხონელი მთავარეპისკოპოსის ენერგიული ჩარევით ეს შემოსავალი ისევ ეკლესიას გადასცემია.

1760-69 წლებში შედგენილი ერთი სიგელით, რომელიც სოლომონ პირველს ეკუთვნის, ხონის სამონასტრო გლეხები: რუხაძეები და კობეშავიძე, რომლებიც სხვებს ჰქონდათ მისაკუთრებული, ისევ მონასტერს დაბრუნებია. თავიანთ "პირობის წიგნში" გლეხები თავად განმარტავენ, რომ "წმიდის გიორგის ხონის შეწირული ვიყავით თქვენის მამა-პაპათაგან და თქვენის უდროობით და ჟამთა ვითარებისაგან გამობმული ვიყავით".

1762 წელს ყოფილი სამონასტრო გლეხები ბანძელ აზნაურებს გაბუნებებს მიეთვისებინათ. მთავარეპისკოპოსის თხოვნით, მეფე სოლომონმა ისინი მონასტერს დაუბრუნა.

ხონელი მთავარეპისკოპოსის მაქსიმეს თხოვნით, დიმიტა და ჯიხაიშის ნაწილის ბატონმა მამუკა ჩხეიძემ ხონის მონასტერს დაუბრუნა მითვისებული კუხელი გლეხები: ძალღუა და ქირშობელა ბალანჩივაძეები.

1761 წელს მეფე სოლომონ პირველმა დაათვალიერა ხონის მონასტერი, მოიკითხა საგადასახადო ნუსხები და უკმაყოფილო დარჩა, რადგანაც საბუთები წესრიგში არ იყო. ზოგიერთს დეკანოზმა ვერც მიაგნო. მაშინ მეფემ დიდი საეკლესიო კრება მოიწვია და ისევ აღადგინა ადათით დანესებული ნუსხები, ისე, როგორც ეს ჭყონდიდელის და გაენათელის სამწყსოში იყო. ისევ დაანესა "საეპისკოპოსო", "სახუცო", "საწირავი" და სხვა.

1764 წლის "შეწირულების წიგნით" სოლომონ მეფემ, ზემოთ დასახელებული გლეხი კვიცარიძე ისევ მონასტერს შეწირა და ახლა კი საბოლოოდ.

1767 წელს ხუტუნია გაბუნიას ჩამოართვეა (1626-28 წწ.) ლევან და დიანისაგან შემონირული გლეხის დედულია პაპავა შთამომავალი და ისევ

მონასტერს გადასცა.

1769 წელს მეფისა და მთავარეპისკოპოსის მოთხოვნით ზემოთ დასახელებულმა თავადმა მამუკა ჩხეიძემ ხელი აიღო ხონის სამონასტრო გლეხზე, მამისთვალა ბალანჩივაძეზე.

ძველ დროში, დადიანთა გვერდითი შტოს თავადს, ლიპარტიანს ხონის მონასტრისთვის შეუწირავს ხუნწმი მღებარე მამული "ნაკვარნახუ" და მასზე მსხდომი გლეხები დაუვალდებულებია ეხადათ საიჯარო გადასახადები მთავარეპისკოპოსისათვის. შემდეგ ეს მამულები რატომღაც (შესაძლებელია ჩიქოვანთა გადადიანების გამო) ლეხაინდრაოელ აზნაურებს, ხაინდრავებს, მიუსაკუთრებიათ.

1770 წელს მაქსიმე ხონელი მთავარეპისკოპოსი იწყებს დავას ამ მიწების კვლავ მონასტრისათვის დასაბრუნებლად.

"ნაკვარნახუს" პროფესორი ოლია სოსელია განმარტავს, როგორც "კვარნახიასეულს".

1763-69 წლებში სოლომონ პირველმა ხონელი გლეხები საბაზრო ბაჟისაგან გაათავისუფლა და ბაჟის აკრეფის პრეროგატივა მხოლოდ მთავარეპისკოპოსს დაუტოვა. შემდეგ ისევ დაუნიშნავს მეფეს მოურავი და მებაჟე, მაგრამ უკვე 1778 წელს უკვე საბოლოოდ მოუშორებია თავისი მოხელეები ხონისათვის.

1773 წელს სოლომონ მეფემ მსახურ ივანა ფარცხალაძეს ჩამოართვა ყმა-გლეხი, ბახტაძე ივანიკა და ის ხონის მონასტერს დაუბრუნა.

თუ ადრე ხონელი საეკლესიო გლეხები ალექსანდრე III "სახონთქრო გადასახადისაგან" გაანთავისუფლა, სოლომონ პირველმა ისინი "საუდიეროსგან" ანუ "საძალოდ სათხოვარისგანაც" შეუვალი გახადა და ამგვარად გაანთავისუფლა მთავარი სახელმწიფო გადასახადისაგან.

ხანდახან არა მარტო თავადიშვილები, თვით მონასტრის აზნაურებიც, უგულვებელჰყოფდნენ მთავარეპისკოპოსის უფლებას გადასახადზე.

აზნაური მახობა ქუთათელაძე ისე გაკადნიერებულა, რომ თავისი ყმები თვითნებურად გაუთავისუფლებია სამონასტრო გადასახადებისაგან.

ამის გამო მთავარეპისკოპოსმა ანტონმა უჩივლა მახობას. ეს უკანასკნელი გამტყუვნდა და როგორც ზევით დავინახეთ, მიეცა მთავარეპისკოპოსს "ხელადმქნელად" ე.ი. უფლებაშეზღუდულ აზნაურად

(ი. დოლიძე, - "ქართული სამართლის ძეგლები", ტ. 5, გვ, 669).

1790 წელს არქიეპისკოპოსმა ანტონმა, თავად ბეჟან წულუკიძეს ჩამოართვა და ისევ მონასტერს დაუბრუნა გლეხი გიორგელა ირემიძე.

1794 წელს მეფე სოლომონ მეორემ სიმონიკა, გიორგი და კიკოლა სანოძეები სახელმწიფო გადასახადებისაგან გაანთავისუფლა და მონასტერს დაუთმო.

ივანე სანოძე ამ დროს თავად წულუკიძეს გამოუწირავს ეკლესიიდან.

სოლომონ მეორეს ჩამოურთმევია გლეხი თაყადისათვის და ისევ მონასტრისთვის გადაუცია, რადგან ამის გამო მისთვის თხოვნით მიუმართავს ანტონ მთავარეპისკოპოსს.

1799 წელს ისევ მთავარეპისკოპოს ანტონის მოთხოვნით, ზურაბ მაჩაბელს ხელი აუღია სამონასტრო გლეხის, მახარობელ კვიცარიძეზე და ის მონასტრისათვის დაუთმია.

სოლომონ პირველის ბრძნული და მამაცური მმართველობის გამო, მოსახლეობამ ხონში მომრავლება იწყო. ახალ ფაზაში შევიდა დავა და ბრძოლა სახნავ-სათესი სავარგულების გამო.

"ადგილის ინროებისა" და "სხუათა შეწუხების" გამო აყრილი გლეხობა ხონიდან მიდის ძირითადად საპაიჭაოში, საჭილაოში, შუამთასა და ჭყვიშში. რამდენადაც ამის საშუალებას იძლევა შექმნილი მძიმე პოლიტიკური გარემოება, ხონის მთავარეპისკოპოსი ანტონი არ ჰკარგავს სამონასტრო გლეხებს.

ამ პერიოდის ერთი საბუთი ამბობს: "თქვენი ეკლესიის ყმანი განიბნენ, ზოგი ადგილის ინროებისათვის, ზოგი სხვადასხვა შეწუხებისათვის. ეს საქმე თქვენ ბატონ მეფეს მოახსენეთ. მეფემ ბოქაულები წარმოგზავნა აყრილი ყმების დასაბრუნებლად".

ასე დაუბრუნებიათ ხონიდან გაქცეული მახარობელ ჯიმშელეიშვილი.

ეს საბუთი 1802 წლით თარიღდება.

1803-11 წლებში ახალ ფაზაში შევიდა დავა ზემოთ დასახლებული მამულის "ნაკვარნახუს" გამო, მთავარეპისკოპოს ანტონსა და აზნაურ ხაინდრავებს შორის, რაც საბოლოოდ მთავარეპისკოპოსის გამარჯვებით დასრულდა.

1803 წელს სოლომონ მეორემ ხუცესი ტაბიძე და მისი სახლიკაცები



ჭყვიშში ჩასახლა, იქ, სადაც ყუმურის ღელე რიონს ერთვის, მაგრამ როგორც საეკლესიო გლეხები მონასტრის მიმართაც დაავალდებულა.

ისინი გალაქტიონ და ტიციან ტაბიძეების წინაპრებია.

ასე დასახლდნენ სანოძეები, რუხაძეები, ბახტაძეები და სხვები რიონის ქვემო წელზე მახლობელს სოფლებში.

დიდი ენერგია შეაღია ანტონ მთავარეპისკოპოსმა ბანძელ თავადებთან, ფალავებთან დავას, სამონასტრო გლეხების წიქვაძეების გამო. ეს პროცესი მიჰყავდა მთავარეპისკოპოსის წარმომადგენელს, საეკლესიო აზნაურს მახობა ქუთათელაძეს. დადასტურდა, რომ კუხში მცხოვრები ყველა წიქვაძე სამონასტრო გლეხი იყო, მათგან მხოლოდ ერთ კომლზე დასაბუთდა თავადის მფლობელობა.

1808 წელს თათრებზე გაყიდული ახალაძეები იმერეთის დედოფალს, მარიამს გამოუხსნია და ისევ მონასტრისათვის დაუმკვიდრებია.

1811 წელს თავადმა ვახუშტი ჩიჯავაძემ ვალდებულება აიღო, მის მამულში ჩასახლებული გლეხები ისევ ეკლესიის საკუთრება ყოფილიყო.

საქართველოში რუსული მმართველობის დამყარების შემდეგ, როგორც ზევით გვექონდა აღნიშნული, ხონის მთავარეპისკოპოსი თავგამოდებით იბრძოდა სამონასტრო გლეხების და ქონების შესანარჩუნებლად.



# თავი მეთორმეტე

## სოფლის მეურნეობა

ხონი და მისი მიმდებარე სოფლები, კლიმატურ-ნიადაგობრივი და რელიეფური თავისებურებებით, ძირითადად 5 მიკროზონად იყოფა. 1.სუხჩა-ძეძილეთის, 2.ხარაბოულ-დედალაურის, 3.მთა-ტყის, 4.მათხოჯი-პატარა ჯიხაიშის, 5.ხონის. ეს უკანასკნელი, ზღვის დონიდან 60-170 მეტრზე მდებარეობს.

ხონის მიკრორაიონი, ცხენისწყლის მარცხენა ვაკე დაბლობია. მასში შედის: კონტუათი, ივანდიდი, ქუტირი, გვაზაური და ხონი. ის ხასიათდება ალუვიური, მდელოს უკარბონატო ნიადაგით. ზოლად გასდევს მსუბუქი თიხნარი, ქვიშიანი კარბონატული ნიადაგები და ძალზე ხელსაყრელია ერთნლიანი კულტურებისათვის. ამ ზღვიურ დანალექებზე, გადაფარებულია მდინარეთა ღორღიანი დანაფენები (მ.ნადირაძე - "წულუკიძის რაიონის სოფლის მეურნეობა და მისი განვითარების პერსპექტივები"-სადისერტაციო ნაშრომის პირი, დაცული ხონის მუზეუმებში, ნომერი 130, გვ.8-9).

ნიადაგი ნოყიერია. სწორედ ამიტომ, ვაკე-იმერეთის მოსახლეობის ძირითად საქმიანობას მიწათმოქმედება და მეცხოველეობა წარმოადგენდა.

ძველი ბერძენი ისტორიკოსის ცნობით, რიონსა და ცხენისწყალს შორის მოქცეული ტერიტორია "მოხირისი," კოლხეთის საუკეთესო და უხმოსავლიანი მხარე იყო. განსაკუთრებით საინტერესოა სტრაბონის ცნობები, რომ კოლხიდაში ყოველგვარი ნაყოფი კარგი იცის, მხოლოდ თაფლია მწარე. ბევრი ტყეა, რასაც მდინარეებით ეზიდებიან და იყენებენ გემთმშენებლობისათვის. აქვთ სელი, კანაფი, და სხვა (ს. ყაუხჩიშვილი - "საქართველოს ისტორიის ბერძნული წყაროები", 1976 წ, გვ.143).

პროკოფი კესარიელის ცნობით, მოხირისში "ღვინოც კარგი მოდის და სხვა ნაყოფნიც იქ კარგად ხარობენ..." (ს.ყაუხჩიშვილი - "გეორგიკა," 1965 წელი, ტომი 2, გვ.194).

ასეთსავე ცნობებს გვანჯდის აგათია სქოლასტიკოსიც.

მეექვსე საუკუნეში ბიზანტიისა და სპარსეთის ომის დრო, ეგრისის

სამეფო ძალზე დაზარალებულა. მერვე საუკუნეში არაბთა, ხოლო შემდგომში თურქეთის ლაშქრობამ ქვეყანა განადგურების პირას მიიყვანა.

კონკრეტული, ფაქტობრივი საბუთები, მხარის სოფლის მეურნეობის შესახებ, მე-13-ე საუკუნის დასაწყისიდან გაგვაჩნია. ეს არის გელათის ტაძრის დეკანოზის, იაკობის 1202 წლის "შენიშვნების წიგნი," რომლითაც ხახულის ღვთისმშობლის ხატს სწირავს მაღლაკელ, ფარცხანაყანეველ გლეხებს და უწესებს: ზეთის, იფქლის, ფეტვის და ღომის გადასახადს.

საბუთში დასახელებული თავთავიანი კულტურები, დამახასიათებელია ვაკის ზონისათვის და ბუნებრივია, ხონშიც იქნებოდა გავრცელებული მაღლაკთან მისი სიახლოვისა და ბუნებრივი პირობების იგივეობის გამო.

მეთექვსმეტე საუკუნის საბუთების მიხედვით, იმერეთის სოფლის მეურნეობაში, პირველი ადგილი უჭირავს ღომს.

ღომის მოყვანა მეტად შრომატევადი იყო. მიწას ოთხჯერ-ხუთჯერ ხნავდნენ.

რბილი ნიადაგისა და ხშირი წვიმების გამო, არცთუ იშვიათად, მოსავალი იღუპებოდა. ღომს, სექტემბრის ბოლოს იღებდნენ. შრომატევადი იყო თავთავიდან მარცვლის გამორჩევა.

საბუთების გაცნობით დგინდება, რომ ხონში სხვა ფეტვეულიც ითვისებოდა.

არქანჯელო ლამბერტი გადმოგვცემს, რომ სამეგრელოში დიდ პატივს სცემდნენ მინათმოქმედებას. ძირითადი მარცვლეული ღომი იყო. გავრცელება დაუწყია სიმინდსაც. უცხოური პური იშვიათად შემოდის, ამიტომ ყურადღება გადატანილი იყო ღომის ექსტენსიურ მოყვანაზე. კაფავდნენ ტყეებს, აცლიდნენ ტოტებს, რომ ღომი არ დაჩრდილულიყო. პირველ წელიწადს ახოში ღომს თესდნენ, მეორე წელიწადს სხვა ფეტვეულს, შემდეგ პურს.

მარცვლეულის ჯიშთა სიმრავლეს ადასტურებს რუსი დიპლომატი ტოლოჩანოვი. (1650-1652 წწ). ის აღნიშნავდა, რომ იმერლებს მოჰყავთ: ხორბალი, მუხუდო, ჭვავი, ფეტვი, დიკის პური და ღომი.

ვახუშტი ბაგრატიონი წერს, რომ იმერეთში სთესენ: ხორბალს, ქრთილს და ღომს ფრიად მრავლად და გამოიზრდებიანცა მით (ვახუშტი

ბაგრატიონი - "აღწერა სამეფოსა საქართველოსი," "ქართლის ცხოვრება", ტომი 4, 1973 წელი, გვ.743-744).

გიულდენშტედტი, 1772 წელს, კარგად გაეცნო ხონს და ამიტომ მისი ცნობები საინტერესო და ზუსტია. ის აღნიშნავს, რომ ხონში თესენ: სიმინდს, შერიას, ფეტვს, ჯიქურას, პატარა ქვრიმას, დიდ ლომს, რომელიც მოჰყავთ დაბალ ადგილებში ("გიულდენშტედტის მოგზაურობა საქართველოში," 1962 წელი, გვ.152-153, 156-157, 295).

ივანე ჯავახიშვილის აზრით, სიმინდი, სამეგრელოში მე-17-ე საუკუნეში შემოსულა შავი ზღვის გზით და გაბატონებული მდგომარეობა დაუჭირავს მე-18-ე საუკუნის ბოლომდე.

წყაროების გაცნობით დგინდება, რომ მართლაც ღომი ყოფილა იმერეთის ვაკეში მთავარი მარცვლეული.

მკვლევარ ჯ.რუხაძეს, თავის ნაშრომში მოაქვს ლიტვინოვის (1804 წ.), მედიჩის (1819 წ.) და ჰაქსტჰაუზენის (1840 წ.) მონაცემები, რომლის მიხედვით იმერეთის მთავარ მარცვლეულ კულტურებად სიმინდი და ღომია დასახელებული.

იმერეთში ღომის 13 ჯიში არსებულა. უფრო გავრცელებული ყოფილა შემდეგი სახეობები: ნაყვალა, თეთრი, უსახელო წითელი, ბოყლა თეთრი, ჩაქურა, ხიტრი თეთრი.

ღომმა განსაკუთრებული როლი შეასრულა დასავლეთ საქართველოს დაბლობი სოფლების მემარცვლეულობაში და საუკუნეთა გამოცდას გაუძლო, რადგან ხელსაყრელ კლიმატურ პირობებში 1 კოდი სათესლე მარცვალი 40-ჯერ მეტ მოსავალს იძლეოდა.

ამასთან ღომი სოფლის მეურნეობიდან განიდევნა არა თავისი "უფარგისობის," არამედ შრომატევადობის, სიმინდის მოსავლის ბარაქიანობისა და სიცხე-წვიმების მიმართ შედარებით გამძლეობის გამო.

საქართველოში, კერძოდ იმერეთში, ღომი და ფეტვისნაირები უდებენ საფუძველს მარცვლეულ კულტურებს, ურწყავი მინათმოქმედების პირობებში, რადგან იმერეთში პირველი საირიგაციო სისტემა მხოლოდ მეცხრამეტე საუკუნის ბოლოს გაიყვანა ივანე შარაშიძემ და ნიკო ნიკოლაძემ.

მაგრამ იმერეთის ნოტიო პირობებში, ურწყავი მინათმოქმედება, სარწყავ მიწებზე ნაკლებ მოსავალს არ იძლეოდა.

ფეტვისნაირთა სიუხვე და საერთოდ, დაბალი ფასები მარცვლეულზე, განაპირობებდა მეცხოველეობის და მეფრინველეობის განვითარებას.

რაც შეეხება პურეულ კულტურებს, ხონში და მიმდებარე სოფლებში ის ნაკლებად ითესებოდა, სამაგიეროდ მისგან 4-8 კილომეტრზე: მათხოჯში, დალაურში, ნახახულევში, ახალბედისეულში, ტყაურში, ძეძილეაში, გვაშტიბში, ქუტირში, ჯიხაიშში, კუხში, მეცხრამეტე საუკუნის დასაწყისში ითესებოდა: მახა, კენტეხილა, ალაგ-ალაგ ხულუნგო და დიკი, უფრო იშვიათად ინქლი და ზანდური.

აღნიშნულზე ცნობები დაცულია ხონის მუზეუმშიც.

პურის სალენი კვერის რამდენიმე სახეობა არსებულა, ორი მათგანი ხონის მუზეუმშია დაცული, ერთი ქუტირში, ბატონ რაულ ჩხაიძის ოჯახში.

ხონის საბუთებში ბევრგანაა აღნიშნული მარცვლეული "ურიში." ის სწრაფად მზარდი, თავთავიანი კულტურა ყოფილა. შემოსულა აღმოსავლეთის ქვეყნებიდან. სიმაღლეში სწრაფვით, ბალახს ჯაბნიდა. ხარობდა ჭაობიან-შშორიან ადგილებში. იკეთებდა 5-10 ლეროს. მისგან მომლამო გემოს საჭმელი კეთდებოდა, ამიტომ ძირითადად ცხოველთა და ფრინველთა საკვებად იყენებდნენ. (ჯ.რუხაძე - დასახელებული ნიგნი, გვ.59-60).

ხონში არსებულა განვითარებული მეხილეობა-მებაღეობა. იმერეთის ბაღებში ტოლოჩანოვს (XVII ს.) უხილავს: ლობიო, კიტრი, კვახი, ხახვი, ნიორი და ცერცივი. ხილეულიდან: ყურძენი, კომში, ნარინჯი, ატამი, უნაბი, ბალი, ნიგოზი, ბჟოლა, ვაშლი, გულაბი, ჩვეულებრივი მსხალი, ქლიავი, შვინდი, ალუბალი, მოცხარი, ხენდრო, მაცვალი. (ნ.კიკვიძე - "მინათმოქმედება და სამინათმოქმედო კულტი," 1976 წელი, გვ.18-20).

ვახუშტის ცნობების თანახმად, იმერეთში "ხილნი მრავალნი არიან," რამეთუ ტყეთა შინა მრავლობს, ყოველნი. აქა არს ხურმა, ნაბლი, ვაშლ-ატამი ქართლზედ მეტი - აღნიშნავს "მტილოვანთა" სიუხვესაც.

1772 წელს აკადემიკოსმა გიულდენშტედტიმ ხონის ბაღებში ნახა: ლობიო, თამბაქო, ბოლოკი, კვახი, ჭიაფერა, ალისარჩული (აბრეშუმის შესაღები), ინა, (ფრჩხილებისა და თმა-წვერის შესაღები), კომბოსტო და ბოთლისებრი კვახი.

ტექნიკური კულტურებისაგან, ტოლოჩანოვის ელჩობისას ბამბა ცოტა მოჰყავდათ. შემდეგ მისი პლანტაციები გაზრდილა, რასაც ადასტურებს ვახუშტი ბაგრატიონი და გიულდენშტედტი.

XVII საუკუნის ბოლოს, ხონის საყდრის ყმები: გოფოძე, ლაითაძე, წიწვივაძე, ქიშმარელა, კოტიშაძე, ბახუტელა სალდაძე გადასახადებს 3-3 წერთა ტილოთი იხდიან. (ი.დოლიძე - "ქართული სამართლის ძეგლები," ტომი 3, 1970 წ. გვ.1073).

იმერეთის ელჩი, მაქსიმე ქუთათელი, რუსეთის მთავრობას უმტკიცებდა, რომ იმერეთში ბევრია ბამბა.

იმერეთი ხომ თურქებს ხარკის სახით ტილოსაც უგზავნიდა.

მე-18-ე საუკუნის ხონში, ბამბის დიდი პლანტაციები არსებულა, ხოლო მე-19-ე საუკუნის დასაწყისში ხონში ათასობით ფუთი ბამბა მზადდებოდა. ამას ადასტურებს დღემდე შემორჩენილი ტოპონიმები ხონში: "ნაბამბარი," "საბამბია," "ბომბები."

საკმაოდ ყოფილა განვითარებული მეცხოველეობა.

"საკათალიკოსო საყდრის დავთრით," მათხოველ გლეხებს აკისრია "ორი საკლავი საპურობო." რამდენიმეს ყოველ ორ წელიწადში თითო ძროხა, ხონელ საკათალიკოსო ათ კომლს, "ათის თეთრის საკლავი."

ხონის ეკლესიის საყმოს თითო საკლავი მართებთ, ხოლო ლიმონა ყლარტიშვილს, ფარცხალაძეს, მამისთვალა და ბასილა ბახტაძეებს, ნადეკანოზარს, ჯაველსა და მამფორიას (ზედა-ხუნწელებს) ორ-ორი.

ერთი საბუთის თანახმად, მათხოველ ბარაბაძეს, საყდრის ოთხი დიდი ღორი ემართა.

ტოლოჩანოვი წერს, რომ იმერეთში ბევრი ჰყავდათ: ძროხები, კამეჩი, ღორი, ცხვრები, ქათამი, იხვი, ბატი.

იმერეთის შესახებ ვახუშტი ბაგრატიონი წერს: "პირუტყვენი მძოვარ არიან ზამთარს-ზაფხულს, ფრინველნი ურიცხვნი."

გიულდენშტედტის ცნობით, იმერეთში მეცხოველეობა სუსტად არის განვითარებული ცოტა ჰყავდათ ცხენი, ცხვარი უჯიშო და უდუშო, სამაგიეროდ ღორი და ქათამი ბევრი, არ იცოდნენ კარაქი, ყველი უხარისხო იყო.

პირუტყვის სიმრავლეზე მიუთითებს ილორის წმიდა გიორგის ხონელი და კუხელი გლეხების ვალდებულება, რომლითაც, თითო კომლს, ერთი ძროხა და ორი ცხვარი ადევს გადასახადად.

მე-17-ე საუკუნის დასაწყისში, ხონის საყდარს შემოსდიოდა 98 ლო-

რი. 273 ქათამი და ათობით ცხვარი, რაც თავისთავად მეცხოველეობის მაღალ დონეზე მიუთითებს.

ცალკე აღნიშვნის ღირსია მევენახეობის მაღალი დონე, თუმცა ამ დარგის შე' ახებაც მწირი ცნობები გაგვაჩნია. სანდო წყაროები მხოლოდ მეთექვსმეტე საუკუნიდან გვაქვს. მაგალითად, ზემოთ დასახელებულ გოტი - რონტაძეს აკისრია 15 ლიტრიანი 13 კოკა ღვინო. მამუა ჭოლაძეს კი, რომელიც ნამაშეში ცხოვრობს 40 კოკა.

მე-17-ე, მე-18-ე საუკუნეებში, მათხოჯელ, კუხელ და ხონელ გლეხებს თითო კომლზე 10-15-20 კოკა ღვინო ადევთ ბეგარად.

"ხონის საყდრის დავთრის" მიხედვით, ნმიდა გიორგის ყმებს, კომლზე 15-30 კოკა ღვინო აკისრიათ.

დიპლომატმა ტოლოჩანოვმა, იმერეთის ბალებში ბევრი ვენახი იხილა.

შარდენის ცნობითაც, ვაკის ოლქში საუკეთესო ღვინოს აყენებდნენ. ამას ადასტურებს ვახუშტი ბაგრატიონიც.

გიულდენშტედტი წერს, რომ ხონის ბაზარზე ყურძენი ძალზე იაფი იყო.

ივანე ჯავახიშვილი აღნიშნავდა, რომ საქართველოს მევენახეობის ერთ-ერთი ცენტრი ქვემო იმერეთი იყო. ხონსა და მის სიახლოვეს ასახელებს ვაზის შემდეგ ჯიშებს და სახეობებს: აკიდოს, რკოს, საფერავს, ბუდეშურს, ადანასურს, მაღლარს, რცხილათუბანს, ჩხავერს, უფრო იშვიათი ყოფილა: კუნძა, მუშავაზი, ხარისთვალა, თეთრი ბუდეშური, ყურნითელა, მწვანე, არაბოული, შანთი, ნულუკიძის თეთრი, სამაჭრე, სამჭაჭა, ცოლიკოური, ციცკო, დონდლაბი. (ივ.ჯავახიშვილი - "საქართველოს ეკონომიური ისტორია," 1934 წელი, გვ.426-428, 432, 434, 435-437).

დონდლაბიდან ცუდი ხარისხის ღვინო დგებოდა, რაც დიდხანს არ დულდებოდა.

ამჟამად, ეს ჯიში ხონში არ არსებობს, მაგრამ ტერმინი დარჩა ცუდი ღვინის სინონიმად: "დონდლაბია," "დონდლაბივითაა," იტყვიან ხოლმე.

"სამაჭრესაგან" ძალზე ტკბილი ღვინო დგებოდა და დიდხანს არ დულდებოდა. მისი ტკბილის სენიორისათვის მიკითხვით განისაზღვრებოდა ძღვენის სახე-"სამაჭრობო."

"ნულუკიძის თეთრი," რაჭული ვენახის, ჯიშია და მისი გავრცელება

ქვემო იმერეთში უნდა უკავშირებოდეს თავად ნულუკიძეთა დასახლებას 1570 წლის შემდგომ პერიოდს.

ქვემო იმერეთში, ვაზის ექვსი ძირითადი ჯიში არსებობდა. ავადმყოფობა არ იყო და მოუვლელი, უბრალოდ, ხეზე აშვებული მცენარე, დიდ მოსავალს იძლეოდა. დაბლარ ვაზს კი წელიწადში სამჯერ თოხნიდნენ: მარტში, მაისში და იელისში. ხონის მეღვინეობის მასშტაბის შესახებ, ნათელ წარმოდგენას იძლევა დღემდე შემორჩენილი სამონასტრო მარნის ნაშთი.

ისტორიული კოლხეთის მეფუტკრეობის ყველაზე განვითარებული ნაწილი, ცხენისწყლის ხეობა ყოფილა. კოლხეთის მეფუტკრეობაზე ბევრს წერდნენ ანტიკური ხანის ავტორები. თუმცა აგათიას თქმით, კოლხური თაფლი მწარეა. | ალბათ ცაცხვის ყვავილობის ან იელის თაფლი აქვს მხედველობაში ავტორს.

არქანჯელო ლამბერტი აღნიშნავს, რომ კოლხური თაფლი საუკეთესოა მთელს დედამიწაზე (არქანჯელო ლამბერტი - "სამეგრელოს აღწერა," გვ.170, 194).

კ.ბოროზდინი, რ.ერისთავი, ჟ.მურიე საგანგებოდ აღნიშნავენ, რომ ენგურის, ტეხურის და ცხენისწყლის ხეობებში მისდევენ მეფუტკრეობას. სკები ხეებზეა მიკრული, თაფლის ფიჭს წელიწადში ერთხელ იღებენ. ზოგიერთ გლახს 100-150 სკა აქვს. ფუთი თაფლი 4-5 მანეთია, ხოლო ფუთი სანთელი 15 მანეთი (კ.ბოროზდინი, რ.ერისთავი, ჟ.მურიე - "ბატონყმობა სამეგრელოში," 1927 წელი, გვ.23).

ჩვენი საუკუნის 50-იან წლებამდე, ხონის რაიონის ცხენისწყლისპირა სოფლებში ათობით ტონა თაფლი მზადდებოდა ყველა სეზონზე.

ცხენისწყლისა და გუბისწყლის ხეობების მოსახლეობა უხსოვარი დროიდან ეწეოდა მეთევზეობა-თევზჭერას, თუმცა ამის საბუთები, მხოლოდ მეთევქსმეტე საუკუნიდან გაგვაჩნია. "ხონის საყდრის დავთრით," დედულისა ცოტაძეს, ტაბიძეებს, მაჭარაძეებს და კაკაბაძეებს, გადასახადად თევზი აკისრიათ.

ამავე დროს, აფხაზეთის კათალიკოსს, მათხოჯის, გვაზაურის და სხვა სასახლეების პერსონალში ჰყავთ მსახური - მეთევზე.

გვიან საუკუნეებში იმერეთში დიდ განვითარებას მიაღწია მეაბრეშუმეობამ, რაც ძველისძველი დარგი ყოფილა კოლხეთისათვის. ზემოთ-დასახელებული გელათის საყდრის დეკანოზის, იაკობის "შენიშნულების ნიგნში," ცალკე გამოსაღებია "საყაჭობო."



ამას გარდა, 1578 წლის ერთ საბუთში მოხსენებულია ხონელი - "ერთი პარტახტი, მებარეშუმე მახარა".

ამავე პერიოდში მათხოჯელ გლეხებს: სანდალა და ღვთისაგარა ბარაბაძეებს, ანანია და ივანა მელაძეებს და სხვებს მართებს - "თითო თეთრის საყაჭობო."

ნიკიფორე ტოლოჩანოვი საგანგებოდ აღნიშნავს, აბრეშუმში ყველა ოჯახში მოჰყავთ, მოსახლეობა იცვამს აბრეშუმის საცვლებს, ქსოვილს კი ყანაოზს უწოდებენო.

ვახუშტი ბაგრატიონი წერს, რომ იმერეთში მებარეშუმეობის განვითარებას ხელს უშლის ხშირი ჭექა-ქუხილი, რაც ჟღერს ჭიასო.

დიდ მეცნიერს მხედველობაში ჰქონდა ქართლისა და იმერეთის შედარებითი უპირატესობა, ეს რასაკვირველია ქართლის მხარეზე იყო.

იმერეთში რომ აბრეშუმის მოვლა და ძაფის დამზადება მაღალ დონეზე იყო, ამას ადასტურებს მე-17-ე საუკუნის მისიონერი, პიეტრო დელა ვალე, რომელიც წერს: "იმერეთის სამეფოს დიდი ვაჭრობა აქვს თურქეთთან აბრეშუმითა და სხვა საქონლით." (მანთაძე - "საქართველოს და თურქეთის ურთიერთობა მე-15-ე, მე-18-ე საუკუნეებში ნუმიზმატიკური მასალების მიხედვით," 1982 წელი, გვ.57).

მსგავს ცნობებს გვანვდიან სხვა საზღვარგარეთელი მოგზაურები და სწავლულები. მაგალითად, აკადემიკოსი გიულდენშტედტი აღნიშნავს, რომ ვაკის ოლქში მძლავრად არის განვითარებული მებარეშუმეობა, თუმცა სცდება, როცა წერს, რომ აბრეშუმის ქსოვილები მზადდება მხოლოდ ადგილობრივი საჭიროებისათვის. მან ხონის ბაზარში ბამბის ქსოვილები და აბრეშუმის ბუნებრივი საღებავებიც მოიხილა.

ეს საკითხი, ჩვენ სხვა ნაშრომში დეტალურად გვაქვს შესწავლილი, ამიტომ აქ მეტად არ შევჩერდებით, მოვიყვანთ, მხოლოდ მე-19-ე საუკუნის პირველი მეოთხედის მოგზაურის, კავალერ გამბას ცნობას, რომლის მიხედვითაც იმერეთში "საუცხოო და ბრწყინვალე" აბრეშუმს აკეთებენ.

მეცხრამეტე საუკუნეში კი ხონი საქართველოს მებარეშუმეობის ცენტრად გადაიქცა.

# თავი მეცამეტე

## საგადასახადო სისტემა

### ა) სამეფო (სახელმწიფო) გადასახადები

გადასახადთა სიდიდე განისაზღვრებოდა: სახნავ-სათესი და სავენახე ნაკვეთის სიდიდით, შრომისუნარიან მამაკაცთა რიცხვით, გამწვევი ძალის სიმრავლით და ა.შ.

ფეოდალურ საქართველოში, გადასახადთა სამი სახე არსებობდა:

- ა) ნატურალური რენტა,
- ბ) ფულადი რენტა,
- გ) შრომითი რენტა.

თავიდან, ერთი ნაშყვანი ადგილი ფულად გადასახადს ეჭირა. გვიან საუკუნეებში კი ნატურალური მეურნეობის განმტკიცებამ, ქვეყნის საგარეო და საშინაო პოლიტიკური და ეკონომიკური პირობების გაუარესებამ, ჩაკლა ფულად-სასაქონლო ურთიერთობა. ფული იშვიათი, ძვირი გახდა და მისი ადგილი, თანდათან ნატურალურმა რენტამ დაიჭირა.

მთავარი ადგილი, გადასახადებში დაიჭირა აგრესორი ქვეყნების მიერ დანესებულმა ხარკმა, რაც "საურის" სახელწოდებით იყო ცნობილი. ამ მხრივ, ის ხარაჯისაგან არაფრით განსხვავდებოდა და ჩვენში სათათრო ანუ საყაენო საური ერქვა (ვ.გაბაშვილი - "ქართული ფეოდალური წყობილება მე-16-ე მე-17-ე სს." 1958 წელი, გვ.252. იხილეთ მისივე "მახლობელი აღმ. ქალაქების ისტორიიდან," 1966 წელი, გვ.246).

მონღოლთა ბატონობის წლებიდან, საურს მეფე ჰკრეფდა და იხდიდა მშრომელი ქვედაფენები, საბატონო და საეკლესიო გლეხობა. იმერეთში ამ გადასახადს "სახვანთქროსაც" ეძახდნენ.

სოლომონ პირველის გამეფებამდე, იმერეთის სამეფო, თურქეთს ხარკად უხდიდა 300 ქისა ვერცხლს (ერთ ქისაში 30 თუმანი ან სამასი მანეთი იანგარიშებოდა). თვით საური, კომლზე 20 კაპიკს შეადგენდა. მასში, დამატებით შედიოდა კომლიდან თითო სახალათე ტილო და ტყვე ქალ-ვაჟთა გარკვეული ოდენობა, რასაც სახელმწიფო ფულის სამაგიე-

როდ იხდინდა.

შარდენის ცნობით, იმერეთის სამეფო თურქეთს, ხარკის ანგარიშში აძლევდა ყოველწლიურად 10-20 წლის 80 ქალ-ვაჟს.

ხონის საბუთებში დაცულია იმერეთის მეფის, ალექსანდრე III "წყალობის წიგნი," რაც ადასტურებს ხონელი მთავარეპისკოპოსის სამწყსოს ნაწილობრივ შეუვალობას.

დოკუმენტში აღნიშნულია:

"ხვანთქრის ხარაჯას იმერეთში მოკრებდიან, მოკითხული ვქენით და არ გარდახდებოდა ხონის ეკლესიის ყმას და (კიდევ) ხუთს კვამლს კაცს ილორის წმიდის გიორგის ყმას."

საბუთიდან დგინდება, რომ ხონის ეკლესიას, ჯერ კიდევ ალექსანდრე III გამეფებამდე მოუპოვებია გარკვეული შეუვალობა, რასაც ადასტურებს სიტყვები: "მოკითხული ვქენით და არ გადახდებოდა." მეფემ ძველი საბუთი დაამტკიცა, მაგრამ ხონელები მთლიანად არ გაუთავისუფლებია, რადგან სულტანი შემცირებულ ხარკს არ მიიღებდა, დანაკლისი მეფის ხაზინას უნდა აენახლაურებინა...

სოლომონ პირველმა 1754-68 წლებში, ხელმეორედ მიანიჭა ხონელებს საურისაგან ნაწილობრივი შეუვალობა.

სიგელში აღნიშნულია:

"ქმეფე სოლომონ გიბრძანებთ სულ ერთობით ხონელებო, ღმერთი მომიცემია თქვენთვის თავებდად, თუ დიდი თათრის ძალი და გადასახადები არ მომდგეს, წლეულს იქეთ, ჩემთვის საური თითო მარჩილის მეტი არ გადაგახდევინოთ." (ს.კაკაბაძე - "საეკლესიო საბუთები..." II გვ.36).

როგორც ვხედავთ, მეფე ვერც მთლიანად ათავისუფლებს ხონელებს საურისაგან, ვერც ამ გადასახადის საბოლოო ამოკვეთის გარანტიას აძლევს.

მეფე სოლომონ მეორემ (1790-1810 წწ), 1800 წლის "შენირულების წიგნით", ხონელებს დააკისრა საური მონასტრის ხარჯებისათვის.

გვიანდელი ცნობით, საური კომლზე 10 შაურს შეადგენდა და მას ყველა კატეგორიის გლეხობა იხდინდა. რუსეთისგან საქართველოს დაპყრობამდე კომლზე ის 2 მარჩილს უდრიდა.

მე-16-ე საუკუნის ბოლომდე იმერეთში დანესებულა გადასახადი "საუდიერო."

ის სამეფო გადასახადის ძირითადი სახე გახლდათ და კომლზე 2

ლორს, 2 ცხვარს, ან მათს ღირებულებას შეადგენდა. მე-19-ე საუკუნის დამდეგის ფასებით 2-3 ვერცხლის მანეთს შეადგენდა.

6.მახარაძის ცნობათა თანახმად, მე-19-ე საუკუნის დასაწყისამდე, საუდიეროს კრეფდნენ პროდუქტებით. თითო კომლზე 15 ბათმან ლომს, 40 კოკა ღვინოს, 20-25 კომლიდან ერთ მსხვილფეხა პირუტყვს (ნ.მახარაძე - "იმერეთის 1819-1820 წლების აჯანყება." გვ.40).

ხონელმა მთავარეპისკოპოსმა მეფეს სთხოვა ამ გამოსაღების ამოკვეთა. 1764 წლის სიგელში მეფე ბრძანებს:

"ქვეყნის ამის განსაცდელითა და შფოთთაგან უდროობით, ეკლესიისა შენისა შემომავალთა ერთა საუდიერო დასდებოდათ, ვინებეთ განთავისუფლება ყმისა თქვენისა... ამოგვიკეთია საუდიერო საძალოდ სათხოვარი ხონის წმიდა გიორგის ყმისათვის, რომ ჩვენგან არ ეთხოვებოდეს რა, თვინიერ დაჭირვება თუ რამე იქნეს მეპატრონისა"... (ს.კაკაბაძე - "საეკლესიო რეფორმისათვის სოლომონ I დროს," 1914 წელი, გვ.10-11).

ხელმწიფე, არც ამ "წყალობის წიგნით" ჰპირდება ხონელებს საუდიეროს სავსე ჰით ამოკვეთას. დასახელებული "დაჭირვება" კი არ აკლდა არც სოლომონს, არც შემდგომ მეფეებს.

ირკვევა, რომ საუდიეროს "საძალოდ სათხოვარსაც" უწოდებდნენ. ამისაგან იმერეთის მეფეს შემოსდიოდა 2902, 5 ფუთი ლომი, 1161 ფუთი ხორბალი და 1290 თუნგი ღვინო. რადგან ძლიერი თავადების მამული, საგადასახადო შეუვალობით სარგებლობდა, საურს ე.ი. სათათროს იხდიდა 1685 კომლი, ხოლო საუდიეროს ანუ სამეფოს მხოლოდ 430 (დ.ნაცვალაძე - "ილია ხონელის მოღვაწეობა და ლიტერატურული მემკვიდრეობა", დისერტაცია, ასლი ინახება ხმმ 1966 წელი, გვ.59-60.)

1792 წლის ერთი "წყალობის წიგნით" ცხადი ხდება, რომ მეფე სოლომონ მეორეს საურისა და საუდიეროსაგან გაუთავისუფლებია თავად ღოღობერიძის ივანდიდელი და ჯიხაიშელი ყმები. მათგან მხოლოდ 20 კომლი იხდიდა საუდიეროს და 10 კომლი საურს.

1798 წელს, ამავე გადასახადისაგან მეფემ გაანთავისუფლა ილორის საყდრის კუთვნილი ხონელი, 16 კომლი ჭავჭავნიძე და 5 კომლი კუხელი კაკაბაძე.

არსებობდა სამეფო გადასახადი "საცხხო." ის განკუთვნილი იყო იმერეთის გარნიზონებად მდგარი თურქული ციხიონების შესანახად, 1770 წლის შემდგომ კი ქართველ მეციხოვნეთათვის და კომლზე ორ

მარჩილს შეადგენდა.

"დრამის ფულს" მეფის მოურავები კრეფდნენ (ხონში აბულაძეები), როგორც გლეხობისგან, ისე აზნაურებისგან, სათავადოებში კი თავადები.

"მოდს და სამსახურს" იხდიდნენ სამეფო მიწებზე დასახლებული უმიწაყლო გლეხები, როგორც საიჯარო გამოსაღებს, მიწით სარგებლობისათვის. თუმცა ისინი ვალდებულნი იყვნენ ყოფილი მებატონის წინაშეც.

1802 წელს, მთავარეპისკოპოს ანტონ ჩიჯავაძის თხოვნით, იმერეთის მეფემ, ხონის ეპარქიის უმიწაყლო გლეხებს, მამულები უბოძა, "წულუკიდის საჩხეიძო მიწაზე, კონტუათის საზღვრიდან მეფის ნასასახლევამდის," აქედან შემოსავალი "მოდო," მან ეკლესიას შესწირა.

საიჯარო თანხა შემოდიოდა პროდუქტებით: ღომით, მჭადით, ხორციით, ღვინით.

ჭვიშში ჩასახლებული ივანდიდელი ტაბიძეები, მეფემ დაავალდებულა, რომ ყოველ "ამაღლება" დღეს, მის სადღეგრძელოდ ცხვარი დაეკლათ, გარდაცვალების შემდეგ კი მისი სულისთვის მღვდლებისთვის წირვა ეთხოვათ...

"სამოურავო" მეფის მოურავისათვის განკუთვნილი სარგოა. მე-19-ე საუკუნის დასაწყისში, თვითეული ხონელი, ქალაქის მოურავს, თავად სეხნია წულუკიძეს მიართმევდა ყოველწლიურად: კომლზე 4 ქათამს, 1 ბათმან ღომს, 2 თუნგ ღვინოს.

"ბაჟი" დანესებული იყო სამეფო ქალაქში გასაყიდად შემოტანილ საქონელზე და მას მეფის მოურავი კრეფდა.

თურქთა მძლავრობისა და სოლომონ I შეეწინააღმდეგების გამო, ბესარიონ კათალიკოსი (როსტომ რაჭის ერსთავის ძმა), გათამამებული და ხონი მიუსაკუთრებია (1763-1769 წწ) მეტიც, ზოგიერთი გადასახადი გაუდიდება კიდევც.

ხონელებს დახმარებისათვის სამეფო კარისათვის მიუმართავთ, რის გამოც მარიამ დედოფალს მათთვის "წყალობის წიგნი" უბოძებია:

"უამთა ვითარებისაგან გაგვიჭირდა და ხონი კათალიკოზმან დაიჭირა და ჩვენს ხელში რომ პირველთაგან ბაჟი იყო მიეთვისებინა, მარჩილის, ხორცის, თევზისა და მატყლის ბაჟი დაედვა თქვენთვის. შემოგვეხვენეთ და ვისმინეთ თქვენი შეხვენნა... სახასო ამ ეკლესიის ყმას მარჩილის, ხორცის, თევზის და მატყლის ბაჟი არ ეთხოვებოდეს."

(ს. კაკაბაძე - "საეკლესიო საბუთები.." II. გვ.39).

ჩვენამდე მოაღწია სოლომონ I 1778 წლის ერთმა სიგელმა, რომლითაც დგინდება, რომ სამეფო ხელისუფლებას ისევ დაუყენებია მებაჟე ხონის ბაზარში. შემდეგ ისევ მოუცილებია და ეს პრეროგატივა მთავარეპისკოპოსს გადასცემია.

ასე რომ, ხონი და ხონელები გარკვეულწილად საგადასახადო შეუვალობით სარგებლობდნენ.

## ბ) საკათალიკოსო გადასახადები

დასავლეთ საქართველოს კათალიკოსი, დიდი საჭეთმპყრობელი იყო და როგორც ქრისტეს მოსაყდრე, დიდძალ ყმასა და მამულს ფლობდა.

იურიდიულად ის სავსებით ხელშეუხებელი მღვდელთმთავარი იყო.

"აფხაზეთის საკათალიკოსო იადგარი," მეფის მიერ დამტკიცებული განჩინებით, განსაზღვრავს საკათალიკოსო გლეხების აბსოლუტური შეუვალობის უფლებას.

"მათ არც ბაჟი, არც გამოსაღები არას შეცოდებისათვის არ გარდახდებოდეს, კიდევან კათალიკოსისა."

მე-16-ე საუკუნის დასაწყისში, საკათალიკოსო საყდარს ხონში და კუხში 20 კომლი გლეხი ჰყავდა.

მეჩვიდმეტე საუკუნის დასაწყისში, "ბიჭვინთის იადგარის" მიხედვით საკათალიკოსო საყდარს მათხოჯში ჰყავს 40 კომლი ყმა, ხონს და კუხს 20 , ჯიგთუბანს 12, ჩუნეშში 10, გვიშტიბში 12, ივანდიდში სულ უკანასკნელი 5 კომლი მაინც, გვაზაურში 5 კომლი მაინც თუ იყო, სულ ჰყოლია 104 კომლი.

გრიგოლ კათალიკოსმა, თავად მიქელაძისაგან გვაზაურში რამდენიმე კომლი შეიძინა და მათი რიცხვი 16 გახდა. "ბიჭვინთის იადგარის" ცნობით, მე-17-ე საუკუნის ბოლოს და მეთვრამეტე საუკუნის დასაწყისში, იმავე კათალიკოსს, ხონის ეპარქიაში, ზემოთ დასახელებულთა გარდა, მათხოჯში ჰყავდა 50 კომლი გლეხი და 2 აზნაური რატიანი. ხონში 11 კომლი და 2 პარტახტი, ჯიგთუბანში და ჭაგანში 10, ივანდიდში 10, ჩუნეშში 10, კონტუათში 2, გვიშტიბში 12 (2 კომლი ნიჟარაძეს

მიუსაკუთრებია), ნამაშვეში 4, ბაკისუბანში გიორგაძეები, მაგრამ რამდენი კომლი წყარო არ მიუთითებს.

ასე რომ ვაკის ოლქში, ხონში და მის ახლო სოფლებში სულ კათალიკოსს 127-130 კომლი ყმა და აზნაური ჰყოლია.

კათალიკოსის წინაშე, ვალდებული იყო მთელი დასავლეთ საქართველოს თავადაზნაურობა და საყდრის კუთვნილი გლეხობა.

გარდაცვლილი თავადის ოჯახიდან, კათალიკოსს მიერთმეოდა "თავი ნიშანი," ანუ რჩეული ნივთები მისი ქონებიდან. თუ გაღარიბებულ ოჯახს ძვირფასი ნივთები არ გააჩნდა, სამაგიეროდ საკათალიკოსო საყდარს მიართმევდნენ რამდენიმე კომლ გლეხს.

ამირეჯიბის ოჯახი: 1616-20 წლებში, ანიკა ჩიჯავაძემ 1731 წელს, დადიანებმა (სოფ. უშაფათში) 1733 წელს, საკათალიკოსო საყდარს, ნიშნის მაგიერად, რამდენიმე კომლი გლეხი მიუძღვნეს.

კათალიკოსის დასტურის გარეშე არ შეიძლებოდა ეპისკოპოსის ხელთდასმა. მას ისევე მიართმევდნენ გადასახადებს, როგორც ეპისკოპოსს.

გრიგოლ კათალიკოსმა, 1712 წელს, მათხოველ გლეხებს ფულადი გადასახადი სანთლის გამოსაღებით შეუცვალა, ასევე კონტუათელ რუხაძეებს.

რამდენიმე მათხოველ კომლს, საკათალიკოსო საყდრის სასარგებლოდ აკისრია გადასახადი "საყაჭობო," ხონში ეს გადასახადი არ აღნიშნულა.

9 კომლი ხონელი გლეხი, კათალიკოსს უხდიდა თითო ურემ ლომს, თითო კოდ გაცეხილ ლომს, 90 მთელ (ალბათ ათლიტრიანს ა.ფ.) კოკა ღვინოს, 290 თეთრს, დამატებით 7,5 ურემ ლომს და 9 ნასუქ ქათამს.

ხონელთაგან 8 კომლს აკისრია "ხეში," ერთჯერადი, ხელით ნასაღები ძღვენი (ო.სოსელიას განმარტება).

## გ) საეპისკოპოსო გადასახადები

ხონელის კათედრის დაარსებიდან (1529 წ), ხონის მოსახლეობის უმრავლესობა მთავარეპისკოპოსის საყმო გახდა და მთავარი საბეგრო

გადასახადებიც მასთან შედოდა.

სოფლის მეურნეობის განხილვისას, აღნიშნული გვექონდა, რომ 1202 წლის გელათის წინამძღვრის იაკობის "შენიშნულობის წიგნის" მიხედვით სახეზე გვაქვს რამდენიმე სახის გადასახადი: "მოდის, იფქლი, ლომი, ფეტვი, და საყაჭობო." (ნ.ბერძენიშვილი - "საქართველოს ისტორიის საკითხები," 1964 წ, I, გვ.195-196).

მე-17-ე საუკუნის დასაწყისის ნუსხით, ხონელ მთავარეპისკოპოსს, მე-16-ე საუკუნის ბოლოს შემოსდის: 840 კოკა ღვინო და 2 ჭური, 501 კოდი ცხვილი ლომი, 98 საკლავი (ლორი), 273 ქათამი, 25 ურემი ლომი, 429 თეთრის თევზი, ყველი და საბატკობო, 42 ურემი თივა და შეშა, 25 კალათი სამეჯინიბო ურიში ან მჭადი.

პროფესორ სარგის კაკაბაძის გამოანგარიშებით, მე-16-ე საუკუნის ბოლოს, კომლზე მოდის 6,64 საკლავის ღირებულება. 50 კომლი ხონელი იხდის 649 კოკა ღვინოს, 25 ურემ და 480 კოდ ლომს, 246 ქათამს, ფულად-339 თეთრს და 1 ბისტს (ს.კაკაბაძე - "აფხაზეთის საკათალიკოსო გლეხების..," გვ.45, "ქართული სამართლის ძეგლები," ტომი III, 1970 წელი, გვ.480, ს.კაკაბაძე - "ხონი და ხონელის ყმები..," "საისტორიო კრებული," 1928 წელი, I, გვ.22).

ფულზე გადაყვანით, 25 ურემი ლომი უდრის 500 თეთრს, 480 კოდი ლომი 1584 თეთრს, 649 კოკა ღვინო, ამდენსავე თეთრს, 68 საკლავი 840 თეთრს, 246 ქათამი 172 თეთრს. სულ მთავარეპისკოპოსს შემოსდის 332 საკლავის ღირებულება, ანუ 4085 თეთრი.

ხონელთაგან 9 კომლს ხადილი (სადილი) ევალება, 2 კომლს სამასპინძლო. თითო სადილზე მოდიოდა 2 საკლავი, 1 კოდი ლომი, 4 კოკა ღვინო და შეიძლება 2 თეთრიც.

მთავარეპისკოპოსის ხონს გარეთ მცხოვრები გლეხები იხდიდნენ 98 თეთრს, 2 ჭურ, 5 მთელ, 12 მენახევრე და 139 კოკა ღვინოს, 12 კოდ ლომს, 5 საკლავს და 25 ქათამს.

მე-17-ე საუკუნის მეორე ნახევრისათვის, მწირი ცნობები მოგვეპოვება. ეს ძირითადად "შენიშნულობის წიგნებია." მეთვრამეტე საუკუნის პირველ ნახევარში ხონელ მთავარეპისკოპოსებს რამდენჯერმე გადაუწერიათ და გაუახლებიათ საგადასახადო ნუსხები.

მათ შორის:

1. "ხონის სანთლის ბეგარის განწესება, ძუელთა გუჯართაგან გადმონერილი."



2. "ძულთა გუჯართაგან დიდად შემცირებული და მოკლებული ლომის და ღვინის ბეგრები, ხონის წმინდის გიორგის შეწირულთა გლეხთა, ახლად განწესებული მოხელეთაგან და შეკრებილი."

3. "ძულთა გუჯართაგან დიდად შემცირებული და მოკლებული ღორის, ქათმის, ყუელის, კვერცხის და თუზის ბეგრები, ხონის წმინდის გიორგის შეწირულთა გლეხთა, ახლად განწესებული მოხელეთაგან და შეკრებილი" ("ქართული სამართლის ძეგლები," 3, 1970 წელი, გვ. 1072, 1074, 1082).

ამ საგადასახადო ნუსხების გადანერის მიზანი იყო ფულადი რენტის (რომელიც იკარგებოდა) ნატურალური გამოსაღებით შეცვლა.

სანთლის ბეგარა შემოიღო დიდმა მღვდელმთავარმა გრიგოლ ლორთქიფანიძემ 1696-1706 წლებში.

ნუსხების მიხედვით, ღვინის და ლომის ბეგრის გადამხდელია: ხონში 109 კომლი. ივანდიდში 9, კუხში 22, ვაკისუბანში 7, ღორის, ყველის, კვერცხის გადამხდელია ხონში 103 კომლი, ივანდიდში 9, კუხში 22 (ს.კაკაბაძე - "ხონი და ხონელის ყმები...", გვ.23).

მარტო საკლავი და ქათამი აკისრია 38 კომლს, 23 ხონელს, 9 კუხელს და 6 ვაკისუბნელს.

ლომის და ღვინის გადამხდელთა ნუსხა, ს.კაკაბაძის დაკვირვებით შედგენილია 1746-1750 წლებში, სანთლის გამოსაღების ნუსხა 1756-1760 წლებში, საკლავისა და ქათმის გადამხდელთა ნუსხა 1730-1740 წლებში.

1730-40 წლებში, ხონელს 134 კომლი ჰყოლია, 1746-50-იან წლებში 147, რომელთაგან ხონში ცხოვრობდა 109. სწორედ ესენი, ჩვენი გამოანგარიშებით მთავარეპისკოპოსს უხდიან 455,5 კვახ (გინა კოდ) ლომს. 636 კოკა ღვინოს, 80,6 მარჩილის და 25 შაურის ღორს, 125 ქათამს.

ხონის გარეთ მცხოვრები გლეხები, სარგის კაკაბაძის გამოანგარიშებით, არქიელს უხდიან 70 კვახ ლომს, 32 კოკა და 75 ცალი ღვინოს, 233,4 მარჩილის და 10 შაურის საკლავს, 32 ქათამს.

სულ სამონასტრო სანყოფში შემოდის: 591 კოდი ლომი, 795 კოკა ღვინო და 75 ცალი, 104,3 მარჩილის და 34 შაურის საკლავი, 157 ქათამი, 8 შამახური და 1 მარჩილის სანთელი. ფარცხალაძეები იხდიან 2-2 ფარას.

დასახელებული რაოდენობის ლომი ღირდა 91 მარჩილი, ღვინო 47,8

მარჩილი, 1 კოკა ღვინო იმ დროისათვის 2,25 ბისტი ღირდა, ქათამი 64,6 მარჩილი, საკლავი 82,8 მარჩილი, 1 სანთელი 1 მარჩილი. რამდენიმე კომლი იხდიდა 14-15 მარჩილის სანთელს. სულ სამონასტრო გლეხკაცობა 301 მარჩილის ანუ 400 საკლავის ღირებულებას იხდიდა.

მე-16-ე საუკუნის ბოლოს, ფულადი გადასახადი, კომლზე შეადგენდა საკმაოდ სოლიდურ თანხას. ახლა კი ამოდის ხმარებიდან. იმ პერიოდისათვის თუ ფული საერთო გადასახადის 8,3% იყო და კომლზე 6,64 ღორის ღირებულებას უდრიდა, მე-18-ე საუკუნის პირველ ნახევარში 3,7 საკლავის ღირებულებამდე დასულა.

კომლთა რიცხვი იზრდება, გადასახადები კი კლებულობს. ე.ი. ადგილი აქვს ხალხის გაღატაკებას.

საეპისკოპოსო გადასახადებში ერთი მთავარი ადგილი ეჭირა ბაჟს.

ბაჟის აკრეფის პრეროგატივა, მე-17-ე საუკუნიდან, ხონელ მთავარეპისკოპოსთა ხელში გადავიდა. 1750 წლის სიგელში, იოსებ მთავარეპისკოპოსი აღნიშნავდა:

"რაც ხონელ ეპისკოპოსად გვაკურთხა მეფე სოლომონმა და მარიამ დედოფალმა, ნახევარი ბაჟი მიბოძა და მე მის მეტი საძღვნო და ეკლესიის საკადრი ვერაფერი ვიგულებ და ამის გამო, თვინიერ მარილისა, მატყლისა, სუფრის იარაღის მეტი რაც მოვიდეს, წმინდის გიორგის ხონისას და შენს ეკლესიას შემოგწირეთ"-ო." (ს.კეკელიძე - "წერილები და მასალები საქართველოს ისტორიისათვის," 1914 წელი, I, გვ. 96-97).

ხონის ბაზრის საბაჟო შემოსავალი, მე-19-ე საუკუნის დასაწყისში წლიურად 50 ვერცხლის მანეთს შეადგენდა, რომლისგანაც 47 მანეთი მთავარეპისკოპოსს რჩებოდა, 3 მანეთი მეზაჟე აზნაურებს.

"მოდს" გარკვეული ადგილი ეჭირა შემოსავლებში, ის საიჯარო გადასახადია.

1803-11 წლებში მთავარეპისკოპოსმა საიჯარო მამულებზე მოსახლე გლეხებს, ხუნწში, "მჭადის გადასახადი" დაუნესა.

1802 წელს, სოლომონ მეორემ, ხონელი გლეხები სამეფო მიწაზე დაასახლა და სათანადო გადასახადიც დაუდგინა. ეს გლეხები ძველებურად უხდიდნენ გამოსალებს ყოფილ მეზატონეს, რასაც ადასტურებს სოფელ საჭილაოს მოურავის, ბაბუშია კორძაიას "პირობის წიგნი" ანტონ ხონელისადმი, შედგენილი 1810 წელსა.

ა. "თავი ბეგარა" მთავარეპისკოპოსის ყველაზე დიდი შემოსავალია. მასში შედის კომლიდან 5, 10, 20 კოკა ღვინო, 1-2 საკლავი, 2-4 კოდი

ღომი, 2 ქათამი, ურიში, შეშა, თივა."

ბ. "სამსახური" - გლეხი კვირაში 1-2 დღე მუშაობდა მონასტრის მამულში, ერთი დღე მოსავლის გალენვაში ეხმარებოდა ცალი ხარით. ზოგჯერ ერთი პირი მუდამ მონასტრის მამულში, ან სახლკარში მსახურობდა. ახლდა მთავარეპისკოპოსს ლაშქრობისას, მგზავრობისას, უზიდავდა ტვირთს. მე-17-ე საუკუნის დასაწყისში, ლაშქრობა და სამსახური ევალა ხონელის ეპარქიის 30 გლეხს. XIX საუკუნის დასაწყისში, არქიელს ორი შინაყმა ჰყავდა სახლში.

XVIII საუკუნის ბოლოს, სხვადასხვა ძღვენის გარდა, მთავარეპისკოპოსს სამონასტრო გლეხებისაგან მიერთმეოდა: 938 კოკა ლენო, 596 კოდი ღომი, 195 რუბის, 48 მარჩილის, 20 შაურის და 31 აბაზის ხორცი, 160 ფრთა ქათამი, 34 ჩარეკი და 6 მარჩილის სანთლის გული და ათობით ნყრთა ტილო.

ასეთი მდგომარეობა იყო მეთვრამეტე საუკუნის მეორე ნახევარში.

გ. "ნიშანს" იხდიდნენ თავადები და აზნაურები ეპისკოპოსის მიმართ, გარდაცვლილის სულის სახსენებლად. მას იხდიდნენ მკედარის რჩეული ტანცამლით, შეკაზმული ცხენით, თოფ-იარაღით, ძვირფასი ჭურჭლით და სხვა. ე.ი. ისეთი ნივთებით, რაც დაკავშირებულია მიცვალებულის ხსოვნასთან.

ეს გადასახადი იმ ეპოქის გამოძახილია, როცა მიცვალებულს რაიმე ძვირფასს ატანდნენ "საიქიოდ."

1761 წლის საეკლესიო რეფორმით, მეფემ დაადგინა "ნიშანი," "სახუცო" და "სამრევლო" გამოსაღები იმავე წესით და ოდენობით შეკრებილიყო, როგორც ეს იყო ჭყონდიდლის და ქუთათლის სამწყსოებში; ლორთქიფანიძეები, მიქელაძეები, ლოლობერიძეები და ხონელი ჩხეიძეები, ხოლო 1761 წ. წულუკიძეები ნიშანს მთავრთმევედნენ ხონელს (თავი ნიშანი კი კათალიკოსს ეკუთვნოდა).

1809 წელს, დიმიის და ჯიხაიშის ნაწილის მეპატრონეებმა ჩხეიძეებმა, "პირობის წიგნი" მიართვეს ხონელ მთავარეპისკოპოსს, მასში აღნიშნულია:

"უკეთუ მამაკაცი მიიცვალოს, ნიშნად მივართმევდით პირველს ტანისამოსს სრულებით და ლეკურსა და ცხენსა შეკაზმულსა, და უკეთუ დედაკაცი მიიცვალოს, მოვართმევდეთ ერთსა ხელს ტანისამოსს პირველსა, თავისითა მოსასხამითა და ერთსა თასს და უკეთუ აქვნდეს აზარფეშაც და თუნგიც და ტაშტიც." (ს.კაკაბაძე - "საკლესიო საბუთე-

ბი“).

საჩხეიძო ხონელის ეპარქიაში არ შედიოდა, მაგრამ XVI-XVIII საუკუნეში ქარჩხაბი, ჯიხაიშის ნაწილი და სანულუკიძო მათი ყოფილა.

1760 წლის სიგელში აღნიშნულია, რომ ქარჩხაბის ყოფილი ბატონი, ჩხეიძე მთავარეპისკოპოსს "ნიშანს" უკარგავს, ახლა სოფელი ნულუკიძეს უჭირავს და "ნიშანიც" მან უნდა მისცეს.

დ. "სამწყსო" - საეპისკოპოსო გადასახადია. იკრიბება ეპარქიაში შემავალ სოფლებში მცხოვრები თავადაზნაურებისგან და გლეხობისგან. მას იხდიდა ყველა სოციალური ფენა. 1819 წლის არასრული მასალებით მრევლი, 1224 კომლს შეადგენდა.

ე. "სახუცო გადასახადი," უნდა გადაეხადათ ეპარქიაში მცხოვრებ მღვდლებს. (თითოს ორი რუბი, ნმიდა გიორგის ხუცეებს, თითოს ორი თეთრი). ისინი ვალდებულნი იყვნენ ყოველ 2-3 წელში ერთხელ ემასპინძლათ მთავარეპისკოპოსისთვის. მიართმევდნენ აგრეთვე: 5 თეთრს ან კოკა ღვინოს, კოდ ღომს, თითო ქათამს, "თითო შექმნილ მჭადს."

მთავარეპისკოპოსი ან დეკანოზი ჩამოივლიდა საეპარქიო სოფლებს და კრებდა.

ვ. სანირავს, თითო შაურის პურს ან ღომს.

ყოველ მესამე წელიწადს, საეპარქიო გლეხები იხდიდნენ შაურს მთავარეპისკოპოსისათვის და შაურს ჯვარისმტვირთველისათვის.

ზ. ანჩისხატის სარგო ფულადი შესანირაავი იყო და ნაწილი ხატის გამომსვენებელს, ნაწილი საყდარს ეკუთვნოდა. ამ წილიდან 200 თეთრი მთავარეპისკოპოსის იყო. გამომსვენებელს ევალა, რამდენჯერმე გამასპინძლებოდა არქიელს.

მეთვრამეტე საუკუნის შუა წლებში, ეს გამოსაღები ბესარიონ კათალიკოსმა მიითვისა. მისი იმერეთიდან განდევნის შემდეგ, ანჩისხატის სარგო ისევ ეპისკოპოსს დარჩა.

თ. "საბატკობოს" იხდიდნენ ნაალღგომევეს, ერთი ან ორი ციკნით, ან 2-3 თეთრით. ჩვეულებრივ, ხონელს დაწესებული ჰქონდა გლეხებზე 3 თეთრი.

"აფხაზეთის საკათალიკოსო დავთრით," ხონელის საყმოს, მე-17-ე საუკუნის დასაწყისში "საყველიერო" და "საბატკობო" 429 თეთრს შეადგენს.

ი. საყველიერო, ეპისკოპოსისათვის დიდმარხვის ყველიერში

მისართმევი ძღვენია. "ხონის საყდრის დავთრის" მიხედვით, ის კომლზე განისაზღვრებოდა 30-40 კვერცხით, 30 იმერული ყველით და თევზით.

კ. "საპურობო" იგივე სამასპინძლოა. გლეხი მასპინძლობს, ეპისკოპოსს მისი სალით. ვალდებულნი არიან მრევლის ხუცებიც. "დავთრის" მიხედვით ხუცესი ქაცარავა მასპინძლობს მთავარეპისკოპოსს, ან ნაალდგონ მართმევს საბატკობო და საყველიერო გამოსალებს. დავთარი, მღვდლებს ავალდებულებს, ყოველ მესამე წელიწადს უმასპინძლონ ეპისკოპოსს. ასეთი ვალდებულება აკისრიათ ხუნწელებს: ჯაველსა და მამფორიას. ხონელს, მებუჯეს. საპურობოდ მართმევდნენ: ქათამს, 3 კოდ ღომს, 2 კოკა ღვინოს...

ხონელი გლეხებიდან, მე-17-ე საუკუნის დასაწყისში, 9 კომლი "მეხადილეა," "ხადილი" იგივე სადილია. მასში შედის 2 საკლავი, 2 ქათამი, 2 თეთრის თევზი, ყველი და კვერცხი. სადილი ორგვარი იყო: სახსნილო და სამარხვო.

ღ. "სამაჭრობო," ყურძნის მოწურვისას მისართმევი ძღვენია, თუმცა ღვინის გარდა მასში შედის: 2თეთრი (ფულად ან ნატურით), 4 ქათამი, 1 კოდი ღომი, 2 კოკა ღვინო.

მაგალითად, გლეხ ყუფარაძეს სამაჭრობოდ აკისრია: "4 ქათამი, 2 თეთრის თევზი, სამი კოდი ღომი, 2 კოკა ღვინო."

მ. "ძღვენი," ხონის საყდრის დავთრით, მხოლოდ ღანიერელ მემშვილდიშვილს აკისრია.

ნ. "სათევზებო"-ს გლეხები მართმევდნენ მთავარეპისკოპოსს. მეცხრამეტე საუკუნის დასაწყისში, როცა სანავარდო ხონელის ეპარქიაში შევიდა, იქაურმა აზნაურებმა კორძაიებმა, თვალთვაძეებმა და ჩიქოვანმა თითო ზუთხის გადასახადი იკისრეს მთავარეპისკოპოსის სასარგებლოდ, ხონელები ცხენისწყალზე თევზაობდნენ, ან ფულით იხდიდნენ ამ გადასახადს.

ო. "სანთლისბეგარა" მე-17-ე საუკუნის დასაწყისში, კომლზე თითო შაურს შეადგენდა, მე-18-ე საუკუნის შუა წლებში, მან მთლიანად შეცვალა ფულადი გადასახადი. კომლს დაეკისრა ერთი ჩარექი, ან ერთი შამახური სანთელი.

ამას, როგორც ზევით ავლნიშნეთ, ხონში მოჰყვა დიდი აურზაური 1795 წელს, მახობა ქუთათელაძესა და ეპისკოპოსს შორის.

პ. "საყაჭობო" გადასახადი, ძირითადად მათხოველ საკათალიკოსო საყდრის ყმებს და ერთ ხონელს-საქუთათლო საყდრის ყმას

"მეაბრეშუმე მახარას" აკისრია 1578 წლის საბუთით.

უ. "სამეჯინიბო" ეპისკოპოსის მეჯინიბეებისათვის განკუთვნილი სარგოა. მეთექვსმეტე საუკუნის დასასრულს, ხონელის 17 კომლს აკისრია. ის ერთ კომლზე 1 ურემი თივაა, დანარჩენებს ევალებათ 1 კალათი, ან 1 გოდორი სამეჯინიბო მჭადი. მთლიანად ეს გამოსაღები ეპარქიაში შეადგენს 25 კალათ მჭადს ან ურიშს, 42 ურემ თივას.

რ. "გიორგობა დღის შემოსავალი" - ნელინადში ორჯერ 22 აპრილს და 23 ნოემბერს იკრიბებოდნენ, რაც კი მეფისგან შემოვიდოდა - ხარი, ცხვარი, ფული და სხვა, სულ მთავარეპისკოპოსს რჩებოდა.

ს. "შმაგის შესანიარავი." წმიდა გიორგის სასწაულმოქმედ ხატს, მლოცველები თხოვდნენ გიჟის განკურნებას და სათანადო შესანიარს მიუძღვნიდნენ, რომლისაგან 80 თეთრი წელინადში მთავარეპისკოპოსს რჩებოდა.

ტ. "სახელოსნო", საეპარქიო მოხელე-მოურავის და მებაჟისთვის განკუთვნილი სარგოა. მეთექვსმეტე საუკუნის დასაწყისში, ხოჟინო კეთილადე და გიორგი ხუცესი ვალდებულნი იყვნენ ძღვენის მოტანისას ხელოსანიც მოეწვიათ.

უ. "საალაპო" - გლეხი შემომწირველისაგან დავალებულია, ალაპი გადაუხადოს და სანთელიც აანთოს მისი სულის საოხად, ალაპი მთავარეპისკოპოსს და დეკანოზს რჩებოდა.

მე-17-ე საუკუნის მთავარეპისკოპოსებმა ბასილ ჩხეიძემ და სვიმონ ჩიჯავაძემ მათ მიერ შემონირული გლეხები ალაპით დაავალდებულეს.

"საბაზიარო ქათმით" მარტო საქუთათლო გლეხი, გოტია ყრონტაძე ყოფილა დავალებული.

## დ) სახუცო გადასახადები

1761 წლის საეკლესიო რეფორმით, როცა ხონის შემოსავალ-გასავალი, ქუთათლისა და ჭყონდიდლის ეპარქიების მსგავსად განწესრიგდა, მრევლს დაევალა ყოველ მესამე წელიწადს, მღვდლის სასარგებლოდ, კომლისაგან მარჩილის გადახდა. მასვე მოსდიოდა საჩუქრები ქორწილის, ზიარების, აღსარების, წესის აგებისას.

მღვდელს გლახთაგან მიერთმეოდა ძღვენი, ყველა საღვთო დღესას-  
წაულზე.

მე-18-ე საუკუნის ცნობით, მრევლი მღვდელს მიართმევდა "სანი-  
რავს" კომლზე 1 შაურს.

"საქერიე ის" მღვდლის სასარგებლოდ იხდიდა ქერიეის ოჯახი, მისი  
მეორედ გათავების შემთხვევაში. ეს გადასახადი რუსეთის მთავრობამ  
გააუქმა 1818 აელს.

"საჩექმეს" იხდიდა ყველა ნოდება ქალიშვილის გათხოვებისას.

"გასამყრელო"-მიერთმეოდა მღვდელს ოჯახის გაყოფის შემთხვე-  
ვაში.

"სალაშქრო"-უხდიდნენ ომში მიმავალ მღვდელს ან ეპისკოპოსს.

გლახები იხდიდნენ სადეკანოზო სადილს. მაგალითად, ეპისკოპოსის  
აზნაური, მახარობელ ქუთათელაძე, დეკანოზს მოართმევს - ორ  
საკლავს, 2 თეთრის თევზს, ყველს, კვერცხს, ღომს და ღვინოს".

ხონის მონასტერში შემოსული ძღვენის უმრავლესობა  
მთავარეპისკოპოსის იყო, მაგრამ ყველა სადილზე მის გვერდით იყო  
მეორე პირი - საყდრის დეკანოზი.

## ე) საბატონო გადასახადები

სათავადაზნაურო გლახობის მდგომარეობა, გაცილებით მძიმე  
ყოფილა.

მათ საეკლესიო გლახებზე მეტად ემუქრებოდა სოციალური  
ბოროტება: ტყვედ გაყიდვა თურქებზე, გაჩუქება, მზითვად მიცემა,  
მოვალისათვის დათმობა, გაუპატიურება, აკლება და სხვა.

ბატონს შეეძლო ურჩი გლახი გაეროზგა, დაეპანღურებინა და ასე  
შემდეგ.

საბატონო გლახები, სამოურავო გადასახადსაც იხდიდნენ. მათი  
ერთი ნაწილი თავისუფალი არ იყო "საურისა" და "საუდიეროსაგან,"  
ასევე საეპისკოპოსო და სახუცო გადასახადისაგან.

ეს დასტურდება, თავად კაცია ნულუკიდის "წყალობის წიგნით"  
მამუკა რუხაძისადმი, რომელსაც "სადანაო" გადასახადი აკისრია

ბატონის მზარეულის სასარგებლოდ (იქვე, გვ.649, იხილეთ ნ. ბერძენიშვილი- "დოკუმენტები საქართველოს სოციალური ისტორიისათვის," II, 1953 წელი, გვ. 286-287).

ჩვეულებრივ, გლეხი ბატონს უხდიდა 20-30 კოკა ღვინოს, თითოს რვადოქიანს, 10 კოდ პურს (320 კილოგრამი) ხორცის საფასურად, 2 მანეთს საშობაოდ და 2 მანეთს სააღდგომოდ, წელიწადში 8 ქათამს, ქორწილისას 1 ძროხას, შობას 9 პურს და 1 ქათამს. მასპინძლობდა თავადის სტუმრებს, კვირაში 2 დღე ხარ-ურმით ეხმარებოდა, პურის გაღწევისას ცალი ხარით ნადობდა.

მე-19-ე საუკუნის დასაწყისში სანულუკიძეოელი გლეხი, ჯალალანია, თავად ნულუკიძეს უხდიდა 15,4 მანეთის სამსახურს. მასში შედის 1 ცხვარი, 8 ქათამი, 24 ჩაფი ღვინო, 16 ბათმანი ღომი, 3 ღორი და 1 მანეთი ფულად.

მარკოზ უგულავას ოჯახი, რომელიც 7 სულისაგან შედგებოდა (10 ქცევა სახნავი და 1 ქცევა ვენახი ჰქონდა), ფულზე გადაყვანით ბატონს უხდიდა 25,4 მანეთის გადასახადს. ნულუკიძის კუთვნილი კომლი, სულ იხდიდა 291,65 მანეთის გადასახადს.

გლეხი ვალდებული იყო, დღესასწაულებზე და ღვინოში თავადისათვის ეძლია-ძღვენი.

მინათმოქმედი იხდიდა "საბაზიარო ქათამს." ჩვეულებრივ, თავადი, მოცალეობისას ნადირობდა მეძებრებით და ქორ-შეგარდნებით. ამ ფრინველისათვის იყო განკუთვნილი დასახელებული გადასახადი. საქორე ქათმის მაგივრად, ხანდახან ბატონები ნასუქ ქათამს ("უღებს") ითხოვდნენ. ამ ნიადაგზე კონფლიქტი მომხდარა ხონში ბერი ნულუკიძის შთამომავალს, გიგო ნულუკიძესა და მის ყმას, ექვთიმე წვერაევას შორის, რადგანაც საქორეს მაგივრად, თავადმა ნასუქი ქათამი მოითხოვა. როცა უარი შეჰკადრეს, მათრახი უთავაზა გლეხს, ამან კიდევ ხელი შეუბრუნა, ექვთიმე მკაცრად დასაჯეს, მაგრამ მან უკანონო ანუ "უღები" არ იკისრა (ჩანაწერი ფაილოძისა - ინფორმაციური თომა წვერავა (1985 წ)).



# თავი მეთოთხმეტე

## ზომა-წონის საწყაოები

საქართველოში მარცვლეულისა და ღვინის მრავალგვარი საწყაო არსებობდა და სხვადასხვა კუთხეში, სხვადასხვა სახეობა იყო გავრცელებული.

ხონსა და მის ახლო-მახლო სოფლებში, საწეფო (სახელმწიფო), საბატონო და საეკლესიო გლეხებისათვის ზომა-წონის ერთეულები ერთნაირი იყო.

"ხონის საყდრის დავთარში," ღვინის საწყაოებიდან დასახელებულია: კოკა და "მრთელი კოკა." (გვ.5,7, 12).

"აფხაზეთის საკათალიკოსო გლეხების დიდ დავთარში," კოკის ტევადობის სინონიმად ყველგან ნახმარია ტერმინი - "მრთელი." მაგალითად: "მართებს ტოხვაშვილს 10 მრთელი ღვინო," "ქავზინაძეს 20 მრთელი ღვინო," "მაჭარაძეს 7 მრთელი ღვინო" (გვ.15). ამავე ძეგლის მიხედვით, ხონის სიახლოვეს, მათხოჯში, საკათალიკოსო საყდრის გლეხებს მართებთ "მრთელი კოკა ღვინო" (გვ. 12-13).

ხონელი გლეხების გამოსავლის ჯუმალში, საწყაოდ დასახელებულია "ჭური." თუ რამდენს იტევდა იგი გაუგებარია, რადგან სხვადასხვა ზომისა მზადდებოდა.

მე-18-ე საუკუნის პირველ ნახევარში შესწორებულ და შეესებულ ხონის საყდრის გამოსავლის ნუსხებში, ღვინის საწყაოდ, ჩვეულებრივ "კოკაა" დასახელებული.

იმერული კოკა იყო 6 ლიტრიანი, ათიანი, 11, 12, 14, 16, 20, 24 ლიტრიანი.

მაგალითად, ხონელ საქუთათლო საყდრის ყმას, გოტია ყრონტაძეს მართებს "ღვინო კოკა თხუთმეტიანი ცამეტი." ("ქართული სამართლის ძეგლები," ტომი III, 1970 წელი, გვ.317).

ტერმინი "მთელი კოკა" სრულ, დიდ კოკას უნდა ნიშნავდეს და მასში 15-16 ლიტრაზე ნაკლები არ უნდა ვიანგარიშოთ, შეიძლება 20 ლიტრაც.

პროფესორ სარგის კაკაბაძის დაკვირვებით, ჩვეულებრივი კოკა 9

ლიტრიანი ყოფილა, ექვთიმე თაყაიშვილის ცნობით 4 დოქიანი, გიულ-დენმტედტის ცნობით 6 დოქიანი (ს.კაკაბაძე, "ქართული მეტროლოგია"-საისტორიო მოამბე, 1925 წელი, I, გვ.65).

დოქში 2-3 ლიტრზე ნაკლები არ იანგარიშებოდა.

კოკის მაგივრად, ხანდახან "ფოხალსაც" იყენებენ. თუმცა მარცვლეულის და აბრეშუმის პარკის სანყაოდ უფრო იყო მიღებული. მეგრელები წყლის სათავსოდ იყენებდნენ და კოდის ნახევარს იტყვდა.

პროფესორ დარეჯან მეგრელაძის დაკვირვებით, ჩვეულებრივ, კოკა 10 ლიტრიანი ყოფილა, ლიტრაში კი 20-24 სტილს ანგარიშობდნენ (დ.მეგრელიძე - "გლეხთა კლასობრივი ბრძოლა...", 1979 წელი, გვ.77-79).

მე-18-ე საუკუნის საბუთებში დასახელებულია "75 ცალი ღვინო." სარგის კაკაბაძის აზრით, ტერმინ "ცალში" 6 კოკა იგულისხმება.

მე-19-ე საუკუნის დასაწყისში, ხონში და მის სიახლოვეს, ღვინის სანყაოდ "ჩაფიც" გამოიყენებოდა. მაგალითად, სანულუკიძოელ გლეხს, გოგია ჯალალნიას, ბატონის სასარგებლოდ მართებს "24 ჩაფი ღვინო."

იმავე აერიოდში, ხონის მოურავს, თითოეული კომლი უხდიდა 2 თუნგ ღვინოს, თუნგში 1 ლიტრა იანგარიშებოდა. სარგის კაკაბაძე წერს, რომ ტერმინი "ჩაფი" სომხურია და "ზომას" ნიშნავს. გიულდენმტედტი განმარტავდა, რომ იმერეთში ოთხი ზომის დოქი იყო ხმარებაში. ჩვეულებრივ ის ნახევარ ვედროს უდრიდა, კოკა კი, დოქს ანუ სამ ვედროს შეადგენდა.

მე-19-ე საუკუნის დასაწყისის ცნობით, დოქში 2,5 ლიტრი ჩადიოდა.

"ხონის საყდრის დავთარში," მარცვლეულის სანყაოდ მიღებულია "კოდი" და "ურემი." ასე მაგალითად: "მართებს მამსალა მებუკეს 6 კოდი ცეხვილი," (გვ.7) მიქელა გოგავას "5 კოდი ცეხვილი," დათვია სანოძეს "ერთი ურემი ღომი," ხუცეს ქაცარავას - "სამი კოდი ღომი," და ცალკე "ერთი ურემი ღომი." (გვ.13).

ურემი, ზომის ერთეულად დასახელებულია - "აფხაზეთის საკათალიკოსო დავთარში."

მართებს ნასყიდა ტაბიძეს "ერთი ურემი ღომი," ნასყიდა კაკაბაძეს "ერთი ურემი ღომი," მათხოჯელ გლეხთაგან, ზოგს აკისრია "ნახევარი ურემი ღომი" ( გვ.12-16).

"ხონის საყდრის დავთარზე" დართულ ერთ საბუთში, მარცვლეულის

საწყაოდ დასახელებულია "კვახი" ( გვ.20). ეს ტერმინი იხსენიება მე-18-ე საუკუნით დათარიღებულ ნულუკიძეთა ერთ სიგელში და ამავე საუკუნეში გადამუშავებულ ხონის გამოსავლის ნუსხებში. მათში ყველგან "კვახია" მარცვლეულის საწყაოდ გამოყენებული. ამ საწყაოთი იხდიან გადასახადს მეთვრამეტე საუკუნის 146 საეპარქიო გლეხი ("ქართული სამართლის ძეგლები," ტომი III, გვ.1074-1082).

განიხილავდა რა ქართულ მეტროლოგიას, პროფესორ სარგის კაკაბაძეს "კვახი" მიაჩნდა უძველეს საწყაოდ. ჩვენგან მიუღიათ სპარსელებს და "კოდი" შეურქმევიათ.

აქედან ახალი ტერმინი ჩვენში დამკვიდრებულაო.

სანულუკიძოელი გლეხები: ჯალალანიები, უგულავეები და ჩირგაძეები, თავიანთ ბატონს, ნულუკიძეს მარცვლეულს "კოდის" სამწყაოთი მართმევენ. იქვე განმარტებულია, რომ "კოდი" 4 ბათმანს შეიცავს.

მთიანი სოფლები, თავიანთ სენიორს, წელიწადში კომლზე 15 კოდ ხორბალს მართმევენ, ეს კოდი ხშირად 4, ზოგჯერ კი სამბათმანიანი იყო. ე.ი. ფუთნახევარს იტევდა.

როგორც აღინიშნა, კოდში 2 ფუთი, 4 ბათმანი, ბათმანში 8 კილოგრამი, ფუთში 16 კილოგრამი ჩადიოდა.

1760 წლის ნუსხაში, მარცვლეულის საწყაოდ დასახელებულია "კვახი."

1782 წლის საბუთებშიც "კვახია" დასახელებულია საწყაოდ და მასში ჩვეულებრივ კოდი, ანუ 2 ფუთი მარცვალი იანგარიშება.

მე-16-ე საუკუნის ერთ საბუთში, საწყაოდ დასახელებულია - "ლომი ურემი ერთი, საწყავი ხუთი, თორმეტ ჯამ შემავალი."

როცა ლაპარაკია ურემ ლომზე, ვფიქრობ მასში მხოლოდ გაუცხევაევი მარცვლეული იგულისხმება და ურემში 4 ფუთი, ანუ გაცხევილი 2-3 ფუთი მარცვალი იანგარიშება.

"ჯამი" სპარსულად ტერმინია და სითხის ჩასასხამს აღნიშნავს. თავდაპირველად ღვინის საზომი ყოფილა. მისი შესატყვისია ქართული ტერმინი - "ჭიქა."

გამოყენებული ყოფილა საზომად "ქილა," მაგრამ ხონის საბუთებში ის არ გვხვდება - 1800 წელს ხონში შედგენილ ერთ საბუთში, მარცვლეულის საწყავად დასახელებულია "კოთხო." კოთხომ მეოცე საუკუნის სამოციან წლებამდე მოაღწია. მასში 2 კილოგრამი მარცვალი

ჩადიოდა, 4 კოთხო - ბათმანს, 2 ბათმანი - ფუთს ანუ ნახევარ კოდს, გინდაც ნახევარ კვახს შეადგენდა.

რაფიელ ერისთავის ცნობით, აცეხრამეტე საუკუნის შუა წლებში სამეგრელოში მარცვლეულის საწყაოდ გამოყენებული ყოფილა "ქილა," მასში ორი ბათმანი, ნახევარი კოდი, ანუ ფუთი ჩანავალა. ბათმანის ტევადობას 4 კოთხოთი, 6 ოყათ, 4 ლიტრად განმარტავს პოეტი. ასე იქნებოდა: სუხჩაში, ნოლაში, დიდღვაბუნაში, ყუშკში, გორდსა და კინჩხაში.

მარცვლეულის საწყაოდ გამოყენებული ყოფილა "გოდორი," რაც დგინდება ხონის საყდრის დავთრითაც ( გვ.9-11).

ჩვენის აზრით, ეს საწყაო, გაუცეხვაფი მარცვლეულის საზომად გამოიყენებოდა.

"ხონის საყდრის დავთრის" მიხედვით, მთავარეპისკოპოსის ყმებს, თითო გოდორი სამეჯინიბო მჭადი მართებთ (17 კომლს). ჩვენ ვერ გავარკვეით, რამდენი მარცვალი ჩადიოდა გოდორში, რადგან ეს საწყაო დღემდე სხვადასხვა ზომის მზადდება: 1 ფუთიანი, 2 ფუთიანი, 2,5 ფუთიანი. ა.ა.ში 2-3 კალათა ჩადიოდა. კალათაც სხვადასხვა ზომისა იყო. საშუალო ზომის გოდორში 30 კილოგრამდე მარცვალი ჩადის. სამწუხაროდ, სადაც ტერმინი "გოდორია" ნახმარი, მითითებული არ არის, მარცვალი გაცეხვილი მიერთმეოდა სენიორს თუ გაუცეხვაფი.

როგორც ვნახეთ, ტერმინი "გოდორი," დასავლეთ საქართველოშიც იხმარებოდა. ამიტომ, ვფიქრობთ, სცდება განსვენებული მეცნიერი სარგის კაკაბაძე, როცა აღნიშნავს, რომ გოდორი მხოლოდ აღმოსავლეთ საქართველოსთვის არის დამახასიათებელი (ს.კაკაბაძე - "ქართული მეტროლოგია," გვ.80 "საეკლესიო მოამბე," 1925 წ. I).

მე-18-ე საუკუნის ხონის ნუსხებში, სანთლის გამოსაღების ოდენობად დასახელებულია "ჩარექი" და "შამახური." ჩარექში 5 სტილი იყო, სტილში 36 მისხალი, ლიტრაში ოთხი ჩარექი იანგარიშებოდა, "შამახურში" შამოხოელი უნდა იგულისხმებოდეს.

გიულდენშტედტის (1772წ.) ცნობით, ჩარექი უდრის 4 ქსანს, 2 ფუნტს ( ფუნტი ერთი გირვანქაა ა.ფ.) ანუ 1 ლიტრს, ის 4 ჩარექს, ანუ 8 ფუნტს. ე.ი. 3,2 კილოგრამია, 4 ჩარექიც იმავე წონისაა. ე.ი. ჩარექი 800 გრამია.

ხორცის ოდენობის განსაზღვრისათვის, მიღებული იყო "ტერმინი

საკლავი" და მასში 1 წლის ღორი იგულისხმებოდა. მათხოჯის ნუსხაში გადასახადის სახით გვხვდება ტერმინი "ნახევარი ძროხა," თუმცა ხონში ასეთი ტერმინი არ აღნიშნულა.

ხონის საბუთებში, ქსოვილის საზომ ერთეულად დასახელებულია ტერმინი - "მწყრთა" მასში 2 ადღზე (არშინია ა.ფ.) ნაკლები არ იქნებოდა... (ი.დოლიძე - "ქართული სამართლის ძეგლები," III, გვ.1073-1074).

მინის საზომ ერთეულად, მე-19-ე საუკუნეში, გამოყენებული ყოფილა ტერმინი "ქცევა." ხონში თვითეულ კომლს ხუთიდან ოც ქცევამდე მინა გააჩნდა.

1819 წლის აღწერით, 74 კომლი ხონელი გლეხიდან 16 სხვის მინაზე ცხოვრობდა, 6 კომლი, სხვის მინას იჯარით ამუშავებდა, 64 კომლს 105 ქცევა ვენახი ჰქონდა, და 1352 ქცევა სახნავი. ქცევაში 900 კვ. საჟენი ყოფილა, დღიურ სახნავში მისი ნახევარი ე.ი. 1800 კვ. მეტრი.

ასეთი იყო ძირითადი ზომა-წონის საწყაროები ქვემო იმერეთში.



# თავი მეთხუთმეტე

## გლეხთა კატეგორიები

საქართველოს არისტოკრატია, ჩვეულებრივ, ქვეყნის მართვას, თავდაცვას, განათლებას, კულტურას, სამართალს, საამშენებლო საქმიანობას ხელმძღვანელობდა.

გლეხთა წოდებას, არანაკლებ რთული ამოცანა - ქვეყნის მაღალი წოდებების და თავისი ოჯახის გამოკვება, არისტოკრატის და სამღვდელოების სამსახური და აგრესორი ქვეყნისადმი ხარკის გადახდა ეკისრებოდა.

გლეხთა კატეგორიები განიცდიდნენ მუდმივ ცვალებადობას. მეფის გლეხი, ზოგჯერ ეკლესიის ან თავადის საკუთრება ხდებოდა, ან თავადის კუთვნილი, საეკლესიო უწყებაში გადადიოდა. აქედან გამომდინარე, ყმა-გლეხობის სენიორთან დამოკიდებულების ფორმა იცვლებოდა და ის სხვა კატეგორიაში გადადიოდა.

ხონის გლეხთა კატეგორიების შესახებ, კონკრეტული საისტორიო საბუთები მეთექვსმეტე საუკუნის მეორე ნახევრიდან გაგვანჩნია.

ამ მხრივ, პირველხარისხოვანი ძეგლებია: "ხონის საყდრის დავთარი," "აფხაზეთის საკათალიკოსო გლეხების დიდი დავთარი," "დასავლეთ საქართველოს საეკლესიო საბუთების" პირველი და მეორე წიგნი, ისიდორე დოლიძის მიერ გამოცემული "ქართული სამართლის ძეგლები" და შალვა ბურჯანაძის "ისტორიული საბუთები..."

ხონელი მთავარეპისკოპოსის კუთვნილი 60 კომლი გლეხიდან, 35 კომლი მოინალეა (ნინალა სამსახურია, მეგრულად-მოინალე მსახურს ნიშნავს), მათგან ბეგარის გარდა სამსახურიც მართებთ. 15 კომლი მარტო მსახურია (6 კომლს ბეგარა და ხადილი მართებს, 9 კომლს ბეგარის გარდა სამსახური და ხადილი აკისრიათ). 2 კომლი მოინალეა და გადარიცხული არიან მსახურთა რიცხვში, თუმცა მთავარეპისკოპოსის და მისი ამაღლის მასპინძლობა აკისრიათ (ს.კაკაბაძე - "ხონი და ხონელის ყმები მე-16-ე, მე-17-ე ს.," "საისტორიო მოამბე," 1928 წელი, I, გვ. 20-22.).

ხონელ მთავარეპისკოპოსს, ამ დროს, აზნაურები არ ჰყავს, სამაგიეროდ 30 კომლს სამსახური და ლაშქრობა აკისრია.

სარგის კაკაბაძეს, სამართლიანად მიაჩნდა მოინალე გლეხები მსახურებად.

ამ პერიოდში ერთი მოინალე ქუთათელსაც ჰყავდა ხონში.

პროფესორმა ლევან მუსხელიშვილმა, უარყო სარგის კაკაბაძისეული კატეგორიების კლასიფიკაცია და წამოაყენა საკუთარი სქემა, თუმცა მასში, გლეხთა მთავარ ვალდებულად მიჩნეულია ბეგარა.

ამის მიხედვით, ხონელთაგან 30 კომლი მოინალეა, 1 სრული მებეგრე, 2 სამაჭრობოსა და საბატკობოსაგან თავისუფალი, 3 სამეჯინიბოსა და საბატკობოსაგან თავისუფალი, 4 თავისუფალი საბატკობოსაგან, სამაჭრობოსა და სამეჯინიბოსაგან, 2 დაბეგრილი მსახური, 2 საბატკობოს, საპურობოს და სამეჯინიბოსაგან თავისუფალი, 1 ბეგარა შეკვეცილი, 3 დაბეგრილი მსახური და 7 მეხადილე (ლევან მუსხელიშვილი - "დას.საქართველოს გლეხობის სოც. ეკ-რი კატეგორიები," ენიმკის მოამბე, ტომი 4-6, 1940 წელი, გვ.311).

აქ, შენიშენის სახით დავსძენთ, რომ ხადილი, არა შვიდს, არამედ 9 კომლს აკისრია.

ამრიგად, ორივე მკვლევარს მოცემული აქვს მებეგრე გლეხების შემდეგი კატეგორიები: მსახური, მოინალე, მებეგრე, მეხადილე.

ლევან მუსხელიშვილი გვთავაზობს შემდეგ სქემას:

1.გლეხი-1 მეტვირთე, 2.მომუშავე, 3.მონადე.

2. მსახური, ა) დაბეგრილი, 1.მეტვირთე, 2.მომუშავე, 3.მონადე, 4.მოსამსახურე, 5.მოლაშქრე ("ენიმკის მოამბე" ტომი 5-6, 1940 წელი, გვ.312). ბ) დაუბეგრავე, 1. მოსამსახურე, 2. მოლაშქრე.

მისგან განსხვავებით, სარგის კაკაბაძემ გაიზიარა რუსი მკვლევარის, ბოროზდინის კლასიფიკაცია და გლეხობა დაჰყო შემდეგ კატეგორიებად: აზატები, მსახურები, გლეხები, მოჯალაბეები (ს. კაკაბაძე, - "მასალები დას.საქართველოს სოც. და ეკ-რი ისტორიისათვის", "საისტორიო კრებული," 1928 წელი, გვ.312,1).

მკვლევარი მანანა სანაძე მეჩვიდმეტე საუკუნისათვის გამოჰყოფს:

1.მოინალეს, მეტვირთეს, მონადეს, მომუშავეს.

2. დაბეგრილ მსახურს, მეტვირთეს, მომუშავეს, მონადეს, მოსამსახურეს, მოლაშქრეს.

3. დაუბეგრავ მოსამსახურეს და მოლაშქრეს.

მკვლევარი ამჩნევს, რომ დაუბეგრავე მსახური და მოლაშქრე, შედარებით პრივილეგიური ნოდებებია (მანანა სანაძე - "გლეხობა დას. საქართველოში მე-15-ე მე-18-ე საუკუნეებში," 1979 წელი, გვ. 14-19).

"ხონის საყდრის დავთარის" თანადროული, "აფხაზეთის საკათალიკოსო გლეხების დიდი დავთარი"-ს მიხედვით, დასავლეთ საქართველოს კათალიკოს მალაქიას (ის ხონის მთავარეპისკოპოსიცაა) მოლაშქრე კაცთა სიაში შეყვანილია ხონელის კუთვნილი 30 კომლი გლეხი. მათ, მთავარეპისკოპოსის მხლებლობა და ლაშქრობა აკისრიათ. ამავე ძეგლის მიხედვით, კათალიკოსის კუთვნილ მათხოჯელ გლეხებში, 19 კომლი მსახური და 2 აზნაური რატიანია. თვით ხონში, კათალიკოსის კუთვნილი 11 კომლიდან, 6 კომლი (ჯიგთუბნელებთან ერთად) მსახურია. ივანდიდის 10 კომლიდან არ ვიცით რამდენს აკისრია სამსახური, ვაკისუბნელი გლეხებიდან - გიორგაძეებიდან ზოგი მსახური უნდა იყოს, ხოლო გვაზაურში მსახურებთან ერთად კათალიკოსის საყდარს ჰყავს ორი აზნაური-ხამაშურიძე და ბოლქვაძე - თავიანთი გლეხებით.

დასავლეთ საქართველოს კათალიკოს მალაქიას, ამ პერიოდში 503 მოლაშქრე ჰყავს (ს.კაკაბაძე - "აფხაზეთის საკათალიკოსო გლეხების დიდი დავთარი," 1914 წელი, გვ. 45-46).

"ბიჭვინთის იადგარში" კათალიკოსი ბრძანებს: "მათხოჯს სასახლე გამიკეთებია და შემიმკია... მეთევზეც დამიყენებიაო."

როცა ლევან დადიანმა, საკათალიკოსო საყდარს გადასცა ლალიძგას სასახლე და გლეხები, მათში 6 კაცი მეზროხეა, ორი კი მეთევზე.

მათხოჯელი და ლალიძგელი "მეზროხეები" და "მეთევზეები" აზატი გლეხებია.

მათხოჯის საკათალიკოსო გლეხთა ბეგარის ნუსხებზე დაკვირვებით, პროფესორმა სარგის კაკაბაძემ, "მესეფე," "მეზროხე," "მეურმე" და "ზატის კაცი," აზატ გლეხთა კატეგორიებად მიიჩნია და აღნიშნა, რომ მათხოჯლებიდან 21 კომლი მესეფეა, 3 მეზროხე, 2 კომლი მოჯალაბე, მათი უმეტესობა, ეკლესიისათვის საალაპედ შეწირული გლეხებია.

მრავალია დასახელებული "ხონის საყდრის დავთარში საალაპედ შეწირული გლეხები." მაგალითად: ბიჭუკა ტაბიძე, ხოჭინო კეთილაძე, ხატისა შავლაყაძე, რომლებიც სენიორებს ეკლესიისათვის მიუძღვნიათ,



"მათი სულის მოსახსენებლად."

საალაპედ შენირული გლეხების: ჭანტურიშვილის და გიორგი ხუცუსის სახელებს ვხვდებით 1755 წლის ერთ შენირულების წიგნში.

1805-1807 წლების სიგელებით შემონირულ გლეხებს, სამეფო საიჯარო მიწებზე დასახლებულ ხონელის ყმებს, მეფე და დედოფალი აკისრებს "ალაპს" და " უსისხლო ალაპს" (ე.ი. სამარხვოს).

უსისხლო ალაპი, ცხადია სამარხვო მოსახსენებელია.

საალაპედ შენირული გლეხები, ვალდებული არიან ყოფილი მეტატონის წინაშეც, საიჯარო (სამოდო) მიწაზე დასახლებისათვის მეფესაც ალაპს ჰპირდებიან. ამ კატეგორიის ხონის ეკლესიის ყმები აზატებია. მათ, მათხოველი გლეხებივით ლაშქრობაც აკისრიათ.

მანანა სანაძე, მათში გამოჰყოფს სამ კატეგორიას: მოსასახლე გლეხს, მოჯალაბეს და მოინალეს. ო.სოსელიას განმარტებით "წინალა" მეგრულად "სამსახურია," აქედან მოინალე იმერეთის სინამდვილეში, ტერმინმა "მესეფემ" დაიჭირა.

აკადემიკოს სიმონ ჯანაშიას დაკვირვებით, ტერმინი "მესეფე" ძველი წარმოშობისაა. თავდაპირველად გლეხები ჰყოლია სამეფო ოჯახს, რაც მუდგანდება ტერმინ "მესეფე"-ში. ეს უცხოური წარმოშობისაა და "მუშაობავალდებულს" აღნიშნავს (სიმონ ჯანაშია - "შრომები," 1949 წელი, გვ.162).

მასში ერთიანდებოდნენ სამეფო სასახლის (სეფე) კუთვნილი გლეხები.

მეჩვიდმეტე საუკუნის დასაწყისში აზატები მხოლოდ მათხოჯის ნუსხებში ჩანს ("მეზროხე," "მესეფე"). თუმცა თავი ბეგარას, ძროხის ნაცვლად ღორის ხორციით იხდიან. ისინი მსახურებია. გააზატების მთავარ პირობად მიჩნეულია "ღორის ბეგრის," ე.ი. ხორცის გადასახადის ამოკვეთა.

ფეოდალურ საქართველოში მცირედ, მაგრამ მაინც იყვნენ აზატები. გააჩნდათ საამისო სიგელი, ნაბოძები სენიორისაგან, რომლითაც განისაზღვრებოდა მათი შემდგომი ბეგარა და მოვალეობა. ამის შემდეგ ისინი თავისუფლდებოდნენ ძირითადი სახელმწიფო გადასახადისაგან.

გვიანდელი ცნობით, აღნიშნულის მიზეზი შესაძლებელია ყოფილიყო მეფისადმი თავგამოდება, მასთან დარაჯად (ქეშიკში) დგომა, ფარეშად ხლება, მეციხოვნეობა, თავგამოდება ბატონის სიცოცხლისა და ქონების

დასაცავად, რასაც ადასტურებენ იმერეთის სამეფოს ბოლო მდივანბე-გები.

ასე გაააზრატა მთავარეპისკოპოსმა, ბასილი ჩხეიძემ ხოყინო კეთი-ლაძე.

1807 წლის წყალობის წიგნით, იმერეთის დედოფალმა მარიამმა, გაააზრატა თავისი ფარეშები-ხონელი მამფორიები.

ასევე გააუზატებია დედოფალს ჯიხაიშელი ახალაძეები.

ეს გლეხები აზატებად - ანუ ბეგარაშეკვეცილ მეურნეობად იქცნენ. ერთ საბუთში დასახელებულია უფლებაშეკვეცილი აზნაური "ხელად-ქმნელი".

საერთოდ, მსახურთა რიცხვი საეპარქიო გლეხებში 15-20 % არ სცილდება. ეს გლეხობის პრივილეგირებული ფენაა, აზნაურზე დაბლა და გლეხზე მაღლა დგას. მისი საბატონო მოვალეობაა ლაშქრობა და მასპინძლობა, აგრეთვე შინაყმობა, სამსახური სენიორის კარზე, მისი გამასპინძლება 2-3 წელიწადში ერთხელ. იხდის საკლავს, ღმს, ღვინოს, ქათამს, ფულს, მაგრამ მაინც შელავათიანი გლეხია და იწყებს აზნაურთან მიახლოებას ("საისტორიო მოამბე," 1950 წელი, ნან.4, გვ.358).

გლეხს არ ჰყავდა ყმა, ხოლო ხონელ ზოგიერთ მსახურს ყმები ჰყო-ლია (ფარცხალაძეს და ბახტაძეს).

გლეხობის ყველაზე დაბალი კატეგორია იყო მოჯალაბე. მოჯალაბე იყო ბატონის ოჯახში დაბადებული შინაყმა, არც სახლი ჰქონდა, არც ნადელი, არც პირუტყვი ჰყავდა. მისი მოვალეობა იყო სამძიმო და სათაკილო საქმეების შესრულება, სენიორის სასახლეში: შეშის დაჩეხვა, პირუტყვის მოვლა, ეზოს დასუფთავება, მზარეულობა.

საბატონო გლეხები აძლევდნენ სენიორს ფარეშს, ჩვეულებრივ 14-15 წლის ვაჟს ან ქალს და ისინი ბატონის ხელზე მოსამსახურენი ხდებოდნენ (რ.ერისთავი, კ.ბოროზდინი, ყ.მურიე - "ბატონყმობა სამეგრელოში," 1927 წ, გვ.56-68. ყურნალი "მოამბე," 1900 წ. №4, გვ.19).

მეცხრამეტე საუკუნის დასაწყისში, ხონელ მთავარეპისკოპოსს, თავის სასახლესთან ორი მოჯალაბე ჰყავდა ("ჯალაბი" უცხოური ტერმინია და მეოჯახეს ნიშნავს) ფარეში ჩვეულებრივ, ყველა თავადს და შეძლებულ აზნაურსაც ჰყავდა. მარტო ეპისკოპოსთან მათ ვერ ვხედავთ. ალბათ ამ ფუნქციებს მორჩილნი ან ბერები ასრულებდნენ.

ყოფილა ისეთი შემთხვევები, როცა გლეხები ყველაზე დაბალი კატეგორიიდან-მოჯალაბეობიდან, "ამალლებულა" და მებეგრე გლეხის ფუნქცია დაჰკისრებიათ.

ამას ადასტურებს ჯიხაიშის ბატონის, სვიმონ ლოლობერიძის 1823 წლის "წყალობის წიგნი" კიკაჩიშვილების მოჯალაბეობიდან განთავისუფლებისა და ჯამბურისა გაპარტახებულ ნადელზე დამკვიდრების შესახებ. ეს არის არაფრისმქონე გლეხის წვრილ მეურნედ გადაქცევის შემთხვევა (ნ.ბერძენიშვილი - "დოკ.საქართველოს სოც.ისტორიიდან," 1953 წელი, ტომი II, გვ. 297-298).

გარკვეული სამსახურის საზღაურად, მებატონე გლეხს ბეგარას უმცირებდა, როგორც გააკეთა კაცია ნულუკიძემ მამუკა რუხაძისადმი. გაუნახევრა ბეგარა და გახადა მსახურად.

ასე ეცვლებოდა შინაარსი და ფორმა საუკუნეთა განმავლობაში დამოკიდებულ გლეხთა კატეგორიებს, რაც მათს სხვა კატეგორიებში გადარიცხვას მოასწავებდა.

აბატი, თუმცა პირადად თავისუფალს ნიშნავს, მაგრამ ეს კატეგორია სავსებით დამოუკიდებელი არასოდეს ყოფილა. ხონის სინამდვილეში, ისინი ნაწილობრივ თავისუფალნი არიან, ოღონ სხვა სახის სამსახური აკისრიათ.

მეთვრამეტე საუკუნის ერთ სიგელში, რომელიც ალექსანდრე მეხუთემ გასცა, დასახელებულია ტერმინი "კარგი გლეხი."

პროფესორი როინ მეტრეველი აღნიშნავს, რომ "კარგი გლეხი," "დიდ გლეხს," პირველ კაცს აღნიშნავს. შინაარსობრივად ის სრულფუძიან, სრულნაკვეთიან მეურნეს ნიშნავს, რომელსაც სახნავეც საკმაოდ აქვს, ვენახიც, გამწვევი ძალაც და ფრინველი.

"კარგი გლეხის" კატეგორია ხონსა და მის სიახლოვეს მრავალი დასტურდება, განსაკუთრებით მეცხრამეტე საუკუნის დასაწყისამდე, მანამ საგრძნობი გახდებოდა მცირემინიანობა. 1730 წლის სიგელით, როგორც ზევით გვქონდა აღნიშნული, პატარა კუხელები 6 კარგი გლეხი კაკაბაძე ალექსანდრე V - ილორის წმიდა გიორგის საყდარს შესწირა. ისევ მეთვრამე-მეცხრამეტე საუკუნეთა მიჯნაზე, უკვე ცალკე წოდებად ყალიბდება ვაჭრები და ხელოსნები. პრინციპში, ისინი ყმა-ვაჭრები და ხელოსნები არიან, რომლებსაც სენიორთა ნებართვით, უფრო ხელსაყ-

რელი სამსახური უშოვიათ და ახალი შემოსავლით უხდიან ბატონს გადასახადს.

ამას ადასტურებს ხონელი აზნაურის ვახტანგ ჯაფარიძის სიგელი, რომლითაც ნებას რთავს თავის ყმას, ივანე ბურდელაძეს - გაერთიანდეს ხონის ვაჭართა საზოგადოებაში.

მეცხრამეტ საუკუნის დასაწყისში, ხონის ვაჭართა და ხელოსანთა რაოდენობა უკვე 80-ს აღწევს (დ.იობაშვილი - "დას.საქართველოს ქალაქები მე-19 ს. რეფორმამდელ პერიოდში," 1983 წელი, გვ. 115-129).

ამრიგად, დასკვნის სახით შეიძლება ითქვას, რომ მოსახლეობის პრივილეგირებულ ნოდებას ხონში და მის შემოგარენში, ისე როგორც მთელს იმერეთში შეადგენს თავადაზნაურობა და სამღვდელოება. მათ, სამეფო კართან ერთად გააჩნიათ გლეხთა შემდეგი კატეგორიები:

საეკლესიო უწყებას:

ა. აზნაური-მსახური და აზნაური "ხელადმქნელი," ანუ უფლება-შეზღუდული აზნაური.

ბ. მონალე (მსახური და მოლაშქრე) მეხადილე, ბეგარაშეკვეცილი გლეხი და "კარგი გლეხი" (ილორის საყდრის საკუთრება).

გ. სრული ბეგრის გადამხდელი და მოჯალაბე (ფარეშთან ერთად). მეფესა და მის მოხელეებს ხონში ჰყავთ:

ა. მსახურნი (აზნაურიც და გლეხიც).

ბ. შინაყმა (ფარეში და მოჯალაბე).

გ. მებეგრე (მონადე, მომუშავე, მეტვირთე).

დ. აზნატი-ბეგარაშეკვეცილი და ბეგარაამოკვეთილი.

სამივე უწყებას, მართალია ჰყავს ხონში გადამხდელი გლეხები, მაგრამ მეფის საკუთრება შედარებით მცირეა. მეტია საეკლესიო და მოხელეთა გლეხები.



ხონის ტაძრის დასავლეთი ფასადი და სამრეკლო.



ხონის წმიდა გიორგის საყდარი. აღმოსავლეთი ფასადი, წარწერებიანი.



ხონი. მაცხოვრის ხატი (ანჩისხატი).



წმიდა გიორგის ხატი. 1636 წ.





ღვთისმშობლის მიძინება. ანჩისხატის მაცხოვრის ხატის  
კარედის მოჭედულობის დეტალი. XVII ს.




ზონის ეკლესიის წმიდა გიორგის ხატი. XIV ს.



თამარ მეფის ნარნერა ხონის ეკლესიიდან:

“ნმიდაო გიორგი მეობ ეყაებ ცოდვილსა თამარს შვილსა და ძესა მასსა, მის ქალს”.




გიორგი II. (912-957) წარწერა ხონის ეკლესიიდან:  
"წმიდაო გიორგი შეიწყალე გიორგი კურაპალატი და იოვანე"



იოანე ნათლისმცემლის და გაბრიელ მთაწარანგელოზის ფრესკა  
(ვედრების დეტალი) ხონის საყდრიდან. XVII ს.



უძველესი კლდეში ნაკეთი სამარხები სოფელ კინჩხაში.



სოფელ ლვედის ციხე-კოშკი.



გორდი დადიანთა სასახლე. 1918 წლის ფოტო.





ნოლის ციხე (უკიმეროზი). VI ს.



სოფელ ქუტირის ეკლესია.



სოფელ პატარა ჟიხაიშის ეკლესია.



უძლოურის (ახალბედისეულთან) მაცხოვრის ამაღლების ეკლესია. XIX ს.

## შინაარსი

|                                                                                                                        |     |
|------------------------------------------------------------------------------------------------------------------------|-----|
| 1 რედაქტორთაგან                                                                                                        | 3   |
| 2 ავტორისაგან                                                                                                          | 5   |
| 3 ავთანდილ ფაილოძე                                                                                                     | 7   |
| 4 თავი პირველი - ხონის მიდამოთა ისტორიულ-კულტურული მიმოხილვა                                                           | 11  |
| 5 თავი მეორე - ხონის სახელწოდების შესახებ                                                                              | 23  |
| 6 თავი მესამე - ხონისა და ჰონოგურისის სხვადასხვაობის შესახებ                                                           | 27  |
| 7 თავი მეოთხე - ხონი ფეოდალურ ხანაში                                                                                   | 33  |
| 8 თავი მეხუთე - იმერეთის სამეფოს გაუქმება და ხონი                                                                      | 58  |
| 9 თავი მეექვსე - ხონის მონანილეობა იმერეთის 1819-1820 წლების აჯანყებაში                                                | 65  |
| 10 თავი მეშვიდე - არქიეპისკოპოსი ანტონ ჩიჯავაძე სამონასტრო და კულტურული ცხოვრების ხელმძღვანელი                         | 71  |
| 11 თავი მერვე - ხონის ბაზარი, ვაჭრობა და ხელოსნობა                                                                     | 88  |
| 12 თავი მეცხრე - მოსახლეობა და გვარები                                                                                 | 104 |
| 13 თავი მეთათე - ტყვეთა სყიდვა ქვემო იმერეთში                                                                          | 127 |
| 14 თავი მეთერთმეტე - იმერეთის მეფეთა და ხონელ მთავარ-ეპისკოპოსთა ბრძოლა სამონასტრო გლეხების და ქონების შესანარჩუნებლად | 136 |
| 15 თავი მეთორმეტე - სოფლის მეურნეობა                                                                                   | 142 |
| 16 თავი მეცამეტე - საგადასახადო სისტემა                                                                                | 150 |
| 17 თავი მეთოთხმეტე - ზომა-წონის სანყაოები                                                                              | 165 |
| 18 თავი მეთხუთმეტე - გლეხთა კატეგორიები                                                                                | 170 |

|                         |                   |
|-------------------------|-------------------|
| გამომცემლობის რედაქტორი | ომარ მეგრელიშვილი |
| რედაქტორები             | გივი ელიავა       |
|                         | პეტრა ვაჭრიძე     |
| კორექტორი               | მანანა ბერიძე     |
| დამკაბადონებელი         | გიორგი გოჩიტია    |
| ოპერატორი               | მარინე ჩამულაძე   |

გადაეცა წარმოებას 24.X.03.  
ხელმოწერილია დასაბეჭდად 28.X. 03.  
ქალაქის ზომა 60X84 1/16  
პირობითი ნაბეჭდი თაბახი 12,125  
შეკვეთის № 428  
ტირაჟი 800

ფასი სახელშეკრულებო

გამომცემლობა „ალიონი“, მარჯანიშვილის № 2  
ნიგნი დაიბეჭდა ს.ს. „პოლიგრაფისტის“ სტამბაში, ქ. ბათუმი, ერას